



EV
23.9-pag L-130-Pags. 5-Woje

U.S. Library



R. 97659

k.00001533374

R. A. 109

PAVLI IO-

VII NOVOCOMEN-

SIS EPISCOPI NV CERI-

ni Descriptiones ; quotquot
extant, regionum atq;
locorum.

*Primi d.d. Inquisitione emendavit ex expurg.
Hieronimus Garcia Socius. 1632.*


QVIBVS (VT EIVS OMNIA HOC PDE
stremo volumine complecteremur) de Piscibus
Romanis libellum verè aureum
admiximus.

*Sixto D.D. Inquisitor ex purgavit
iuxta Indice an. 1640.*

Franciscus Francus

BASILEÆ

M. D. LXI.



UNED

V ▶ C ▶ SERVATIO

I R E N A E O , A L I A ' S F R I D I ,

*Monasterij BelleLay ad fauces Vocetij
Abbati, Præfuli amplijs.*

B A S . I O A N N E S H E R O L D . S .

Auctor damnatus.



T de hoc nostro seculo, querela sit maxima eaque iusta, facit quidem non solum morosula illa antiquitas, quæ de vnaquaq; sua ætate conquesta est, verum etiam, qui nunc est, quam vñquam aliás fuit, rerū omnium status certè deploratissimus. Atqui Magnus ille Deus, qui à condito orbe, mali pestem, semper aliqua gratia boni depulit, is siquidem etiam nunc, nostra tanta totq; incòmoda SERVATI antistes optime, ingenti quadam ineffabilique felicitate, literaturæ videlicet solidæ eleuat præsidijs: quæ vtique in diuinis humanisq; rebus, magna præteriorum seculorū inuidia, adeò cumulata, adeò efficacia humano generi accreuere, vt illud omne quod immortale ei quod mortale in nobis est attextū videatur. Verū enim uero, vt à lögè petitis aut plurib. alijs documentis abstineā, testimoniū huius meæ assertionis, iam tibi SERVATI

EPISTOLA

antistes, honoris caussa inscribo, dedico atq; offero tale, quale ex omni antiquitate pro e-
xemplu proferri nullū potest, quale in omni
posteritate vlla imitatione assequi nequit, Ma-
gni videlicet illius PAVLI IOVII scripta
quæ cùm omnium maximarum tūm minima-
rum rerum scientia atque arte sint instructissi-
ma, vniuersa atque innumerabilia illorum or-
namenta, ad memoriam rerum huius seculi
author hic, ingenti iudicio applicuit, admira-
tione & posteritatis fructu inæstimabili. Quis
enim rogo eam, quam per tot annos multorū
laudata æmulatio assequi non potuit, Liuij
nempè lacteam vbertatem, vel grauem illari
Taciti elegantiam, aut in ipso Suetonio fidei
libertatē, vnius huius Historici copia, splen-
dore atque ingenuitate superatum nūc non
admiraretur? Totius verò huius Orbis terra-
rum perturbationes, omnium gentium mo-
tus, omnisqué sexus omnisqué ordinis homi-
num æstus, atque præterito æuo omnino in-
consuetas, nostra memoria frequentes, inse-
quentibus seculis auditu horrédas rerum cō-
uersiones, quis quæso absque fructu leget?
quum author hic noster IOVIVS harum o-
mnium rationes, progressus, euentusqué de-
scribat, ac artificio pererudit, opera insuper
fidi, & splendida & perturbata nostra tem-
pora, insequentibus seculorum temporibus,
ceu signum quoddam gloriæ transmiserit: ad
quod bonorum mēs certa ratione collineare,
quod malorum amentia emendari debeat.

Quapro-

N V N C V P A T O R I A.

Quapropter huic vni IOVIO nostro, tantum supererit gloriæ, quantum credi potest, & veritati & orbi superfuturum temporis: & meritò quidem. licet adhuc viuens & gloriæ & laudis præmium consecutus sit, quam scriptorum nullus aliis multo perfectius. Sit sane prædicabile & gloriandum, quod Gaditanus quidam, T. Liuum in Italia commentantem, inuisere voluerit, illud verò glorioissimum atque magnificentissimum esse quis negabit, per xxxvij illos annos, quos hic noster, Historiæ sui temporis conscribendæ operam impedit, ei in Vaticana aula, totius orbis augustissimo loco, Leonis X. Hadriani VI. Clemensis VII. & Pauli III. PPPP. MMMM, gratia & domicilium & otium ad tatas res describendas paratum fuisse? Quantum verò illud, quod Caroli Max. V. Ferdinádi AVGG. Francisci Galiliarum, Solymani Turcarum Regg. familiaritatem, cæterorumque omnium, qui per iam diu cognitas tres, atque nouiter inuenta orbis quarta parte, aut mari aut terra imperium gesserunt, amicitiam promeruerit? ut ex ipso rum ore semper hauserit quicquid scriberet de rebus ab ipsis gestis, imò quod rerum per ipsos gerendarum, testem ipsum oculatum adhibuerint, quoties virtutis veræ exempla de sese posteris relinquere conarentur. Ingēs autem & hoc est, Tacitum Augustum, & senatus & exercitus Romani testimonio sanctissimum Imperatorem, libros Cornelij Taciti, ne incuria deperirent, omnibus bibliothecis in-

EPISTOLA

seruisse, descripsisse toties, qui tamen magno Germanæ gloriæ detimento laceri ad nos peruererunt, ingēs certè hoc est, quanquā affectui datū nonnihil à Tacito Augusto videatur, eo quod hūc scriptorē annaliū, parentem suum dicere: sed quale sit, huic longè minus est certè, quod Clemens VII. P.M. ~~scriptorē~~ ~~quod~~ ~~parcus~~, in summa ipsius necessitate & extrema Vrbis clade, paucula huius authoris scripta, ~~scripta~~, ab hoste Errera Cordubensi, qui illa prædando collegebat, redimere voluerit. ceterū & si à Vopisco illud emendatissimi cādoris & breuitatis præconium, Suetonio attributum sit, maius tamen esse nequit neque excellentius eo testimonio, à laudatissimo viro Andrea Alciato profecto: etenim illius iudicium in literatura nulli postponendum, multorum autem anteponendum esse, bonorum suffragio conuincam. Is, incomparabilis & inæstimabilis oblectationis opus esse, Historiam huius nostri authoris, edito scripto fassus est, neque reformidauit omnium scriptorum castissimo & eruditissimo Plutarcho IO VIVM hunc adæquare, quæ laus certè instar ingenui fructus laboris haberri debet, ac proculdubio ab ipso adhuc viuenti IO VIO, magna animal lætitia perceptus est, quum is minor esse nunquam possit ei, quem Ciues, & ni fallor gentiles huius IO VII, Secundus atque Cæcilius Plinij illi, assecuti sunt, eo tempore, quo ipsorum nō ceu hominum, sed quasi literarum

N V N C V P A T O R I A.

literarū propria, & literis & voce reddi audie-
 bant, atq; exultabant: hic autem nōster, ge-
 nerosa stirpe, atq; ex Comacina Insula princi-
 pe familia profectus, primō cum nasceretur;
 deinde dum Philosophiæ medicinæque præ-
 ceptis, Romanum illud totius orbis splendi-
 sum Gymnasium agendo, docēdo illustrat
 summisq; orbis Principibus medetur; postre-
 mō, quando his suis scriptis salutaribus, infe-
 quentia secula virtutū institutis excolit, salu-
 taris IOVIS nomen adeptus est, eandemque
 gentilem appellationem, operibus suis pro-
 priam fecit: adeò vt incertum reliquerit, v-
 trum ortus authoris scripta hæc sua, aut scri-
 ptorem magis illustrent clari nobilitatiq;e
 isti labores, qui vt omnibus numeris sunt ab-
 solutissimi, sic innumeri fermè sunt, si uitam
 occupatissimam casibusque incertis iacta-
 tam spectare, aut in illis expoliendis diligen-
 tiam, quæ multas ætates requirebat, ani-
 maduertere velimus. Sexdecim enim illa
 scripta, quæ extant huius authoris, quæque
S E R V A T I antistes doctissime, eo ordine
 quo ea ipse scripsit tibi inscribo, eiusmodi qui
 dem sunt, vt vnumquodque vel mole, vel eru-
 ditione, vel utilitate sua, voluminis iusti in-
 star esse possit, aut ætatem hominis longis-
 simam postulare. Quorū illud quod omnium
 primū edidit de **P I S C I B V S R O M A**
N I S index certus est, quantum præstare
 potuisset homo vndequaque doctissimus:

EPISTOLA

Si naturæ res cōmentarijs locupletare voluis-
set. Quanta verò naturę facultate, quāta artis
ostētatione, de omnibus rebus fusę, & copio-
sę, idq; selectissimis verbis, grauissimisq; sen-
tentijs dicere potuisset, satis declarauit dein-
de, quando ea, quæ cum barbaro illo Deme-
trio contulerat **D E M O S C H O V I A** tam
luculenter tamq; elegáter in scripta referret.
Quando autem Carolo Imp. inscriptum, at-
que materna lingua confectum libellum illū
DE REBVS TVRCICIS publicaret, quis a-
deo hebetis ingenij, vt nō sentiret, in rebus do-
mesticis instructissimū esse, quem exteras hi-
storias omnes callere agnosceret? **LEONIS**
X. HADRIANI VI. PP. MM. ET POMPEI
COLVMNÆ, purpurati senatoris Vitas, ocu-
latus quidem testis, absq; vlla suspicione vel
amoris vel odij elaborauit ita, vt fideim maxi-
mam suis scriptis tribueret. Valuisse autem
eū, vbicunq; ingenij neruos intēderet, **SFOR**
TIÆ vita ostendit, quæ ordine, breuitate &
candore à nullo emendatior scribi potuisset:
imò illum sine exemplo scripsisse contendere
ausim, quū ipse exemplar proposuerit topo-
graphiæ absolutæ, quam omnē in **DESCRI-**
PTIONE LARII LACVS expressit. Quan-
tum verò per amœna varietate, cum oblecta-
tione posteris prodesse studuerit, flosculis e-
xemplisq; lectissimis propositis edocuit, quū
VICECOMITVM XII. Mediolanensiū prin-
cipium vitas describeret. Altiori autem consi-
lio **FERDINANDIDAVALI** Piscarij vitam
aggressus

N V N C V P A T O R I A .

aggressus est, ob id non solum, vt in usitate atque admirabilis virtutis Duce m, ceu in uictissimi animi exemplar proponeret, verum etiā recondita quadam ratione, qua & quædā quæ præmisimus, quæque postea enumerabimus scripsit. Grati deinde animi atq; ingentis etiā specimen edidit, quod DOCTORVM VIRORVM memoriam, gentium omnium tanto applausu immortalibus elogijs non tatum cohonestarit, sed etiam signis & imaginibus ipsorum in bibliotheca sua, insanis sumptibus collocatis, à mortuis eos quasi resuscitarit. Quatam autem naturalem atq; insitam in huius animo notionem fuisse putadum est, cum de, à nostro orbe remotis illis regionibus ANGLIA, SCOTIA, HYBERNIA, ET ORCADIBVS, tam breui libello, tam multa, tam miranda atq; hactenus abstrusa, aliquorū quoque voluminibus magnis nec quicquam explicata, illustrarit: adeo, vt si quis alias Nestore illa ètate dignus iudicatus fuerit, hic vnum vel Phœnicis reuiuiscentiā mereretur, donec de IMPERIIS ET GENTIBVS COGNITI ORBIS opus, ad quod aspirabat, absoluere t. Gnarus quoq; quid virtus valeat, quod huic vni vera laus debeatur, sanctissimo & immortali quodá officio illá prosequēdo, oēs ad amore illius inflamare voluit, quū, quod fato negatū fuerat, nō Itali hominis, sed Hispāi viri MAGNI CONSALVI vitā atq; res gestas, postris inculcare instituisset: inchoatū nāq;, perditū recuperatūq; tādem scriptū illud perfecit,

EPISTOLA

eo quidē successu, vt dubiū sit, an Dux animi,
an scriptor ingenij illam, quā superioribus ab
stulerunt, prēripuerū posteris palmam, prior
accipere dēbeat. VIRORVM autem BEL-
LICA VIRTUTE ILLVSTRIVM elogia
ab ipso scripta, nōnne sunt *διωνισος ματαιοτητα* *ινοδ.* & illa
και εγμενης οδιοι illi, qui ad verum non simula-
tæ, sed illustris famæ decus semitam demon-
strant: qui famosorū præcipitantes & detesta-
biles vitæ exitus præcauere iubet: Veniamus
nunc ad sapientissimi hominis consilium, ple-
num dignitatis, ratione plenū quo ALFON-
SI ATESTINI vitā exarauit: nam in eo scri-
pto, præter id, quod vtriusque fortunæ vices,
quæ summo loco natis, atq; summis virtutib.
semper grauius incūbunt, faberrimè depin-
xit, rationē operis huius omnē, eò dirigebat,
quo antea eā in descriptione Leonis, Hadria-
ni, Pompeij, Piscarij & Consalui contulerat,
nempē, vt in HISTORIA SVITEMPORIS
desiderari amplius nihil posset. Cum enim an-
no à Nato CHRISTO qui numerabatur M.
D. X V. ætatis autem suæ circa trigesimum,
ea quæ post annum M. C D. X C. IV. per
totum orbem terrarū gesta essent, atq; se viuo
gererentur, animo cōplexus fuisse, illud Hi-
storiæ opus, omnium suorū primū exorsuſ
fuit, licet omniū postremū illud ediderit, eiq;
quinq; fermè annis septuagenario maior im-
mortuus est. Triginta itaq; illis ac septē annis
quibus historiā cōcinnauit, varia & ipse fortu-
na (vti fieri solet) iactatus IOVIVS, fatali illa
sub

N V N C V P A T O R I A .

sub Cleméte VII. Vrbis æternę clade, nō nulli libri in schedis tātum descripti illi deperiēre, haud sine suo dolore maximo. Quoniā autē enarrationē eorū quę à Leonis morte vſq; ad il lāvrbis direptionē insequuta sunt, libros illos cōtinere oportuit, & edocere, quā impia, quā deplorāda in Italia prēterijsent, nō defuēre q̄ obfirmatori suspicione, astutę cuiusdā prēuariatiōis infamia, authorē perstringere ausi sint præsertim quōd ingenuo pudore ipsemēt fanteatur dirę tēpestatis materiā, tāquam ab omni nabilis impijq; operis, sibi omittendā fuisse, ne, quę sine lachrymis recolere nō posset, vulnera refricaret, aut quę patriam ipsius Italianam olim virtutis domiciliū & gentiū reginam, de decorare apud posteros viderētur, aut quę si ne flagitio & rubore enarrari nequirēt, ne præscribere estimaretur. Quapropter curiosulos illos & cōtinuatę historiæ audiores ad lectio nem eorum, quę de magnis viris scripserat, vt superius enumerauimus, trāsmissit, eos enim quę antea nō scripsisset vel cōsulte premeret, illic reperturos, ipsemēt testatur. Atqui de IO VIO authore, deq; operū illius excellentia & vſu, satis superq;, honorificē enim satis nemo vnquā dicet. Nūc tandem ad te SERVATI Antistes opt. sermonē meū cōuertā opus habeo, atq; inscriptiōis huius meę, cui amplitudinis tuę nomē honoris cauſa p̄figendū duxi, rationē reddere nō grauabor. Nā cum tu inter oēs, quos tui ordinis viros agnoui, is sis, q̄ studio historiarū ardeat, atq; magno qđē peracu

E P I S T O L A

toq; tuo iudicio, lectioni huius authoris ita in
hias, vt ea exaturare te non possis. Ea delecta
tione diutius te carere nolui, præsertim cum
nunc eius opera simul omnia hic excuderentur:
maxime etiam, quod viderem authorita
tis tuæ patrocinio opus habituram hanc meā
nūcupationem, aduersus eos, qui fortasse eam
tamquā infantiorem eoq; fastidiosiorē, aut in
considerata temeritate, scriptis omnibus &
præclarissimis ornamentis, omni memorie
commendatis præfixam, calumniari vellent,
quos quidem, vt minus curem, facit quod, cor
datiores non genus sed scribendi caussas pon
deraturos existimem: illas nempe, que in alijs
vibræ, in te veræ virtutes sunt, atq; omnes in
tui amore alliciunt. harum contuitu, donec ea
quaæ proprio ingenio congesisti, te auspice ali
quando cum maturitate publicarem, quali
quali ac prima occasione, id quod boni om
nes faciunt, me te amare atque colere testifi
catione aliqua declarare volui, atque ostendere,
me plura tibi, ac multum semper debe
re velle, pro benignitate illa tua, qua me iam
dudum amplexus fuisti, etiam antequam ad
hunc euehereris gradum, quò te & merita tua
& sodalitatis tuæ res rapiebant, præter om
nem vel voluntatem, vel expectatiem tu
am, admirabili certè exemplo: cū enim mul
tis alijs ex accessione fortunæ, magna contin
gat humanitatis abscessio, tu quanto orna
tior factus, tanto facilior euafisti & comior.
Quo fit, vt patria illa tua, DILLIO MON
TANO

N V N C V P A T O R I A .

TANO LEG. III. Alpinæ Legato sub Vitelio, conditori vix tantum debeat , quantum tibi SERVATIO IRENÆO cui suo. Nam & si à viro fortissimo , contra Heluetios & Auenticenses , tanquam commodissimum præsidium occupatum & communitum fuit, originem & nomen ab ipso ante M . CD . XCI . annum acceperit, eoqué antiquitatis splendore honoratissimum habeatur municipium , tamen virtutum tuarum sempiterna memoria , apud posteros illustratior futura est. Ædes autē sacræ, quibus tu præs, quasq; iam ante annos quingentos inuenta sue, Laurolauiniensi illi multo auspiciatore , Venator ille, VVOLF HARDVS RAVRICÆ Regulus præstantissimus ORTLIEBO Pontifice BASILIE NSI assidente, dicauit ditauitque, nonne profitentur & conditorem alterum & instauratorem te earum esse? quū fatali deflagratione nuper in cineres conuersas, insano sumptu, augustis edificati nibus in nouam quandam, eamque cōmodissimam & ornatissimam formam extruxisti. At quid ego de his? Sietim ego consilium tuum in publicis rebus : industriam in priuatis : si pietatem erga tuos : in exteris, incolas, aduenias humanitatem tuam : si erga superiores atque pares studium tuū enumerare velim, certè dies me deficiet, quū tu ijs qui nunc viuū omnibus , talem te exhibeas , quem venerari, reuereri & colere velint, & vitæ tuæ instituto, ijs qui nos insequentur boni viri exemplum

EPISTOLA

te præbeas: quod quidem genus vitæ, cum
omnes probent, id certè non laudare suumè
atque admirari nequeo, Deum immortalem
implorans, vt saluum te & magnum & flo-
rentem hæc nostra ætas diu videat, tuque su-
ceptum erga me amorem mihi conserues,
quo neque iucundius, neque carius mihi nil
omnino accidere potest: dabo enim o-
peram, vt eius te nunquam pœ-
niteat. Vale.

AONII PALEARII VE-

RVLANI DE PAVLO

Iouio Elogium.

*Autoris
damnati.*

P A V L V S Iouius Historiæ pa-
ter, rerum gestarum nō modò
explicator, sed illustrator, se-
uerus, grauis, & copiosus, ita gna-
rus ac prudens, ut non unā aliquā
urbem ac regionem describat, sed
uniuersum prope' orbem terrarū:
non unius populi ingenium ape-
riat, sed naturam omnium ferè gē-
tium & nationum exprimat, ut ne-
mo nō magno desiderio afficiatur
quī res suæ ab ipso scribantur.

PAVLI IOVII EPI-
TAPHIUM TVMVLO IPSIVS
insculptum , quod Romæ extra
portam Exquelinam in tem-
plo D . Laurentij
extat.

HEV IACET HIC IOVIVS RO-
MANAE GLORIA LINGVAE,
PAR CVI NON CRISPVS , NON
PATAVINVS ERAT.

DESCRIPTIO BRI- TANNIAE, SCOTIAE, Hyberniæ, & Orchadum,

PAVLI IOVII EPISCOPI
Nucerini:

EVM OPERIS PRO OEMIO, AD
Alexandrum Farnesium Card.
ampliſ.



N magnis, varijsq; labori-
bus studiorum meorum,
ALEXANDER FARNE-
SI, Senator amplissime,
quum ad quandam ætatis,
atque iudicij maturitatem
peruenisse, is mihi vigi-
liarum omnium longè vberrius fructus, ac
nobilissimus proponebatur, qui editis inge-
nij monumentis, ad certain laudem proueni-
ret, quoniam hæc, & honesta viuenti, & præ-
clara demum uita defuncto, uti extincta planè
inuidia, videretur. Itaque vehementer conten-
denti, eam mihi minimè defuturam arbitra-
bar, si scriptis nostris commendatione homi-
num tāta authoritas accederet, vt ea posteros
illustribus exemplis copiosē, & grauiter eru-
dire, ac oblectare cum dignitate posse cense-
rentur. Quod me, Dijs ingenuo labore beni-

gnè fauentibus, magna ex parte rebar consecutum, quum rerum toto orbe gestarū Historiam diffusè cōdiderim, orsus ab aduentu Caroli octaui Galliæ Regis in Italiam, perpetua serie in hunc annum, quo infirma, vel certè malefida pace nutamus, & ab inueterata Principum dissensione, funestiora nobis omināmur; nisi P A V L V S III. Pont. max. auus tuus, suo pio, ingentiq; consilio, & diuina uirtute fessis rebus opportunè succurrat. Sed quamquam ea, quæ scripsimus, in omnes humanæ uitæ casus, militarisq; negocij disciplinam preceptis abundare, & plurimum prodeſſe existimentur, fieri tamen nequit, ut magnoperè delectent, quando ea funesti seculi fortuna fuerit, ut uel his, qui non uiderunt, nequaquam si ne maximo dolore, & lachrymis legi possint. Quis enim nisi prædurus, & planè barbarus, Italiam diuturno ardenteſ bello, orbatā antiqua dignitate, expoliatā libertate, atq; opibus, ipsamq; deum Vrbem Romā nefarijs armis, circumuento, captoq; sacroruī Principe, funditus euersam nō lugeat? Quibus malis, quū nullum adhuc finē desperata pace uideamus, nobis fortiter, & sapiēter inducenda erit acerbissimaruī rerum obliuio, eaq; præsumenda tanquā salutaris medicina leniendo dolori. Itaq; sepositis historijs, atq; animo ad hilariitatē cōposito, à uia ueterum studiorum non inepte deflectemus, uertemurque molliore stylo ad iucundissimum scribēdi genus, ut non studi oſis modò, ſed delicatis, atq; ocio languentibus per amœni

per amoeni, pulcherrimique operis nouitate,
uoluptatem afferamus. Id uero excogitatum
iam pridem, & diu mihi pensatum, uel effla-
gitantibus amicis, post impetratam graui-
ribus officijs quietem in hoc ætatis flexu, u-
ti planè emeritus, tranquillitati, atq; ocio re-
seruabam. Sed tu quiescenti, torpentiq; inge-
nio meo quasdam faces admouisti, cupiditate
certè mea, & uirtute tua dignissimas, quū me
honesto sacerdotio, quod in patria optaram,
potius quam speraram; exornandum iudicas-
ses. Igitur totius cogniti orbis imperia, & re-
giones, Regum opes, ingenia, res gestæ, gen-
tium itē mores, uiri, bellica uirtute, aut literis
clari, terrarumq; demū dotes, atq; miracula il-
lustri enarrata ordine nomini tuo dicabuntur;
nouis etiam nominibus pro uirili, quod, uel e-
ruditissimis operosum, atq; difficile uideatur,
uetustati restitutis. Neq; in uniuersum perob-
scuri, atq; impediti operis munus temeritate
potius, ac audacia, quam certa spe uirium, & ra-
tione suscepisse existimari uelim, quum multa
rum artiū præsidijs abunde instructi, uersatiq;
in luce, & iucunda familiaritate maximorum
Pontificum, summorumq; Regum, ac deinum
freti memoria rerum propè omnium nostræ
tempestatis, nobis ipsis, uel per tenebras eun-
tibus, satis amplum, & clarum lumen præfera-
mus. Quod profectò maiestati Romanę Vrbis
acceptum retulerim, graues scilicet legatio-
nes, eruditaq; uirorum ingenia, uel ab extre-
mis terrarum finibus læta semper, & rediuiua

fertilitate suppeditanti, vnde hæc ignota multis, & variantium mendacijs obscurata liquidissimè noscerentur. Europam itaque, antiquorū sequentes ordinem, primò describemus, incohātes à Britannia, quanquam iure optimo ab Italia quondam gentium omnium victrice, ipsaq; ab æterno, fatalique imperio augusta Urbe initium capere deberemus, vt votis scilicet in sede sacrorum, & veræ pietatis domicilio religiosè nuncupatis, concepto operi boni euenterus numen adfulgeret, sicuti bene auspicatū, & felix virtuti tuæ, ac optimi Pontificis gloriæ optaremus.



NITIVM itaq; operis mihi erit BRITANNIA, Ptolemæi scilicet authoritatem, atq; ordinem sequenti, quum ea tum ad occidētem solē prima terrarū occurreret, non dū(hercle)patefa cto classibus nostris ulteriore Oceano, qui demū ab admirabili nauigatione, noui orbis cognitas antea gentes, ac opulenta regna nobis aperuit. Eius autem Insulae situm, ac mensuram, cæli, soliq; naturam, & undiq; circunfusi, pulsantisq; Oceani promontoria, & sinus repetisse, ambitiosi laboris esse putauerim, quando ea diligenter à C. Cæsare, Stra bone, Plinio, Tacito, Ptolemaeoq; grauißimis authoribus describātur. Hinc quoq; fit, ut minus curiosè præalta uetus state extintas, inuolutasq; fabulis, præc aræ bello gentis origines attingam, quarum rerum fident penes

penes Polydorū Vergiliū relinquemus. Is enim in Britannia diu uersatus, Regum omniū historias operoso uolumine publicauit. Nostri autem muneris erit, attigisse clarissimos Reges, & præsentis seculi facie legentium oculis subiecisse, uniuersa scilicet Insula in ampliores, nobilioresq; prouincias diuisa, repræsentataq; obiter fama Regis, qui, cum antea ab illustri pietate, uirtuteq; animi in summū uerae gloria fastigium esset prouectus, ab inusitata demū mentis perturbatione cōmotus, inde deciderit. Britannos igitur, aut indigenas fuisse, aut si aliunde migrantes classibus aduecti sint, antiquissimam gentem omnino crediderim, ut potestate, qui Insulae nomen indiderint, que antea Albion uocaretur, quod à Belgico litore spectantibus, albentis arenæ margines procul ostendit. Paruere ab initio Britanni diuersis simul Regibus, & diu de libertate fortiter dimicantes, sustinuere Romana arma, quibus uicti, potius quam domiti ita cesserunt, ut eos tanquam gentium uictores honesto quodam amicitiae nomine cole re uiderentur. Lucio autem Coilli filio Rege centum fermè annis à partu Virginis, Britanni Christiana sacra suscepere, sed religio rite concepta animis, metu Cæsarum, Diocletianiq; in primis, aliquandiu nutauit, quum saeuis cruciatibus, atq; supplicijs plecterentur, qui antiqua numina colere desijssent. Ita sub Eleutherio Pontifice religio coepit, pietate demum, ac authoritate Diui Gregorij firmata, stabilitaq; est. Floruit autem Britannia magni Constantini Cæsaris indulgentia, & studio, quod is Britanna matre in Bri-

tannia natus, atq; ibi præclaro auspicio salutatus Imperator, natale solum beneficijs, & dignitate cumulā dum, atq; attollendum suscepisset. Sed nō multò post, afflictis, distractisq; Romani Imperij opibus, quum Persæ in Syriam penetrarent, Thraciam euastarent Goths, Europam uero omnem Hunnus Atila ingenti terore concuteret, inuasere armis extremam Britanniae partem Picti primum è Noruegia, deinde Scotti ab Hybernia transgressi, quorum ferociam, atque impetum Britannus diu non tulit, pulsusq;, illum terrarum tractum, qui in Borealem finitur Oceanum ad Caledoniam syluam, hostibus reliquit. Ea Tuedo amne, & monte Cheuiota, qui oblongo transuersus dorso in australem Oceanum excurrit, diuersisq; itē duobus æstuarijs ab reliqua Britannia dirimitur. His naturæ limitibus Romani Imperatores perpetuas missiones adiecerunt, quæ opera demum, ac ui hostium diruptæ, & consumptæ a eo, extantibus adhuc reliquijs, ab indigenis ostenduntur. Contulisse autem in id opus multarū legionum labores Hadrianus fertur, sed imposuere demum aggeri muros, atq; item certis interuallis opportunas turres Seuerus Cæsar, & aliquantò post Aetius, Hunnica uictoria insignis. Itaq;, quod claustris exclusum fuit, desertū ab indigenis exteriori uictori cessit. Hinc demum uarijs bellorū successibus effectum est, ut prouincia ab aduentu nouæ gentis, nomen acciperet, adoptataq; in regnum Scotia uocaretur. Hyberni Scotos ab se ortos prædicant. Picti autem eorū socij, pictura corporū, ac horrida feritate
terribiles,

terribiles, è Noruegia transfretasse produntur. Hos
Cæsari fuisse cognitos uidemus, qui Glasti herbe suc-
co in aciem eentes, ora, artusq; depingeret: sed nihil
de eorum progenie nobis adhuc compertum, liquidò
tamen apparet eos olim fuisse Pictos, qui hodie Sylue-
stres appellètur, ex his fortasse Scythiae populis, quos
Agathyrfos antiquitas appellariit. Id genus hominum
bello ferox, uictu, cultuq; asperum, diuersum lingua,
non usq; adeò barbarū uidetur, ut summas uirtutes,
pietatem, iustitiā, probitatem non agnoscat, quando-
quidem Syluestres nihil omnino uel Scottis socijs, uel
Anglis hostibus concedant, si mores, actionesq; omnes
ad æquitatem, atq; animi magnitudinem reuocetur: fa-
cile enim hos, & illos contumeliæ nomine fallaces,
improbos, & raptiores uocant, quum ipsi Hybernia
simplicitate, & quadam Romana grauitate mirabiles,
spectatae frugis, & ob id innoxiam ducant uitam, &
peregrini luxus illecebras aspernentur, quippe illis
amicus toga, plurimumq; alba, Romane in humerū
reiectæ persimilis: cætera in eundem habitum, erectæ
ceruices, elata pectora, constantes uultus, comæ etiam
circuntonse, nec enormes barbæ, crura nuda, &
pedes ad suram crassis peronibus calciati. Christum por-
rò uerum Deum colunt, sed sine sacrorum mysterijs,
quod literarum expertes, satis se pios putent, si ad su-
peros puram, atque integram mentem attulerint. Pro-
ximi sunt lingua, sicuti & terrarum situ Hyberniæ
populis, Holtanijsq; præsertim, quibus uti consan-
guineis, per commercia nesciuntur. Nam Cathanesig-

sylvestriū regio (ita Scotti appellant) toto occidentali Oceani litorē, supra Monam Insulam, in Holtanos obuertitur. Parent Scotorum Regibus, qui nihil omnino tanquam antiquissimis socijs, amicisq; tributi nomine imperant, præter auxilia, & ea quidem parcè, nisi externum, & graue bellum ingruerit. Cæterū Scotti exactis (ut diximus) Britannis, occupatæ armis eius regionis possessione confirmati, quum dulce prædari, arare ingloriū, & damnata pace, armis rem quærere, maximè decorum putarent, latrocinijs, & subitis incursionibus Britanniā uexare cœperūt, sed repugnante fortiter, & tutante fines suos Britanno, eò contentio minutis prælijs, & dispersis protracta uiribus in iustum, & ualde atrox bellum erupit. Nam Scotti ualidiore coacta manu, disrupto (quem diximus) Seueri muro, patefactisq; Romanis aggeribus, populariter in hostium fines irruperunt, obuia quæq; igne, ferroq; uastantes. Itaq; Britanni superioribus iniurijs, & præsenti calamitate permoti, coiuere in unum, & cum hoste protinus signa cōtulere, sed ingenti utring; cæde edita, Scotus prælio uictor discessit. Apud Britanos enim continuis Romanorum Cæsarum delectibus, cùm copia, & robur, tum ipsa etiam uerorū militum soboles penè extincta defecerat, quum ipsorum iuuentus opinione uirtutis in supplementa legionum, ad extremas usq; Orientis regiones, & Parthica bellicide uiceret. Multis siquidem ante annis consuetudine, atq; admiratione Romanorum militum, qui perpetuis hybernis inueterassent, certoq; præsidio subactæ gentis

gentis pacem tuerentur, non disciplinam modò rei
militaris studiosè percipere, sed moribus exquisitisq;
artibus ac literis ingenia excolere, & facundiam im-
tari didicerant. His moribus instructi, paratique in
occasione, elatis ceruicibus diuturnæ seruitutis iu-
gum excusseré, intestinis scilicet bellis & diris bar-
barorum incursionibus lacerata Romani Imperij ma-
iestate. Verum eam recuperatae libertatis lætiti-
am (ut supra diximus) Scoticum bellum protinus ex-
cepit, nec illis cladibus certo atq; expedito consilio re-
media præbebantur: quum uniuersæ uires, & publi-
cæ salutis cōsensus diuersis ciuitatum ac Principū sen-
tentijs frangerentur: optimus enim quisq; Regulorū,
ut maius atq; præclarior studium in concilijs ostenta-
ret, ab æqualibus uirtutis emulatione dissidebat. Itaq;
salubri decreto quod necessitas expresserat, admini-
strandi belli summam ac Imperium detulerunt Vorti-
gerio, qui bellicæ rei peritia cæteros anteibat: & ne
quid supremæ potestati ad arbitrium deesset, Regij no-
minis coronam addiderunt, qua perpetuò insignis fo-
ret. Fuit is Vortigerius Britannorum Rex primus,
ed admodū infelix & à Fatali eius consilio patriæ ma-
xime funestus: nam ubi virium suarum periculum a-
liquoties cum Scottis improspèrè fecisset, & sèpius in-
signi cura, nouisque delectibus bellum reparasset,
conductitio externoque milite reprimendos hostes
statuit, ne regnum tantis tamque assiduis affectum
malis omni iuuentute penitus orbaretur. Nec multò
post magnis muneribus, magnisq; stipendijs è Saxo-

nico litore, Anglos pugnacissimam inter Germanos gentem accersiuit. His Dux erat Hengistus, cuius ductu Scotti prælio uicti cæsiq; & intra fines longè latèq; compulsi, Britannos laceссere desierunt. Porrò Vortigerus, uti gratum liberalemq; decebat, patriæ liberatoribus agros diuisit, Cantiumq; in primis, & Orientalis plagæ regionem, ad habitandum dono dedit, ut paratam haberet manum qua Scotti, si rursus fines irrumperent, ad internitionem delerentur. Vortigerus quoq; ut supra foedus initæ societatis ualidiore uinculo nouæ gentis amicitia firmaretur, cum Ronice Hengisti filia nuptias fecit, nec læto quidem auspicio, quum externæ iuuenculæ ob excellentem formam infausto amore captus, ut importunæ libidini uacuum thorum pararet, priorem uxorem, ex qua iam filium in spem Regni suscepérat, iniquissimè repudiasset. Ab hac nuptiali face incendium illud cœpisse constat, à quo demum urgentibus Fatis, Britannia omnis Imperij ac nominis amissa dignitate conflagravit. Hengistus enim qui ab illuie paludum suarum, damnataq; illa squalentis patrij soli sterilitate in frugiferas & peramoenas regiones peruenerat, ingenio immani perfidiosoq; ut regnum occuparet, in generum arma conuertit. Ad eam uero conflati belli famam Angli qui in Germania reliqui erant, ab Hengisto protinus euocati ad ditem prædam, & ex facili uictoria ad beatas sedes in insulam transfretarunt, tantaque fuit eorum multitudo & uirtus, ut per multos annos Britanni cum Anglis de possessione patriæ dimicarint,

alternante

alterante s^epe Fortuna belli euentum, quum Hengistus nihil priore dedecore permotus sibi etiam Scotos in societatem belli accumulata perfidia coniunxit. In his funesti belli ærumnis, Vortigerus animi dolore confectus interiit. Dedit et iustas scele-
ris poenas Hengistus in acie à generi filio trucida-
tus. Excepere protinus utrinque bellum et Imperium
noui Reges, quos iura sanguinis, suffragia procerum,
et bellica uirtus extulerant, tantaque rabie per ali-
quot annos est dimicatum, quum Galli etiam Britanis
in usitato barbarorum scelere circumuentis humani-
ter auxilia transmisissent, ut Angli amissa ingenti-
suorum multitudine, tribusque Regibus hostium fer-
ro trucidatis, dignas feritate atq; perfidia sua poenas
daturi uiderentur: Nisi Fata quæ iam tum Anglicæ
uirtuti Imperium despondebant, Arthurum Britan-
niæ Regem ætatis ac animi uigore et rerum gesta-
rum gloria florentem in ipso uictoriæ cursu rapuis-
sent. Hic est ille Arthurus ab ingentis animi ma-
gnitudine per omnes gentes Poetarum præconio ce-
lebratus, qui rotundæ mensæ Proceres ab Heroica
uirtute lectissimos in amicitiam augustissimis deuo-
tos legibus consecrauit. Custoditur religiosè adhue
ea mensa admirandæ uirtutis testimonio memorabi-
lis, ostentaturque claris hospitibus, uti nuper Caro-
lo Cæsari apud Vintoniam urbem, sed exesis multæ
carie circa margines Procerum nominibus, quæ dum
ab imperitis inflicta maiestati uictustatis iniuria in-
fuslo iudicio reponeretur, penè effectum est, ut uelutè

suspecta fide, magnam partem dignitatis amiserit. Sed Arthuro sua laus & consecrata literis æternitas manet, uel ipso etiam ualde rudi ad operosum sepulchrū elogio, quod diuinante Poeta inscriptum & Laonica breuitate periucundum apposuimus, ut non Glasco niæ tantum ubi ille tumulatus, sed ubiq; terrarum dñni Regis merito legeretur, HIC IACET ARTHVRVS REX QVONDAM, REXQ; FVTVRVS. Cæterum Arthuro Britannie Fato potius quam suo importunè surrepto, alij atque alij Reges successere, ei prorsus ingenio Fortunaq; dißimiles, ita ut Cadouoladrus, omnium supremus, cum aduersis prælijs fractus, destitutusq; Gallorum auxilijs animum despöndisset, Anglis uictoribus Regni nomen atq; insulam reliquerit. Tum uero Britannis mōtes asperi, paludesq; coenosæ perfugium fuere. Ea regio in occidentem solem directo latere protenta; pertinet ad Sylures authore Tacito, pugnacissimam olim gentem, Ordouices & Cornaulios, qui demum ab Anglis uictoribus nouum nomen tulerunt: Vualles enim omnes appellati, quod externos & alia lingua loquentes Germanicè significat. Ita indigenæ Britanni patrio solo pulsi, in aspera & naturæ claustris maximè tuta regione confederunt, Anglis nequicquam per concisa itinera persecutis, & demum mitescente eorum ferocia permittentibus, ut esset uictis sedes quæ ipsorum uirtutis & felicitatis famam testaretur. Eiecli per hunc modum compulsiq; in montuosam & steplæ insulæ partem Britanni, quod sua in primis multitudine

titudine atq; agri minimè uacantis angustia preme-
bantur, magna expeditorum ac audacium coacta ma-
nu, in proximum Galliæ litus Armoricum traiece-
runt, Diabolitis & Sismijs, calamitosæ & desperatæ
genti clementia quadam & necessitate sedes in ora
præbentibus, ad Vidanam præsertim portum, quæ
Brestius hodie dicitur. Ab his colonis Gallicæ Britan-
niæ principatum liquidò conditum uidemus, qui æta-
te nostra dotali iure in prouinciam redactus, Galliæ
Regibus accessit. Huius extremæ continentis populi
Britonnates appellati, distincta penitus à ceteris Gal-
lis lingua utuntur, utpote quæ olim omnibus insulæ
gentibus communis extiterit, uel hac insigni coniectu
ra quod Vuallij (ut supra diximus) ueteres Britanni à
Britonnantibus intelligatur, nec utroq; uel Angli uel
Scoti omnino percipient, ut hinc quoq; eorum opi-
nio facile refelli posset, qui uetus tam Gallorum lingua
apud Britonnantes conseruatam existimant: quum
Romani frequenti commercio, perpetuisq; legionum
Hybernis, toti Galliæ Romanum sermonem intulif-
sent. Per hunc modum ad Anglos origine, lingua, ha-
bitu, moribusq; Germanos, penes quos uictoria stete-
rat, insule Imperium peruenit. Regium autem nomen
apud Hengisti progeniem mansit, præclara nobilitate
ac inuiolata successione præcellentem. Verùm Angli
Duces finitimas Cantio regiones per minora Imperia
sibi diuisere. Nec multò post opulentia apud singulos
adaucta, & crescente cupiditate inter eos bellum ex-
arsit, sed cum ciuilium armorum tumultum citò op-

presbit Rex Athelbertus, ualidis uiribus inquietos & turbidos probè ultus. Hic egregiè fortis, & maximè pius diu regnauit, omni Britannia ad Christianos ritus insigni professione atq; excitatione reuocata. Ab hoc Athelberto ad Henricum Octauum hodie regnantem, quatuor & triginta Reges intercisa sæpe stemmatis linea numerantur. Nam Daci ab Aquilone Duce Sue-
none qui postea Imperium filijs tradidit, & demum Normanni, è citeriore Britannia diuersis temporibus in Angliam transfretantes, penè sublatis deletisq; An-
glis, nouos Reges intulerunt. Ex his suère pleriq; cru-
delitate ac auaritia infames, aliqui socordia obscuri;
nonnulli etiam fortibus factis ualde insigne. Nam Gui-
lielmus Normannus haud dubiè Britannici sanguinis
stirpem ad antiquum Regij nominis decus in insulam reportauit. Sed eorum qui postea regnauerunt, sin-
gularem uirtutis eximiae, & ueræ pietatis palmam tu-
lisce uidetur Ricardus Primus qui in Syriam profe-
ctus cum Saladino Memphitico Rege bellum gesit
reuocatusque inde importuna Philippi Galliæ Regis
iniuria, dum uili desumpto cultu per deuios saltus in
Britanniam rediret Viennæ Noricæ à Leopoldo Au-
strio Regulo captus traditusque in catenas Henri-
ci Cæsar is se multis pariter ærumnis atque uictorijs
nobilitauit. Floruere quoque felicia arma Edouardi
Tertij Regis qui de Ioanne Gallorum Rege capto,
speciosissime triumphauit. Ab hoc Edouardo Ga-
retterij Equestris ordinis ceremoniam institutam fe-
runt. Ii sunt bellica uirtute, uetus statuque natalium le-
ctissimi

Aissimi duces, qui solemnni sacramento adacti, mutuæ
 perpetuæq; amicitiæ se deuouent, nec ad tuendum
 collegij decus nobili conſpiratione, quoduis pericu-
 lum adire, & ſubire mortem recuſant. Garettetij au-
 tem ſodales ob id appellantur, quod ſinistri cruris ſu-
 ram fibulato baltheolo uinctam geſtent, in memo-
 riam caligariæ faciole, quæ illuſtri ſœminæ ab Edo-
 uardo flagrater adamatæ, dum illa choream saltaret,
 ſoluto forte modo deciderat, eamque Rex ipſe repen-
 te ſuſtulerat, ut in honorem mulieris, non amatoria
 uanitate ſed graui & maximè honesta ratione inſi-
 gnium Procerum tibijs dicaretur. Eius autem collegij
 ceremonia, Vindiforij quotannis ſtato die, diuo Ge-
 orgio equitum tutelari dedicato, præſidente Rege ce-
 lebratur, moſq; eſt ut ſodales galeam & ſcutum cum
 gentiliſtijs inſignibus conſpicuo templi loco ſuſpen-
 dant. In hunc ordinem, Herculem ſuperiorem Ferrá-
 riæ Principem, honoris cauſa cooptatum ab Henri-
 co Septimo fuſſe audiuimus. Hic eſt ille Edouardus
 qui Caletum urbem in continentí Galliæ, plures
 menses obſeffum atque expugnatum, Philippo Gal-
 liæ Regi abhinc ducentis fermè annis ademit. Imper-
 rium autem ætate noſtra Henricus Septimus uarieta-
 te caſuum, alterniſq; fortunæ luſibus maximè illuſtris,
 Hērico filio reliquit: optimæ pace nouisq; legibus, ac
 extenorū Regum amicitia conſirmatum. Is enim ab
 exilio adiutus Gallorum opibus iſulam transgres-
 ſus, Ricardo Rege patentibus in campis uicto atque
 interfecto, ad Imperium euaderat: Quum Ricardus

Edouardi Regis eiusdemq; fratri sui filios impuberēs testamento sibi in tutelam datos ut Regno potiretur, nefariē crudelis occidisset, pariq; immanitate sustulisset etiam uxorem, ut Elisabetham Edouardi fratri filiam in matrimonium duceret ad leniendam scilicet patrati sceleris inuidiam, Regnumq; eo affinitatis uinculo corfimandū, quod ea unica Regiae stirpis heres, legitimo iure, dotale Regnum trahere uideretur, sed puella incestas nuptias abnuente, extrahenteq; eas in solennem diem Ricardus Dijs scelerum ultiōibus, acie confosus interiit, Henricusq; uictor corona illa aurea quam Ricardi iacentis Galeæ miles detraherat, coronatus Londonum intrauit. Nec ei quicquam anti quius fuit, quam ut nuptias cum Elisabetha, Dijs atq; hominibus longè gratissimas, celebraret. Eo enim coniugio factionum funesta nomina tollebantur. Duæ siquidem Regij sanguinis familie Eboracensis atque Lancastriæ à rubræ albæq; Rosæ gentilitijs insignibus appellatae, proceres in contraria studia discindebat, opportuneq; tum Eboracensis cum Lancastria è qua erat Henricus, iungi uidebatur, quum utriusq; familie iura in unum eo coniugio miscerentur. Oppressit deum Henricus ciuilia bella, pseudoq; Edouardum de ceptis falsa effigie populis cum Hybernorum & Germanorum copijs in Vualliam transgressum, prælio uictum cepit. Nec multò post alter Edouardus, Edouardi Regis ex Georgio fratre Clarentiæ Duce nepos, quem Londini à Ricardo carcere traditum, & a se demum Rege pariter custoditum, aliquandiu seruarat,

uarat, ne rerum nouarum cupidis sui desiderium faceret, uel adhuc imberbis securi percussus est, humanitatem scilicet omnem uincente periculo, quod non aliter regius animus metu exolui, aut fauentis populi spes frangi posse uiderentur. Henrico itaq; Octauo, maternæ simul paternæq; prosapiæ cumulato iure populus summa alacritate regnum detulit. Collocarat ei in matrimonium Henricus pater, Catharinam Ferdinandi Hispaniae Regis filiam, quæ nuper Arthurō maiori fratri morbo extincto nupta fuerat. Existimabat enim uir eximiæ prudens, puellam lectissimis moribus tanti Regis filiam, tanquam foederis ac amicitiæ pignus omnino domi retinendam, quod Arthurus tabifico tentatus morbo per nuptiales dies, uxorem minime confecisse crederetur, idq; Iulius Pontifex unis concessum regibus ad prolis dignitatem ex sacris legibus indulserat, unde postea tanquam à pestilentि origine, uti mox dicemus, et spretæ religionis, et nefariæ crudelitatis incommoda, per repudium, et ferales demum nuptias emanarunt. Cæterum Britannia omnis in duas diuiditur partes, Tuedo amne, secundum aliquos olim Vedra, ut diximus, Scotiam ab Anglia dirimente. Hæc autem uarias continet præfecturas et ditiones, quarum amplissimæ existimantur, Cantium, quod proximam Galliæ continentem cōtra prospicit, Cornubia, quæ in Armoricum littus obuertitur, Vuallia item intercedente Oceani Freto Hyberniæ maximè propinqua, atq; ipsa demum Northlandia, quæ a Septentrionibus Scotiæ fines attingit, et ab Aquilonis

uento appellatione Germanica nominatur, Cantium retento ueteri nomine armentis frumentarijsq; agris & uirorum ingenij floret, in eo Cantuaria metropolis, primario Archiepiscopatu & diui Thomae martyris sepulchro memorabilis, XII. miliaribus mari distans, ubi Dobra oppidum antiquitus Daruernum, ex celsa arce ex portu celebre, quum in hunc breuissimus à Caletio Galliae sit traiectus: sed non desunt qui Cantuariam ex antiquis literarum monumentis, Dorouer num fuisse existiment. Finitur Cantium Thameſi amne & ab eius ostio cingente mari usq; ad Rhiæ portum, Ptolemæo nouum appellatum, quem in eodem tractu littoris Antona sequitur, magnus portus, antiquis uocatus. Hunc efficit Insula Vectis Cornelio Tacito celebrata, populo frequens & cuniculis maximè abundans. Vectiani immunes & liberi hoc uno, uti cæteris beatiores, facetissimè gloriantur, quod cucullatis sacerdotibus, caſidicis, lupis & uulpibus, omnino careant. Respicit autem Cantianos fines ab occasu, Cornubia, ab alijs Cornuuallia dicta, ingenti & sensim extenuato terrarum tractu, sed interiacentibus aliquot prouincijs, ueluti quodam minaci cornu in Armoricum littus exorrecta. In extremo eius promonto-rio quod Ocrium olim fuit, diui Michdelis templum cum oppido conspicitur. Id ab occidua linea XII. gradibus distat, quum Antarcticus ei polus uno & quinquagesimo prorsus attollatur. Sunt qui Cornuualliam quod extento cornu, ut diximus, in Galliam uergat, Cornugalliam uocent, ego uero à Cornuijs anti-

antiquissimis populis appellatam putauerim. Clarissima autem urbiū non longè à mari, Exestria existimatur, ab amne Exestro qui præterfluit nuncupata. Inde magna uis ferri, plumbiq; & stanni, mercatorum nauigationibus exportatur: uasa etenim Cornuallico ducta scanno, in mensarum usus, argenteis fulgore atque duritate comparantur. At Vuallia Britanicī sanguinis uetustate, unde Henricus Septimus Pembruco in oppido natus, antiquissimum ab Arthurō sanguinem in Regiam sedem reportauit, in tres regiones diuiditur, Dumberam, Berfronem, & Malfabrenem: in Dambera Caermardinum priscæ nobilitatis oppidum excellit, Vualliorum olim Principum Regia. Id Vuallis omnibus iura reddit, asseruatis ibi antiquissimis legibus, quibus unis etiam nunc, uti liberi concessu Regum utuntur. Vix centum stadijs distat à Milfortensi tutissimo portu, unde in Vaterfordiam Hyberniæ breuiissimus traiectus. Caermardinum autem attestante regionis situ, alludenteque etiam nomine Maridunum Ptolemæo fuisse crediderim. Non longè ab eo auri & argenti secturæ in agro Comostylfo reperiuntur. Sed Vuallij Regijs fodinarum magistris & operis insidiantur, quod eas diuitias Anglis inuideant, qua ipsi seueris animis contemnent atque repudient. Annuum tributum Regibus pendunt, quod quadraginta millium aureorum summam nunquam excedit. In Vuallia quinque episcopales urbes numerantur, si Herfordia ad Logum annem, Vuallie tribuatur. Eminet autem Sancti

Dauidis ciuitas in extremo Vualliae promontorio, unde in aduersum Orientalis Oceani caput, quod Occulum olim, Yermouthum hodie uocant, summa totius Insulae latitudo, ducetis et quinquaginta millibus passuum mensuratur. Ad Septentrionem autem Bangaria duobus inclusa fluminibus secundam obtinet dignitatem, aspicitq; è propinquo Angliseam Insulam, per tot uehementes Oceani aestus, deuoratis Vualliae marginibus in altum abreptam, quum paucis ante seculis continenti, longo ut apparet pote, iungeretur, ut hinc nonnulli Angliseam non Monam à Iulio Agricola transnatante exercitu expugnatam existimarent: Reliquæ autem duæ episcopales sunt, Asapha atq; Landaffia, sed non æquè nobiles. Porro Vualliae regio cam pestris, et in Austrum uersa, segetis fœcundissima est, à mari autem distantior, et uti subducta in montes, ad Orientem solem nobilium equorum greges alit, adeò ut bellicosissimi omnium Vuallij, ubi edicto uocantur ad bellum, sex millia equitum, peditem uero sagittariorum et hastatorum quatuordecim milia Regibus mittat, parq; etiam militum numerus ad incertos præliorum casus domi relinquatur. Non temerè enim Reges Vuallica littora certis præsidijs tuentur, quod in eam oram ab hostium clausibus descensiones særissime factas fuisse meminerint. Propterea ut prima prouinciarum et honore uetus et propaginis et littoris opportunitate et numero atq; præstantia militum, Regum filiis obtinenda regendaq; imperio ad non dubiam spem regni conceditur, quoniam ab Vualliae Principatu

Principatu uti certissimo successionis gradu in Regiam
sedem ab ipsis defuncti patris exequijs protinus ascen-
dat. Quarta autem est Northlandia prouinciarū lon-
gè amplissima, si multorum simul Regulorū ditiones
à Thameſi ad Trentam atq; inde usq; ad Tuendum u-
no nomine comprehendamus: aduersis enim Oceanū
litoribus ab ortu in occasum, & his quos diximus
ingentibus fluuijs à Borea in austrum terminantur.
In hac urbs Yorca summam obtinet claritatem, Ebo-
racum antiquis dicta, uictoris legionis sede, & Seueri
Imperatoris morte insignis. Ab Eboracense Archiepi-
scopo et totius Scotiae & Orchadum Insularum Præ-
sules sacra petebant, sicuti nunc petuntur à Scottis, tan-
quam à Primario uniuersae Britanniæ. At supra Ebo-
racum uersus Scotiam ad Orientalem Oceanum Nor-
thumbriæ uicina urbs est Dunelmum Antistite opulen-
to bellicoſoq; ualida, & diui Cutheberti sacro uexillo
memorabilis. Id aduersus Scotos quum bellum ingruit
solenni sacrocrum pompa ad non dubiam uictoriam
profertur, neq; spem Anglorum piè fidentium aduer-
so pugnæ exitu unquam fecellit, quòd hostes extemplò
terga uertant, ubi tutelaris Diui consecratam imagi-
nem aspicerint. Cæterum huius amplissimæ atq; opu-
lentiſimæ regionis frequentes urbes innumeraq; opu-
pida nominatim percurriſſe, eius fuerit, qui unius tan-
tum Britanniæ peculiari diligentia descriptæ dum mi-
nima queque ſuo ordine conſectatur, modico labore
pariter & modica laude ſit contentus; nobis uero, uni-
uersus terrarum orbis uifcipitur ingenti cursu pere-

grandus, secundissimósque periucundo ac utilissimo
óperi Deos atque homines futuros arbitramur, ut uel
ambiguo merito laboris nostri fama in extremos us-
que terrarum fines extendatur. Dicemus igitur in
Anglia septem esse urbes longè clarissimas, in quaeis
est Conuentria in ipso totius Insulæ umbilico posita
populi frequentia cæteris fortasse præstantior, nisi
dignitate sacri Antistitis & præterfluentis amnis op-
portunitate careret. Ad Orientalem uero Oceanum,
celebre uisitetur Nordouicum, à puella uate fatidica,
sicuti Germanicè sonat, appellatum, non longè ab eo
quod diximus Vermoutho promontorio: id enim re-
curuatum in dextrum littus cum amne interfluente
urbem ostiōque eius nauigiorum ualde capaci, tutum
& per amplum efficit portum. In eadem quoque
ora uersus Boream sita est Hullæ, portuoso Emporio
nobilis, qua Humbrus amnis, recepto Trenta insigni
fumine latissimis fauibus in Oceanum euoluitur.
Contrario autem ad Occidentem solem Insulæ litto-
re, ubi Vuallia duobus magnis sinibus excavata penin-
sula similis rotundam frontem in Oceanum exten-
dit, duo sunt Emporia Gallicis ac Hispanicis nego-
ciationibus opportuna, in intimo sinu terminoque V-
uallice ditionis urbs Cestria præterlabenti Deæ flu-
vio apposita, & Bristolium in aduerso pariter sinu
quo Cornuuallia terminatur. Hanc urbem ualde am-
plam atq; opulentam, portu celebrem efficit Rotosta-
thybius amnis, qui hodie Sabrina dicitur. In ora autē
qua continentii Gallie ad Meridiem opponitur sexta
urbium.

urbium Hamptonia securitate atq; amplitudine ma-
gni portus, obiectuq; Vectis Insulae, & Poetarum car-
minibus inclyta celebratur. Archiepiscopales uero sa-
crae ditionis Angliae primates principatum obtinent
duae urbes, Eboracum, ut diximus, & Cantuaria, qua-
rum imperijs Episcopales una omnino & uiginti ur-
bes parent: harum maiora minoraq; sacerdotia confe-
rendi ius habent Reges indulgentia Romanorum Pon-
tificum, ita ut facile quos uelint fortunis ac honore cu-
mulate nobilitent: hac uero Regia liberalitate ditati
Antifitites, propinquos demum suos ubi Rex operam
eorum exegerit, equis, armis atq; pecunia exornare
confueuerunt. Sed harum & denique omnium fa-
mam Londinum penitus obscurat, Tribonantum ut
plures existimant ciuitas C. Cæsari nuncupata, totius
Britanniae Regia, multarum gentium commercio no-
bilitata, exculta domibus, ornata templis, excelsa ar-
cibus, & denique rerum omnium copia atque opum
affluentia ualde mirabilis. Inuehit in eam totius
orbis opes ipse Thamesis, statis horis Oceanii æstibus
superbus & tumidus, onerarijs nauibus ab ostio per
sexaginta millia passuum, ad urbem, tutò semper &
præalto alueo nauigabilis, ripas undique peramœ-
næ uilla prædijs atque nemoribus distinctæ paßim
exornant. Ab inferiore scilicet parte Regia domus
Grinuicia, ita Anglicè à uiridarijs appellata, & in su-
periore Prætoriū nomine Ricemundum, in medio au-
tem nobilis structuræ exurgit Vestmonasterium ab oc-
cidua parte urbis, Foro iudicali, ac diui Petri templo,

Regum sepulchris exornato longè clarissimum, atq;
item uigesimo lapide à Lōdino Regium Castrum Vin-
dosoriæ secedentis Regis per amœna sede, aliquotq;
Regum sepulchris & Garettiorum sodalium ceri-
monia per celebre: Olores autem agminatim lato oc-
cursu & festiuis cantibus subeuntes classes excipiunt,
ac undiq; retia siluris atq; salmonibus expanduntur.
Iungitur ad urbem lapideo ponte structura mirifici
operis, nec ullis imbris augetur, quum unis tantum
estibus intumescat. Secundum Thamesim & aquarum
mole, & longitudine cursus cæteros exuperant, Hum-
brus, recepto Trenta in immensum aductus, qui olim
Habis fuit, & Sabrina margaritis etiam nobilis, qui
è summis Vualliae montibus raptis secum multis tor-
rentibus in Bristolicum sinum effunditur. Adiacent
autem Britanniæ permulta minores Insule, & in his
tres admodum insignes, Mona, Vectis, & Anglisea,
quæ authoritatem parentis, ac dominæ consequun-
tur. Vigent & duo Gymnasia, alterum apud Oxoniū
supra Thamesim, alterum Cantabrigiæ non longè ab
Elisiensis urbis paludibus. In hæc ingenuorum adele-
scientium ingens numerus ad perdiscendas liberales di-
sciplinas concurrit: professoribus enim stipendia, ali-
mentaq; discipulis antiqua Regum liberalitate, et opti-
morum Antistitutum testamentis persoluuntur. Condidè-
re siquidem multis ante seculis supra uiginti septem
collegia, constructis è lapide per amplis ædibus, qui-
bus, ad sempiternam beneficentiæ laudem, conditores
cognomenta, & insignia reliquerunt. Nihil autem ea
iuuentutis

iuentutis educatione, institutioneque modestius, religiosius atque frugalius, ut non mirum sit inde prouenisse ingenia, quae in Dialectica, Philosophiaque, et in Sacris demum literis Europam omnem subtilitatis admiratione compleuerint, et tum maxime quum maioris nostri, repudiatis optimarum scientiarum antiquis authoribus, nihil potius quam difficiles captionum nodos, et conuoluta disputantium sophismata mirantur. Attulere et in Britanniam ab Italia litteras Graecas aetate nostra Thomas Linacrus Galeni nitidissimus interpres, qui Arthuri Princepis preceptor fuit et equalesque eius duo Guilelmus, Latomerius atque Grocnius, qui nobili, sed irrito uoto uertendi Aristotelis negotium cum Linacro suscepserunt. Et Ricardus Paceus Romae legationis munere perfunctus, quem confecto studiorum cursu dum preclara scriberet, atra bile vexatum interiisse nuper audiuimus. Viget adhuc insignis existimatio probitatis, atque doctrinæ in Cuthberto Tonstallo Dunelmensi Antistite, a quo editus est in perdifficili materia lepidus Arithmeticæ libellus. Is de munum Mori, atque Roffensis amicorum cæde percussus, iratum Regem fideli obsequio leniendum existimauit. Sed insignem ex optimis literis laudem tulit Guilelmus Lilius, qui primus ciues suos Latinè, atque diserte loqui feliciter docuit. Huius autem filius Georgius Lilius in Italia elegantioribus studijs excultus mirifice paternum decus tuetur condito uolumine, in quo summorum Pontificum, et Cæsarum Romanorum series Laconica breuitate describitur. Ab eodem quoque

solerti ingenio Britanniæ tabulam spectamus erudi-
 tè, graphiceq; depictam, ac ideo incisam in æs, ut cum
 hoc opere ad certiorem, iucundiorēm q; regionis no-
 titiam cōiungatur. Sunt etiam Londini Iuris civilis in-
 terpretes, à quibus honestissimi iuuenes in schola pecu-
 liares leges à Regibus conditas perdocentur. Eæ sunt
 partim Anglica, partim Gallica lingua conscriptæ.
 Aulæ siquidem & foro, Gallicus sermo familiaris, a-
 deò, ut ad nobiliores etiam foeminas perueniat: nam
 apud nobiliores Latinæ quoq; orationis lepor in ho-
 nore est, sicuti in ipsa præsertim Hērici Regis filia Ma-
 ria, & tribus Thomæ Mori filiabus, uehementer admi-
 ramur. Regi autem, qui ab æquitate, atq; iustitia lau-
 dem querat, ex arbitrio nouas leges cōcipere, & pro-
 mulgare non licet: neque enim legitimæ, ratæq; ha-
 bentur nisi trium classium iudicio sanciantur. Nobи-
 les enim, sacrati item uiri, & populus tres classes ef-
 ficiunt, quæ genera hominum aduocare Reges solent,
 ubi aliquid paulò grauius de salute, aut dignitate pu-
 blica fuerit statuendum: neque enim bellum suscipe-
 re, de pace agere, aut pecuniā imperare rite potest,
 nisi classes decreto dictis sententijs subscribant. Iisdem
 autem ferè legibus, atque supplicijs, uti apud nos la-
 trocinia, homicidia, & furtū vindicantur, sed de his
 criminibus per tormenta non queritur. In duodecim
 uirali nanque iudicio, coniecturis, & testibus causam
 peragere mos est, quod in alios quam in maiestatis
 reos eculeo, & fidibus agere inhumanum putent.
 Eo modo, & in forensibus causis ad Tribunalia te-
 stium

stium numero litigatur. Ac sicut aliquando tempus,
quo testimonia utring; pari numero dicerentur, & iudices ob id suspensi, ipsos testes more pugilum inter se
depugnare cogerent, atq; inde uictores demum, uti si-
de præstantiores, secundus litis euentus sequeretur. In
uniuersum toti Britanniae, Cantioq; præsertim: id
enim cæteras partes nobilitate facile superat, mira
cæli clementia, miraque salubritas, nullæ usquam ni-
si in Vuallie montibus prealtæ niues, nulla horridior
glacies, nulla densior prima conficitur, ut omnino
mirandū sit, quū Arctum proprius spectet, quòd multas
Gallia, ac Italie regiones, molli tepore, & benigna
quadam temperie prorsus antecellat: hyemis enim sæ-
uitiam frequentes pluiae, nec eæ quidem procellosæ
& fulgetris & tonitru, uerū sedatae, & pingue faciliè dissoluunt; aestatis autem calores, quos uel lon-
giissimi dies exclusis penè noctibus afferunt, perenni-
bus auris mitigantur. Aer enim in toto circumagen-
tis sese anni cursu, omnibusque diebus semper aliquo
spiritu mouetur, recreatq; terræ nascentia, pecoriq;
simul, ac ipsis hominibus innoxie, iucundeq; blandi-
tur, nonnunquam tamen sœuissimis quatitur uentis,
quorum flatus locorum opportunitate defugiunt: nō
enim uti in Italia uidemus, in collibus, & speculis ui-
cos atque oppida condunt, quòd depressiora loca, ca-
uasque ualles, & flumina libentius sequantur, uillas-
que item ob eandem causam, aut iuxta sylvas ædifi-
cent, aut uirentium arborum peramoena corona præ-
sepiant. Regio enim omnis distincta aruis, nobilitat

pascuis, irrigata fluminibus, non in asperos montes at tolitur, sed frequentibus collibus leniter intumescit. Ii sicuti perpetuo uere continuis floribus uestiuntur, conualles amniculis, & nitidis fontibus scatent, campi, alia atq; alia segete luxuriant, & cuncta demum prata, & nemora perenni uiriditate spectabilibus arri dent. Inde illa prælata cæteris lanarum uellera, que ab Asiaticis usq; gentibus expetuntur: innumerabiles enim minoris pecoris greges pabulosis in collibus interdiu, noctuq; summa securitate diuagantur: neq; enim lupos timent, quos nunquam uiderunt, quum magistratus seuero edicto uniuersos proscripterit, præmisis percussori constitutis, tanta cura, ut reges non aliud aliquando à montanis Vuallijis, quam tricena luporum capita quotannis exegerint. Damnatur autem uel ob id Britanniæ cælum, quod crassa saepè obductum nebula, suam illam uitalibus salubrem gratissimamq; oculis serenitatis lucem eripiat: unde fit ut pleriq; nec inepte quidem arbitrentur illum ætate nostra insignem morbum uni Britanniæ peculiarem, & certis annorum interuallis repetitum haud dubie procreari, qui pestilentie similis multos mortales excitato sudore mortifero, paucis horis interimat, nisi sudantes stragula ueste, & multis lodicibus inuoluti, aduersus illabentem acrem accuratissimè muniantur. Cæterum Angli suapte natura ualeitudine firmissima perfruuntur, adeò ut ne medicis quidem indigeant: hos enim sola propè nobilitas accersit, aut mercatorum urbana multitudo, quum luxu & perpetuis gulæ uoluptatibus.

luptatibus dediti, cruditate s^epⁱissimè diuexentur. Mirabile enim dictu est, quantum obsoniorum una domus singulis diebus absumat, sternuntur mensæ in omnes penè horas calentibus semper edulijs onustæ: unno etiam non è Gallia modò, uerum & ab Italiae Veseuo, Cretaq; pellico, ut non mirum sit euocari inde morbos. Fataq; præuerti, quum natura nullis unquā recreetur inducijs, nec tantis gulæ contumelijs oppugnata sufficiat. Verum eam intemperantiæ culpam eo nomine facile prætexunt, quod densato aere uim occultam inesse prædicent, qua maturius quam cæteris in locis cieri famem, atque alimenta flagitari languentibus arterijs arbitrentur. Ferunt Anglos totius culinæ disciplinam, epularumq; apparatum, quum in Gallia latè imperarent, Gallis & Belgis tradidisse, quod nec probro eis cesserit, quandoquidem insigni cum laude, eas quibus Parisiorum senatus tot ciuitates feliciter gubernet, belli, pacisq; lege sapientissimè constitutas in Gallia reliquerint. Nobilitas fermè omnis urbes fastidit, castellis, & liberiore cælo gaudet, generisq; dignitatem una maximè uenatione, & falconum aucupijs tuetur: passim enim ceruorum greges, & eorum præsertim qui palmostis cornibus, & albis maculis sunt insignes, in campis, atq; nemoribus uenantibus occurrunt, multæq; huiusmodi feræ ad uo luptatem, subitamq; uenationem uallatis uiuarijs continentur. Adseruare & ardeas mos est, quibus cum hierofaltones uolatu, & unguibus contendant, & in stagnis passim, atq; fluviolis magnus anatum pictarum

numerus reperitur: quæ inde ad natantium canum as-
sultu, latratuq; exturbatæ opimam iucundamq; præ-
dam falconibus præbent: neq; ulla est in his exercita-
tionibus plenior uoluptas, nisi foeminæ laboris, et
prædæ comites acceſſerint: eas enim miris obsequijs
colunt, neq; eas adamare, osculari q; Gallico more, at-
trectareq; liberius, inuidiosum, et turpe existimant;
quando apud generosos nihil omnino honestius, at-
que nobilius uideatur, quam ab illustri foemina gra-
tiam iucundiſsimis officijs promereri, nec earum uiri
facile adduci possunt, ut ab ea lœtiſſimæ uitæ libertate
quicquam de uxoru pudicitia parum humaniter, aut
malignè ſuſpicentur, uerū deprehensis ueniæ locus
eripitur, quod illico uel properatæ necis, uel gra-
uis ignominiæ poenam ſubeant, et nonnunquam li-
gneis inclusæ caueis, ſpectandæ irridendæq; pueris in
ædium uestibulis exponantur. Mulieres in uniuersum
tandore, atq; habitu formosæ, uenustæq; ſunt, sed quæ
à nostris elegantia cultioris ingenij, eruditisq; morū
illecebris facile ſuperentur. Iuuentus uero ipsa liberali
ore, cultuq;, et uirilibus mundicijs maximè decora
coſpicitur, nec defunt aliqui, uti in longa pace, et pro-
cul à militiæ muneribus, qui paulo delicateius, atq; mo-
roſius, pectine comam componere, uerriculo uestem
mundare, ornatu, incessuq; nimium elegantiæ ſtudiū
præferre ſoleant: neq; enim illos, uel Saxonico ſanguine
procreati, truces uultus, obſtinatosq; animos ge-
runt, quum iam pridem, à finitimiſ gentibus egregie
temperata corporis, atq; animi dona retulerint, sed
apud

apud imperitum uulgu, eosq; præsertim, qui nunquam peregrinentur, superbia, & externorum contemptus uiget, quoniam infelicem admodum, & semi hominem eum putent, qui alibi, quam in Britannia sit natus: eum porrò lange infeliciſſimum, qui extra insulam in aliena terra ſpiritum, atq; ossa reliquife con tigerit. Britani Reges, ueteriſtate iſtituto, nullos omnino pedites, aut equites præter prætorianos in pace ſtipendijs alunt: eos enim quū bellum indicitur, è prouincijs euocant: delectibus uero habitis, ubi ad signa conuenient, trimeſtre ſtipendii descriptis in alas, & cohortes perſoluūt, caſtrenſesq; demum leges publicantur, tanta edicti ſeueritate, ut alea, & chartulis depictedis luſiffe, eum, qui res uenales in caſtra deferat, uiolasse, ad duxiſſe ſcortum, et in iurgio gladium ſtrinxiffe, capi tale ſit. Ita, ut non omnino ſit mirum, ſi nos ueteriſtate bellicæ artis honore decidimus, quū in hac tam fœda, et pestilenti criminū impunitate, improbi pariter, ac imperiti nostri duces, omnem penitus disciplinæ rationem amiferint, ut id decus, quod in maioribus noſtris perillustre quondam fuīt, apud externas gentes cum gloria translatum, amissa obiter libertate ſpecta remus. Apud Anglos in sagittis unica ſpes, & præcipua gloria crebris uictoriarū prouentibus parta, eas minimo digito crassiores, bicubitalesq; et hamato præfixas ferro, ingentibus ligneis arcubus intorquent, tāta ui arteq; ut ad primos præsertim ictus squamosum thoracem, aut loricam facile penetrēt, ferue factamq; geſtatu, & multo ſole, ferream equeſtrem armaturā

sæpe transfodian; his è Romana disciplina mos est
 uallum gestare, et dimenso spacio protinus, ubi hostis
 fuerit in conspectu, in orbem se munire: palos enim
 teretes utring; ferrea cuspide præacutos mira celerita
 te solo desigunt, et infesta acie paululū proclimatos in
 hostem uertunt, in medio autem ferreus est anulus,
 quo perpetua sæpe restæ uinciuntur: Circumuallati
 in hunc modum, lœuo pede in ima parte palum pre-
 munt, et diuariatis cruribus, pansiq; lacertis sagit-
 tas excutiunt, interna autem sinistri brachij ossea ta-
 bella conteguntur, ne manicæ rugis recurrentis nerui
 impetus elidatur, eo quod diximus, munitionis genere
 Gallici equitatas impetum, quo nihil acerius, atq; uehe-
 mentius olim fuit, egregiè sustinuerunt, quum alij te-
 mere illatis se præacutis uallis induerent, alij uel in
 postrema acie sagittarum grandine sternenterunt. Hac
 una prælij ratione Ioannes Galliæ Rex apud Pictaos
 ingenti prælio uictus, captusq; est, et Philippus ad Sa-
 marobrinam accepta magna clade profligatus, appa-
 ruitq; ea in pugna sagittarios Ligures, qui scorpioni-
 bus arcuferreis uterentur, quo teli genere atq; animis
 hostibus pares uideri possent neq; ui, neque celeritate
 Anglis fuisse comparandos. Reliqui porrò Angli pe-
 dites Germanico more, hasta longa, grauiq; secure, sed
 longioribus gladijs pugnaut, hos quum strinxerint
 arreptam à balteo ferream breuem cetrām lœua præ-
 tendunt. Equites autem consuetudine Gallorum, et
 Belgarum cataphracti, sagis, criftis, pictisq; equorum
 tegumentis exornantur: inter omnes Vuallij equites,

leuis

leuis armaturæ munia habilius, atq; peritus implent,
 qui lancea non lateri adpressa, uti cæteræ gentes, sed
 locata, firmataq; fœmori, & dextrorsus inclinata in
 hostes deferuntur. Venere & in usum Anglis sclopette
 rij, sed qui nondum uti rudes in aciem prodierint: tan
 ta autem gentia, disciplinaq; castrenibus legibus
 parent, ut quum multa in Anglo milite externi duces
 requirant, invicti, & contumacis animi robur minime
 desiderent, quod decoris, ac ignominiæ metu mortem
 non timeant: neq; enim quisquam iterum pugnare
 satis honestum putauerit, si locum deserere, aut terga
 dare uitandi periculi causa contingat, quandoquidem
 ignominiam præsenti morte effugere maximè glorio
 sum existiment, propterea antiquam apud eos consue
 tudinem uigere conspicimus, qua strenuissimus quisq;
 & nobilissimus canentibus signis equum dimittit, ut
 ex equato omnium periculo, & spe fugæ penitus adæ
 pta de salute simul, & laude nauiter dimicetur. Flo
 rent hodie militari laude illustres, Thomas Hauardus,
 qui Surreio patri in prima acie longè fortissimam ope
 ram nauauit, quum ad Tuedam imperfecto Iacobo Sco
 torum Rege insignis ea uictoria pararetur, atq; item
 Thomas Dacreus, qui in eadem pugna equitatui præ
 positus mirifice dimicauit, & Carolus Brandonus, cui
 ob insignem uirtutem ab Henrico sororem Ludouic
 co Gallie Regi antea nuptam in matrimonium collo
 catam uidemus. Manet & eximum bellici nominis
 decus Arthuro Plantagenetæ præfecto classis, qui E
 douardo Rege genitus existimatur, hos Duces, & mi

lites Henricus corroborata per multos annos imperij
authoritate ad bellum dicit, pace autem miro gentis
obsequio quiete facileq; gubernat. Accedunt et per a-
plae opes, quibus potentiae, ac virium existimationem
secundissime tuetur: quotannis enim supra centum mi-
riades aureorum nummum in aerarium, et fiscum re-
feruntur, quae pecuniae summa auri pondo decem milia
excedit. Hi redditus constant, partim ex antiquis,
statisq; prouinciarum tributis, partim ex patrimonio
Regio, in quo est Lancastriae ducatus, atq; item ex por-
torijs, et uectigalibus; nam uendundis lanarum, et
metallorum mercimonijs, prerogativa Regi est cer-
tis nundinis magni questus, quibus non prius merca-
torum conditoria aperiri fas est, quam Regiae notae
mercimonia diuendantur. Augent et mirum in modum
Regias facultates, patrimonia pupillorum: non enim
ante pubertatem paterna hereditate perfruuntur,
certa siquidem lege pueri in tutela Regis uiuunt, addi-
cunturq; magnis proceribus, atq; sacratis uiris maxi-
mè opulentis, ut apud eos armorum, ac literarum, et
totius deniq; aulae disciplinam cumulate percipient.
Sed incredibile est dictu, quantas nuper opes Henricus
coaceruarit, quoniam Ecclesiarum patrimonia diriperet,
et subinde donaria templorum ferè omnium scelestæ
rapacitate in fiscum auerterentur, ita, ut hodie inter
ceteros Reges, sed insigni cum infamia pecuniosissimi
nomen obtineat: uix enim tranquillis temporibus me-
dietatem legitimi redditus in rei familiaris sumptus
impedit. Is omnino constat praetoriani militis stipen-
dio,

dio, custodia arcium, conuictu regio, uenationis appa-
ratu, & liberalitate erga Regum legatos, quos splen-
didè muneribus ornare consuevit: exigua namq; est
corporis custodia: nam ea sagittarijs equitibus ducen-
tis, & centum spiculatoribus peditibus impletur. Au-
la porrò diuertente in uillas, & uarijs uenationibus
studente Rege, uix ad dignitatem frequens uisitatur, tis-
uerò nobilitate omni, ornatiissimisq; proceribus refer-
tur, quū legationes adueniunt, aut de Republica acci-
tu Regis, fuerit consulendum. Nullum præterea mili-
tē præter prætorianos, quos diximus, corporis custo-
des pace alit: canente autem belli classico ardentibus
scilicet omnium animis ingenti odio in Scotos, & Gal-
los, pecuniae exæquato trium classium onere ad ra-
tionem descripti census imperantur, quibus Regij
quaestores militi stipendia persoluunt, nec quisquam
facile existimauerit, quanto studio singularum ciuita-
tum imperatæ pecuniae conferantur. Has tantas opes,
& copias imperio obtinet Henricus, cui natura fortu-
naque supra Regium nomen, incomparabilis formæ,
& maximè præstantis ingenij accumulata dona con-
tulerunt: nemo enim è tota Anglica iuuentute, uel
stature dignitate, uel uenustate oris, uel nerorum
firmitate Regem æquauit. Multis porrò disciplinis li-
beraliter instructus, ita in literis, sacrisq; studijs profe-
cit, ut mira ingenij fœcunditate librum aduersus Lu-
therum publicaret. Nec ea quoque deerant, quæ
in ipsa bellicæ laudis fama numerantur: nemo e-
nim ipso Rege Britannicum ingentem arcum con-

tentius flexit, nemo certius, atq; ualidius sagittauit. Cū uero lectissimi equites cataphracti in ludicro spectaculo infestis hastis concurrerent, tanta arte id bellici uigoris munus implebat, ut ei proposita uictoribus præmia integro populi iudicio, sœpiſime deferrētur. His tantis uirtutibus una caſtrenſis gloria deerat, concepta iam animo ingenti, ad auctaq; Anglorum ſtudio quæ ſua conſuetudine bella, & prælia tranquillitati, atq; ocio præferebant, odio ſcilicet illo in Gallos à maioribus tradito deflagrantes, à quibus ſe Galliæ regno & tota fere continentē pulsos indignabātur, & quod ignominiae nomine in fortibus uiris iras accedebat, Puella præſertim duce, quæ miraculo quodam excitatæ Gallorum animis, felici auſu ſuperiores uictorias, atq; illa decora Anglicæ uirtutis trophæa penitus euertifſet. Vexabant per id tempus impotentia Gallorum arma Iulium Pontificem urgente premētq; Ludoico duodecimo: hic enim Pontificio exercitu facile profligato, occupataq; Bononia, illum in ſumnum amittendæ dignitatis diſcrimen adduxerat, conſpiratione aliquot Cardinalium, qui rerum nouarum cupidi, profugiq; ab Urbe, Pontificem metu territum in dicto Pifis concilio ad dicendam cauſam uocabant. Qui bus difficultatibus Pontifex iniquè, atq; improbè circumuentus, à maximè pifis Regibus opem implorauit, detulitq; Henrico Pif cognomen, quod Pontificiæ dignitatis cauſam religionis inclusam rationibus promiſiſimè defendendam fuſcepifſet. Per hunc modum i-pifis quoq; Hispanis, Heluetijsq; Pontificis iniuriam ſe

se defensuros profitentibus, & cupiditati Anglorum simul, & Regiae uirtuti preclarus honestatis specie locus est patefactus: nam Dorsetium Regulum cum ualidis copijs in Aquitaniam, qua Cantabriæ iungitur, ad fontem rapidum misit, ualidaq; instructa classe citerioris Britanniæ littora populatus, ad extremum in Galliam cum sexaginta milibus armatorum traiecit. His adiunxerat Germanicas legiones, & Belgarum equitatum, ipso etiam Maximiliano Cæsare, qui præcesset, regia pecunia conducto. Itaq; Tero uana in Morinis oppugnata, captaq; est, obiterq; Gallorum exercitus qui ad opē ferēdam aduenerat, in itinere memorabile prælio profligatus: amissa enim sunt Gallorū dedecore omnium propè alarum signa, capti Duces, & in his nobiliſſimus omniū Rotelinus: eadem quoq; felicitate conterrito, & cedente Ludouico, Tornacum in Nervijs expugnatum. Exinde nulla unquam Ludouico, et Gallis ignominisior dies illuxit, nulla lætior Henrico & Anglis, quum equitatus Gallicus tot bellis semper inuictus, uix tentato certamine ad conspectum hostis fœdiſſimè profugisset, ex aduerso, Henricus effusè lætetur, quòd in Anglis felicem uim illam, & disciplinam multis auorum memoria Gallicis spectatam bellis minimè defuisse conficeret, & quantos ipse spiritus gereret, quantisq; opibus arma tractaret præclarè hostibus ostendisset: nam per eos quoq; dies Scoticæ uictoriae nuncius amplissimarum uirium opinionem, ac ipsam deniq; Regis fortunam clariorem fecit; magna quoque inde splendoris, & liberalitatis quesita

laus, & eo quidem maiore celebritate, quod id unum Galli in Ludouico parco semper, ac in donatiuis militaribus per angustè moderato, milites requirebant: nemo enim erat ex omni ordine, uel externorum, uel suorum, qui non argentea uasa, torques aureos, arma deniq; & equos, aut militaria dona, ac insignia ad dicas tradenda posteris, uirtutis ac amicitiae nomine no præferret. His rebus gestis, ne reliqua uitiam planè uitricibus armis continententer adaperta aggrederetur, tempore exclusis in Angliam rediit, ubi demum honesta contentus gloria interprete Rotelino, qui captiuus erat, cum Ludouico pacem consecit, dataq; ei est confessum in matrimonium Maria ipsius soror, ut eo affinitatis uinculo certius, atq; solidius pacis fœderas faccirentur. Cæterum eæ nuptiæ cum ætati, tum ualeitudini ualde importunæ, Ludouico uitæ exitum celebriter attulerunt, sed eadem pax cum Francisco successore in uiolata permanxit, cum quo demum transgressus in continentem apud Caletium in colloquium deuenit. Ibi ambo Reges iuxtere dextræ, mutuaq; securitate alacres omnibus liberalitatis, ac humanitatis officijs certauere: ccelebrata enim subinde conuiuia ingenti luxu, decursoñ editæ admirabili rerum omnium apparatu, ita, ut ostentatis utrimq; Regijs opibus longè pulcherrimum tot externalarum gentium oculis spectaculum prebuisse uiderentur. Sed in tanta cælbritate, tantoq; procerum, & regulorum, omnisq; generis hominū concursu, nihil omnino Regibus ipsis augustinus, atq; formosius fuit, quum ætate inter se fr-

mē

mē æquali, & eximiæ proceritatis, & Martij deco-
ris ad Regium planè habitum mira dignitate cunctos
anteirent. Excepit, & paucos post dies Carolum Cæsa-
rem designatum, qui ab Hispania classe deuictus in
Angliam appulerat: inter duos enim infestis iam planè
animis de abrumpenda pace cogitantes, uolebat exi-
stimari disceptator & arbiter, quum uires haberet ad
terrendum, si quis paulò durius, & contumacius, uti
& quum foret, ipsius iudicio parere recusasset: ex æqua-
tas enim amborum opes esse cupiebat, ut hunc, & il-
lum, ancipiti illius studio, & uoluntate suspensum spe,
metuq; pariter in amicitia cotineret. Sed exorto mox
bello inter Carolum Cæsarem, & Franciscum Re-
gem quo summas Europa omnis adiit calamitates, in
partes Cæsar is recessit, neq; prius ab eo est diductus,
quam nefarijs Cæsarianorum armis, direpta Vrbe
Roma, captioque Clemente Pontifice execrabile, &
longè maximum Christianæ religioni uulnus est in-
flictum: sacro sancti enim Imperij casum insigni pie-
tate miseratus, Pontificem pecunia iuuuit, impetrans
te Vberto Gambara Legato, qui Romane cladis, ca-
ptique Pontificis miseras opportunè rectulerat, ad-
hæsitq; Gallis egregio consensu, ut captus Pontifex li-
bertati, & pristinæ dignitati redderetur. Verùm non
multò post, cum uotorum omnium compotem, in-
sani amoris inuasit morbus, nimiæ scilicet eius feli-
citati illudente Fortuna: captus enim illecebris An-
næ Boleniæ, quæ inter Reginæ puellas in aula erat,
ut complexu legitimo potiretur, Catharinæ uxori re-

pudij libellum misit : neq; enim aliter Bolenia , quam
 in spem coniugalis thori, regiae libidini obtemperatu-
 ra uidebatur: erat enim equestris familia , ingenio au-
 tem pudoris specie ualde astuto, ambitiosoq; , adeo, ut
 quū extremos amoris fines uel in secreto accubitu, ue-
 recundē, & constanter pernegaret, reliqua omnia ad
 torquendum Regis animum artificioſa lasciuia, & bla-
 da quadam improbitate largiretur. Fauebat Annæ uo-
 to Regisq; flagitio, Thomas Vuolseius Cardinalis Ebo-
 racensis, qui tum in ſummo gratiæ, atq; potentiae loco
 conſpicuus erat, uir ingenio peracri, ſed prauo, &
 multis malis artibus pestilenti. Is dira, & ſibi demum
 exitiali adulatiōne repudij cauſam æquiſimi iuris eſ-
 ſe diſſerebat, quòd Arthuro fratri antea nuptam ſa-
 cræ leges Henrici uxorem eſſe prohiberent, proſiteba-
 turq; non defuturos ſacri iuris peritos, atque Theolo-
 gos è Lutetiana præſertim ſchola, longè clariſimos,
 qui dictis ſententijs repudio ſubſcriberent: cupiebat
 enim regem amatorijs uoluptatibus implicari, nouis-
 que nuptijs maximè uxorium redi, ut ipſe unus ſu-
 pra omnes mortales ambitione, et faſtu intolerandus,
 plenissima uſurpati imperij potestate potiretur. Ale-
 bat & iſanas ſpes Regis Clemens Pontifex, recenti
 obſtrictus beneficio, & in graui pariter iniuria ne-
 quaquam ex animo Cæſaris placatus, ita ut nulla uti-
 decuit, libera ſcueritate Regem à tam foedo incepto
 deterreret, ſed benignè frequentibus legatis pollicere
 tur ſe in ea repudij lite iure consultorum iudicia ſecu-
 turum. Venit ſubinde Bononiam ad Clementem, ad id
 ſuſcepta

suscep^ta legatione, Thomas Boleniæ pater, missusq;
 est in Britanniam Campegius Cardinalis, ad cuius tri-
 bunal Catharina Regina uirili prudentia causam di-
 xit. Cæterum diu extracta pudendæ litis iudicia eū e-
 uentum habuere, ut fermè omnes ab adulacione disce-
 derent, & Pontifex deposito Cæsare contra repu-
 dium decerni duodecim uirali sententia pateretur. Tu^e
 uero Bolenia coniugij spe deiecta, Rexq; ipse repul-
 sæ dolore concitatus, in Eboracensem authorem, sua-
 foremq; noui coniugij omnem iracundiam conuerte-
 runt, magnoq; Fortunæ ludibrio uir potentia, atque
 opibus regio fastigio proximus, puncto temporis exi-
 stimatione, fortunisq; omnibus spoliatur, ac in exiliu^m
 ejicitur, usq; adeò eum in meritas poenas urgentibus
 Fatis, ut ex itinere retractus inter rerum capitalium
 ministros dolore, & metu oppressus expirarit. Fuit e-
 ius interitus cunctis ferè letissimus, quod paucis ante
 annis Edouardum Buchingamium Ducem uirtute, at
 que opibus inter proceres insignem, ipso delatore, ini-
 quisimè damnatum Henricus occidisset. Porro Henri-
 cus mirum in modum clementi Pontifici, à quo se elu-
 sum, syngraphaq; deceptum dictitabat, mirè infensus
 legem tulit, qua Romani Pontificis autoritatem abro-
 gabat, Regijq; iuris templa, & sacerdotia omnia cese-
 bantur, consultore præsertim Cromuele, Eboracensis
 artibus eruditè instructo, quem Bolenia omni studio,
 atq; ausu erga se paratiſsimu^m è sordido loco ad ipsum
 regendæ Reipublicæ munus extulerat. Fuit ea lex iu-
 dicio maximè iniquo, atq; impio conscripta, promul-

gataq; nam supra religionis causam, ad quam uel
 improbè Christianus non respexerit: antiqua etiā
 foedera in uiolita ante tot Regibus execribili temeri-
 ritate turbabantur: nam ex ipsorum Annalibus liqui-
 dò constabat, Ioannem Regem ante trecentos annos
 sese successurosq; item Reges, & totius regni sacra tē-
 pla, & sacerdotia ad authoritatem, ac imperium Ro-
 mani Pontificis, Vicarijq; diui Petri Apostoli libera
 uoce contulisse, certaq; auri pondera quotannis tribus
 ti nomine dependisse, quum Innocentius Tertius in
 ipsum R̄gem ius dicendi, constituendiq; Cantuarien-
 sis Antistitis usurpantem, anathematis fulmina con-
 torsisset, concitato etiam in eum Rege Gallo, qui ut In-
 nocentij iniuriam vindicaret, in Britanniam cum ua-
 lida classe traiecerat. Ceterū in ea omnium turbu-
 lentiſima tempeſtate, ingenti ſequitæ procella obruti,
 Ioannes Fischerius Roffensis Antistes, multa doctrina,
 & moribus eximiè grauis, atq; sanctissimus, & Tho-
 mas Morus epiftolarum magiſter, quo nemo ingenij
 eruditioне, candore, probitateq; melior fuit, securi
 percutiuntur, quod Catharimæ Reginæ causam Chri-
 ſtiana libertate defendiffent, defectionemq; à Romano
 Pontifice uti criminosaм, atque impiam uel in longo
 carcere constantibus animis effeſt detestati. Matura-
 uit Fischerio necem nuncius ab Urbe, quo Henricus
 cum à Paulo Tertio Pontifice, qui ad exornandam, at-
 tollendamq; uirtutem Clementi ſucceſſerat, Cardina-
 lem renunciatum, eſſe certior fiebat, ſed Fischerius an
 id reſciſſet, iuſſu Regis interrogatus, ſe cum honorem
 negat.

neq; appetisse unquam, neq; expectasse respondit. Morus autem tanta animi magnitudine, dum accensi uoce damnaretur, apud iudices concionatus est, & cum rectissime conscientiae decreta aduersus repudiū, usurpatamq; sacrorum tyranidē, Christianarum legū auctoritate roborasset, & ut meliorem Regi mentem darent, Deos precatetur, inexpiablem inuidiam Henrico peperisse uideretur. Nec multò post Catharina Regina ab ægritudine animi tabefacta moritur, quum Mariam filiam Regia spectatam indole, uiroq; matram, crepto Principatus honore, sœvitia patris in ordinem redactam conspexisset: exinde Boleniae Regia ornamenta omnia tribuuntur. At Paulus Pontifex, ubi Henricum à sacro sancto Pontificie maiestatis imperio immanni crudelitate, atq; auaritia defecisse didicit quanquam acri admodum cura, & iusta ira commoveretur, nihil tamen grauius secus, ac ante Clemens fecisset, in Regē uti impium decernit, quod Regis animum tantis sœvitiae fluctibus perturbatum leniendum potius mollibus præceptis, quam ulla omnino contumelia exagitandum arbitraretur. Itaq; in Roffensis interfecti Cardinalis locum, Reginaldum Polum Britanum supra generis nobilitatem optimarum literarum eruditione, & Christianae uirtutis laude clarissimum, euocatū Patauio in Vrbem, senatorem facit, galeroq; purpureo protinus exornat. Nec multò post, quod Ponus sanguine Regi esset coiunctus, maioremq; inde secum auctoritatem allaturus esse uideretur, legatus in Britaniā mittitur, ut familiaribus, pījsq; sermonib. ea

commemoraret, quæ ad sanandam Regis mentem pertinere uiderentur. Sed quum Polus in Galliam peruenisset, uenit ex Anglia Brianus ad Francicum Regē, qui ipsum uti Henrici hostem ex foedere sibi uinctum tradi deposcebat, ita Gallis Henrico studentibus in Belgium retrusus, ibiq; aliquandiu luculentissimo usus hospitalio Herardi Marchij Cardinalis Lcodiensis, irrita demum legatione, ad Vrbem redijt. Exinde Rex adauera tot claris funeribus animi feritate, Henricum Mon tacutum, Poli Cardinalis fratrem, & Corteneium E xoniæ Marchionem ipsius Regis cōsobrinum, qui dum tumultu Northlandico summa fide, uirtuteq; Regijs copijs præfuerant, insigniq; Regis amicitia erant conspicui, securi percuti iubet, eo nomine damnatos, quod in tanta templorum strage à consilijs Regijs libera uoce discessissent, sed proculdubio gratia popularis, regijq; sanguinis præclara nobilitas, quod ad Albæ Rose principem domum genus referrent, inuisos occulto metu, suspectosq; reddiderant, premente præsertim Cromuele, qui degeneri odio nobilitati infestus, maximorum heroum ruina, lætabatur. Tulit & eandem supplicij fortunam Edouardus Neuillus, qui ob uirtutem bellicam, ac eximium proceri corporis decus, omnium propè horarum familiaritate Regiterat coniunctus: Margaritam quoq; Cardinalis Poli matrem grandeuam anum, & quod duos Reges Edwardum, atq; Ricardum patruos præferret, stirpis, ac etatis honore uenerabilem eadem sauitia in carcerē cōiccit. Hæc propter summam generis sui nobilitatē,



Et probatissimæ uitæ famā maxima apud omnes par-
 ta gratia, ut Marie Henrici Regis filiæ, quæ uiuente
 Catharina Principis hæreditariam dignitatem obti-
 nebat, alumna esset, delecta fuerat. Sub id quoq; tem-
 pus Bolenia quanquam Catharine Reginæ obitu con-
 iugij planè secura, beataq; minus tamen ea felicitate
 latabatur, quod enixa puellam in spē fortunatæ pro-
 lis marem concipere non poterat. Itaq; tam scelesto,
 quam ambitioso consilio, rata mariti Regis uires fœ-
 cunditati suæ impares, atq; alienas fore, cum Georgio
 germano fratre, sicuti ferunt, concubuit, ut adulterij
 crimen uix credibili tanti incestus scelere tegeretur,
 sed immane facinus ancilla denudauit, quæ fortè cum
 amatore deprehensa, castigataq; ob id seuerius à Regi-
 na, quum poenam timeret, periculum festinata delatio-
 ne præuerterat. Fuere qui existimarent Henricum, uti
 plerūq; fit, importuni amoris satietate adductum, Bo-
 leniæ mores, & occulta corporis uicia fastidisse, gra-
 uiq; ea calumnia onerasse insontē, oculis scilicet insta-
 bili cupiditate in Ianam Semeram coniectis, quæ mo-
 dicis orta natalibus, sed amabili uenustate conspicua
 mirè placuerat. Verum supra fœdi incestus flagitium
 aliæ, atq; aliæ probrofæ libidines Reginæ famā prosci-
 derūt: subortis enim indicibus, accusati Norreus à cu-
 biculo, uetus à puellarī ætate adamator, & Bruertoni
 us eques illustris, Marcusq; itē musica arte, et pneu-
 maticis organis Reginā exhilarare solitus. Itaq; repē-
 tinia quadā amoris, ac odij cōmutatione, Regina testi-
 bus accusata damnatur, damnataq; uel obiecta ne-

ganti, cervices gladio carnificis abscinduntur, pariq;
demum suppicio frater, & reliqui, quos diximus, p;
niuntur. Interficitur & Vuestenius decorus adole-
scens, cui Bolenia ad suavitatem oris, ut ad stuprum
pelliceret, mollius eblandita ferebatur. Sed in his cru-
entis admodum iudicijs nihil acerbius, atque misé-
rius fuit, quam Thomam Bolenium Reginæ patrem
inter damnantes collegas iudices consedisse, & claris-
simos Vuestenij parentes insontis, & solius formæ pœ-
nas dantis filij salutem uel exilio perenni, & toto for-
tunarum cumulo impetrare nequiuisse. Biduo post
Henricus celebratis nouis nuptijs Semeram in con-
iugalem thorum duxit: hæc demum uisa est cæteris ali-
quanto felicior, quod enixa puerum, cui Edouardo
nomen fuit, nondum alteram experta fortunam, in par-
tu doloribus extincta decesserit. Nec multo post per-
molesto utique cælibatu Anna Gulielmi Cleuensis Re-
guli soror, è Sicambris ad quartas nuptias in Bri-
tanniam accitur. Ea insigni apparatu excepta, aliquā
diu Reginæ nomen, & maritalis accubitus stata forma
& morum simplicitate sustentauit, sed demum quod
ad genium minimè responderet, cubili primo exclusa,
& mox repudiata, quod Lutheranæ religioni fa-
uere crederetur, & paulò ante Antonij Lothorim-
giæ Reguli filio penè promissa diceretur, Catharine
Hauardæ Regium thorum reliquit. Hæc Thomæ Ha-
uardi Northfolchiæ Reguli ex Edumundo fratre ne-
ptis erat, penes quem cōmunicata cum Surreio patre
gloria, victoria, Scoticæ decus fuisse docuimus, quū à
nobis

nobis ea bella in Historijs scriberentur: mansit tamen
Annæ molliter ablegatæ regius propè honos, quòd
iniuriam nequaquam astuta dissimulatione, sed multa
æquitate, remissioneq; animi pertulisset. Nec multo
post, & ipse Cromuel tanti modò nominis, rerum om-
nium moderator, & euersor, atrocitate, atq; superbia
nobilitati inuisus, urgente Hauardo diras digno , atq;
malefico ingenio poenæ capite persoluit . Gratissi-
mū autem omnium oculis spectaculum præbuere, im-
mensæ opes domesticæ suppellestilis nefario , & fe-
stinato questu congestæ , quum tot spolia regijs diui-
tijis æquata , ex eius domo ad hastam transferrentur.
In caput autem Catharinae Hauardæ nondum à nu-
ptijs infelicibus exacto biennio , pars supplicij calami-
tas incidit, abscissis scilicet carnificis manu ceruicibus,
quam adulterij conuicta probroæ libidinis poenas de-
sisset, præeuntibus in eodem suppicio duobus adulte-
ris Culpepro , atque Durantio: hic enim ante Regias
nuptias puellaris etatis florem delibasse fatebatur, il-
le uero uti decoris iuuenis amore pelectus in spem
prolis , nocturnos senescantis Regis labores adiuua-
rat . Cæterum Henricus Hauardæ adulterio probè
uindicato, fallacium virginum fidem, atque libidinem
detestatus, ad sextas nuptias descendit, ducta in Re-
gium thorum Catharina Thomæ Parij equitis filia,
quæ duobus orbata maritis ab oris uenustate mire
placuerat. Huic autem Dij dent castum animum, &
certam fœcunditatem , ne Rex foeda coactus sorte,
ad septimas nuptias rapiatur : Henrici enim occulto,

ac admirabili Fato datum uideri potest, eos fermè omnes, quos arcta affinitate, familiaritateq; dilexerit, uti pestifero quodam amicitiae ueneno afflatos, ex instabi li felicitate lögè omnium euasisse miserrimos. Sed Diū immortales alioqui peccata hominum arcana uimdi-
 Etæ ratione punire soliti, ut uehementer optauerim Henrico Regi antiquo spectatæ uirtutis merito men-
 tem sanauerint, scilicet, ut recenti flagitio euersa tem-
 pla, dum ad animū recurrit, pristina pietate restituat.
 Quanquam enim tot nuptias, quibus nullum adhuc si-
 nem uidemus, impotenti libidine repetitas, clarißimorum,
 ac innocentissimorum uirorum sanguine defœ-
 darit, omnia tamen ei feliciter euentura crediderim;
 si saluberrimum uolumen à Reginaldo Polo Cardina-
 le propinquò suo, ad se piè, amantiissimeque prescri-
 ptum, pari pietate, æquitateq; animi opportuæ me-
 dicinæ in star hauserit: sic enim quanuis hac ipsa Deo-
 rum clementia, neq; uita insontibus erepta reddi, neq;
 ipse inter felices Reges tanquam planè furtunatus re-
 ferri posset, planè tamen fiet, ut leniat inuidiam, & pri-
 stinum decus magna ex parte recuperet, tactusq; reli-
 gione, omnem inustæ memoriam Henri-
 ci Secundi gentilis sui exemplum se-
 cutus, aboleat.

F I N I S:

INDEX.

NOVA, ET ANTIQVA LO-
corum nomina in Anglia.

Britannia, olim Albania, siue Albion, nunc An-
glia, Angliterra, England.

Bathonia ciuitas, olim Aquæ calidæ, nunc Ba-
the.

Belge, vbi nunc Vuelliæ, Vuellis.

Brannogenium, Bangarium, Bangar, ciuitas
in Vuallia.

Bolerium promontorium, S. Burien, Cornu-
biæ oppidum.

Buleum, Biltheum oppidum in Vuallia.

Cambria, nunc Vuallia, Vuallis, ubi olim Cor-
naulij, Demete, & Silures.

Camelodonum, Duncastrum, ad Dunij flumi-
nis ripam.

Camudolanum, Trinobantum ciuitas olim, v-
bi nunc Northamtonum.

Calatum, Chiptonum, in Lancastria,

Caturaetonum, Alertonium, in Northlandia.

Cantium, vbi nunc Cantuaria metropolis,
Canterbury, olim Daruernum, siue Doro-
uernia.

Cornubia, Cornuuallia, siue Cornugallia, Cor-
nuayle.

Couennos, Shepei, insula in Cantio.

Damnones, nunc Deuonia comitatus, De-
uonshyre.

d

I N D E X.

- Durotriges, Dorcestrenses, vbi Dorcestria op
pidum, Dorcetter.
- Eboracum metropolis, Yorke.
- Ganganorum promontorium, vbi nunc Kil-
garenum, & Caerdiganū, Vualliae oppida.
- Herculeum promontorium, Hertland.
- Habus fluuius, nunc Humbrus.
- Ifaca fluuius, Exa, vbi nunc Exonia ciuitas, Ex-
cetter.
- Isca, Ilchesteria, Ilchestre.
- Iceni, Iccij portus accolæ in Gallia, vbi nunc
Calitium, siue Caletus, Calais.
- Igeni, Northumbri.
- Londinum, siue Londonium, ciuitas supra Ta-
mesim fluuium nunc Londra, London.
- Lindum, Lincolnia, Lincoln.
- Magnus Portus, Portismouth.
- Maridunum, Caermardinum in Vuallia, Caer-
mardine.
- Mediolanium, Manchestrium, Manchester.
- Mona insula, olim Druidum sedes, nunc Ma-
na, siue Man.
- Niomagus vbi nunc Bokyngamia.
- Nouus Portus, nunc Rhie.
- Ordouicum, Nordouicū ciuitas, Norloyche.
- Oxonium gymnasium, Oxford, olim Caleua.
- Ocelum promontorium, vbi nunc Hulla por-
tus.
- Ocrinum promontorium, nunc S. Michaelis.
- Petuaria, vbi nunc Beuerlacum, Beuerlay.
- Rutupie, nunc Roffa ciuitas in Cantio, Ro-
chestre.

Rigo-

I N D E X.

- Rigodunum, vbi nunc Vuarigtonum oppidum.
Ratostathibios fluuius, nunc Sabrina, Seuern.
Rate, vbi nunc Conuentria.
Sarisburia ciuitas, Salisbury, vbi olim Duniū.
Salopia, Shrouisburi, olim Coriminium.
Tamesis fluuius, siue Thamisia, Temmys.
Toliapis, Teno, Tanetos, Tenet in Cantio nūc peninsula, olim insula.
Trinobantes, vbi nunc Northamptonenses.
Tueda fluuius Angliam à Scotia diuidens; olim Vedra.
Tubius fluuius, Toue in Vuallia.
Tamara, nunc Tanerstock oppidum in Cornubia.
Vectis insula, siue Vecta, nunc Vuygth.
Vintonia ciuitas, Vuinchestre, olim Vente.
Viroconium, nunc Virgona, Vorcettet,
Veuis fluuius in Vuallia, olim Antona.
Vrolanium, vbi nunc Rotelandia comitatus;

d 2

FINIS

SCOTIA



COTIAM ab reliqua omni
Britānia, quæ Anglia dicitur,
Tuedo amne, Chciotaq; mon-
te, & diuersis duob. æstuarijs,
regni nomen obtinuisse docui-
mus. Ea in Septentrionis ad
Orchadas uergit, triploq; An-
glia minor existimatur, quòd aduersis utrinq; pressa,
extenuataq; littoribus enormi, & ualde oblonga cer-
uice in Orientem promineat, uti ex Ptolemæi tabulis
apparet; quanquam Tacitus Britanniam bipennis for-
ma persimilem tradat, atq; ideo Scotia nihil ad Orien-
tem solem incuruata flexu littorum extendi uideatur,
sicuti eam Germanos pictores Taciti authoritatem se-
cutos, in Ptolemæi libris expressisse conspicimus. Ac-
cepit autem nomen ab externæ, nec admodum anti-
quæ gentis aduentu: nemo enim è Latinis authoribus
Scotorum meminit ante Marcellinum, qui Iuliano Cæ-
sari æqualis fuit. Neq; satis constat è qua primum re-
gione Scotti in Albionem traiecerint, quum uarianti-
bus non Anglorum modò, uerum & Scotorum anna-
libus magna dubijs rebus obscuritas inducatur: nam
alijs ex Hybernia, nonnulli ex Dania, Cimbricæ Cher-
sonesi, uel Gothiæ, Noruegiæq; peninsulis originem
suam deducunt. Nec desuere, qui ex Hispania classibus
aduentos existimarent, & impudenter Scotiæ stirpis
nomen

nomen à Moſe ipſo, ac Aegyptijs ementirētur, idq; au-
thore uiro Scoto, Hectore Boethio, qui insigni facun-
dia, & pari diligentia perpetuam Scotorum Regum
Historiam ad Iacobum eius nominis Tertium deduxit.
sed ab eorum opinione, qui eos ex Hybernia aduectos
arbitrantur, minimè discesserim. Numerant autem
Scoti ex incorrupta annalium memoria, ab hinc mil-
le amplius, & septingentis annis, centum & quinque
Reges, à Fergusio Primo, ad Iacobum Quintum, qui
hodie iuuenis adhuc iam per uiginti, & septē annos,
nullis unquam externis, aut intestinis bellis implici-
tus tranquilla, & maximè diurna pace perfruitur.
Is à toto ualidi corporis habitu, & facie hylari, deco-
ra, ac ipsis tuende pacis artibus spem nequaquam in-
certam bellicæ laudis præfert, ostendetq; se inde claris-
simis factis ad laudem, niſi Fata conceptæ uirtuti felici-
cem cursum inuiderint. In his tot seculis admirabile dī-
ctu est, quantum ambitio, Regniq; cupiditas, secunda
paucis, pluribus autem aduersa, exitiosaq; ualuerit:
tres enim, & quinquaginta Reges, aut bellica ui, aut
procerum insidijs crudeliter interrempti referuntur.
Exercuere ſiquidem ab initio Romana arma, Pictos
subegere, ſuſtinuere demum Danorum impetus, ac ons-
ni ferè tempore, quum à ciuilibus bellis otium eſſet,
cum Anglis de finibus contendere, tanta animoru con-
tumacia, ut quum superbia, atq; odio nulla calamitate
frangerentur, aduersis contusi prælijs, Edouardo An-
glorum Regi sacramentum dicere, & tributa pende-
re cogerentur. Cæterum Rex Donaldus à Fergusio

Scotorum Rege Primo, si interiectos enumeremus, ordine uigesimus septimus, quum diu, et uaria quidem Fortuna cum Seuero Cæsare dimicasset, primus è Scottis Regibus Christianæ religionis sacra suscepit, primusq; in Scotia, quum uenalia in humanos usus aliarū rerum permutationibus, aut aliud importata pecunia, in foro et nundinis emerentur, aurum et argentum, Scotica nota percussit. Sed præclarum Christianæ pietatis specimen supra cæteros præbuere Vilhelmus, qui Ricardo Regi Angliæ in Syriam ad expugnandam Ptolemaidem proficiscenti, Dauidem Germanorum fratrem cum lectissimis Scotorum copijs adiunxit, et Alexander eius nominis Secundus, à quo maximè pio, et liberali studio Ludouicum Galliæ Regem eximijs Ducibus, ualidisq; Scotorum cohortibus adiutum ferunt, quum ille Regum optimus, atq; sanctissimus sacro etiam tum ardente bello, in Aegyptum ad Damiatam transmarinam expeditionem religioso admodū incepto, sed aduerso exitu suscepisset. Sed post multa ex intestinis cædibus interregna, atrocesq; multorum Tyranuorum interitus ad Stuardam domum nutantis imperij nomē deuenit, ea tum planè illustris à præalta origine Danicam progeniem respiciebat: facile enim ad Regium fastigium repente euadentibus, uanitate quadam peregrinæ stirpis honos exquiritur, utpote quibus patriæ nobilitas, uti nullis innixa fabulis obsolecat: Stuardum enim eorum lingua senescalcum, id est Regij conuiuij magistrum uocant, quem honorem eximie dignitatis apud Neapolitanos.

nos Reges, à nobilissimis procerum experti uidemus: hoc enim præclaro officij munere Rex Macolmus ani- mi uirtute memorabilis, Valteriū generosum pariter atq; impigrum ducē, oriundū è Dania, uirtutis causa perornarat, quod Valterius in Syria aduersus Saladi- num insigni cum laude Christianis Ducibus operam nauasset, ita ut eius dignitatis nomen, quod à posteris per manus exciperetur, in familiam adoptatum faci- lè permanserit. Fuère autem è Stuarda familia tres Roberti Reges continua serie ad Iacobum Primum, qui Roberto genitus id nomen primus suscepit, tra- diditque perpetua successione Aegyptiorum Regum more, quatuor ab ipso Regibus, quibus id omnino fa- tale, & prorsus infelix extitisse uidetur: Iacobus e- nim primus à coniuratis in cubiculo confossus inte- rigit: At secundus ipsius filius diffracto violentia ignis tormento, metalli frustulis est disceptus. Porrò ter- tius oppugnante parricida filio iusta acie superatus ad Sterlingum occubuit. Quartum autem primi recta serie pronepotem, ingenti prælio ad Floddon supe- ratum Surreius interfecit, quum Hauardus ipsius fi- lius, qui hodie Henrici Regis penè sacer est, impera- tori patri in prima acie felicem operam nauando ui- etoriam maturasset: impulsu etenim Ludouici Galliæ Regis, quum ab Henrico in Morinis, ingentibus An- glorum & Germanorum copijs premeretur, Iaco- bus Angliam inuaserat Rege destitutam, roboreq; omni ueterum militum in continentem abducto, in tute- la Reginæ, Surreique relictam, Scotti siquidem Reges

mutuo commodo Gallorum Regum amicitia obnixē
colūt, repetitā usq; à Carolo magno, cui Achaius Rex
amicissimus fuit, confirmatamq; demum certis fœderi-
bus à Davide Rege, qui ab Anglis bello captus, eo tem-
pore, quo Ioannes Rex Galliæ ductus in triumphum
Londini aderat, raram Edouardi felicitatē opportu-
tunē cumulauit, quum in eius mensa insigni fortunæ
ludibrio captiui duo Reges spectarentur. Peruetusta
itaq; consuetudine, quum Angli Scotiæ fines inuadūt,
insigniāq; apparatu arma mouent, Scotti statim Gallo-
rum opibus confirmantur, pecuniaq; in primis egre-
giè, ac item tormentis, armis, copijs, peritisq; præser-
tim belli Ducibus adiuuantur. Parem autem benefi-
cij gratiam Scotti promptissimè referendam existimat,
quum in continentem Anglorum copiæ traiiciunt: in
Anglicos enim fines penetrant, tumultuq; hostili in
Northumbria cuncta permiscent, ut domestico belli
metu, Anglorum aduersus Gallos apparatus, atq; im-
petus retardentur: unde illud non infacetè dictum Lu-
douici undecimi Galliæ Regis, qui conceptæ insanæ
opinionem admirabili sèpe prudentia opportunè, at-
que feliciter eleuauit. Quum enim Edouardus infesto
animo in Galliam esset traicturus, sociorumq; legati
à Ludouico amicè, soliciteq; requirerent, ut oppida
ad Samorabrimam amnem, uti hosti exposita, diligen-
tius permuniret, ad ueteres munitiones se uallum pro-
bè ualidum, atq; densissimum adiecisse respondit: mu-
santibus porrò legatis, qui nihil tale factum, aut cogi-
tatum quidem nouerāt, atque itidem, ut publicæ salutè
prospiceret,

prospiceret, suadebat, quod negligentia eorum, qui
 extruendo operi munus suscepisset, nihil omnino esse
 additum, subridens contendit, inquit, in Scotiam, si
 aggeres meos uidere concupitis; quod intelligi uellet
 Anglos si à fronte in aliena terra bellum quererent,
 domi protinus, qui terga cederet, à Galliisq; retraheret,
 proprium, & uerum hostem habituros. Datur autem
 honoris causa ob eximiam fidem Scotis militibus,
 ut eis Galliae Reges corporis custodiam, salutemq; suam
 committant, ut hinc quoq; pernibili spectatæ constan-
 tiæ argumento opportunas arces uti Mediolani uidi-
 mus, Scotici præsidij tutelæ demandatas minimè mire
 mur. Alunt & Galliae Reges Scotorum alas, earumq;
 præfectos in honore habent, uti nuper Eberardum
 Obigninum à nobis in Historijs alterna ludentis For-
 tunæ cum laude posteris narratum, atq; item Ioannem
 Stuardum Albaniæ Regulum, qui uirtutis eximiae te-
 stimonium, dum Gallis militaret, in Italia reliquit: Ro-
 bertum quoq; cum sua tum Eberardi patrui uirtute,
 bello illustrem, inter Gallorum Duces ætatis authori-
 tate facile primum, militiae incommoda egregiè adhuc
 ferre audimus. Scotiæ Regibus eadem sunt iura, ac im-
 peria, in sacerdotes, proceres, & minorum gentium
 classes, quæ apud Anglos uigere meminimus: utrisque
 enim est eadem serè lingua, nec leges omnino dissimi-
 les, quamquam Angli municipales, Scotti autem ciuiles
 magis respiciunt. Paria quoq; exiguntur uestigalia,
 atq; una omnino cogendi, alendiq; exercitus consue-
 tudo; sed Angli Reges pecuniam, Scotti uero militem

imperant; uerum in conscribendo eadem delectus cura seruatur. Scotti quoq; hisdem utuntur armis, sed sagittarum usus crebrior apud Anglos, quod nuper tridentibus Gallis sclopetto uti didicerint; rares autem equites, sed eos eximiæ uirtutis in eorum acie confixeris. Desilire enim ab equis, æquare uitæ pericula, et communicare spem laudis, uel ipsi etia Reges solent, recentissimo Iacobi Quarti exemplo, qui pedes pugnando aduersis uulneribus confossus occubuit. Pugnacissimi autem milites existimantur è Laudonia quæ Pictlandia dicitur, antiqua scilicet Pictorum sedes, Angusiaq; item, et Fifa, quod eæ regiones Anglis eternis hostibus maximè sint propinquæ. Suspecta enim utrinq; arma ipsos finium custodes plurimum exercent, uti nunquam inter eos firma pace, dubijsq; semper inducijis, et ad mutuas insidias concitante odio, quod nulla Regum amicitia, uel cognatione, aut foederum tabulis, minimè restinguiri posse persuasum habent. Armatura porro, uesteque, et reliquo cultu Gallos imitantur, quorum amicitiam mutuis commercijs colunt: epularum autem copia, edacitateque nostris hominibus penè incredibili Anglos antecedunt: uerum nequaquam eruditio gulæ studio protracta in integras noctes conuiuia exercent. Sed certè frigidior cæli plaga uoracitatem excusaret, nisi uaria saporum irritamenta, supra facietatem inexplicabili quadam ingluwie peterentur. Quamobrem necesse est, ut foeminæ continuis redundatiæ uitijs confectæ, jamisso flore illo ualde præcipiti puellaris etatulæ, aniles statim, atq; insuaves

suaves induant uultus, & firmissimorum etiam uiorum
 robora citissime dissoluuntur. Hoc etiam immo-
 derato conuictus sumptu, pleriq; deuoratis patrimo-
 niis ad tantam rei familiaris inopiam rediguntur, ut
 ab obuijs stipem emendicare non pudeat, quod agrum
 colere, aut sellulariam exercere artem, honesto loco
 natis indecorum arbitrentur, usq; adeò, ut plerisq;
 lacrocijs, & furtis sese alere, nullo poenae metu equissi-
 munū putent. Sed eam gulæ intemperantiam plurimum
 adauget obsoniorū immēsa fertilitas. Nulla enim toto
 orbe regio, uel altillum, omnisq; generis uolucrū, &
 ferarū, quæ aucupijs, atq; uenatione parantur, uberta-
 te copiosior; nulla fluminibus, æstuarijs lacubus, et to-
 to deniq; Oceani littore piscofior; nulla maioris, mi-
 norisq; pecoris carnibus abundantior, quæ adeò deli-
 catæ sunt, ut ferinis præferātur, & plures bubulæ sum-
 mam saporis dignitatem attribuant: & hæc etiam a-
 deò uili pretio constat, ut obesi singuli boues, sine ta-
 men tergore, singulis sepe aureis coemantur. Tanta
 autem ubiq; uenatio sese offert, ut uel recta, & quoti-
 diana cōiuia tripartitis cœli, ac terræ, marisq; sercu-
 lis oneretur. Maximè etenim aucupijs, atq; uenationi
 bu studet; nec his eximiæ sagacitatis, & roboris canes
 desunt. Reperiūtur enim ualde proceri, feroceſq;, qui
 herum uel cōtra armatos hostes egregiè tuentur, quin
 admirabili ingenio, fideq; depugnant. His etiā innata
 uis est humanæ propè solertiæ, ut sicariorū, malefico-
 rūq; hominū uestigia sectari, eosq; latebris ad poenā
 eruere soleat. neq; ulli uel regulo fas est, queritantib.

fores obijcere, ut noxius ad alienā iniuriā abscōdatur.
Allatrant enim, ianuamq; unguibus pulsant, & tan-
quam magistratum apparitores, iustitiæ nomine si-
bi uel interiora cubicula pāndi iubent. Iura enim soli-
dæ pacis Rex iuuentegregiē tuetur, Anglorum, &
Gallorum affinitate, ac amicitia stabilitus; Quum
Henricus Angliae Rex sorore genitum territis semper
Scotorum Regulis, qui ad imperium aspirarent, con-
stantissimè foueret; atq; quum postea Franciscus Rex
Galliæ tradita in matrimonium Magdalena filia sibi
generum ascuerit. Vniuersæ porrò Scotiæ Regiones,
atq; urbes, lacus, flumina, & portus singillatim enume-
rassè ipsius Boethi muneris fuit, qui curiositate, &
diligentia amore patriæ dignissima, nihil intactum, &
sine laude uel in asp̄retis, atq; paludibus reliquit. Nos
pro instituto nobiliora tantum attingemus. In Laudo
nia urbs est Edinburgus Scotorum Regia, senatusq;
sedes cincta mœnibus, & arce, quæ ab asseruatis sibi
puellis nomen ducit, ualde insignis. Alluitur autē For-
thea amne, excipitq; ab eiusdem nominis æstuario na-
uigia ab Orientali Oceano in frequentissimum por-
tum uix mille passibus ab urbe distantem, ubi Hemo-
nia est insula, hodie Columba dicta, ultra Fortheam,
in cuius ostio conspicitur castellum Dunbar. Fifa Re-
gio occurrit, insignis sancti Andreæ urbe, sacrorum
primatu, & Gymnasij authoritate, portuq; clarissi-
ma, cui hodie præst Dauid Betonius purpurei ga-
leri dignitate, uitæ splendore, ac ingenij grauitate il-
lustris. In latere autem lacus est, copia, capturaq; pi-
scium

scium celebratur. Nam in Scotia multæ ingentes, & piscofissimæ quidem paludes numerantur, quarum maximæ sunt Laomunda, sub Grampio monte in Oceanum decurrentes, & Fineia in Argadia regione, insulis, arcibus, & frequentibus ædificijs memorabiles. E Fineia in proximum agrum enataesse memorant prægrandem belluam, Molosso, Phocæq; persimulem, quæ cum obuijs fortè uenatoribus ingenti detortæ caudæ ictu crura perfregisset, prodigo locum fecit, quoniam non multò post Iacobus Quartus cum multo maxima nobilitatis parte ab Anglis acie cæsus, insignem Scotiæ luctum attulerit. Ad Fifam Angustia, dicta olim Horestia sequitur, Thao amne longè omnium totius Scotiæ maximè celebris, cuius, seruato adhuc prisco nomine, Tacitus meminit: oritur ex monte Grampio Iulij Agricolæ uictoria nobilitato; is hodie Granzebe nus appellatur, id est eorum lingua incuruus, & asper. Deseritur autem Thaus in æstuarium ubi urbs olim Alectum, à Rege demum Dauidis religionis causa Deidonium appellata. Introrsus uisitetur Perthum in eiusdem Thai, multis iam torrentibus ad aucti ripa ædificatum, quod à templo diui Ioannis nouum posita non men quæsiuit. Nec à Pertho multum distat Scona oppidum, antiquis ceremonijs celebratum, quum solenni admodum pompa Scotti Reges ibi coronentur. Hæc in Noruegiam spectant. Succedit autem Marria, quæ ad extremam insulæ partem extenditur, una prorsus Aberdonia urbe memorabilis, quæ inter Donam, & Deam fluvios sita propter Gymnasium optimarum

artium, portumq; summae opportunitatis multarum gentium concursu frequentatur. Nec in ultima parte laudis posuerim, quod Boethium, quem supra citauimus Scoticarum rerum scriptorem aluerit. Inde ultima Scotie littora cuneatur, efficiuntq; promontorii Dounesbium, Ptolemæo Taruendunum, quod Deuca lionico immenso mari obiicitur. Ab eo in Septentriōne, et mox horrido, et maximè scopuloſo littoris traetu, insulae extrema reflectuntur: ab occasu autem, aurostroq; pariter occurruunt Cathanesia silueſtris gentis; itemq; Roſia, et Morauia, Lornaq; generosi ordei maximè ferax: ubi promontorii Creanter, olim Ptolemaeo Nouantium, quod longissimè prominet in Aquilonem, efficitq; ingentem ſinum adeò caſtigatis introrsus terris, ut diuersa duo maria, non maiore quam uiginti miliarium ſpacio dirimantur. Inde amnis Cluda, à Tacito Glota nominatus, uasto aſtuario in Hybernium ſinum decurrit ad Dounbreton portum, et Emporium: in id enim Cantabri, et Aquitani, ipsiq; p̄fertim Hyberni breuiſimo ſinu ſuperato curſum dirigunt. In ripa Cludæ duodecim millibus paſſuum recedens à mari ſita eſt Glasquensis ciuitas, Archiepiscopatu, et Gymnasio celebris, opulentaq; item pro fluentis cōmoditate, quum à Dumbreto totum id ſpacium commeantibus nauiculis frequentetur. In eius agro aurifodinam inuenit Iacobus Quartus, in qua eſt ille ex auraria gleba Cyaneus puluis eruebatur, quem Azurium uocamus, emuntq; pictores uel mediocre equato auri pretio, ut in tabulis iucundissimum, nec facile

facilè interiturum sereni cœli colorem efficiant: sed ea sectura demum exoleuit, quum Rege uita functo, Quintus hic qui regnat, è fascijs hæreditatem consecutus, nutriciorum incuria utilissimi operis cogitationem abiecerit. Sequuntur et ordine in austrum uerso Nithdalia, in qua Dumfreus portus lanarum in eo træctu præstantia celebratus, quarum tenuissimis ueleribus chirothecæ conficiuntur magnorum Antistitum, inter sacrorum ceremonias manibus dicatae, expetitiæq; plurimum à delicatis mulieribus, ut digiti eorum ab hyemis iniuria munitantur. Id lanarum genus mirè coccum ebit, & florentem ad tineas usque ultimas conseruat. In tergo Nithdaliæ Cumbria patescit, propter gentis nobilitatem, Vuallia Anglicæ facile æquata; quoniam nemo Cumbris imperat, nisi legitime hæreditatis prærogativa imperio destinatus. Inde succedit Anandia, & mox Gallouidia, Brigantibus quondam possessa regio. In ea est paucis admodum stadijs remota à mari urbs Candida, Casæ nomine uocata, insignis Episcopatu opulento, & frequentia peregrinantium, qui religionis causa ad diui Niniani templum miraculis illustre confluunt. Introrsus non longè ab Edingburgo, quod diximus, uisuntur et duæ urbes frequentatæ Regibus, Hadintonia, & Sterlingum. Terra autem Scotica in uniuersum, ubertate, culturaq; Anglicæ facilè cedit: est enim pluribus in locis obsita saxis, arboribus, glabra, passimq; obsessa palustribus aquis, adeò, ut supra id, quod ferendis uitibus, atque oleis est infelix, in ea

etiam triticum in siliginem citò degenerat; sed eā uini
atq; olei inopiam natura uarijs metallorum dotibus
compensauit; quandoquidcm in uberrimos prouen-
tus, si Reges liberali sumptu certam spem fodientium
sustentent, magna uis eruatur argenti, & orichalci, al-
biq; plumbi, & ferri. Reperitur & Gagates lapis, si
bibatur cum aqua tritus ad deprehendendam puella-
rum uirginitatem mirificus (meiere enim uitiatas sta-
tim cogit) certisq; in uadis margaritas magnitudine
insigni, sed quæ rufescant, gibbosæq; sint. Omnium
rerum pater Oceanus abundè suppeditat. Conchæ e-
nim, dum è profundo in summum tranquillim maris &
quor sese attollunt, ut ore patulo cœlestem rorem ex-
cipiant, exquisita arte, magnoq; silentio ab urinanti-
bus capiuntur. Eiicit et Oceanus in Scotica littora Suc-
cimū ab antiquis electrum alio nomine dictum, quod
nos hodie Ambram uocamus: est id subflavum, & odo-
ratum gummi genus omnino duplex, alterum igneo
nitore translucidum, alterum pinguius, & in melleū
colorem deflectens. Ex hoc fiunt corollæ, moniliaq;
dicata ceruicibus puellarum, quod tonsillis, ac angu-
nis medeantur. Ex illo autem uarias imagines sculptæ
ra exprimi uidemus, quæ illigatae auro, emblematis,
& bullæ nomine, torques, & militares pileos exor-
nant: id uero ex spuma, sordicieq; maris, uel ut plurcs
produnt, ex peregrinarum arborum lichrymis, ex-
cipiente, cogenteq; eas Oceano, durari credibile est
in Gleessarijs Germanici maris insulis, quæ à Succimo
glessum carum gentium lingua uocato, nomen tule-
pastoribus

rint. Eius autem ingentem massam in littore Scotico à pastoribus repertam Boethius scribit, quæ inscitia, agrestique libidine perfracta, & temere cremata in odorem priusquam à peritis nosceretur, magna ex parte perierit, quum ex ea, ut credi par est, immensi pretij potoria uasa fieri potuissent. Fert & non uno in loco mirabilem glebam in coquinarios usus opportunam, quæ succensa, & candens ligni modo ardet, & cuncta commodissimè percoquit, hybernaque cœnacula uapore complet, ab nullo nidore fumi algentibus periucundo. Cæterum Caledonia Sylua antiquis nota scriptoribus, quæ hodie Callendar appellatur, uasta sui magnitudine è mediterraneis ad maritima uarijs anfractibus se extendit. In ea inusitatè generis feras, & uolucres esse tradunt, equos scilicet agrestes, & indomitos, atque item tauros summæ feritatis leonum similitudine iubatos, Bisontibus quos Sarmatia gignit, populusque Romanus aliquando in arena spectauit, toruitate aspectus non omnino disimiles. Ii uestigia hominum insidiarum metu astutis sensibus deuitant, attractatasque forte hominis manus frondes quum olfecerint, repente profugiunt, nec capti laberynthis, & foueis ulla omnino pabuli copias placantur: seruitutis enim contumeliam non diu ferunt, in eaque moestitia, contumaci spiritu efflato, citissimè moriuntur: tanta autem iracundia, & robore uenatores inuadunt, ut eos nonnunquam transfoſſos cornibus, euibratósque in sublime crudeliter interinant, subiisseque id uitæ discriminem Robertum Regem

cognomento Brussum annales memorant, quum pro salute Regis quidam è comitatu eius longè promptissimus irruentis feræ impetum obiecto corpore ad non dubiam mortem excepisset. Scatent et nemora nigris Pauonibus, qui puniceo supercilio, et leporinis fratre pedibus anseris magnitudinem implent, tripliciisque pulparum serie sapidissimi existimantur. Occurrunt et Bustardæ olorum amplitudine, quas Plinius, aues tardas uocauit. Celebrantur et Solandæ aues, aquilæ marinæ persimiles, quæ adeò feliciter piscantur, ut quum è profundo optimos quoque pisces miro delectu rostris corripiant, ad nidosque pullorum deportent, magnam prædæ partem hominibus, id cum uoluptate spectantibus, benignè largiantur; suppeditentque item ligna coquendis piscibus, quum nidos è uirgultis, et surculis, ciconiarum more, in præaltis cautibus constituant. Visuntur et Castores Fibris Ponticis pares: itemque nobiliores Martæ, id felium et Viuerrarum est genus, quorum animalium pellibus, mollicie, leuoreaque præstantibus, Principum uestes fulciuntur. Fuere et qui crederet quarundam arborum folia, quum in mare deciderent, occulta quadam Oceani potestate, in anates aues conuerti; sed ea miracula regionis euulgata in remotas gentes, aut falsa omnino, aut certè minora uero uel curiosus, et indefessus uiator inueniet, quod alij, atque alij populi ad ulieriores semper admirabilium rerum famam facile transmittant, adeò ut irrita spe talia quærentium, quum extremæ terræ itinera pariter, uotaque hominum finiant, et cludant,

dant, in longinquas, & ab orbe nostro penitus diuisas insulas, nusquam uisa, nec certa narrantium fide audita miracula referantur.

HYBERNIA ▶



YBERNIAE figuram, quodd enormi, & lunato undique liture, quatuor uentorum cardines totidem promontorijs aspi ciat: querno folio si eius cuspidem, & à pediculo similiter immam partem modicè abscindas persimilem uideri uolunt, qui eam in tabulis effigiant. Longissima autem diametro per obliquum protenditur à Notio Momoniæ, quod in Catabriam uergit ad extremū Holtoniæ caput, Ismeniū antiquis dictū, quo terræ ultimæ immēso ad Arctum Oceano terminātur, asperis obsita montibus, & inculta campis: nec dimidiā quidem Britannie partem æquare existimatur, quum ei par sit uel ubertate agri, uel pecoris foecunditate; & quod Angli facile concedunt, tempore soli, cœli clementia, atq; aeris serenitate nobilior. Verū inculta gens, ignara luxus, & peregrinis illecebris incorrupta, aratrum magnopere fastidit, ligonē recusat, sudoremq; omnē præter bellicum refugit, quo uno nihil ferè, præter decus, querendum existimat. Contēti siquidem pecore, lacte, caseo, et fauis, pisce itē, aucupio ue-

nationeq; dona Cereris, & Bacchi, Principum suorum
 illata mensis non innident: quum uulgo placentas ex
 Olira, & Birram in poculis præferant, & multo legu-
 mine largiter epulentur. Quin & eodem contumacis
 animi decreto metalliferis montibus parcunt, nec au-
 rum, argentumue secturis, & fodinis Anglorum studio,
 & multo labore inde erutum asportari patiuntur, uti
 rem uitæ, ac moribus maximè pestilètem. Hyberni di-
 uisi in multas regiones, inter quas Holtonia, Luginia,
 Connatia, atq; Momonia maximè sunt insignes, ex
 æquo suis Regulis parent, neq; unquam passi sunt, ut
 summa imperij ad unius arbitrium, ueluti sublata li-
 bertate, recideret. Vsque adeò in feris hominibus inge-
 nium uiget, ut iustitiae nomine plurimum gaudeant;
 idq; unum maximè current, ne quis multo maximis ui-
 ribus abundet, indeq; uti plerumq; fit, intollerandus,
 & impotens, cæteris subactis, Insulae regnum arripiat.
 Verum ingenti autoritate, bellicis operibus, & anti-
 qua pariter nobilitate cæteros antecellit C O N N A-
 T I V S Hone Holtoniae Princeps. Is continenter bel-
 la gerit, modo cum finitimis Anglis, modo cum Regu-
 lis, qui undiq; Holtanicos fines amplectuntur. Dua si-
 quidē maritimæ regiones in Luginia, Midiam & Fin-
 galliam eas uocant, Angliae Regum imperio, & presi-
 dijs tenentur. Ab his breuissimus est in Angliam traic-
 etus, intercedente Mona Insula, in quam, authore Tacito,
 repertis humilibus uadis, captatoq; æstu recipro-
 cantis Oceani, miraculo quodam Romanæ legiones
 transnatarunt. Ea uetussum adhuc, immutata litteræ
 nomen

nomen retinet, ita, ut à Mona Hyberniam inuadere in spē triūphi ambitiosè cogitarint, putaritq; Iulius Agricola legione una, et modicis auxilijs subigi ac in pace cōtineri facile posse. In Midia Anglicæ ditionis Dunblinum è Mona conspicitur, amplissima omnium ciuitas, Lipheo amne, Obocco olim dicto, qui portum efficit, atq; item frequenti emporio pernobilis. Anglo-rum enim commercijs maximè creuit; & fuit aliquando tempus, quo Angli magnis exercitibus Insulam per uagati: ad totius Hyberniae principatum aspirareut. Sed Hyberni, qui diu intestino occupati bello graues insaniae poenas dederant, quum periculo admoniti ad publicæ salutis consilium rediissent, coniunctis uiribus ita Anglorum opes, atq; animos contuderunt, ut ne illis exigua pars insulæ, & ea quidem liberali quādam pactione relinqueretur. Armauit enim Hybernia Anglico tumultu supra quadraginta millia peditum, & equitum. Ipse nuper Conatus Hone ex provincialibus suis exquisito etiam delectu quatuor milia equitum, & triplo maiorem peditum numerum in aciem eduxit. Sed demum Thomæ Huardi Scotica uictoria clariissimi industria, & donis in amicitiam traductus, cum Henrico Rege pacem colit. Regia Honel Armacana dicitur, quæ præcipua sacrorum auctoritate totius Hyberniae primatum obtinet: sed nullis cingitur mœnibus, sicuti & cætera Holtoniæ castella nudata muris patent, quum ditionem aduersus hostes expedita manu, campestriq; acie defendere, quam munitione, atq; præsidijstueri nobilius ducat. Vice-

tim habitant, & in diligendis sedibus opportunitates paludum, & montium sequuntur. Connatiū, uti bellico sum, ac intentum decet, pagos devitans, in statuīs castris ac hybernis uitam traducit, umbraculis fronde protectis, tentorijsq; ex pellibus, & linteis militari more imbræ arcet: uentos, solesq; contemnit; nullum ei antiquo gentis more capiti tegumentum præter gæteam. Horrido enim, & circumtonso ad aures capillo, recisaq; sæpe barba, & labro superiore intortis setis ad terrorem hirsuto populariter incedunt, ut bello ferociores appareant. Vnum autem cunctis ferè uestis genus, lanea chlamys, quæ ab humero, ubi est laue manus exertus, circumducitur, limbo ad elegantiam uariagato, iubatoq;. In ea Princeps puniceum colorem præfert, militi cianeum, & ruffulum relinquit: iccirco nostri Hybernicam appellant, uti inde traductam: quam trierarchis, & naualibus socijs familiarem uidemus. Tunicis etiam croceis usq; ad genua conteguntur: quarum margines inductis ferici coloribus acutissimè depingunt. Puellis mos est crimes nodulis collectos ostentare; uelare autem matronis, quæ croceis fascijs per multas spiras conuolutis in orbem, capita Turcarum more exornant. Appellantibus festiuè arrident, et nonnunquam choreas ad Arpen ducunt, quæ utroq; genu contentam per æreas impares chordas argutis digitis pulsant, & modulos alludente uoce comitantur. Apud eas in uniuersum dubius est pudor, & rara admodum pudicitiae laus, quum in per amplis cubilibus integræ familie cubent, & facile tenebris

here-

uerecundiam extinguant. Reguli, nobilesq; uxorem
pariter, et pellices alunt; neq; probro ducitur uxore
repudiasse, redditioq; ei mundo muliebri eundem nu-
ptialē annulum concubinæ digitis induisse. Porrò alij
Veneri licetius indulgent, neq; libidinem inter grauias
crimina Christianis uetita legibus adnumerant, quum
probitatis famam una præsertim inuocentia metian-
tur. Hyberni omnes uel in asperis, et sylvestribus lo-
cis Christianos obseruant ritus: docentur ab Episco-
pis per idoneos literarum Latinarum, et musicæ artis
magistros; qua institutione, eruditioneq; opima sacer-
dotia promeretur. Sunt enim sacræ quatuor metropo-
les, Armacana Holtoniae, Dublinensis in Luginia, Cas-
silensis in Momonia, et in Connatia Tuomensis, qui-
bus Episcopales quaternæ ditiones contributæ sufra-
gantur. Holtoniam secat omnium maximus amnis Bo-
andus, antiquis Buuinda dictus, qui contra Scotie lit-
tora non longè ab Armacana urbe, nauigabili alueo
in Oceanum desertur: abundat Salmonæ pisce, Arin-
gisq; plurimum, quibus sale, et fumo imueteratis mer-
cimonij nomine Italianam repleri conspicimus. Piscan-
tur et in eo margaritas pondere, leuoreq; si candor
accederet, Indicis pares. Holtoniae tergo hæret Con-
natia in Occidentem solem, ac Hybericum Oceanum
deuexa. Hanc ab Momonia diuidit Simeus amnis, qui
hodie dimidium nomen seruat, alluitq; Limericum ur-
bem XXIII. millibus ab ostio distantem. At in Mo-
monia insignis Suirus, cui olim Modani nomen fuit,
in mare cōtra Cantabriam desertur, auctusq; duobus

in unum confluentibus fluuijs, Vaterfordiae urbis portum tutissimae stationis, Anglorum, & Belgarum clasibus praebet. Per Luginiam autem Oboccus, qui hodie Lipheus dicitur, sinuato cursu multis torrentibus praecips datus Dublinium interfluit, atq; inde ad decem millia paſſ. magnarum nauium capax contra Monam Oceano miscetur. Verum, uti diximus, Holtoniae Bodadus, & aquarum mole, & longitudine cursus, & fertilitate piscium ceteros antecellit. In eo supra Armanam stagnum haud per amplum admirabilis naturae celebratur, in quo si pertica ex Acrifolij planta in uado defigatur, & post aliquot menses reuellatur, extremam partem, quæ limo inhæserit, in ferrum conuersam, secundam uero, quam profluentis unda continuè abluerit, in cotem duratam spectantibus ostendet. Miraculo quoq; proximum uidetur, ex putri ligno, naufragiorumq; reliquijs, quæ illisæ littoribus, perpetuis Oceani fluctibus agitentur concipi, enasciç;, & demum euolare inde aues, quæ in usu mensarum sint, & nostris anatibus assimilentur. De oraculo autem ad diuini Patritij puteū, quo nouenis haustibus expiari animos à grauibus delictis ferunt, atq; inde cōcepto uaticinio ad diuinationem præparari, nihil hactenus à nobis compertum est, nisi cuniculum illum in abdita rupe ad extremam Insulae oram, qua Cori flatibus exponitur, antiquorum operis excauatum, ubi puri laticis uena scaturiat, inter miracula reponamus. Nos hæc uti fabulosa curiosæ superstitioni, & peregrinantium uotis relinquemus. Hybernia certè miraculo quodam

dam serpentibus caret, neque ullum noxiū animal
ea terra patitur, præter lupum: cætera uti apud nos
cernuntur, præter asinos, quos uel importatos haud
dubiè non alit. Equi autem tota Hybernia tollu-
tarij incorrupta sobole progignuntur, quos à molliſſi
mo incessu Hobinos Angli uocant, ob idq; delicatis ex
petuntur, & in Gallia, Italiaq; nobilioribus fœminis
dono dantur. Ex hoc genere duodecim candoris exi-
mij, purpura, et argenteis phaleris exornatos in pom-
pa summorum Pontificum ſeffore uacuos duci uide-
mus: iusta proceritas illis deeft, ſed forma, decore, ſpi-
ritu maximè præcellunt. Holtonia autem per acreis,
robustos, & uigore animi prorsus in trepidos, tanquā
ad bella natos producit, quibus post ordei, pabuliq;
mensuram Acrifolij frōdes in flamma peruſtas, & cre-
pitantes in præſepibus opponunt; quo alimento ſana-
ri conuulſos, & uitalia foueri experimento didicerūt:
Hos Hispaniæ, Galliæq; mercatoribus permutatio-
ne, aut pecunia diuendunt. Præbent & Hyberni Mar-
tarum, & ſyluestrium felium pelles, quibus nobilium
fulcitur uestis. Taurorum ita tergora, & lanatas ouii
exuuias, & qui à uolatus perniciitate maximè proban-
tur, falcones Regum aucupijs dicatos; pro his ab Hi-
spania, Galliaq; loricas, galeas, ſpicula, gladios reſe-
runt, atq; item uinum, oleum, & crocum: ſed merca-
tur & quæſtibus militare decus anteponunt. Lites non
diu alere mos eſt, quum aduocatis non ſit locus, & con-
trouerſiæ, aut expedito iudicio, aut armis finiantur.
Soli ſacerdotes Antifitum tribunalia frequentant, ut-

pote, qui Pontificij iuris decretis pareant. In summo
 igitur honore sunt milites, e quitesq; in primis, &
 secundum hos grauis armaturae pedites, quos uti vetera-
 nos, & bella ex bellis serentes, in castrisq; educatos i-
 psorum lingua Galloglathas uocant. Inter omnes Con-
 natius Honel equitatu pollet, & grauis armaturae pe-
 dites unus alit. Cum ijs enim agros, & fortunas om-
 nes partitur, quum pecuniae egens ipsis uitae alimentis
 ac item ueste, armis, & equis stipedia persoluat. Eques
 lorica, & galea munitur, laeva lanceam Hispanicam,
 habenasq; simul comprehendit, dextra ualidissime a-
 mentata iacula contorquet. Plura enim aut contenta
 gladij baltheo, aut compressa fæmore gestare consue-
 uit, alia pedites famuli subministrant: ita eminus iacu-
 lis rem gerit, cominus autem traducta celeriter è laeva
 in dexteram lancea, atq; ea ad medium altè sublata ite-
 ratis ictibus pugnat. Binos singuli trahunt equos, al-
 terum, quo extra aciem uebuntur, alterum autem egre-
 gium bellatorem sessore uacuum, in quem opportunè
 transcendit, quum classicum ad arma uocat, non clan-
 gore tubæ, sed ingentis ligneæ buccinæ mugitu præliu-
 accendent. Tanta uero equiti ad regendum, atq; inci-
 tandum equum agilitas, ut nutabundus, & eludens mi-
 cro corporis flexu hostilia tela deuitet, atq; ea solo spar-
 sa poplite ab ephippio suspensus exorrecta laeva cor-
 ripiat. Veterano autem pediti præter galeam, & lori-
 cam, lata ex maculis ferreis fascia guttur munit. Is tū
 Germanica secure utitur, quum initio prælii iaculum
 emiserit. Ex his stataria acie in medio constituta præci-
 nente

nente utriculario tibicine¹, leuis armatura ē cornibus
procurrit; iaculis, sagittisq; res geritur, quas breuibus
et ligneis arcubus emitunt. Gallo glatha autem tanta
constantia depugnat, ut nullo mortis metu fortiter uincendum,
aut in uestigio honestè cadendum putet. Inter
teremptorum funera non planctu, et lachrymis, sed
decantatis laudibus celebrantur: præficas enim pro-
pinqui precio conducunt, quæ exequias nænijs exor-
nant. Pertinere siquidem ad familiæ decus arbitratur,
egregiè fato functos non diu luxisse; quòd non lachry-
mis, sed diuturna memoria dilectos prosequi præstan-
tius ducant, tanquam eis honestum uitæ exitum,
illudque incomparabile bonum su-
premæ pacis inuidisse di-
spudeat.

F I N I S.

INSVLAE HEBRIDES

ET ORCHADES.



INTER Scotiam autem ac Hyberniā extrorsus in Septentrionem per Oceanum spar-guntur Hebrides Insulæ, numero quadraginta tres, Eboniæ quibusdam dictæ, è quibus Hylla promontorio, quod diximus Nouantio aduersa, & post eam Cumbra, & Mula metalliferæ, sed exercendis fornacibus lignorum inopia damnatae: distant ab Hybernia triginta paß. millibus. Scotico autem littori proxima est Hiona, quæ & Chilca hodie uocatur, intercurrente freto, stadiorum ferme centum. In ea sedes est Episcopalis Sodorensis, cuius Antistitis in circumiectas insulas sacrarum ceremoniarum iura, ac imperia diffunduntur. Ibi etiam uiget Cœnobium cucullatorū sacerdotum ex ordine diu Benedicti, miro templi ornatu, & sancta conuictus frugalitate celebratum. In ea quoq; antiquissimorum Regum sepulchra insculptis elogijs, & rerum gestarum titulis spectantur. Nam antiquitus eorum funera sumptuosissimo exequiarum apparatu in Hionam atratis classibus ducebantur, qui mos demum exoleuit, frigente scilicet cura pietatis, & laudis apud eos, qui astutæ ratione, ut pompæ decus cōtemnere uideantur, facile mel honestissimis sumptibus parcunt, & suorum manibus.

bus nullo, uel simplici cultu parentandum existimant.
 Afferuantur & in arcanis templi armarijs uetusissi-
 morum annalium codices; atq; item latæ membranæ
 ipsorum Regum subscriptæ manibus, aureis, uel cereis
 sigillorum imaginibus obsignatae: quibus antiquæ le-
 ges, edicta&g, & finium, ac ciuitatum iura publica con-
 tinentur. Nam a quoq; est, prisca ingeniorum monu-
 menta, Romanasq; historias, quæ quisq; uel idiota cu-
 pidissimè desideret in illis scrinijs recondi: quas Fergu-
 sius Scotorum regulus non incuriosus, ut uideri po-
 test, amator historiæ, Alarico Gothorum Regi comes,
 direpta urbe Roma secum abstulerit, in Hionamq; de-
 dum tumultu Danico diligentius, & tutius afferuan-
 das religiosè transflulerit: ita, ut non omnino uanum,
 & irritum uideri possit reliquas T. Liuij decades ex-
 pectare, quarum è tenebris erutarum certa exempla
 ad Franciscum Galliæ Regem Scotorum literis proli-
 xè, atq; munificè præmissa nuper audiuiimus. Maxima
 uero omnium Hebridum Leuissa existimatur, qua m
 è littore Britannico ab Agricolæ socero spectatam Ta-
 citus Thyle esse putauit, quum Scotlania proculdu-
 biò, uti terrarū ultima, ea sit Thyle, quæ Virgilij carmi-
 ne celebratur, in quā uix triū dierum nauigatione, &
 secundis quidem tempestatibus ab extrema Scotia per-
 uenitur. In ea Ictyophagi omnium rerum, & brumali
 præsertim tempore cœlestis lucis inopes degunt. Cœte-
 rum ex Hebridib. extrema uocatur Hirtha, ab hircis
 ingentibus, quibus abundat, ut ferunt, appellata. Si e-
 nim proceritate eximia, asinos antecedunt, in cæque

polus ab Arctoo cardine tribus & sexaginta gradibus eleuatur. Ad eorum porro numerum, ut diximus, reliquæ accedunt, & eæ prorsus ignobiles, quod alia cœli, et terræ malignitate sint inulta, aut aspera saxis alia autem arbustis, & uirenti cespite nuda; nonnullæ etiam uti perpetuis cinctæ cautibus penitus inaccessæ atq; ita formidabiles, ut à pescatoribus tantum adeantur. Inde uastus se se in immensum pandit Oceanus, ad Corobrechum supra Hirtham, inuisitata, ineuitabile que uertigine infamis. Nam ibi maria occulto naturæ impetu in orbem rapidissimè concitata, attractu violento nauigia absorbent. Quum itaque Hebreides ad Occasum in Hyberniam spectent, ab altero Scotie littore Orchades ab Oriente sole in Noruegiam obuertuntur, numero, uti ferunt, ad triginta. In ijs Pomonia summam obtinet claritatem Chirchouallio urbe binis munita arcibus ualde insignis. Est enim Pomonia cæteris omnibus maior, atque fertilior, è qua Claudio Cæsar deuicto, & capto Ganio Rege triumphi laureolam expetiuit; segete omni præ fertimque ordeo plurimum abundat; triticum tamen ad generosam frugem non prouehit, quum nec maiores & fructiferas arbores ferat: sed in ea sunt frequentia maioris, minorisque pecoris armenta, leporumque, & cuniculorum admirabilis multitudo, olores, gruesque uisuntur innumeri. Subest ex opima piscatio ita, ut hac insigni tantarum rerum copia desideratæ frugis incommoda facile sarciantur. Cæteræ insulæ sunt in ditione Pomoniensis Antistitis, sed Scotiæ

Scotia Regum imperijs reguntur. In his eadem natura soli, atq; eadem cæli salubritas; sed quæ ad Noruegiæ proprius accedunt, uitæ duritie, & moribus multò agrestiores ex stimantur. Sunt et aliae ultra Orchadas insulae, quas Scethlandias uocat. Earum incolæ semi-nudi, atq; inopes, ouis auium, & solis propè piscibus sese alunt: iustitia, & pace gaudent, & quum diuitiarum, atq; luxuriæ nomina nunquam audierint, in summaq; egestate, & in perpetuis brumæ tenebris uiuant, fere omnes incredibili naturæ felicitate ad summam senectutem perueniunt. Deum adorant, & sacrorum causa quotannis circa solistitium sacerdos ad eos è Pomonia traiicit, natosq; eo anno infantes Baptismatis fonte perfundit, sacra solennia celebrat, indeq; spe luncis, atq; tugurijs eorum sancta aspergime collistratis, acceptisq; ex durato pisce decumis, abundè ditatus ad Orchadas reuertitur. Ultrà Scethlandias ad dextram aliae quoque paruae, & ob id innumerabiles insulae immanium scopulorum effigie, toto eo Oceano se diffundunt, quo horrentia gelu, & tenebris Noruegiæ littora quatuntur. Non longè enim abest illud extreum Noruegorum caput, quod antiquis in cognitum, recentiores Cosmographi Nodrosium appellant, enormi siquidem terrarum, & littorum uastitate, ut suo loco dicemus. Scythia in Corum uentum procurrit, continente ipsa, in modum per angustæ falcis ad Orchadas incuruata; ita, ut amplissimo sinu, uarijsq; & admirandis anfractibus Suecorum, & Gothorum populosissima regna complectatur. Inde ille

immensus, & in nullum postea littoris conspectum, nisi infausta temeritate nauigabilis patescit Oceanus, cuius fertilissima piscatione quotannis Europam omnem facile compleri conspicimus. Incredibile dictu est quanto apparatu, quantisq; classibus in eos tractus expeditiōnē suscipiant populi fermè omnes, qui Britanniae, Galliaeq; & totius Germaniae oram attingūt: ingenti siquidem studio, laboreq; uti accidit, in spem certam uberrimi prouentus societates inēunt, constitutis inter se legibus, quibus patentis Oceani spatia et tractus, sublata cōtentionis occasione diffiniunt. Ea uero captura omnis, unis alecibus constat nunquam expansæ manus mensuram excedentibus. Hi pisces clupeæ, uel minoris aloſæ argenteo nitore speciem referrunt, Aringæq; uocantur, quæ salitæ cadis, aut ad pallorem aureum fumo inueteratæ; ad nostra q̄. oq; Emporia conuehuntur. Discedunt, ut credi par est, ex ultimis Arctoi maris partibus tanquam ex hybernis, ut in orbe nostro mollius aestuent, ouaq; deponant; piscium uero classes, in queis s̄epe ad mille nauigia numerantur, adulto uere è continentí Galliae, atq; Britanniæ portibus soluunt circa solsticium: toto sparsim difusæ pelago piscantur. Remeant ante æquinoctium omnæ præda; quæ demum foeminarum excepta manibus peculiari ipsarum arte, & diligentia curatur, atq; diuenditur. Ceterum quum in alto piscationi incumbunt, tanta Aringarum uisiturn multitudo, ut earū densissima, infinitaq; agmina perpetuo transcursu liquidissimi æquoris nitorem obscurent, indeq; pigrescant fluctus;

fluctus & opposita incidentium impetu retia s̄epissimè rapiantur. Nauigia eorum in medio lata, rotundaq; sunt, obtusis admodum proris, & puppis, ad quas retia religant. Ea autem adeò scitè, atq; celeriter, si forte tempestas immineat, lignea testudine conteguntur, ut omnem uel immanium fluctuum contumeliam facile ferant, & nautæ sola in uertice adaperta fencella, cælum sp̄ectent; ac inde pariter aerem, lucemq; recipiant; commissuris scilicet adeò peritè obstructis, atq; picatis, ut agitata, & fluctuantia pelago, nec mersa unquā, librante, sustinenteq; incluso spiritu, tutissimè uolutentur. Adapertus enim Oceanus per solstiales dies admirabili tranquillitate consernitur, quū rariissimè quoq; eueniat uel subortis etiā uentis, ut spumosis, atq; refractis fluctibus intumescat, remotis scilicet terris, quæ suo naturali halitu uētos, & procellas adgeneret. In extremis porro, & niuosis Noruegiæ littoribus homines feros mostroso aspectu, & praelongis undiq; setis, & crinibus coopertos, maximeq; horribiles uersari tradunt, qui terribili garritu pro sermone uantur, minoresq; plantas admiranda ui manibus reuelant: in Oceano quoq; & fluuijs mirificè corripiendis piscibus urinentur, & per glaciem, & duratas niues firmo uestigio stantes, in corticibus arborum, præfatisq; innixi contis decurrant, ut feras consegetur. Ab his eiectos in littus peregrinos homines per noctem, quod perosi lucem in tenebris maximè grassetur, fusibus interimi, deuorariq; asseuerant, immanium Cahibalum more, quorum insulas ea sauitia infames, Co

lumbus Ligur Hispanica classe proiectus, in Occidente repererit, quū felici ausu alterum nobis orbem apere riret. Has Scythicas atroces belluas ætate nostra conspexere Scotorum Legati à Ludouico Rege Gallie redeuntes: uixq; eas militari uigilia, uirtuteq; post insignem metum effugere; quū è Morino littore in altū arrepti transuersis tempestatibus ad inhospitum Noruegiæ littus peruenissent. Sed hæc monstrifera loca, inusitataq; pericula narrantibus, nemo nisi inuerecundus fidem astruxerit, aut improbus eleuarit. Nos autem in præclaro testimonio recentis historiæ, ut in certissima ueritatis luce cōsistamus: ne adulazione dulcissima ægris, aut ociosis animis fabulosa ad uoluptatem scribere uideamur.

FINIS.

INDEX.

NOVA ET ANTIQVA LO- *corum nomina in Scotia.*

- Aberdonia gymnasium, Aberdine.
Alectum, nunc Deidonum ciuitas, Donde.
Angusia, olim Orestia, nunc Anguishe.
Argadia, Argathelia, Argile.
Bremenium, Beruicum, Beruic, oppidum in
Scoti finibus, nunc Anglicæ ditionis, olim
Orduluciur appellatum.
Brigantia, Gallouidia, Brigantes, nunc Gallo-
uais, Calender, & Calder, vbi olim Caledo-
nia sylua ingens, cuius nunc pauca extant
uestigia.
Carrichtonum oppidum, Carbantorigum, Car-
rik.
Cathenesia, vbi olim Carnones, nunc Cath-
nes.
Cluda fluuius, olim Glota, nunc Cloit.
Diua fluuius, nunc Dea, Dec.
Duncheldinum ciuitas, olim Calidonie ca-
strum, nunc Dunchel.
Dunbarrum, Vararum, Barri castrū, Dunbar.
Dunbretonū, Britonum castrū, olim Alcluth.
Ednigburgus regia ciuitas supra Fortheam flu-
uiū sita, olim Agneda, & arx puellarū dicta.
Euonium castrum, nunc Donstaphage.
Forthea fluuius, olim Loxa, nunc Fierth.
Fifa, Fiflandia, olim Otholinia.

I N D E X.

- Grampius mons, Granzebain, id est mons in-
curuus.
- Hybernia Insula, Irelandia, Ireland, vbi Dubli-
num ciuitas, olim Eblana.
- Hebrides Insulæ, olim Ebudæ, siue Eboniæ.
- Iona Insula, nunc Chilca, vetus Regum sepul-
tura.
- Laudonia, olim Pictlandia, siue Pictorum
terra.
- Lacus Lomundus insulas habens triginta,
Logh, Loimund.
- Lenofia, Lennos, vbi olim Elgouia.
- Leuinus fluuius Bodotria.
- Mons rosarum, Montros, olim Celurca.
- Nouantum, Chersonesus, & promontorium,
nunc Terræ caput in Argadia.
- Orchades insulæ, nunc Orkneys.
- Perthum, siue Bertha, nunc oppidum. S. Ioan-
nis. Seynth Ionnis touune.
- Pomonia Insula, Kirchouallia.
- Sterlingium castrū, Sterling, unde ponderum,
& mensuræ nomina, olim Mons dolorosus.
- S. Ninianus, Seynt Troniās, olim Cádida casa.
- Taus fluuius, nunc Tai.
- Taruedume promontorium, vbi nunc Don-
gisbeum.
- Thezailum promontorium, nunc Buthania,
Buthuuayn.
- Thule Insula, siue Thyle, nunc Schetlandia.

F I N I S.

AD

**ADPAVLVM IOVIVM
EPISCOPVM NV CER.**

VIRORVM ALIQUIT IN BRITANNIA, qui nostro seculo eruditione, & doctrina clari, memorabilés-que fuerunt,

E L O G I A

Per Georgium Lilium Britannum, exarata.



VM AD BRITANNIAE insulae situm, lociq; naturam, Doctiss. Præsul, peregregie abs te descriptam, haud ab re fuerit in eadem insula ingeniorum quoq; fertilitatem agnuisse, ut Bedæ, Alcuini, Scotti, Ruperti, quos uel multis ab hinc seculis terra illa perperit, aliorumq; qui suis temporibus inter scriptores celebratissimi enituerunt; nomina præterea clarorum aliquot uirorum, quos posterior hæc ætas nostra produxit, rudi penicillo utcunq; adumbrata Elogia tibi nunc affero. Hoc enim, ut facerem, cum uel ex tuis scriptis illustrata nunc Britannia me inuitauit, tū uel communis patriæ meæ charitas, & istorum uirorum, quos egomet omnes propè de facie cognouerim, di-

gnitas impulit. Accipies igitur ea, qua soles alacritate ad descriptam hanc abs te Britanniam felicissimum quoque eius Insulæ partum, quæ nobis uno, atque eodem seculo, multiplici eruditione, & doctrina, uel istos quidem ante alios omni memoria dignissimos edidit. Quod autem ad ordinem, atque in recensendo seriem attinet, quum eisdem temporibus omnes sub duobus Henricis, Septimo & Octavo eiusdem nominis Regibus (quorum imperium sexaginta circiter annorum spatum complectitur) extiterint, operæ pretium esse duximus, ut aliis ante alium uita pri-mò excesserit, ita & subsequentem de singulis narrationem attexere.

Ioannis Coleti.

*Verosimilium
de Joanne Coletus*

HONESTISSIMIS suæ ciuitatis parentibus Ioannes Coletus Londini natus est, patre Coletum secundum ad summam præfecturam bis in ea urbe uocato, matarum fuisse nobili, ac prædiuite fœmina, ex uno tantum coniunione in iugio uigesimo secundo partu leuata, Ioanne Coleto Scotista, et natu maximo, eodemque ex tam fœcunda prole, cui omnibus in Thomista nis ueniret hereditas defunctis ceteris, superstite. Is contemptorem statim à pueritia liberalibus disciplinis domi institutum Monachorum tutus, mox tanquam auditus optimarum artium mercator, Galliam primò, deinde Italiam adiit; præcinnicius, tma, pùè autem ad sacrarum literarum scientiam, omnemq; genii irrigore studiorum suorum cursum direxit. Ex Italia in Britannię igitur tanniam reuersus, trigesimum circiter ætatis annum Iovius in ea agens, in Oxoniensi gymnasio cum summa Christia-ae deceptu & cū scribit fuisse Carthusianus.

nae uitæ disciplinam profitentium admiratione, publicè Paulinas Epistolas omnes gratuita opera enarravit. Oxonio deinde ab Henrico Rege eius nominis Septimo, Londimum est reuocatus, & amplissimo sacerdotio donatus, tēpli in ea urbe maximi, ad diui Pauli, Britānico ritu Decanus dictus, ubi per annos aliquot è suggestu Christiano more cōcionandi formā auspiciatus, pia diffiniendi, atque differendi facultate, inter suis temporis oratores præstantissimus habebatur. — Huc accedebat ergegij corporis proceritas, & suspiciendi oris serenitas, ut subinde in omni actione mirus, uenerandusque existeret. Tandem uero cū abdicatis rebus omnibus, & relicto eo, quo fungebatur sacerdotio, procul hominum turba, cum paucis reliquum uitæ, in Christianæ philosophie ocio trāsigere decreuisset, ad Scœnum nobili Cartusiensium monachorum cœnobio, septimo ab urbe Londino lapide, per amoenο loco, & alta solitudine piæ meditationi, studijsq; aptissimo, extructo sibi eleganti apparatu domicilio, pestilenti sudore paucis ante annis peculiari Britaniiæ morbo, semel, atque iterum correptus, quum & tertio ab eodem repetitus, utcunque tamen reuixisset, ex eius morbi reliquijs contracta uiscerum tabe, haud ita multò post Londini perijt. Sepultus est ad diui Pauli, humili quidem sepulturæ loco, quem sibi ante aliquot annos delegerat, inscriptione addita. Sed & funeris honorem omnem abdicanti, habitus est ei amicorum cura maximus, exquisitaq; industria tabula eruditio præconio exornata, depictaq; ad uiuum

effigie sepulchro affixa. Nihil autem, quod extet, in scriptis reliquit, nec multa eum scripsisse constat, sed purissimam Latine linguae elocutionem, eandemq; Laconica breuitate compositam, ex aliquot eius ad Erasmum familiaribus epistolis colligere licet, cui etiā in sacra Biblia ad antiquae lectionis dignitatem restituēda, ciuilis, ac diligens bibliothecæ cultor, haud mediocrem operam præstítit, exhibito ipsi Erasmo uetusissimi codicis exemplari, unde, & Biblam ipsam multo nunc quam antea castigatiorem legimus. At illud sanè Coleti præter cætera ad æternam laudem posteritati relictum, quod illustri in rem literariam patrocinio, Britannicæ iuuentuti erudiendæ Londini scholam publicam magnifico opere extruendam curauerit, pia, atq; munifica liberalitate erogatis in eandem priusquam obiret, amplissimi patrimonij sui opibus, quibus, & præceptores duos honestissimis stipendijs alerentur, & adolescentes ipsi gratuitò sub eisdem præceptoribus edocerentur. Atq; hoc beneficio Britannia subinde delectissima semper iuuenum indole, politiori literatura proficiuntum, ex hac schola præceteris nobilitata, fertilissima posteris ingenia ostendit. Fuit is annus, quo Coletus nondum senex, Christina matre adhuc superstite, obiit, Henrici & Francisci Regum in Morinis ad Arderas colloquio celebris.

Guilel-

EXODIAMO VUINTONIENSIS DIOCOESIS OPPIDO, GUILIELMUS LILIUS RARA INGENIJ FELICITATE, RUDI, ET BARBARO PENÈ ADHUC SECULO INTER PRIMOS CULTIORIS DISCIPLINÆ PROFESSORES CLARUM NOMEN IN BRITANNIA MERUIT. QUI MIRA PERGRIMĀDI CUPIDITATE INGENUUS PUER HIEROSOLYMA USQ; PIETATIS STUDIO PERUAGATUS, MOX INDE REDIENS, RHODI ALIQUANDIU LITERARUM CAUSA SUBSTITUIT, IBIQ; LATINÆ PARITER, ET GRÆCÆ LINGUÆ RUDIMENTA PERDIDICIT. ROMÆ DENIQ; INTER FELICISSIMA EIUS SECULI INGENIA SULPITIUM, ATQUE POMPONIUM DOCENTES AUDIUIT, EXCULTOQ; ADMIRABILI FELICITATE AD OMNIA HUMANITATIS STUDIA INGENIO, POST ANNOS ALIQUIT IN PATRIAM REUERSUS, FACILEM SUIS CIUIBUS ELEGĀTORIS DISCIPLINÆ UIĀ PRIMUS OSTENDIT: QUEM IOANNES COLETUS, HONESTO STIPENDIO, ET ORNATISSIMIS ĀDIBUS AUCTUM, NOUÆ SCHOLÆ SUÆ LONDINI PRIMUM PRÆCEPTOREM DELEGIT; QUO IN MUNERE ANNIS QUINDECIM ITA SE EXERCUIT, UT PER UTILI GRAMMATICAË ARTIS COMPENDIO, BREVI TEMPORE MULTÒ MAXIMAM BRITANNICÆ IUVVENTUTIS PARTEM AD EXACTISSIONAM LATINARUM LITERARUM COGNITIONEM PERDUXERIT. EXTAT EIUS SYNTAXIS INSCRIPTIONE LIBELLUS, LATINI SERMONIS CONSTRUCTIONEM BREUITER ET CRUDITÈ EXPLICANS, SUB ERASMI NOMINE Ā LIBRARIJS EXCEPTUS, CUI LILIUS ID OPERIS RECOGNOSCENDUM PAULÒ ANTEA QUAM EDERETUR OBTRULERAT; NEC ENIM POSTEA LIBELLUM QUEM ALTERIUS IUDICIJ CENSURÆ SUBMISERAT MODESTUS INGENIJ SUI ĀSTIMATOR SUO IPSIUS NOMINE IN PUBLICUM PRODIRE VOLUIT. SCRIPPSIT, ET AD INUTILEM GRAMMATICARUM PRÆCE-

ptionum congeriem abolēdam, paucis exametris uer
sibus de Latinorum nominum, uerborumq; generibus
opusculum, rudibus adhuc ingenij maturandis accō-
modatum. Sed et in carmine mirè felix, atq; candi-
dus, Philippum Maximiliani Cæsaris filium, ui tem-
pestatis, dum ex Flandria Hispaniam peteret, disiecta
classe, in Cornubici littoris portum appulsum, ele-
gantiissimis aliquot uersibus celebrauit, quum eteo-
dem turbine sublata ex Paulini templi fastigio ænea
magni ponderis aquila, quæ facili motu spirantium
uentorum regione indicare solet, ad tabernam libra-
riam proximam in depictæ aquilæ tabulam impete-
ret, quo ueluti prodigo, iam tum non sine diuini nu-
minis potentia, ex tam graui naufragio, Philippo Re-
gi, qui pro insigne aquilam gerebat, optatam in Bri-
tannia salutem contigisse ostendit. Carolum item Quin-
tum Cæsarem ab Henrico Octavo Rege magnificen-
tiissime hospitio exceptum, et celeberrimo spectaculo
rum apparatu Londini urbem intrantem, panagyri-
co carmine, et luculenta oratione à puerò in foro pro-
nunciata laudauit. In uertendis autem Græcis aliquot
Epigrammatibus, cum Thoma Moro adolescens con-
tendit, in cuius gratiam Spiritei Hetrusci equitis libel-
lum haud illerido argumento ad talorum iactum de-
ductas sortes interpretant̄, ex Hetrusca lingua in Bri-
tannicam, periucunda adhibita sermonis gratia, con-
uertit. Ad postremum, desæuiente Londini peste, con-
iuge, qua eum amabili semper concordia sanctissi-
mè uixerat, absumpta, et numerosa simul sobole, quā

ex

ex eadem ad decimam quintam usque prolem suscep-
perat, penè orbatus, ex uerrucula, quæ diu antea
coxæ adnata, temere scalpendo, recrudescientibus po-
stea doloribus, ad ingentem strumam uenas, arteriasq;
implicantem, malignè concreuerat, multum uexa-
tus, ex chirurgia medicis aliquot facilem eius mor-
bi curationem sibi promittentibus, licet plerisq; id om-
nino dissuadenuibus, & Linacro in primis certissimū
uitæ periculum ei prædicente, secari uoluit, unde, et
septmio post die quinquagenarius interiit, cum ma-
gno ciuiū suorum desiderio, quibus dum uixit, grati-
simus extitit. Sepultus est in Paulini templi uestibulo
ad Agnetis coniugis latus, sub eius anni initium, quo
paulò antea Rhodos insula à Solymano Turcarum
Principe expugnata fuerat.

Gulielmi Grocinij.

PA RIBVS quoq; auspicijs eruditii ingenij lau-
de apud Britannos celebre Grocinij nomen
iam inde posteris permanxit. Qui prima Græcæ & La-
tinæ linguae rudimenta in Britannia hausit, mox soli-
diorem eisdem operam sub Demetrio Calchondyle, et
Politiano præceptoribus in Italia impendit, ac deniq;
in utraq; lingua peritissimus euasit, domumq; rediēs
ad excolenda Britannorū suorum ingenia, congregatas
studiorum opes liberaliter effudit. Qui primus in O-
xonensi gymnasio, frequenti iuuenum concursu Græ-
cas literas publicè profiteri cœpit. Sed et philosophiæ

studia secutus, diuinum illud Platonis ingenium Ari-
stotelem solum extollendo, ita neglexit, ut opponen-
tibus interdum sese ad Platonicæ doctrinæ defensio-
nem, amicis truculenta uoce respōderit, Platonē nihil
aliud in tota disciplina, præter quām Græcorum fig-
menta, & aniles fabulas rudibus philosophastris pro-
ponere. Aristotelis uero, una cum Linacro, & Lateme-
rio communicato labore, interpretandi prouinciam
est aggressus; quam tamen paulo post, oblato sibi sa-
cerdotij honore, mutato consilio deseruit. Fertur & à
nonnullis adolescens Alcumisticæ artis studium aliquā
diu secutus, quod etiam Britanicis legibus damnatur
& hoc ab eo per iocum percunctanti quondam Hen-
rico Septimo Regi, ingenuè respondisse, eius artis si-
quidem secreta perscrutandi desiderio, se curiosa iam
olim quorundam emulatione seductum, sed frustra fa-
tigando nullum sibi inde inuentum lucrum. Vixit par-
uo contentus, exquisitam omnem urbanitatem simpli-
ci, & subrustico sermone comiter excipiens, ac deniq;
uel unica tantum, dum uiueret, ingenij laude nobilis.
Obiit sexagesimo circiter ætatis suæ anno, nihil us-
quam, quod extet, in scriptis posteritati relicto.

Thomæ Linaci.

EO D E M fere tempore, quo & Grocinius,
Thomas Linacrus perdiscendi studio ex Britan-
nia in Italiam uenit, Florentiæ Demetrio & Politiano.
præceptoribus usus, atq; à Lauretio Mediceæ familie
Principe

Principe uiro, præclari ingenij admiratione, familia-
riter acceptus, Romam inde optimarum artium cogni-
tione auctus, ad perscrutandas antiquæ Urbis opulen-
tijsmarum bibliothecarum diuitias profectus est, ibiq;
cum aliorum, tum & Hermolai Barbari docta consue-
tudine ad summum excellentis ingenij profectū pere-
gregiè usus, diu desideratum literarum decus in Bri-
tanniam attulit, Arthuro principi, Hērici Septimi Re-
gis filio aliquandiu præceptor datus; præcipue autem
ad medicinæ scientiam uix ulli adhuc in Britannia na-
to feliciter tentatam, studium omne conuertit. In hac
demum ita se exercuit, ut commendata sibi Hērici Re-
gis sanitatis tutela, & talari toga purpurea amictus,
uilloſi serici nigri stola lata in humeros proiecta, inter
aulæ Regiæ proceres conspicuus incederet. Inter alia
uerò præclara eius ingenij monumenta, uel illud Ga-
leni de Sanitate tuenda opus, è Græro summa Latini
sermonis elegatiā felicissimè traductum, immortalē
sibi apud posteros laudem comparauit. Extat & Pro-
cli Sphæra eruditè ab eo interpretata, & Arthuro
Principi dicata. Sed & de Emendata Latini sermonis
structura, ex prestantissimorum authorum obserua-
tione compositum uolumen, paulò antea, quam uita
excederet, publicauit, adscripta præfati uncula Mariæ
Henrici Octavi ex Catharina Hispana coniuge filiæ,
laudatissimæ indolis, & admirabili uirtutum omnium
concentu, ad omnem gratiam promerēdam natæ Prin-
cipi, cui renouato prudentissimi patris exemplo Hen-
ricus Rex Linacrum à tuenda sanitate præfectum ad-
hibuit.

hibuit. Diu autem ualetudinarius, quū & exquisitiſſe
ma uictus ratione, per multos annos imbecilli corpo-
ris habitudinem utcunq; ſuſtentare conaretur, alijs in
re medica mirè ſalutaris, ſibi ipſi tamen in depellendo
eo, quo laborabat, morbo, omnino inutilis, ad extre-
mum disruptæ herniæ doloribus confectus, Londini
objit, honesta domo in ea urbe, medicorum collegio
ex testamento relictæ. Sepultus est in diui Pauli tēplo
maximo, ad Septentrionalis portæ ingressum, eo ferè
tēpore, quo Franciscus Gallorum Rex ad Ticinum in
Cifalpinis pugnans, à Cæſareanis ducibus captus est.

Thomæ Lupſeti.

VI X ulli felicius unquam inter Britānos, quam
Thomæ Lupſeto ingenium contigit. Is enim
Londini honesto loco natus, & à Ioanne Coleto ob-
egregiam indolem in tutelam aliquandiu familiarita-
temq; receptus, ſub Gulielmo Lilio Græcæ, & Latinæ
linguæ rudimenta didicit, moxq; admirabili studio, &
industria in optimarum artium cognitione tantus eua-
ſit, ut adolescens in Oxoniensi gymnaſio Ciceronis Phi-
lippicas expreſſis oratorie facultatis coloribus, cum
magna eruditij ingenij admiratione publicè perlege-
rit. Sed Ludouico Viue, homine Hispano, diſſiciliori
propè emulatione eius ſcholam excipiente, in Italianam
optimorum ingeniorum parentem tranſcendit, ac Re-
ginaldo Polo Regio ſanguine illuſtri, quem per id tem-
pus Henricus Octauus ſtudiorum cauſa Pata-
uium

uium miserat, se adiunxit: ubi annis aliquot per omnia disciplinarum genera euagatus, mox in patriam reuersus, auream illam Chrysostomi eloquentiam præcipue admiratus, in sacrarum literarum arce constitut; cum tamen Thomæ Vulsei Cardinalis Eboraensis importunis efflagitationibus, initam studiorum suorum rationem perinuitus relinquere coactus est, Thomæ Vwinterio eiusdem Cardinalis alumno, magnis sumptibus Lutetiae Parisiorum præceptor aliquandiu adhibitus. At inclinata paulò post Eboracen sis Fortuna, quū iam iterum sui iuris esse cœperat, ad antiquam illam Poli familiaritatem, qui etiam ad id tempus peropportune cum summa Regis sui gratia in Galliam traiecerat, atque ad priuia sacrarum literarum studia se recepit. Quumq; iam omnes in summam sui admirationem conieciſſet, & honestissimo sacerdotio auctus, ab Henrico Rege haud obscuris benevolentiae indicijs, repetita ſæpe memoria, ad maiora destinaretur, pituitæ distillatione à capite, exulceratis pulmonibus tuſi, ac febre diu laborans, iuuenis adhuc, quarto circiter ac trigesimo ætatis ſuæ anno, Londini contabuit. Ex eius scriptis, nihil usquam ad hoc publicè prodijt, quum omnia potius ad priuatum uſum penes ſe domi ſuæ uiuens deponeret, quam alibi post mortem publicanda relinquere, eademq; uerbiplerumq; patro sermone conscripta, quū tamen et Latino promptissime, atq; eleganter, non in scriptis tantuſ, ſed in familiaribus colloquijs ſæpe uteretur. Ex ijs autem, quæ nobis adhuc pueris, ab eo ipſo aliquando

ad describendum tradita meminimus, uel hæc in pri-
mis fuere: Homeliae aliquot ad Chrysostomi imitatio-
nem ad amicos conscriptæ; Dialogus, in quo acerri-
ma quadam reprehensione, incorruptos sui seculi mo-
res inuehitur, maximè uero in depravatam quorun-
dam in aula regia consuetudinem, qui de rebus sacris
disputationes in medijs epulis, & compotationibus,
profanis uerborum iurgijs mutuo inter se agitantes,
de sacerdotali ordine & dignitate, parum reuerenter
iam tum sentire cœperant. Ad iuuenem quendam in
ciuili hominum commertio de Formando optimo uitæ
statu, ad alterum familiarem suum, de Futuræ uitæ ge-
nerosa præmeditatione, deq; morte nequaquam Chri-
stiano homini pertimescenda. Extant familiares ali-
quot Epistolæ ad Lupsetum ab Erasmo Roterodamo
peramanter conscriptæ, maximè uero illa, in qua de
Edouardo Læo grauioribus censuræ notis in noui
Testamenti traductione, eius nomine detrectante, &
obeliscis quibusdam eius scripta confidente, apud
Lupsetum, qui Erasmus ipsum à Læi calumnia de-
fendere uidebatur, prolixè conqueritur. Obiit quin-
to, & trigesimo circiter ætatis suæ anno: quo tem-
pore Henricus Octauus Rex Catharinæ Reginæ re-
pudium moliri cœperat.

Ricardi Pacæi.

INTER erudita quoq; Britanniæ ingenia Ricar-
di Pacæi clarum nomen his temporibus enituit:
Qui

Qui defuncto Coletō successor datus Londinensis templi ad diuum Paulum Decanū dictus est. Hic sub Henrico Octauio Rege, summa apud omnes parta gratia in aula diu est uersatus, & publicis aliquot legationibus magna apud exterorū comparata sui nominis fama, honorificè functus. Sed uel in primis totius Italie iudicio eximia ei laus tributa, quum et apud Venetos per annos aliquot, ac deinde Romæ sub Clemente Septimo Pontifice, difficillimis temporibus, multa dexteritate Regis sui negotia tractaret. Ad postremum inuidiosa quorundam emulatione ab eo, quo fungebatur legationis munere, ex Italia domum reuocato, cū multa ab eisdem emulis perinquo iudicio interpretata ei palam obijcerentur, quo eius in agendis rebus industriam uerbis eleuarent, & apud Henricum Regem existimationi detraherent, tanta eius rei indignatio animum pupugit, ut inualescēte subinde atræ bilis morbo, in subitam mentis insaniam proruperit, ex qua uix unquam postea reuocatis sensibus rectè conualuit. Sacerdotia, quæ amplissimi prouentus, & Episcopali dignitati proxima, ei obtigerant, altero, quod apud Exoniā ciuitatē in Deuonia posidebat, ubi in Cornubiū promontorium Britannia extenditur, Reginaldo Polo, quo cum familiarissimè aliquandiu in Italia uixerat, libera uoluntate cessit, alterum Londini ad diuum Paulum, Stephano Gardinerio, solertis ingenij, atque industriæ uiro, et Hērico Regi tum à secretis, reliquit. Erant in Ricardo Pacæo multa, & ea quidē haud uulgarī literarū cognitione, instructum ingenium; præter-

cætera uero mira ex tempore dicendi scribendiq; fœcuditas, ita ut cuncta quæ aggrederetur, nō minus citò, quam feliciter & eleganter perficeret. Accessit ad Latinæ Græcæq; lingue peritiā, Hebraicarum quoq; literarum intelligentia, quibus eam operam breui temporis spacio impendit, ut non mediocrem inde fructū ad sacrarum literarum interpretationem attulerit conscripto uolumine, in quo ueteres illos bibliorum interpres in plenisq; inscitia lapsos ostendit. Obiit paulò post Lupsetum, quadragesimum circiter ætatis annū agens, Henrico Octavo Rege repudiata Catharina cōiuge, infastas Anne Boleniæ nuptias appetente.

Ioannis Roffensis Cardi.

Neminem multis ab hinc seculis animi candore, integritate, & præstanti sacrarum literarum scientia superiorem uni Ioanni Fischerio Roffensi Episcopo Britannia edidit, cui primum Cantabrigiæ Academia, ubi is paulò ante scolasticæ philosophiae omnia accuratissimè perdidicit, publici gymnasij præfectoriæ honorem detulit. Is est, quem Britanni Canceliarium dicunt, quod munus omnium illuc philophantium curam complectitur. Rex autem Henricus eius nominis tum Septimus, religiosi animi Princeps, nullius cuiusquam interposito fauore, aut gratia, sed commendantibus sibi eum, sua pietate, & doctrina ad Roffensem Episcopatum euocauit. Est ea in Cantio ciuitas medio inter Londinum & Cantuariam itinere posita, Roffa, siue Rocestria nuncupata. Accepta hac itaque

que prouincia Ioannes Fischerius, uitæ sanctitate, & doctrina optimo Antifite dignissima, uigilantissimus sui gregis custos, permultos annos eidem ita præfuit, ut non modò Britannorum suorum, sed externorum quoque ubique gentium animos, in magnam suis nominis admirationem traheret, donec tandem Henrico Octavo Rege à paterna, auitaq; pietate multum aberrante, Roffensis perpetua pietate constans, quod Regi repudiata Catharina coniuge, insanabili inge-
nio, contra Romani Pontificis authoritatem pleraq; à communi pietate aliena in suo Regno decerneti, solus uti uerum Episcopum decuit, paternè eum primò officij admonere, ac postremò nefario eius decreto, quo Ecclesiasticam potestatem omnem sibi ipsi tanquam su premo capiti uendicauerat, non modò non obtempe-
rare, sed palam ei resistere ausus fit, in carcerem datus est: ubi quū per aliquot menses imbecillo corpore senex, animo tamen inuictus persisteret, Henricus Rex propositi pertinax, ne uulgi opinionem iam con-
cepta doctissimi præfulis unà cum sanctitate authoritas, profanis eius in rem Ecclesiasticam conatibus diuis-
tius obfisteret, quū & paucis ante a dieb. à Paulo Ter-
tio Pontifice Maximo, pientissimi iudicij delectu Car-
dinalis designatus esset, maturato exitio caput in
foro præcidi iussit, quum iam ad exactam usque fene-
ctutem peruenisset, & eodem pietatis tenore Roffen-
sem Episcopatum obtinuissest annis triginta tribus. Hu-
ius non tam multa, quam pia, & eruditè satis conscri-
pta uolumina posteritati relictæ, maximè uero,

quæ contra Lutheranam religionē luculentissimè scripsit, doctissimorum iudicio comprobantur, & quæ sacri sacerdotij authoritatis defensionem continent, piumq; illud opus, in quo sacros sanctæ Eucharistiae dignitatem oppugnanti Oecolampadio libris quinq; acutissimè respondet. Scripsit, & in Septem Davidicos Psalmos pie meditationis commentaria. Idem author extitit, ut Margarita Henrici Septimi Regis mater sanctissimæ indolis foemina, cui à sacris cōfessionibus diu prae fuit, duo celeberrima eruditorum sodalium collegia, regio apparatu in Cantabrigiensi Academia conderet & delegata eius tutelæ omniū illic profitentium cura ascitisq; magnis sumptibus peritiissimis utriusque linguae præceptoribus, perpetuo hoc eius beneficio, permulti in Britannia exactā Theologie cognitionē sunt consecuti. Fuit is annus quū Ioannes Fischerius Roffensis Episcopus, vir sanctissimus, sub Henrico Octavo Rege nefandum capitis supplicium in Britannia pertulit, quo Carolus Quintus Cæsar Africana ad Tunetum uictoria insignis, profligato Barbaroſſo Othomānicæ classis præfecto, ad uiginti Christianorum milia in uinculis captiuos, libertati restituit: Pridie diui Ioannis Baptiste natali.

Thomæ Mori.

THOMAE Moro uel eò magis propria, ac priuata quædam doctrinæ laus debetur, quod circumfusæ Oceano mari Insulæ terminos uix unquam egressus, eruditæ ingenij fama maximam Europæ partem

tem doctissimorum iudicio impleuerit. Hic Lodinensis ciuis, honesta familia natus, suo ipsius studio, atq; industria, nullo p̄eunte magistro, ad exactam Latinarū literarum cognitionem, Græcas etiam expedita quadam diligentia adiunxit, ut, & Latinè, recteq; scribere, et ex Græcis Latina facere, quamprimum felicissimè didicerit. Sed à literarum studijs ad forenses causas traductus, tanta iudicij æquitate, & prudentia eruit, ut mox ab Henrico Octavo Rege, ad maxima Reipublicæ munera capescenda, sola uirtutis commendatione uocaretur, ac deniq; per summos hominum gradus Britannico more, supremus Regni Cancellarius dictus est, quod munus in Reipublicæ gubernatione, & dignitate, & authoritate apud Britannos longè maximum habetur: quo in officio ita sanctè & syncerè se gesit, ut fidei, iustitiae, et prudentiae laus summa communiter ei ab omnibus tributa sit. Sed mox sub eodem Henrico Rege, orta de Catharinæ Reginæ coniugio controuersia, quam ille omnibus modis repudiare, Annam Boleniam thoro inducere, filiamq; Regni hæredem abdicare contēdebat; Morus, quū per eum, quem gerebat magistratum, pristinam uitæ integratatem, haud quam se tueri posse p̄euidret, ut non pessimorum interea consiliorum, aut minister, aut particeps fieret, ab omni negotiorum tumultu se subducens, dignitate sponte se abdicauit. Sed ne sic quidem commoti iam Regis animus in priuato innocētissimi hominis ocio leniri potuit, quin perpetuis primo carceribus traditū, ac postea iniquissimo iudicio cōdemnatum, eadem se-

curi subiecit, qua paucos ante dies, sanctissimum uirtutem Roffensem Episcopum & Cardinalem, recenti adhuc cæde percusserat. Familiam liberorum quatuor honestissimo patrimonio ditatam reliquit, & priusquam obiret ipse, undecim nepotibus auctam, præcipue autem in eadem filias tres, literis, ac moribus sanctissime perornatas. Extant eius adolescentiæ studia, libellus, Progymnasmatum titulo inscriptus, in quo cum Gulielmo Lilio eius etatis æquali, in uertendis aliquot Græcis Epigrammatibus, eodem argumēto concertauit. Sunt & nonnulla ipsius Epigrammata, & inuentione, & sententiarum argutia, felici quodā genio conscripta. Præter cætera Utopia ad beatæ Reipublicæ optimis legibus institute exemplum descripta, excellens ingenij dignitatem posteris commendauit. Sanctioribus autem Christianæ disciplinæ studijs postremò se exerceuit, patramq; à religiōsa pacis perturbatoribus sparsis insane doctrinæ in uulgas libellis infestatā, editis aliquot patro sermone uoluminibus, multa cum pietate defensit. Tertiodecimo autem die post Roffensem, Thomas Morus, integer animi, scelerisq; purus, eadem Henrici Octavi Regis sæuitia, hunc uitæ exitum tulit, pridie eius diei, qui à diu Thomæ Cantuariensis corporis translatione, tricentesimo & quintodecimo post anno, solenni ritu sacer habebatur.

Gulielmi Latemerij.

SED nec omnino Latemerij nomen inter Britanos doctrinæ causa celeberrimum, hoc loco pretermis-

termittendum, qui unà cum Linacro, & Grocinio eis
dem ferè temporibus, studiorū causa, per aliquot an-
nos in Italia uersatus, utriusq; lingue peritissimus, inti-
mæ philosophiæ omnia exactissimè perdidicit, & elo-
quentiam ex purissimis fontibus haustam, antiquorum
temporibus & equatam in scriptis ostēdit. Ad postremū
studiorum rationem omnem ad sacrarum literarum
cognitionem, egregio sacerdote dignam contulit: de
cuius eruditione, doctrinaq; quid maius hic dici pote-
rit, quam quod Reginaldus Polus, quem Romæ adhuc
singulari pietate Cardinalē uidemus, eum sibi aliquan-
do in Britannia præceptorem delegerit? Extat unica
tatum ad Erasmum Latemerij epistola, multa stylī gra-
uitate, & elegantia conscripta, in qua ipsi Erasmo o-
perā ab eo in Noui Testamēti recognitione postulāti,
ac de Roffensi Episcopo in Græcis literis erudiēdo stu-
diosè agēti, cū summa uerecūdi ingenij modestia respō-
det. Hunc quum plus quindecim ab hinc annis insigni
& erecta corporis proceritate sexagenarium senem,
puer ipse agnouerim, ut etiā de eo adhuc superstite du-
bitem, citra instituti rationem cum de ijs tantum, qui
iam supremum diem obierint, scribere decreue-
rim, peregrini tamen utcunque temporis
usura, breui hoc elogio frau-
dere nolui.

8 4

F I N I S.

A BRVTO BRITAN=
NICA E GENTIS AVTHORE
omnium in quos variante Fortuna
Britanniae imperium trans-
latum breuis enu-
meratio,

Per Georgium Lilium Britannum.



RITANNI generis sui anti-
quitatem ueteri, & uulgato a-
liarum gentium more extolle-
re cupientes, à nobili Troiano
rum stirpe se deductos asserūt.
Siquidem memoriae proditum
ferunt, anno ab orbe cōdito o-
ctingētesimo circiter, & quinquagesimo supra bis mil-
lesimū, Brutum, siue Britonē, Syluio Ascanij Troiani
filio Aeneae nepote genitum, post uarios Fortunae ca-
sus, ex Gracia cum delecta suorum manu in Albionē
Oceani maris insulam delatum (ita enim ab antiquo-
ribus olim, à rupium scilicet albedine dicta, ac tum pri-
mum ab eius aduentu Britannia appellata) Britannis
populis primam nominis, atq; generis originem dedis-
se, regnumq; deinceps ab eo sexaginta octo Regum se-
rie, per mille, & quadraginta circiter annos propaga-
tum

qum. Cæterum, quæ de ijs Regibus à nonnullis Britanicæ antiquitatis scriptoribus cōmemorantur, uelutē res nimia uetustate oblitas, & uulgi nonnunquam fabulis inuolatas, de industria prætermittimus, nolentes quicquam, quod non incorruptis rerum gestarum monumentis sit traditum, literis mandare. Quamobrem ad propria accedentes, Bedæ, Pauli Diaconi, Polydori Vergilij, & aliorum, tum ueterum, tum recentium, auctoritatē sequentes, Britanniam Insulam, primū à C. Iulio Cæsare posteris ostensam esse dicimus, antea quidem Romanis prorsus incognitam. Is enim Romanorum primus eam intravit, magnaq; ex parte de uictam, imperatis obsidibus, Romano imperio aliquādiu tributariam reddidit, anno ab Urbe condita, sexcentesimo, nonagesimotertio, ante uero Christi seruatoris aduentum, sexagesimo. Posthæc & Reges quidē suæ gentis aliquot Britannia habuit; cæterum nomine tenus duntaxat tota à Prætoribus Romanis administrata. Post C. Iulium Cæs. Clavius Imperator, à quo Claudiocestrium oppidum, quod nunc Glocestriū dicunt, tumultuantem Britanniam rursus perdomuit, Orcadasq; Insulas Romano imperio adiecit: sed & Vespesiani ductu Vectem quoq; insulam recepit. Imperib; autem M. Antonio Vero, cum Aurelio Commodo fratre, siue, ut alij, Commodo M. Ant. Veri filio, Pontificatum obtinente Eleutherio Græco, Britannia prima prouinciarum, petente id Lucio Rege, Christi fidem publicè accepit, inuolatamq; usq; ad Diocletiani tempora seruauit. Fuit hic annus humanae salut-

tis octuagesimus secundus supra centesimum. Anno
dehinc à Christo centesimo, nonagesimo quinto,
Seuerus Imperator recepta multò maxima Britannia
parte, uallo triginta millia passuum inter duo maria
transuersum, per insulam ducto, cetera ab hostibus
dixinxit, ac denum ad Eboracum urbem obiit. Orta
deinceps sub Diocletiano graui Christianorum perse-
cutione, Albanóque cum socijs prima pro Christi fide
martyria in Britannia passis, Constantius, quem Dio-
cletianus unà cum Galerio Maximiano Cæsarem de-
clarauerat, & Gallijs, Hispanisq; præfecerat, per id
tempus in Britanniam ueniens; Insulanos grauatae Ro-
manorum imperium ferentes compescuit, ac deinde
mitis, et mansueti Principis fama Eboraci moriēs, Cō-
stantinum filium ex Helena Britanna matre natum,
felicioribus Christiano nomini auspicijs ad Imperium
transmisit, anno salutis à Christo decimo, supra tricen-
tesimum. Pacatiora deinde aliquandiu tempora gra-
uior tandem in Imperio publicarum rerum tumultus
excepit: Theodosio enim Iuniore, & Valentiano im-
perantibus, anno salutis humanæ quadringentesimo,
quadragesimo tertio, distracto undique à Barbaris
in Italia imperio, Britanni à Scottis, & Pictis finitimiis
populis graui bello petiti, et ab Actio Patricio exter-
nis bellis in Gallia occupato, frustra implorantes auxi-
liū, excuso Romanorum imperio, quingentis & tri-
bus annis postea quam à C.Iulio Cæsare subacti Roma-
nis ducibus parere consueuerant, suæ genti regnum
resti-

restituere conati sunt, rerumq; suarum summam uni
Vortigerio deferunt. Sed is irruentibus in eum ma-
gno impetu hostibus; uiribus impar, Anglosaxones
feroces Germaniae populos in auxilium accersit,
qui statim Hengisto, & Horsa ducibus, cum magna
suorum multitudine, in Insulam traijcentes, Scoto-
rum, Pictorumque uim aliquandiu prohibuerunt,
sed mox Britannicarum opum desiderio, ex consuetu-
dine illecti, icto cum hostibus foedere in ipsos Britan-
nos, quos iuuare debuerant, arma conuertunt, à qui-
bus nec destiterunt, donec pulsis in continentem Gal-
lie Armoricanam Britannis, uniuersam ferè Insulans
in suam ipsorum potestatem redigissent, quæ ab eo-
rum incolatu, nec ita multò post nomen cum im-
perio mutauit, ac pro Britannia, iam inde Anglia
dici cœpta sit. Successit Vortigerio Vortimerius filius,
quo regnante Aurelius Ambrosius Romani sanguinis
superstes, Saxones occiso eorum Duce Hengisto in-
genti clade prostrauit. Hunc insequutus est Utherius
cognomento Pendraco: Utherij principatum exceptit
Arthurus filius militaris disciplinæ, & orbicularis
mensæ fundator, Britannorum Regum apud poste-
ros celebratissimus, cui successere haud pari quidem
felicitatis laude, Constantinus, Aur. Conanus, Ma-
gloconus, Carentius, & Cadouallo, qui aliquot an-
nis, quibus regnarunt, imminentem patriæ casum
contra Saxones pugnando ægrè sustentare conati
sunt. Cadoualladrus denique Cadouallonis filius Bri-
tannorum Regum ultimus, magna suorum parte

occidione occisa, cum reliquis in extremos Vualliae
sinus, ubi olim Canganorum promotorium, & Ma-
ridunum, quæ nunc Cærdiganum, & Caermardinum
uocant, relegatus, indeque in Armoricanum Gallie pul-
sus, ac postremò Romanum profectus, anno salutis huma-
næ sexcentesimo, in priuata uita consenescens, Saxo-
nibus inconcussum in Britannia imperium reliquit,
ac primò quidem per principatus in septem regiones
sive regna diuisum, quæ partim à uentorum nomini-
bus, partim à locorum situ diuersam appellationem
inter se sortita sunt, donec progressu temporis uictri-
cis populi opes in unum corpus coalescentes, ad am-
plissimam posteris, qualem nunc cernimus, Monar-
chiam concreuissent. Cæterūm quinam ab Hengisto
interim, sive duces, sive mauis Reges, in singulis pro-
uincijs, quas sortiti sunt, extiterint, nominatim omnes
hic recensere haud operæ preцium fuerit, tum, quòd
rerum uarietate in plerisque incertam, tum, quòd
temporis exiguitate, quo regnarunt, minus memora-
bilem de se posteris Historiam reliquerint. Quo-
rum autem auspicijs potissimum Anglicum imperium
in eam, quæ postea insecura est, amplitudinem creue-
rit, eos sequenti catalogo inseruisse tantum sufficerit.
Fuit is annus, quo AngloSaxones Hengisto, & Hor-
sa ducibus à Vortigerio accersiti, Britanniam primò
ingressi sunt (ut author est Beda AngloSaxonum
præsbyter, luculentissimus horum temporum histo-
riæ scriptor) humanæ salutis à Christo. CCCCXLIX.
Anglicum imperium, post annos aliquot, Daci fre-
quenti

quenti in Britanniam irruptione, applaudentis Fortunæ successu, excepere: sed horum barbara Tyrannide breui explosa, Normanni ex Gallia profecti, Guilielmo duce, felicioribus auspicijs, ad nostram hanc usque ætatem, stabilem regno successionem dedere. Seruato itaque nunc ab AngloSaxonum Principatu, ordine, reliqua deinceps continuata Regum serie, per annales digesta, prosequemur.

**ANGLOSAXONVM
EPTARCHIA IN BRI-
TANNIA.**



Secundum, Australium Saxonum, quorum principatus haud diu durauit, paucique in eo, et nullius ferè memoriae Reguli.

Tertium, Orientalium Anglorum, quorum Sigisberius Rex primus bonarum literarum author, suas felicis cuiusdam Burgundiae Episcopi, Cantabrigiae publicam Academiam excitasse fertur, anno salutis sexcentesimo, & trigesimo.

Quartum, Orientalium Saxonum, quorum Siber-
tus Rex à Mileto Londinensi Episcopo baptismum ac-
cipiens, Vuestmonasterij cœnobii diui Petro sacrato,
in Londini suburbano condidisse dicitur, locus nunc
Regū sepulchrī, asylo, et iudicali foro celeberrimus.

Quintum

Quintum, Mertiorum, hoc est Mediterrancorum quorum Pendas Rex primus Christi nomen professus, cuius exemplo Mercij paulò post communi consensu Christiani effecti.

Sextum, Northumbrorū, id est Septentrionalium cītra Humbrum fluvium, quorum Eduinus Rex primus sub Honorio primo Pontifice Romano, à Paulino Eboracensi Archiepiscopo, ad Christi fidem receptus di uo Petro Apostolorum principi templum Eboraci posuit, anno salutis humanæ sexcentesimo, uigesimo septimo.

Septimum Vuestsaxonum, id est Occiduorum Saxonum, quorum Inas Rex, cuius plurima pietatis officia commemorantur, illudq; in primis, quod Regnum suum Romano Pontifici beneficiarium, et uectigale fecerit, circa annum salutis septingentesimum, & quadragesimum, huicq; per singulos domos quotannis singularos denarios appendi iussit. Hoc uectigal postea Ethelphus Rex auxit. Post hæc prevalentibus tandem Occiduorum Regibus, sub Egberto Britannia ferè tota in Anglorum Monarchiam cessit, à primo eoruđem in Insulam aduentu anno CCCL.

Cantianorum ab Hengisto Duces, & Reges xvij.

Australiū Saxonū Ellio	v.
Oriētaliū Anglorū Vphio	xv.
Oriētaliū Saxonū Erchuino	xi.
Merciorum Idio	xxij.
Northumborum Cridio	xx.
Occiduorum Cerditio usq; ad Egbertū	xvi.

A Bruti aduentu, usq; ad C. Iulium Cæs. anni M. XL.
 A C. Julio Cæs. usq; ad Anglorū aduētum anni D. III.
 Ab Anglorum aduētu, usq; ad Egbertū anni CCCCL.

ANGLORVM REGVM
SERIES.

i	Egbertus	Ann.	xxxvij.
ij	Edelphus		xx.
iiij	Ethelbaldus menses v.		
iiiij	Ethelbertus	v.	
v	Ethelreus	ix.	
vi	Alurehdus	xxvij.	
vij	Edouardus Senior	xxiiij.	
viiij	Adelstanus	xxvi.	
ix	Edmundus. i.	vi.	
x	Eldredus	ix.	
xi	Eduinus	iiij.	
xij	Edegarus	xvi.	
xiiij	Edouardus Martyr	ij.	
xiiij	Etheldredus	xxxvij.	
xv	Edmundus. ij.	i.	
xvi	Canutius. i. Danus	xx.	
xvij	Haraldus Danus	iiij.	
xviiij	Canutius. ij. Danus	ij.	
xix	Edouardus Sanctus	xxiiij.	
xx	Haraldus. ij.	i.	

xxi

CHRONICON.

115

xxi	Guilielmus Conquestor	xxi.
xxij	Guilielmus Rufus	xxij.
xxiij	Henricus i.	xxxv.
xxvij	Stephanus	xix.
xxv	Henricus ij.	xxxvij.
xxvi	Ricardus i.	x.
xxvij	Ioannes	xvij.
xxvij	Henricus iiij.	lvi.
xxix	Edouardus i.	xxxv.
xxx	Edouardus ij.	xix.
xxxij	Edouardus iiij.	li.
xxxij	Ricardus ij.	xxij.
xxxiij	Henricus iiiij.	xiiij.
xxxiij	Henricus v.	ix.
xxxv	Henricus vi.	xxxix.
xxxvi	Edouardus iiiij.	xxij.
xxxvij	Edouardus v. menses ij.	ij.
xxxvij	Ricardus iiij.	ij.
xxxix	Henricus viij.	xxxvij.
xl	Henricus viij.	xxxvij.
xli	Edouardus vi.	vi.

An. Christi. ann. Regni

ANGLI.

801

i.

EGBERTVS. I. REX

ann. XXVII.

Occiduorum. xvij.

Cantianorū Orientaliū, & Nor-

b

An. Christi. Ann. Regni.

thumbrorū regna occupat pri-
musq; Britanniam, Angliā, &
uniuersam gentē Anglos appel-
lari ius sit, nōnulli hoc Hēgisto
primo Saxonum Duci tribuūt,
ac inde Angliam quasi Hengisti
terrā dictā, propriori Anglicæ
dictionis etymologia, England
alij Angliterram nunc uocant.

802	ii.	Alcuinus præceptor Caro- li Magni, &
803	iii.	Ioannes Scotus monachus, discipulus Bedæ, clarent.
804	iiii.	
805	v.	
806	vi.	
807	vii.	
808	viii.	
809	ix.	Daci prædatores fusi, fugatiq;.
810	x.	
811	xi.	
812	xii.	
813	xiii.	
814	xiv.	
815	xv.	
816	xvi.	D. Chenelius Merciorū Prin- ceps ab impia sorore necatus.
817	xvii.	
818	xviii.	
819	xix.	

An.

An. Christi. Ann. Regni.

820	xx.
821	xxi.
822	xxii.
823	xxiiij.
824	xxvij.
825	xxv.
826	xxvi.
827	xxvij.
828	xxviii.
829	xxix.
830	xxx.
831	xxxi.
832	xxxij.
833	xxxiiij.
834	xxxvij.
835	xxxv.
836	xxxvi.
837	xxxvij.

Daci rursus insulam infestanti

838	i.	EDELPHVS REX. II. An. XX. Egberti filius, subdiaconatus gradu iniciatus, mox Romani Pontificis auctoritate eo vinculo solutus, Osburgam uxorem duxit.
839	ij.	
840	iij.	
841	iiij.	

An. Christi. an. Regni.

642. v. D. Suithinus, et D. Athelstanus
Episcopi.

643 vi.

644 viij.

645 viij.

646 ix.

647 x.

Edelphus Rex Romā proiectus
sub Leone Quarto Pont. Inā
Regis institutū secutus, eam In-
sulae partē, quam Egbertus pa-
ter ad regnum adiunxerat, Ro-
mane Ecclesiæ uectigalē facit,
legemq; tulit, ut singuli pro sin-
gulis, quas habitarēt, domibus,
Romano Pontifici quotannis
singulos denarios argenteos ad
diem festum Apostolorum Petri
et Pauli, uel summū, ad uincu-
la Petri, persoluerent. Hoc tri-
butum etiā in hanc usq; nostrā
ætatem Pontifici numeratū esse
constat, eiusq; nummi colligen-
di gratia testatur se in Angliam
à Pontifice missum Polydorus
Vergilius Urbinus, rerum An-
glicarum scriptor recētissimus
ac diui Petri denarios uulgo ap-
pellari scribit.

An. Christi. An. Regni.

848. xi.

849. xij.

850. xiii.

D. Vuilfridus Archicnbsp;scopus
Eboracensis.

851. xiiij.

852. xv.

853. xvi.

854. xvij.

855. xviiij.

856. xix.

857. xx.

858. i.

ETHELBALDV REX III.
mens. V. Edelphi Regis filius.
ETHELBERTVS REX IIII.
ann. V. Ethelbaldi frater, Da-
cos Cantio expellit.

859. ii.

860. iii.

861. iiiij.

862. v.

863. i.

ETHELREDVS REX
V. ann. IX. Etelberti frater.

864. ii.

865. iii.

866. iiiij.

867. v.

b s

An. Christi. An. Regni.

868	vi.	Daci, Iuaro Rege occiso, in Nor thumbris deleti.
869	vij.	
870	viii.	
871	ix.	D. Edmundus Rex Orientalium Anglorum ultimus, ab ethnicis Dacis confossum, Martyrum ca talogo adscriptus.
872	i.	ALVREDVS REX. VI. AN. XXVIII. Ethelredi frater, Rome ab Hadriano Secundo Pontifice coronatus. Daci, Mercijs & Orientalibus Anglis imperant.
873	ii.	
874	iii.	
875	iiij.	
876	v.	
877	vi.	
878	vij.	
879	viii.	
880	ix.	
881	x.	
882	xi.	
883	xij.	
884	xiii.	
885	xiv.	
		An.

An. Christi. An. Regni.

887	xvi.
888	xvij.
889	xvij.
890	xix.
891	xx.
892	xxi.
893	xxij.

Aluredus Rex, Merciorum Regno potitus, Dacos uicit, Gomornemq; eorū Regem ad Christi fidem conuersum, Northumbbris præficit. Lindifarne insula à Barbaris deuastata: sedes Episcopalis, cui olim D. Cuthbertus præfuit, hoc tēpore in Cestriam oppidum Dunelmo proximum deducta, atq; inde quadragesimo post anno Dunelmū unā cū D. Cuthberti corpore translata, qui fuit annus. 85. cū eam sedem Aidanus Scotus in Lindifarne primitus posuerat.

Rex Aluredus hoc anno tria cœnobia magnifico apparatis condidit, unum Vintoniæ, quod nouum Monasterium dicitur, alterum apud Shafrisburiā, quod est uirginū uelatarū, tertium ad fluuiū Thone, loco, qui nūc Athelnea nuncupatur,

An. Christi. ann. Regni.

olim insula Ethelingea.

894 xxij.

895 xxvij.

Rex hortante Neoto Monacho
uiro doctissimo, Oxonij publi-
cam Academiam instituit, pro-
positis professoribus literarum
præmijs: alteram autem Can-
tabrigiæ annis antea 2 & 5 Si-
gibertus Orientalium Anglo-
rum Rex excitasse dicitur, an-
no Domini 630.

896 xxv.

897 xxvi.

898 xxvij.

899 xxvij.

900 i.

EDOVARDVS SENIOR
Rex V II. An. xxij. Aluredi fili-
us, ab Athelredo Cātuariēsi sa-
cratus. Expulsis Dacis Orienta-
liū Anglorū regno potitus, e-
xtra Scotiam, totius insulæ im-
perium obtinuit.

901 ij.

902 iiij.

903 viij.

904 v.

905 vi.

906

An. Christi. An. Regni.

906	vij.
907	viii.
908	ix.
909	x.
910	xi.
911	xii.
912	xiii.
913	xiv.
914	xv.
915	xvi.
916	xvii.
917	xviii.
918	xix.
919	xx.
920	xxi.
921	xxii.
922	xxiii.
923	xxiv.

924

i.

ADELSTANVS REX. VIII.
ann. X VI. Edouardi filius
nothus,
Scotos, deuicto Constantino
eorum Rege, in sua uerba iu-
xare coegit.
Northūbria potitus, totius insu-
le fit Monarcha.

b s

An. Christi. An. Regni.

925	iij.
926	iiij.
927	iiiij.
928	v.
929	vi.

Ludouicus Caroli simplicis Frā
corum Regis filius, post aduer-
sam patris fortunam à Rober-
to Parisiorū comite, apud Pe-
ronam in carcere necati, cū E-
digna matre, quæ Eduardi Re-
gis filia fuerat, in Angliā ad A-
thelstanum auunculū confugit.

930	vij.
931	vij.
932	ix.
933	x.
934	xi.

D. Vulstamus Eboracensis Ar-
chiepiscopus claret.

935	xij.
936	xij.
937	xiiij.
938	xv.
939	xvi.

Rex auctō imperio, duo cōno-
bia monachorū ordinis D. Be-
nedicti condidit, alterum apud
Mertoniā pagum Sacrifirien-
sis dioceseos, alterū ad Michil-
neū ulcum. Ad Maluisberiense
cōnobium sepultus.

An. Christi. An Regni.

940	i.	EDMVNDVS REX. IX. AN. VI. Adelstani frater.
941	ij.	
942	iii.	
943	iiij.	
944	v.	
945	vi.	Rex à latrone quodam confos- sus periit. Sepultus Glasconie. ELDREDVS REX. X.
946	i.	Ann. IX. Edmundi frater. Scotos in officio cōtinuit. Abin- donēse cœnobium instaurauit.
947	ij.	
948	iii.	
949	iiij.	
950	v.	
951	vi.	
952	vij.	
953	viii.	
954	ix.	
955	i.	EDVINVS REX. XI. AN. IIII. Edmundi filius. Consanguineo- stupro infamis.
956	ij.	
957	iii.	
958	iiij.	
959	i.	EDEGARVS REX. XII. An. XXI. Eduini frater.

Ab Odone Cantuariensi Arch.
Bathoniae coronatus . Rex à
principio iuuenili errore cor-
ruptus, mox optimus Princeps
euasit. Ludouallo Vuallorum
regulo tricenos lupos quo-
annis tributi nomine imperasse
dicitur.

960	vij.	
961	iiiij.	
962	iiij.	
963	v.	
964	vi.	
965	vij.	
966	viiij.	
967	ix.	
968	x.	
969	xi.	
970	xij.	Dunstanus Cantuariensis Ar- chiepiscopus,
971	xiiij.	Osualdus Eboracensis, Ramisiē sis cœnobij fundator,
972	xiiiij.	Etheluodus Vintoniensis, cla- rent.
973	xv.	
974	xvi.	Edegarus Rex, cœnobium mo- nacharum ordinis diui Benedi- cti Viltoniae iuxta Sarisberianæ condidit,

An. Christi. An. Regni.

condidit, cui Editha filiam uirginem prefecit. Anno etatis xxxvij. obiit Glasconiae sepultus.

957

i.

D. EDOVARDVS MAR-TYR REX. XIII. A. N. III
Edegari Regis filius.

976

ii.

Edouardus Rex à uenatione re-diens, Alfredæ nouerçæ insidijs occiditur, ac sanctorum Martyrum catalago adscribitur.

Sepultus Glasconiae.

978

i.

ETHELREDVS REX. XIII.
Ann. XX XVIII Edouardi frater consanguineus.

Dum Baptizaretur infans, sacro fonte uentris solutione foedato, insuper & Dūstani Cantuariensis Archiepiscopi prædictione, calamitosi primitus omnia prætulit.

979

ii.

980

iiij.

981

vij.

982

vi.

983

vii.

984

viii.

An. Christi. An. Regni.

985	viii.	
986	ix.	
987	x.	
988	xi.	
989	xii.	Daci hostiliter Angliā inuadūt. Rex pacē precio redimere coa ctus, persoluto eisdem tributo.
990	xiii.	
991	xiv.	
992	xv.	
993	xvi.	
994	xvii.	
995	xviii.	
996	xix.	
997	xx.	
998	xxi.	
999	xxii.	
1000	xxiii.	
1001	xxiv.	
1002	xxv.	
1003	xxvi.	
1004	xxvii.	
1005	xxviii.	
1006	xxix.	
1007	xxx.	
1008	xxxii.	
1009	xxxiii.	
1010	xxxiv.	

An

An. Christi. An. Regni.

2011 xxxiiij.

2012 XXXV.

Etheldredo Rege, ocio, ac luxui
addicto, & grauioribus tribu-
tis, atq; rapinis populum ue-
xante, Daci Suenone Rege An-
gliā inuadunt. Etheldredus, ma-
gna accepta suorum clade, de
reliqua fortuna desperans, ad
Ricardum Normannorum Du-
cem, cuius sororem in uxorem
habebat, cū Alfredo, et Edouar-
do liberis in Galliam confugit.
Sueno Dacorū Rex, totius An-
glie imperio potitur, ac post
eum posteri ann. xxx.

S V E N O Rex, purgatis prio-
ris uitæ facinoribus, & Dacis
ad Christianam fidem tum pri-
mum receptis, in Anglia obiit.
Canuto filio regni successore
relicto: sepultus Eboraci.

2013 xxxvi. Etheldredus Rex, mortuo Sue-
none in Angliam rediit.

2014 xx xvij.

2015 xxxvij. Etheldredus moritur Londini,
in D. Pauli templo maximo se-
pultus.

130 ANGLORVM REGVM

An. Christi. An. Regni.

1016 i.

EDMVNDVS FERREVM
LATVS REX. XV. ANN. I.
Ethelredi filius.

Post diutinam concertationem
cum Canuto Suenonis filio re-
gnum diuidit; ac paulò post
Edrici equitis proditione in-
terficitur.

Edmundus, & Edouardus eius
liberi, à Canuto in Pannioniam
relegati.

1037 ii.

CANVTVS DACIAE, NOR-
VEGIAE, ET ANGLIAE
REX. XVI. ANN. XX.
Suenonis Daci filius,
Ab Aluredo Cantuariensi Ar-
chiepiscopo sacratus.

1018	v.
1019	iiij.
1020	iiij.
1021	v.
1022	vi.
1023	vij.
1024	viii.
1025	ix.

Elphegius Cantuariensis Archi-
episcopus, direpta à Dacis Ca-
tuaria, occisus Martyrum cata-
logo adscribitur.

1026

An. Christi. An. Regni.

1026	x.	
1027	xi.	
1028	xii.	
1029	xiii.	
1030	xiv.	<i>Canutus Rex, Romam uoti causa petit sedente Ioanne .xx. Pont.</i>
1031	xv.	
1032	xvi.	
1033	xvii.	
1034	xviii.	
1035	xix.	
1036	xx.	<i>Rex magna prioris uitæ pœnitentia ductus, sanctissimè obiit. Sepultus Vintoniae.</i>
1037	i.	<i>HARALDV ANGLIAE, ET DACIAE REX. X VII. AN. III. Canuti filius. Ab incredibili pedum in cursu ue locitate, Harefote dictus.</i>
1038	ij.	
1039	iiij.	
1040	iiij.	
1041	i.	<i>CANVTVS SECUNDVS AN GLIAE ET DACIAE REX. X VIII. Ann. II. Haraldi frater. Hunc à feroci indole Angli, Har di Canutum, uocant.</i>
1042	ij.	<i>Rex, uino et epulis indulgens, ad i.</i>

Lambithum uicum in altera Tamesis fluminis ripa propè Londinum, dato inter bibendum ueneno, confessum perijt.

Angli Dacorū Tyrannidē pertæsi, facto in eosdē impetu, dure seruitutis iugo se eximūt. Daci ad unū omnes in Anglia, partim deleti, partim electi, post annū trigeminū, quām Sueño Dacorum primus totius Angliae imperiū est adeptus, Alfredo Etheldredi Regis filio ex Normānia, ubi cum Edouardo fratre exulabat, à proceribus ad regnū accersito, eodemq; Godouini Comitis proditione in itinere interēpto, Edouardo comuni cōsensu imperium defertur.
**EDOVARDV S SANCTVS
REX. XIX. ANN. XXIII.**

Etheldredi Regis filius, Enima Normannicæ matre genitus, Guilielmi Normanniæ Ducis opera ad regnū adiutus, Rex sanctissimæ uitæ, & castissimis moribus præeditus, uiginti tribus, quot regnauit annis, summa pace usus, Regnum optimis institutis, atque legibus

An. Christi. An. Regni.

legibus excoluit. Has leges posteri
communes appellarunt, et popu-
lus cum à Normannis alijs datis
legibus sibi ademptas quereretur
sæpe à suis Regibus eas ueluti ma-
xima reip. cōmoda, armis repe-
re conati sunt. Strumam item gut-
turis uitium, quod nonnulli scro-
phulam dicunt, solo tactu in qua-
plurimis sanasse dicitur. Quā cu-
rationem, ad posteros Angliae Re-
ges, diuina uirtute, quasi hæredi-
tariam emanasse ferunt.

1044	iij.
1045	iiij.
1046	vij.
1047	v.
1048	vi.
1049	vij.
1050	viii.
1051	ix.
1052	x.
1053	xi.
1054	xij.
1055	xiiij.
1056	xvij.
1057	xv.
1058	xvi.
1059	xvij.

134 ANGLORVM REGVM

An. Christi. an. Regni.

2060 xvij. D. Vulstanus Vigorniensis Episcopus.

2061 xix.

2062 xx.

2063 xxi.

2064 xxiij.

2065 xxvij.

Edouardus Rex obiit, diuino, uti fertur, uicinæ mortis præfigio admonitus, annulo quē is paulo antea cuidā pauperi D. Iohannis Euangelistæ nomine eleemosynā ab eo peteti dederat, à peregrino quodam Hierosolyma redeunti, sibi reddito. Sepultus est in Vuest monasterij templo, ac paulo post inter Diuos relatus: annulusq; ille in eiusdem templi archiuis reconditus, comitiali morbo laborantibus mirificè, uti aiunt, salutaris: & hinc natum, ut Angliae Reges quotannis, annulos solenni cæremonia sacratos, contracta membra diuina uirtute dissoluentes, populo erogent.

2066 : HARALDV SECUNDVS.

Rex. XX. Ann. I.

Godouini Comitis filius, Canuti secundi ex sorore nepos, D.

Edo-

An. Christi. An. Regni.

Edouardo cœlibe defuncto, regnum arripit. Qui cum Guilelmū Normanniae Ducis filiam in coniugem sibi despōsam, rupto fœdere insigni contumelia affectans repudiasset, Guilielmus Dux trāiecta in Angliam clāsse, iuxta Hastingsiū portū, loco cui ab eventu belli nomen inditum, Haraldum Regem, intēstini suorum discordijs, præterea & Noruegiensi bello paulo antea exhaustum, collatis signis cæsis supra uiginti Anglorum millibus, occidit Pridie Idus Octobris. Guilielmus uictor, Londini regiam coronās mit. viij. Cal. Ian. NORMANNI. GVILIELMVS NORMANVS CONQUESTOR REX. XXI. Ann. XXI. Roberti Normanniae Ducis Nothus.

Huius adhuc posteritas per annos 480. uiginti Regum serie cōtinuata, & abolita ferè ueteri Anglorū prosapia, ab hac ueluti antiquissima tam inde Normannicæ stirpis origine, multò maximam nobilitatis partem, nouo stemma-

te (quod etiā nūc familiaria' prim
cipū quorundā cognomina mani
festissimē arguunt) nostro nunc se
culo illustratam esse constat'. Hu-
ius Guilielmi insignia iubati leo-
nes tres militari parmadepicti, ad
posteros dchinc Anglia'Reges per
petuō trāmissa , cū antea nullum
Regibus publicum insigne, sed ali
us alio pro arbitratu sumpto ute
batur. Sunt, qui Guilielmū duob.
tantum leonibus, quod Norman-
nicæ ditionis insigne est, usum exi
stiment, tertium ex Aquitania ac
cessisse, quam postea Henricus se-
cūdus uxoria hæreditate creuit.

1068

ij.

1069

iij.

Rex profligatis Dacis, qui ad re-
gnū capescendum iterum in An-
gliam irruperāt, & frēquenti An-
glorum procerum rebellione sup-
pressa, ciuibus generatim magna
agrorum parte multatis , nouos
magistratus creat, & antiquā iu-
ris dicendi rationem immutat, le-
gibus , quas in hunc diem Angli
obseruant, Normannico idioma-
te, propulo promulgatis.

Hoc

An. Christi. An. Regni.

Hoc ipso anno celebris sacrorū
Antistitū conuentus Vintoniæ
habetur, cui etiam interfuere Ale-
xandri. ij. Romani Pōtificis lega-
ti, in quo plures sacri ordinis uiri
dignitate priuati, ac in ijs Stigan-
dus Cantuariensis præsul defecra-
tus, quod uiuo Roberto Archiepi-
scopo Cantuariensem sedem occu-
passet, deinde quod unā cum eadē
Vintoniensem episcopatum posse
disset; ac postremū quod pallium
aceperisset à Benedicto X. Ponti.
quem ut uitiosè creatum Patres
repudiauerant.

1070	iiij.	
1071	v.	Lanfrancus Cantuariensis Archi- episcopus.
1072	vi.	
1073	vij.	Nouum Castrum ad Tynæ flumi- nis ripam à Roberto Regis filio extruitur.
1074	viii.	
1075	ix.	
1076	x.	
1077	xi.	Londini Episcoporum cōuentus, authore Lanfranco habitus, in quo de reformato clero, & de transferendis Episcoporū aliquos

sedibus in celebriores ciuitates,
decretum.

1078 xij. Robertus Guilielmii Regis fi-
lius, instigante Philippo Galloru
Rege, contra patrem in Norman-
ia rebellat, quem paulo post sup-
plicem pater in gratiam recipit.

1079 xij. Census publicus in Anglia, et in
gens auri pondus ex singulorum
capitibus à Rege exactus.

1080 xvij. 1081 xv. 1082 xvi. 1083 xvij. 1084 xvij. 1085 xix. 1086 xx. 1087 xxi. Rex tria præclara coenobia con-
didit, unum in Catio, eo loci, quo
cum Haraldo confluxerat, ad mo-
numentum uictoriae in eo bello
parte, idq; D. Martino dicauit,
appellauitq; coenobium ad bellū;
alterum in Londini suburbanō,
quod Saluatoris dicitur; tertium
Cadomi in Normannia ubi tem-
plum magnificum D. Stephano
posuit. Rex in Normaniam trai-
cit,

An. Christi. ann. Regni.

cit, ubi dum Gallis bellum inferre parat, ruptis ferocientis equis saltu intestinis, iij. id. Sept. obiit. anno etatis. lxxiiij. Cadumi Normanniae oppido, cœnobio à se extracto elatus, redempto priusquam sepulturæ daretur, à quodam eius loci dominium sibi afferente, terræ precio. Roberto ex Mathilda coniuge filiorum natu maximo, quod is rebelli in partem animo esset, Normanniam, Guililemo cognomento Rufo, Angliæ regnum, Henrico gazzam omnem legavit: Rufus. iij. Calend. Octobris.

2088

i.

GVILIELMVS RVFVS REX,
XXII. Ann. XXIII.

Guilielmi Nothi filius, à Lanfranco Cantuariensi, Vescovo monasterij coronatus. Robertus Normanniæ Dux, Rufo fratri bellum infert.

2089

ij.

2090

iij.

Lanfrancus Cantuariensis obiit post annum, quam sedere cœperat, xix. Berengarij errorem de Eucharistia luculentè impugna-

i. 5

uit, Christi Ecclesiam Cantuariæ,
 & D. Albani cœnobium instau-
 rauit. Xenodochia iuxta Cantua-
 riæ condidit. Rufus Rex eius
 morte Cantuaricensem Archiepi-
 scopatum grandi pecunia locauit
 annis quatuor

- | | | |
|------|--------|---|
| 2091 | iiiij. | |
| 2092 | v. | Carleolum à Ruo Rege in-
stauratum. |
| 2093 | vi. | |
| 2094 | vij. | |
| 2095 | viii. | D. Anselmus Cantuariensis Ar-
chiepiscopus. |
| 2096 | ix. | Bellum sacrum in Saracenos,
sub Urbano Papa Claramon-
tano concilio in Gallia decre-
tum. |
| | | Robertus Dux oppignerata Nor-
mannia, facta cum Ruo pace, ac
decem millibus auri librarum mu-
tui nomine ab eodem acceptis, ad
sacrum bellum Hierosolymā pro-
ficiuntur. |
| 2097 | x. | Malcolmus Rex Scotiæ Nor-
thumbriam incurvans, in Alneui-
chi castelli obsidione, una cum E-
douardo filio natu maximo à Ro-
berto |

An. Christi. An. Regni.

berto Northumbriæ Comite oc-
ciditur.

1098 xi.

1099 xiij.

Hierosolyma à Christianis re-
cepta.

1100 xiii.

Rex in clerum desæuiens, et
 Anselmo Cantuariensi propter
 piam eius admonitionam in exi-
 lium electo, templorum prouer-
 tibus ad priuatum quæstum abu-
 tens, ac sepe dictitans, pingue
 Christi panem esse, et delicias præ-
 bere Regibus, inter uenandum a-
 pud nouæ forestæ saltum, à suo
 quodam milite, siue casu, siue de
 industria, sagitta transfixus, con-
 festim perijt, Calend. Augosti, æta-
 tis anno. xlij.

Sepultus Vintoniæ.

Henricus Nonis Augusti re-
gno succedit.HENRICVS PRIMVS REX
XXIII. ANN. XXV.Guil. Rufi frater. A Mauritio
 Londinensi Episcopo, Vuestmo-
 nasterij coronatus.Anselmus Cantuariensis ab e-
 xilio renocatur.

Robertus Normanniae Dux, Hierosolymitana expeditione confecta domum reuersus, contra Henricum fratrem, regni causa, bellum in Angliam renouat, de pace tandem iis conditionibus transactum, ut Henricus, qui patre Rege natus esset, Angliae Regnum obtineret, et quotannis tria millia Marcharum Roberto daret, et qui prior sine liberis decederet, alterum haeredem testamento scriberet.

1102

ij.

1103

ijj.

1104

iiij.

De sacrorum inuestitura Regi cum clero controuersia, quam Anselmus Cantuariensis Romae sub scalis. ij. Pont. componit.

1105

v.

1106

vi.

1107

vij.

vijj.

Rex in Normanniam traxit. Robertum fratrem contra pacis foedera rebellantem, magna Normannorum strage edita, captiuus secum in Angliam ducit, ibiique uitam in carcere finire coegerit: Nor-

man-

An. Christi. An. Regni.

mānnia dehinc Angliæ regno
coniuncta.

1109 ix. Philippus Rex Gallie mori-
tur, cui succedit LVDOVI-
CVSCRASSVS annis xxvij.

1110 x. Anselmus Cantuariensis obiit,
post annum quam sedere cœpit
xvi. Anno ætatis. lxxxvi. cuius a-
pud posteros multa piè conscri-
pta etiam nunc extant. Castræ
cœnobium in Anglia condidit
monachorum ordinis D. Bene-
dicti; sepultus est in æde Christi
Cantuariæ, atque inter diuos re-
latus.

Hoc ipso item anno in Ely In-
sula Episcopalis sedes primum
instituta, Pascali Pont. Romano
approbante.

1111 xi. Vigornia incendio tota frē con-
sumpta.
1112 xiij. Vualli tumultuantes, à Rege per-
domiti.
1113 xiii. 1114 xiiij. Nuptiæ inter Henricum V. Impe-
ratorem, & Mathildem Henrici

Regis filiam Maguntiae celebrantur. Prima parliamenti concilij institutio.

1115	xv.	Initium primi belli Gallici, quod sexcentis foederibus compositum semper renouatur. Theobaldus Campanus Comes ex Blesensium Comitum familia natus, atq; exim de Henrico Regi affinitate coiunctus, quod Adela eius soror Stephani Blesensis Comitis uxor esset, generis fiducia, impetrato ab Henrico auxilio, in Lodouicum Crassum Gallorum Regem bellum mouet. Crassus initio consilio cum Balduino Flandriæ, & Fulcone Andauiae Comitibus, Henrico Regi Normanniam adimere parat, & Guilielmum Roberti defuncti filium in possessionem mitttere.
1116	xvi.	
1117	xvii.	
1118	xviii.	
1119	xix.	Henricus Rex in Normanniam raijcit, atq; apud Nicasianum opidum profligatis Crassi Gallorū Regis copijs, uictor enasit. Balduinus Flandriæ Comes uulnere accep

pto

An. Christi. An. Regni.

pto, interijt. Andegauensis ad Hē
rici partes transiit: Pax deinde in
ter Reges facta, Henricus in An-
gliam reuertitur.

Mathildis Regina Henrici uxor,
Scotorū Regis soror, præstantissi-
ma foemina moritur.

Henrici filij Guilielmus, & Ri-
cardus, ac filia Maria dum ex
Normānia in Angliam transmit-
tunt, orta fœda tempestate, ac illi
sa scopulis naue, fluctibus obruti,
interière.

2120	xx.	
2121	xxi.	Varinus Salopiæ Comes, hoc tem- pore duo Benedictinorum ceno- bia in Anglia condidit; alterū in suburbis Salopiæ; alterum ad pa- gum Venelochum; & hoc diuæ Milburgæ, illud Apostolis Petro, & Paulo dedicauit.
2122	xxii.	
2123	xxiiij.	
2124	xxvij.	
2125	xxv.	
2126	xxvi.	Henricus V. Imperator in Ger- mania moritur, Mathildis Augu-

An. Christi. An. Regni.

sta ad patrē rcuertitur , ac paulō
post Gaufredo Andegauensiū co-
miti nupta, ab Henrico patre An-
glici Regni hæres declaratur.

1127 xxvij.

1128 xxviij.

1129 xxix.

1130 xxx.

1131 xxxi.

Inno centio secundo Pont. Ro-
mano, ob Anacleti Antipapæ po-
tentiam in Galliam configienti,
Rex in Carnutibus honoris cauſa
obuiam facit.
Sedes Episcopalis Carleoli posita.

1132 xxxij.

1133 xxxiij.

1134 xxxiiiij.

1135 xxxv.

Rex in Normannia moritur
ij. Non. Decemb. ad Redingi-
um Benedictinorum cœnobio ,
quod paulō antea ædificauerat,
sepultus. In hoc omnis Guilielmū
Nothi uirilis sexus legitima pro-
sapia defecit. Stephanus Bononiē
sis comes, Henrici ex Adela foro-
re nepos, neglecta Mathilda Au-
gusta Henrici filia, regnum prä-
occupat.

Stepha-

An. Christi. An. Regni.

1136 i. STEPHANVS REX. XXIII.

Ann. XIX.

Stephani Blesensis Comitis filius, Henrici Regis ex sorore nepos. viij. Calend. Decemb. A Guilielmo Cantuariensis Archiepiscopo Vuestmonsterij Rex coronatus.

1137 ii. Ludouicus Crassus Rex Gallie moritur. Succedit LVDOVICVS. VII, Iunior dictus, annis XLIII.

Rex Stephanus compositis in Normannia rebus, contra Scotos Mathildis Augustae partes tutantes bellum mouet.

1138 iii.

1139 iiiij.

1140 v.

1141 vi.

Mathildis Augusta cum auxiliis tribus suorum copijs ex Gallia soluens, atq; ad Arundellium appulsa, contra Stephanum Regem in Anglia bellum parat. Rex apud Lincolniam Mathildae copijs con gressus capit, et Bristolii capti uis adducitur: pactis demū utrum

k

146 ANGLORVM REGVM

An. Christi. an. Regni.

que conditionibus, Roberti Glo-
cestriæ Comitis permutatiōe (qui
et ipse Mathildis sororis partes
tutatus paulò post à Regis fauto-
ribus captus est) Rex libertati, et
regno restituitur.

2142	vij.
2143	viii.
2144	ix.

Henricus Mathildis Augustæ
filius, defuncto Gaufredu patre
Andegauensem principatū conse-
cutus, collecto suorū exercitu, in
Angliam traiicit, matri cōtra Ste-
phanum Regem opem latus,

2145	x.
2146	xi.
2147	xii.
2148	xiiij.
2149	xiiiij.
2150	xv.
2151	xvi.
2152	xvij.
2153	xviii.

Pax cum Mathilda, et Stephano
Rege post diutinam contentionē
ijs conditionibus transacta, ut i-
pse Stephanus, dum uiueret, Rex
haberetur, mortuo autem, Henri-
cus Mathilde filius Regnum ob-
tineret,

An. Christi. An. Regni.

tineret, Normanniamq; interim
possideret.

Alleonora Guilielmi Aquitaniæ Ducis, et Pictonum Comitis filia, à Ludouico Gallorum Rege repudiata, Henrico Andegauensi Mathildis Augustæ filio nubit, ad quæ inuito Gallorū Rege priorem attulit dotem, Pictones et Aquitaniam, quod deinceps perpetui belli seminariū fuit inter Gallos et Anglos.

1154

xix.

Stephanus Rex moritur. viij.
Calend. Nouem. sepultus ad Feuersam in Cantio, cœnobio quod ipse edificauerat. Succedit Henricus Normanniæ, et Aquitaniæ Dux, Andegauensem Pictonumque Comes. xij. Calend. Ianuarij à Theobaldo Cantuariensi Archiepiscopo, Vuestmonasterij sacerdos. Hoc ipso item anno obiit Guilielmus Eboracensis Archiepiscopus, postea inter diuos relatus.

HENRICVS SECUNDVS REX
XXV. An. XXXIII. Henri ci primi ex filia nepos.

Cumbriam, Northumbriamq;

b. 2

An. Christi. Ann. Regni.

Mathildæ matris permisso, à Sco-
tis aliquandiu possessam, recipit,
et Regē eorundem Huntingtonie
comitatu donat.

Vuallos subactis eorum regulis
domat.

Hoc ipso anno defuncto Romæ
Anastasio quarto, Nicolaus Alba-
nus Antistes, homo Anglus, Ha-
driani quarti appellatione in Pō-
tificatu succedit annis. iij.

1156	iij.	
1157	iiij.	
1158	iiiij.	
1159	v.	
1160	vi.	Hadrianus. III. Ponti. moritur. Succedit Alexander. III. Senensis.

1161	vij.	Rex Henricus dotali iure To-
1162	vij.	losatem comitatum à Raimundo repentens, Ludouici Gallorū Re- gis arma in se concitat; pax tan- dem inter Reges facta, Margari- ta Ludouici Regis filia, Henrici fi- lio despousata.
1163	ix.	Theobaldus Cātuariensis Ar- chiepi-

An. Christi. ann. Regni.

chiepiscopus obiit: ab Innocentio
Secundo Pontifice Romano, pri-
mus legati nati titulo, cum pallio
donatus. Succedit Thomas Beke-
tus, postea Martyr futurus.

1164 x.

Thomas Cantuariensis Archie-
piscopus Ecclesiastica iura defen-
dens, à Rege in exilium actus Se-
none in Gallia apud Alexandru
Tertium Pont. Roma. de iniurijs
conuestus, ad Pontiniacum coe-
nobium se contulit.

1165 xi.

Mathildis Augusta moritur: Rex
Gaufredo filio dotali iure Britan-
niae hæreditatem creuit.

1166 xij.

1167 xiii.

1168 xiv.

1169 xv.

1170 xvi.

Rex Henricum filium in Re-
gni societatem adscitum, Londini
à Rogerio Eboracensi Archiepisco-
po (absente tum Cantuariense, cis-
ius id muneric fuerat) xvij. Calēd.
Iulij in Regem coronandū curat.
De qua iniuria Thomas Cantua-
riensis apud Alexandrum Pontife-
cem conuestus, ita eum mouit,
ut is Eboracensi & alijs, qui isti-
usmodi coronationi interfuerint

sacrorum administratione inter-
dixerit.

- 2171 xvij. Thomas Cātuariensis, septima
exilijs sui anno, recōciliato, ut pu-
tabatur, Rege, in Angliam reuer-
sus. iiiij. Calend. Ian. coniuratorū
gladijs in templo cōfossus, occidi-
tur, ab Alex. Pont. postea Marty-
rum catalogo adscriptus.
- 2172 xviii. Rex per legatos apud Alexan-
drum Ponti. se de Cantuariensis
nece purgat, et Hybernicā expe-
ditionem, eiusq; insulae dominiū,
ex eiusdem Pontificis authoritate
sibi dari postulat.
- 2173 xix.
- 2174 xx. Alexandri Pōtificis legati duo
causam de Cantuariensis nece co-
gnituri in Angliam adueniunt,
Rex iureiurando factum suum
purgauit, in hoc tantum se peccas-
se fassus, quòd ex eius in Cantua-
riensem simultate, alijs perpetrā-
di facinoris occasionem dedisset,
ad quam culpā eluendam, expian-
damq; ducentos milites ad sacrū
bellum in Syriam suis sumptibus
se missurū recepit, ac semel intra-
tricen-

An. Christi. An. Regni.

triēnium eius expeditionis sociē
cum alijs principibus subsecutu-
rū. Quim et legem tulisse dicitur,
qua perpetuō cautum esse uoluit
neminem posteriorum Regum in
Angliam regiū nomen, insigniā-
que deinceps gesturum, nisi quē
Romanus Pontifex rite iussisset,
designassetq;.

2175

xxi.

Rex Henricus Iunior cum fra-
tribus, Ludouico Gallorum Regi
obsequentes, à patre deficiunt, et
coniunctis armis Normanniam,
Aquitaniā, atq; Britanniam, in-
uito patre, in suam ipsorum pote-
statem redigunt.

2176

xxii.

Guilielmus Rex Scotiæ, Henri-
ci filiorū in patrē discordia fretus
Anglicos fines hostiliter ingre-
sus, ad Alneicum oppidum cæsis
ac profligatis suis omnibus in pu-
gna capitur.

2177

xxiii.

Pax hoc anno inter Regem, et fi-
lios cōposita; cū Ludouico Gallo-
rū Rege affinitas renouata. Ade-
la Galli filia Ricardo Hērici filio
desponsata. Scotus cum soluendo
non esset, quatuor munitissimis

k. 4.

Castellis pro redemptione traditis, in regnum restituitur.

1178

xxiiij.

Hugo Cardinalis Alexandri Pontificis Legatus in Angliam uenit ad componendas cōtrouersias inter Cantuariensem, & Eboracen sem Archiepiscopos de primatu inter se contendentes.

1179

xxv.

Aldredus Vigornieſis Episcopus circa hæc tempora Glocestriæ cœnobium Benedictinorum condidit, illudq; Apostolis Petro et Paulo dicauit.

1180

xxvi.

Ludouicus Gallorum Rex, uoti causa D. Thomæ sepulcrum Cantuariæ inquisit, & à Rege honorifice accipitur, in Galliam reuersus moritur, cui succedit PHILIP-
PVS AVGVSTVS annis xljj.

1181

xxvij.

Rex Henricus Iunior repentina morte obiit, Margarita uida Philippo Gallorum Regi fratri redita, ac Belæ Pannionorum Regi paulò post nupta.

1182

xxvij.

Heraclius Patriarcha Hierosolymitanus auxiliū pro re Christia na

1183

xxix.

An. Christi. An. Regni.

na in Syria postulaturus, in Anglia aduenit, sed parum benignè à Rege acceptus, frustrata spe dimittitur.

- | | | |
|------|---------|--|
| 1184 | xxx. | |
| 1185 | xxxi. | |
| 1186 | xxxij. | |
| 1187 | xxxvij. | Gaufredus Dux Britanicae, Lutetiae moritur, relicta uxore Constantia grauida, quæ mox Arthrum parit. Capta à Saracenis Hierosolyma anno lxxxix. poste a quam à Christianis ducibus recepta fuerat. Reges, Gallus, & Anglus Idibus Ian. in Veloceſibus in colloquium ueniunt, ac de Hierosolymitana expeditione decernunt: mox,rupto fœdere, Ricardus Angli filius, relicto patre, Gallorum partes sequitur. Rex Gallus Cenomanos & Turones occupat cuius rei ira, & indignatione, Hēricus Angliae Rex pridie Nonas Iulias, Chinone in Normania moritur: ubi & sepultus est. Normannorum in Anglia Rex ultimus Ricardus, restitutis sibi, quas Gallus patri ademerat, urbibus, ad re- |
| 1188 | xxxvij. | |
| 1189 | xxxv. | |

An. Christi. An. Regni.

gnum in Angliam traiicit. iij. Non
nas Septembris, à Balduino Can-
tuariensi Archiepiscopo Londi-
ni Rex coronatus.

8190

i.

RICARDVS PRIMVS REX.
XXVI. Ann. X. A magnanimi-
tate, Cuer de lion, dictus.

Londinenses magno auri pon-
dere, in sacri belli sumptus, Re-
gi oblato, honoribus, & dignita-
te augentur, libera urbis admi-
nistracione Praetoris, & Cōsulūm
potestati permissa. Henricus Al-
uini primus Praetor, Consules, Pe-
trus Ducas, & Thomas Neellus
creati.

Reges Gallus & Anglus, ut an-
tea inter se constitutum fuerat, ad
Hicrosolymitanam expeditionem
se parant. Gallus cum classe Ge-
nuā praecepsit. Ricardus Maſiliā
soluit: uterque in Siciliam mense
Augusto appulere, ubi et hyems
re coacti sunt.

8191

j.

Ricardus Rex Sicilia soluens, ui-
tempestatis in Cyprum electus,
Tyrannum, à quo littoribus arce-
batur

An. Christi. An. Regni.

batur, et insulam bello cepit, praefidioq; firmavit, illinc ad Philip-pum Gallorum Regem profectus Ptolomaida obsidentem, quam paucis post diebus coniunctis copijs expugnauit: mox suborta inter Reges discordia, Philippus relictio Odonæ Burgundiae Duce copiarum suarum praefecto, in Galliam rediit, Ricardus in Syria remansit.

1192 iij.

Ricardus Rex Hierosolymitaní regni permutatione, Cypri regnum Guidoni Lusigniano uendit, quod ad nostra ferè tempora seruarunt eius posteri, quoad illic imperare cœperunt Veneti: & hinc factum, ut Hierosolymitaní regni titulum Angliae Reges aliquandiu gesserint.

1193 iij.

Ricardus domesticorū suorum in Anglia conspiracye, & Philippi Gallorum Regis simultate, rem Syriacam deserere coactus, domum rediens in Germania à Leopoldo Austriae Duce intercipitur, et Hērico Imperatori, in ueteris odio ad Ptolomaidis expugna-

tionem inter se concepti vindictā traditus, frustra intercedente pro eo Celestino Pontifi. Romano, in vincula coniicitur.

1194 v.

Rex Ricardus centum quadraginta nullibus marcarum pro redēptione persolutis, Henrici Imperatoris custodia liberatus, in Angliam redijt.

1195 vi.

Bellū inter Gallos, et Anglos uario utrinq; euētu renouatum.

1197 viii.

Rex Othonem Saxoniæ Ducem, ex sorore nepotē contra Philippī Henrici defuncti Cesaris fratre, grandi pecunia ad imperiū iuuat.

1198 ix.

Rex in obsidione Calaci oppidi in Lemouicum finibus, ubi ingēs thesaurus latēre putabatur, catarulta ueneno illita percussus, interiit. viii. id. Aprilis, nullo ex se prole suscepito, sed Arthuro Britanniae Duce ex Gaufredu fratre nepote, hærede prius designato. Cadauer ex suo ipsius testamento triplicis sepulturæ traditum: cor pus

An. Christi. An. Regni.

pus ad patris pedes, quòd in eundem rebelli animo fuerat; cor Rothomagi, quam urbem unicè semper coluit, reliqua intestina Pictorum terra, ut suo Principi ingratia, recondi uoluit. Variantibus deinde optimarum in Gallia suffragijs, qui Arthurum adhuc puerum Britanniæ regno præferendum censebant, Ioannes Morotoniij Comes Ricardi frater, populari largitione, & potentia præuelens, in Angliam traiicit, & Regiam coronam Lōdini sumit. viij. Calend. Iulij.

1200 i. IOANNES REX XXXVII.
Ann. XVII.

Pax inter Ioannem, & Philippum Galliæ Regem, Blanca Alfonsi Regis Castellæ filia, Ioannis Regis ex sorore nepotis Ludouico Philippi filio, in uxorem data.

1201 ii. 1202 iii. Ioannes Rex Arthurum Britaniæ Ducem, Gaufredi fratris filium quo cum contendebat, & qui iam magnas uires in Pictonensi agro acquisierat, bello opprimit, eūq; aliquandiu in custodia asseruatū

- necari iubet. Gallus Anglum per
sequi, Arthuriq; necem ulcisci co
natur.
- 1203** **iiij.** Normannia tota à Gallis recepta
annis. cclx. postquam Rollo pri-
mus Dux eandem occupauerat.
Et Ioannes Rex ab uniuersa penè
quam in Gallia habebat, posseſſio
ne depulsus.
- 1205** **vi.**
- 1206** **vij.** Hugo Lincolniensis Episcopus
Carthusiensium ordinis mona-
chus sanctiss. obiit, postea inter di-
uos relatus.
- 1207** **viii.** Otho. III. Germanorū Impe-
rator in Angliam uenit, cui Gallis
bellum inferre parato, Ioannes
Rex ingentem pecunie summam
dedit. Rex ob multas iniurias cle-
ro illatas, & quia neglecta Roma
ni Pontificis authoritate, Stepha-
num Cardinalem ad Cantuarien-
sem Archiepiscopatum ab Inno-
centio. iij. Pontifice electum, reci-
pere nollet, Ecclesiae hostis iudica-
tur, & sacris interdicitur.
- 1208** **ix.**
- 1209** **x.**

An. Christi. Ann. Regni.

1210 xi.

1211 xij.

1212 xiij.

Innocentius. iij. Rom. Pont. Ioā
nem Regem in sacra, profanaq;
nullius ordinis, aut ætatis ratione
habita desæuientē, misso Pandul-
pho uiro clarissimo, graui denun-
tiatione regni administratione
submouet: qua re Tertius Ioannes
quod à suis Episcopis, Principi-
bus, popularibusq; destitueretur,
invitus ad sanitatem rediit, Ponti-
ficemq; agnouit, ac graui iureiu-
rando sponsionē fecit se Pōtificis
arbitrio staturum, posterosq; Re-
ges idem facturos, ut se deinceps
Romani Pontificis beneficiarios,
perpetuò agnoscerent.

1213 xiiij.

1214 xv.

Nicolaus Tusculanus Cardinalis
Legatus in Angliā missus. iij. Ca-
lend. Iulij, interdictum, quo antea
Anglia per sex annos, mēses tres
ac dies duodecim obstricta teneba-
tur, publica autoritate sustulit.

1215 xvi.

1216 xvij.

Regni optimates Ioānis Regis
tyrannidem pertes̄i, contra eū-

An. Christi. An. Regni

dem arma capiūt. Ludouicus Philippi Gallorum Regis filius ab eisdem in spem regni uocatus, iurecurando, obsidibusq; acceptis in Angliam traiicit. Rex suis omnibus inuisus, dum ad monasterium Suineshed diuertisset. xliij. Calend. Nouembr, ueneno sublatus est, monacho id illi propinante, quo & ipsem, uti fertur, una cum Rege perijt. Corpus Vigoriiæ sepulturæ traditum. Princes, neglecto Ludouico, Henricum puerum Ioannis defuncti filium, Regem consulunt.

HENRICVS TERTIVS REX.

XXVIII. Ann. LVI.

XVI. Calend. Iulij à Vintoniensi, & Bathoniensi Episcopis, praesente Romani Pofificis Legato, nouem annos natus, Rex coronaatur, et Henrici Vintonensis Episcopi tutelæ committitur.

Ludouicus Philippi Gallorum Regis filius, post longam altercationem, conuentione facta, acceptaq; pecunia, in Galliam se reciperere cogitur.

Vallo

1217

i.

1218

ij.

An. Christi. An. Regni.

Vallo Pontificius Legatus Romanum reuertitur, & Pandulphus, qui Innocentij Pontificis mandata ad Ioannē Regem detulit, Nor douicensis fit Episcopus.

1219 iiij.

Rex ab Honorio Pontifice Romano rogatus in Christianorum subsidium, Asiatico bello, Rainulum Cestriæ Comitè copijs præfectum, ad Damiatæ obsidionem mittit.

Pupillorum sub Regis tutela educandorum, quos Vardas uocant, hoc tēpore prima institutio.

Rex sublatis undiq; factionibus, populi ac Principum iussu iterum coronatur.

Hoc ipso anno corpus D. Thomæ Martyris solenni ritu translatum, & Hugo Lincolniensis quō dā Episcopus inter sacerdos relatus.

1220 v.

1222 vi.

1223 viij.

1224 viij.

Philippus Rex Galliæ moritur, Succedit LVDOVICVS iiiij. annis iij.

1225 ix.

Ioannes Brēnus Hierosol. Rex

l

ingenti pecunia à Philippo Gallo
rum Rege, ex testamēto donatus,
in Angliam traiicit. Honorificè à
Rege acceptus indeq; in Hispaniā
soluens. D. Thomæ martyris se-
pulchrum Cantuariæ inuisit, cui
quatuor maximi precij sapphiros
ut in ornamentis essent, obtulit.

1226

x.

Leuia aliquot prælia inter Gal-
los, & Anglos in Aquitania. Con-
cilium Londini, quod Parliamen-
tum uocant, in quo multæ leges,
magnæ chartæ, & de Foresta di-
cta promulgantur.

Otho Cardinalis Honorij. III.
Pontificis Legatus, decimas in sa-
crum bellum imperat.

1227

xi.

Rex, instigante Petro Britan-
niæ Duce, mense Martio cū classe
in Galliam traiicit, indeq; Paulò
post nulla re memorabili gesta,
in Angliam redijt.

Rex Arragonensem Regem in H-
spania contra Afros, Anglico mi-
lite iuuat.

Ludouicus VIII. Rex Galliæ mori-
tur. Succedit D. LVDOVICVS fi-
lius, annis XLIII.

1228

An. Christi. ann. Regni.

1228 xij.

1229 xiiij.

1230 xiiij.

1231 xv.

1232 xvi.

1233 xvij.

1234 xvij.

Regni Principes nimio tributo oppresi, à Rege secessionem faciunt, quos tandem Rex armis depositis benignitate mitigat.

1235 xix.

Guilielmus puer apud Nordowicum, à Iudæis cruci affixus.

Isabella Regis soror, Federico II. Imperatori nuptui datur.

1236 xx.

Rex Aleonoram Raymudi Comitis Prouinciae filiam in uxorem dicit.

1237 xxi.

Otho Cardinalis à Gregorio IX. Pont. Legatus in Angliā rediit: Sacerdotum conuentum Londoni celebrat, et ad Asiaticū bellum, quod D. Ludouici Gallorum Regis auspicijs postea gestum est, sacrorum decimas imperat.

Rex Aleonorā sororē Simoni ex Mōteforti collocat, dotisq; nomine Lecestricæ Comitatu donat.

1238 xxij.

Edouardus Princeps nascitur,

164 ANGLORVM REGVM

An. Christi. An. Regni.

et ab Othono Pontificis Legato
baptismate perfunditur.

- 1239 xxij.
 1240 xxiiij. Edmundus Archiepiscopus Can-
 tuariensis corruptos sui seculi mo-
 res in Principe, et clero detesta-
 tus, D. Thomae Cantuariensis exē-
 plum secutus, Pōtiniaci cœnobio
 in Gallia exul moritur, ab Inno-
 centio III. Pont. Diuorum cata-
 logo adscriptus.
- Ricardus Regis frater cū clas-
 se ad Christianorum auxilium in
 Syriam proficiscitur.
- 1241 xxv. Rex subactis Vualliorum regulis
 Vualliam suo imperio subiicit.
- 1242 xxvi. Rex Hugonis Marchie Comitis
 impulsu, cui mater nupta fuerat,
 sumpta in Galliā expeditione, sed
 nullo interim cōfecto negotio, pa-
 ctis in quinquenniū inducijs, pa-
 lō post in Angliam rediit.
- 1243 xxvij.
 1244 xxviij.
 1245 xxix.
 1246 xxx.
 1247 xxxi.
 1248 xxxiij.

1249

An. Christi. An. Regni.

1249 xxxij. Concilium Parliamenti Lōdi-
ni, pecuniae colligendae causa à Re-
ge coactum, in quo decretum, ut
nummus argenteus, quem Gros-
sum uocant, certo pondere ex-
cuderetur, utq; ex una quidē par-
te regij capitis effigies, ex altera
crux ad extremas eiusdē nummi
partes producta imprimeretur,
ne fraus ex diminutione fieret;
Sterlingorū item, ut uocant, uel à
Sturni auiculae, uel à stellā nota,
hoc tempore prima percussio, uni-
us unciae argenti pondere.

1250 xxxvij.

1251 XXXV.

1252 xxxvi.

1253 xxxvij.

1254 xxxvij.

Rex cum exercitu in Aquita-
niam traiicit, & eandem tumultu-
tu autem pacat.

Edouardus Vuallie principa-
tu à patre donatus, Alconorā Al-
fonsi Castellæ Regis sororem in u-
xorem accipit.

1255 xxxix.

Rex à Ludouico Gallorū Re-
ge, Lutetiæ magnifico apparatus
acceptus in Angliam redijt.

An. Christi. An. Regni.

2256 xl.

2257 xli.

Suborta post Federici II. Imperatoris mortem, inter Germanos Principes de eligēdo Imperatore controuersia, ac Guilielmo Holodiæ Comite Romanorum Rege declarato, à Frisonibus interfecto, ad Alfonsum Castellæ Regem, & Ricardum Cornubiæ Comitē Hērici Regis fratrem, lis de imperio deducta, sed neuter, ut nōnulli tradunt, in imperio cōfirmatur. Cæterū Anglii annales asserunt, Ricardo Imperatori creato Aqui grani Colonensem Antistitē dia dema imposuisse, et eius filiū Edmundum paulò ante hæc tempora mortuo Federico, ab Innocentio III. Pont. Rom. in Manfredi tyrannidis ultionem, ad Siciliæ regnum euocatum.

Christi sanguins particula ad Haylense cœnobium circa hæc tempora, ut à nonnullis asseritur, ab Edmūdo Ricardi Imperatoris designati filio, deportata, & nouæ religionis institutum, honorū hominum, ut uulgas appellat, eodem

An. Christi. An. Regni.

dem authore, in Asherugium cœ
nobium, quod idem ædificauerat,
introductum.

2258

xlij.

Oxonij Principum conuentus
in quo decernitur, ut Pictones om-
nes, quorum ingens numerus in
Anglia, cum cæteris alienis exter-
minaretur, utq; Rex ipse antiqua-
tas leges nonnullas, dato ad id iu-
ramento, in pristinam formam po-
pulo restitueret.

Rex in Galliam traiicit, &cū
Ludouico Rege ijs conditionibus
pacem facit, ut Gallus Norman-
niā cū Andegauensibus, ac Ceno-
manis obtineret, & Anglo pro-
bellorum impēsa, millia aureorū
centum et quinquaginta, ac singis
los annos dena millia tributi no-
mine persolueret. Anglus Aquita-
niam à Septentrione Caranto flu-
mine, & à meridie Pyreneo mon-
te terminatam possideret. Iis pera-
ctis, Rex in Angliam redijt.

2259

xliij.

Optimates regni contra Regē
quod is Oxoniensis consilij decre-
tis stare nollet, ciuile bellum trien-
nio excitant.

An. Christi. Ann. Regni.

1260 xlviij.

1261 xlvi.

Pugna iuxta Leuisium oppidū in Cantio, in qua Rex cum Ricardo fratre, et Edouardo filio à nobilibus capitur. Edouardus ex hostium manibus elapsus, commissus apud Eueshamum prælio, Simonem à Monteforti, popularis belli ducem, virum strenuum, ac fortē acie occidit, patremq; ex hostium potestate eripit.

1262 xlvi.

Othobonus à Flisca Cardinalis, ab Urbano III. Pontifice Romano ad sedandos ciuiles tumultus Legatus in Angliam missus, à Londimensibus in carcere coniatur, mox tamen liberatus, & nobilium pleriq; Regi reconciliati.

1263 xlviij.

1264 xlviij.

1265 xlxi.

1266 l.

1267 li.

Rex concilium ad Marlebri-gium in Vilceria conuocat, in quo leges aliquot antea latas confirmat.

Edouardus Vuallie Princeps, classe in Asiam traiicit, et Ludoui

cum

An. Christi. An. Regni.

cum Galliæ Regem belli commilitonem expectans Ptolemaide, ab Arsacida quodam (ita enim Saraceni sicarium uocant) pugione petitus, tribus uulneribus acceptis, ægrè mortis periculum eua-
sit.

- | | | |
|------|--------|---|
| 1268 | lij. | |
| 1269 | liij. | |
| 1270 | liiij. | D. Ludouicus Rex Galliæ moritur: Succedit PHILIPPVS filius, ann. XV. |
| 1271 | lv. | Henricus Ricardi Cæsaris filius, Henrici Regis nepos, Syria-
co bello reuersus, Viterbij dum
sacris interesset, à Guidone Simo-
nis Montifortensis Comitis filio,
in patris sui ciuili bello in Anglia
interfecti ultionem, occiditur. |
| 1272 | lvi. | Rex Londini moritur. xvi. Ca-
lend. Decembris, vñestmonaste-
rij sepultus: Filios reliquit Edo-
uardum Vuallia Principē, & Ed-
mundum Lancastriæ Comitem, &
quibus Rosæ albæ, & Rosæ Ru-
beæ, quæ istorum familie insignia
fuere, apud posteros factionum
nomina. |

An. Christi. An. Regni.

1273	i.	EDOVARDVS PRIMVS REX. XXIX. Ann. XXXV. Henrici primi filius, quintum et trigesimum ætatis annum agens, defuncto patre, magno populi ap- plausu Rex coronatus.
1274	ii.	Robertus Cantuariensis Archi- episcopus à Gregorio X. Pontifi- ce Rom. Cardinalis, & Portuen- sis simul Episcopus designatus, Ca- tuariensi Archiepiscopatu se abdi- cat. Thomas Herefordensis Epi- scopus, uitæ sanctitate clarus, in- te Diuos relatus.
1275	iii.	
1276	iv.	
1277	v.	
1278	vi.	Rex Parliamenti concilium Vuestmonasterij celebrat, in quo decreatum, ut sacerdotes criminis conuicti, ad Episcoporum tribu- nalia sifterentur.
1279	vii.	Rex Vuallos semel, atq; iteræ rebellantes domat, cesis Leolmo & Davide regulis.
1280	viii.	
1281	ix.	
1282	x.	
1283	xi.	

An. Christi. An. Regni.

1284 xij. Rex circa hæc tempora cœnobium monachorum Cisterciensium in comitatu Cestrensi cōdidit, cujus ob loci pulchritudinē regiæ Vallis nomen indidit.

Guilielmus Martonus Anglici Regni (ut uocant) cancellarius, Oxonij collegium studiorum causa instituit, cui Martono nomen inditum.

Rex in Galliam profectus, Burdegalensem conſpirationem sustulit.

Rex inter Gallum, & Aragoniū, de Siculi Regni iure litem dirimit, & Henrici patruelis apud Viterbiū interficti necem vindicat, Guidone Anguilariae Comite perpetuis carceribus in Gallia addicto.

Alexander III. Rex Scotiæ equi insolētia in terram deiectus ceruice confracta repente perijt. Regnum per interreges, seu gubernatores administratum annis VII.

Philippus. D. Ludouici filius Rex Galliæ moritur, succedit

PHILIPPVS PVLCHER Rex
annis XXVII.

1286 xiiij.

1287 xv.

1288 xvi.

1289 xvij.

Rex post triennium ex Aquitania in Angliam reuersus, concilium Parliamenti celebrat, in quo ex decreto Iudei omnes Anglia eleeti, & lex de sacrorum prouenti bus lata, quam Manumortuam uocant.

1290 xvij.

1291 xix.

1292 xx.

1293 xxi.

Scotis de Rege inter se contendibus, Ioannes Baliolus Haricuriæ in Gallia natus, Regio sanguini proximus, Edouardi Angliæ Regis autoritate, in cuius uerba iurauerat, Scotiæ Regno præficitur.

Initium belli inter Gallos, & Anglos propter naues aliquot in Normannico littore interceptas. Burdegala, et maxima Aquitaniæ pars ab Anglis deficit.

1294 xxij.

Rex, Adolpho Germanorum
Impe-

An. Christi. An. Regni

Imperatore in suas partes pertracto, expeditionem in Galliam parans, Vuallorum, & Scotorum rebellione impeditur.

1295 xxij. Edmundus Lancastrius Regis frater, cum exercitu in Aquitaniā missus, apud Baionam moritur.

Rex in Flandriam traiicit, ubi cum Philippo Gallorū Rege bienij inducias componit.

1296 xxvij. Rex conuocatis apud Ebora-cum Principibus, contra Scotos bellum decernit. Scotti in Northū bria graui occisione fusi, fugatiq; Edimburgum, Fanum Ioannis, urbes expugnatæ, et multò maxima Scotiæ pars à Rege subacta. Ioanne Baliolo Rege in ordinem redacto, captiuoq; datis terræ Scotiæ suo nomine præfectis, Rex uictor in Angliam reddit.

1297 xxv. Scotti, Valla & Brusio ducibus pro recuperanda patriæ libertate, fortiter cōtra Anglos pugnat.

1298 xxvi. Aleonora Regina moritur.

Pax inter Philippum Galliæ, et Edouardum Reges : Aquitania Anglo restituta, & Margarita

Philippi soror, Edouardo Regi
desponsata.

Rex ad Varium castellum Sco-
tos ingenti clade afficit.

1299 xxvij. Ioannes Baliolus Rex Scottie
Bonifacio III. Pontifice Roma-
no postulante, Anglicæ custodia
liberatur, & paulò post in Gal-
lia moritur.

1300 xxvij.
1301 xxix. Rex ad Fanum Andree cōo-
catis Scottie Regni Principibus, et
antiquatis Scotorum legibus, sua
eisdem instituta promulgat.

Isabella Philippi Pulchri Gal-
lorum Regis filia, Edouardo V-
uallie Principi nupta.

1303 XXX.
1304 xxxi.
1305 xxxij.
1306 xxxiiij. Scotti in libertatem sese uendi-
cantes, Robertū Brusium sibi Re-
gem dicunt. Edouardus Vuallie
Princeps à patre in Scotiam mitti-
tur. Apud Duncheldinum (ubi o-
lim Calidonie castrum) Scotti fusi
fugatiq;.

1307 xxxv. Edouardus Rex, Carleoli in
Scotorum

An. Christi. Ann. Regni.

Scotorum finibus moritur, Nonis
Iulij corpus à militibus Londinū
deportatum, ad Vuestmonasteri-
um sepulturæ datur.

1308 i. EDOVARDVS SECUNDVS
REX. XXX. Ann. XIX.

Edouardi primi filius, à Vuall-
liæ castro, ubi natus est, Caerna-
ruanus dictus. x. Cal. Martij una
cū Isabella coniuge, Philippi Pul-
chri Gallorum Regis filia, Vuest-
monasterij Rex coronatus.

1309 ii. RHODOS insula hoc an-
no, Turcis expulsis, à Christianis
Ducibus expugnata: Rege in o-
mnem uitæ mollitiem, luxumque
prolapsu.

1312 v. Concilium Principum in An-
glia Roberto Cantuariensi Archi-
episcopo authore coactū, in quo
sumpto de Petro Ganestone sup-
plicio, de coercēdis Regi malorū
consiliorum authoribus, & de re-
gni statu reformato agitatum.

1313 vi. Philippus Pulcher Rex Gal-
liae moritur, succedit LVD O-
VICVS HVTINVS an-
nis II.

- 1314 viij. Rex contra Scotos cum magna suorum strage, apud Sterlyn gium infeliciter pugnat.
- 1315 viii. Ludouico Huto defuncto, succedit PHILIPPVS LONGVS Rex annis. V.
- 1316 ix. Ioannes XXI. Rom. Ponti. Scotum, & Anglum per Legatos pacare studet. Scotti Beruicum recipiunt, & diuersis praelijs Anglos uincunt.
- 1317 x. Hugones Spenserij, pater & filius, Regi malorū consiliorum auctores, reliquorū Principum auctoritate, proscripti.
- 1318 xi.
- 1319 xij.
- 1320 xiii.
- 1322 xivij. Defuncto in Gallia Philippo, succedit CAROLVS PULCHER, Rex. ann. VII.
- Rex receptis in gratiam Spenseris, alterius factionis Principes persequitur, quorum pleriq; in pugna capti, ac iubente Rege interfecti, & inter hos in primis Thomas Lancastrius Regis patruelis

An. Christi. An. Regni.

truelis summa integritate, & in-
nocentia obruncatus.

1322

xv.

1323

xvi.

Rex commisso cum Scotis præ
lio, profligatur. Scotti, Anglicos
agros Eboracum usq; ustant.Galli maximā Aquitaniæ par-
tem occupant, sed Isabellæ Regi-
næ interuentu, & filio Edouardo
Vualliae Principe, Caroli Regis
beneficiarum se profitente, reno-
uatum fœdus, & Aquitania tota
Anglo redditæ. Induciæ cum Sco-
tis in annos tresdecim:

1324

xvij.

Henricus Stantonius illustris
eques, per hæc tempora Cantabri-
giæ magnificas ædes in usum stu-
diorum, diuino Michaeli Archan-
gelo dedicatas, excitauit.

1325

xviii.

Isabella Regina infesto erga ma-
ritum Regem animo, Ioannis Ha-
noniæ Comitis subsidio, una cunz
Edouardo filio ex Gallia in An-
gliam appulsa, sumpto de Spen-
serijs supplicio, maritum Regem
in suam potestatē redigit, coden-
que Regia authoritate priuato, et
in carcerem tradito.

1326 xix.

Edouardum filium quatuorde
cim annos natū, habito ad Vuest-
monasterium cōcilio, quarto Ca-
lendas Februarij Regno præficiē
dum, coronandumq; curat.

Gualterus Stapyltonus Exo-
nensis Episcopus hoc ipso anno,
qui Londinēsi ciuitati præerat, in
Isabellæ aduentantis gratiam, à fu-
renti populo, deturbato præsidio
cum nonnullis alijs, qui Edouardi
secundi Regis rebus studebant, in
publico foro securi percutitur.
Huius opera duo egregia Oxonijs
in studiorū gratiā collegia adhuc
extant, quorum alterum Exoniē
se collegium, alterum Ceruina au-
la nuncupatur.

1327 i.

EDOVARDVS TERTI-
VS REX. XXXI. Ann. LI.

Sub Isabellæ matris, & optima
tum tutela Regnum gubernat.

Ioānes Hannonius Comes, qui
Isabellæ Reginæ egregiam ope-
ram nauauit, magnis muneribus
donatus, ex Anglia discedit, cuius
filia Philippa, mox Edouardo Re-
gi nubit.

Edo-

An. Christi. An. Regni.

Edouardus Rex abdicatus, in Barkleiensi arce moritur, siue, ut nonnulli tradunt, à custodibus necatur.

1328

ij.

Carolus Pulcher Rex Galliae, sine prole moritur, cui succedit PHILIPPVS VALESIVS trium superiorum Regum patruelis, unde disceptatio inter Anglū, et Galum de Galici Regni iure, quod materna hæreditate Anglus sibi uendicare conatur.

Scotis pax data, & Ioāna Edouardi Regis soror Dauidi Scoto puerō despōnsa.

1329

iij.

Reges Gallus & Anglus, Amiani conueniunt.

Cleri conuentus Londini, in quo Exoniensis Episcopi interfectores damnati.

Principū conuētus Vuintoniæ in quo Edmundus Cantij Comes Regis patruus, quod abdicato Edouardo fratre, de eius restitutio-ne conspirasset, capite damnatus.

Robertus Rex Scotiæ moritur, cui succedit DAVID puer Regno per interreges, siue gubernatorum.

natores administrato.

1330 iiiij. ED O V A R D I Principis
natalis.

1331 v.
 1332 vi.
 1333 viij. Edouardus Balioli filius adiu-
uantibus Anglis paternum Re-
gnum in Scotia obiinet. Dauid
puer cum Ioanna uxore, à suis in
Galliam ablegatur. Edouardus
Angliae Beruicum expugnat, &
magnam Scotiae partem unà cun
Baliolo inuadit.

1334 viij.
 1335 ix.
 1336 x. Intercedente Benedicto. XII.
Pont. Rom. Dauid Rex Scotia
Regno restituitur. Baliolus Sco
tiam deserere cogitur.

Londini Parliamenti conciliū
in quo decretū, ne cui aurum, ar
gentumue in continentē absq; pri
uilegio exportare liceret.

Principibus item noui hono
res delati.

Initium maximi belli, quod An
gli cum Gallis per plures dein
ceps annos gesserunt. Robertus
Comes

An. Christi. Ann. Regni.

Comes Attrebatesis cum litem amississet, que illi erat cum Mathilda Burgundionis uxore, ob id cū Philippo Valesio Gallorum Rege inimicitias exercens, ad Angli partes se recipit, à quo honorifice est acceptus, & Richemondiae Comitatu donatus. FROSSARTVS Gallus horum temporum Historiam copiosissimo uolumine scribit.

- 2337 xi. Benedictus Rom. Pont. Gallicum, & Anglum per Legatos pacare conatur.
- 2338 xiiij. Edouardus Rex, ascitis in belli societatem Flandris, & imperij uecarius à Ludouico Bauaro constitutus, cum ingenti classe in Flandriam traiicit, atq; ad Somam fluvium in Galliae finibus, contra Philippum copias educit: sed prælio abstinet Philippo Edouardus Flandriam repetit, indeq; Iacobus Arteuillæ Flandrie præfeti consilio, liliorum insigni, & Regis Franciæ titulo assumptis, rursum in Angliam redit. Guilielmus Sarisbiriensis, & Robertus Suffol-

*ciae Comites, in exercitu præfecti
relicti.*

Hoc ipso anno Philippa Regi
na Leonellum filium Antuerpiæ
parit.

1339 xiiij.

Guilielmus Sarisbiriensis Co-
mes, in insulæ oppidi oppugna-
tione à Gallis captus, Lutetiam
adducitur.

1340 xiiij.

Pugna naualis atrox ad Clusas
IX. Calend. Iul. in qua Edouar-
dus Rex sua felicitate, & uento
secundo adiutus, captis, ac fractis
omnibus ferè Gallorum nauibus,
uictor euasit.

Fanum Odomari, & Tornacū
ab Anglo obfessi.

Induciæ inter Reges factæ, &
captiui utring; redditi.

1341 xv.

Edouardus Rex Ioannē à Mon-
teforti data ei in uxorem Maria
filia, contra Carolum Blesensem
bello in Britannia iuuat. Legato-
rum Papæ interuentu, induciæ in
triennium extractæ.

1342 xvi.

1343 xvij.

1344 xviii.

1345

An. Christi. An. Regni.

1345 xix.

1346 xx.

Edouardus Rex Henricū Lan
castriū in Aquitaniam mittit, i-
pse cum filio Vualliae Principe, et
numero ex exercitu Cal. Iulij in
Constantiensem agrum exiit, &
Cadomum expugnat.

Pugna ad Cresciacum VII. Ca-
lend. Septembr. sabbato ad ueste-
ram, omnium famosissima, luctuo-
siſſimaq; quæ Gallis unquam acci-
derunt, in qua omnis ferè nobili-
tas cecidit: occisi Ioannes Boe-
miae Rex, Carolus Regis frater
germanus Alenconij, Rodulphus
Lotharingiae Duces, Flādriæ, Ari-
curiæ, Blesensis, et Cæsariensis Co-
mites. Desiderati ex omni nume-
ro circiter XXX millia. Edouar-
dus Rex cum uictore exercitu, ad
expugnandum Caletū contendit.

1347 xxi.

Calctum III. Nonas Augusti,
undecimo obsidionis mense, Edo-
uardo Regi deditur. Ciues incolu-
mes dimitti, nobilibus aliquot ad
capitis poenam reseruatis, quibus
Regina grauida ueniam, uitamq;
impetravit.

An. Christi. An. Regni.

- 1348 xxij. David Rex Scottiæ Angliam in cursans, profligato ad Dunelmum exercitu, capitur: Clementis VI. Pont. Legatorum interuentu inducie in duodecim menses cum Gallis factæ, et arx Guina ab Anglis interim occupata.
- 1349 xxij. Philippus Valesius in Gallia moritur. Succedit IOANNES REX annis xiiij.
- 1350 xxiiij. GARTERIORVM summi ordinis equitum institutio.
- 1351 xxv.
- 1352 xxvi.
- 1353 xxvij.
- 1354 xxvlij.
- 1355 xxix.
- 1356 xxx. Edouardus Vuallie Princeps, uigesimum septimum ætatis annū agens, Dux belli in Aquitaniā à patre missus, in Pictonensi agro loco cui nunc Belliuisus, et male pertusi nomen inditum, Ioannem Galliæ Regem collatis signis prælio uictum, cum Philippo filio capit xiij. Calend. Octobris: Cesare Gallorum circiter sex millia. M. D. ex nobilibus capti, Rex

An. Christi. An. Regni.

Rex ipse unà cum filio ab Edouardo Principe humaniter, et honori fice tractati, & in Angliam traducti. Carolus Delphinus elapsus Parisios se recipit.

Induciæ Gallis in biennium datae.

1357 xxxi. David Rex Scotiæ per annos X. in Anglia captiuus, decem aureorum millibus redemptus, in Regnum restituitur.

1358 xxxij. Isabella Regina moritur, Londini in Franciscanorum cœnobio sepulta.

1359 xxxvij. Finitis inducijs bellum in Gallia renouatum.

Edouardus Rex Caleto in Remorum fines profectus, Parisiorum & Carnutum uicina loca depopulatur.

1360 xxxvij. Pax inter Reges ad Britinicum VIII. id. Iulij. Ioannes Rex post quartū, quām captus fuerat, annum, obsidibus datis, Caleti liberatur viij. Calend. Nouembris.

Rex Vindesorum castrū natalem locum, magno ædificiorū apparatu instaurauit, ibiç sacerdos-

An. Christi. Ann. Regni.

tum Collegiū instituit, dotauitq;

Edouardus Vualliae Princeps,
à patre Dux Aquitaniæ creatus,
cum uxore Edmundi Cantiaæ Co-
mitis filia, in Aquitaniam se con-
tulit.

1361

xxxv.

Edouardus Rex quinquagesi-
mum ætatis suæ annū, Iubilei mo-
re celebrat, condonatis maleficio
rum poenis, & priuilegijs aliquot
populo conceſſis, decretumq; in
cōcilio tulit, ut causarū procura-
tores, & patroni post hac nō am-
plius Gallico, uel Normānico, sed
Anglo idiomate, causas agerent.

1362

xxxvi.

Caleti Anglorum Colonia de-
ducta.

1363

xxxvij.

1364

xxxviii.

Ioannes Galliae Rex, ut de suis
obsidibus liberādis transigeret, in
Angliam rediens, morbo præuen-
tus, Londini obiit VI. Cal. Apri-
lis : succedit Carolus V. dicitur
sapiens.

1365

xxxix.

1366

xl.

Petrus Rex Castellonēsis in Hi-
spania, ab Henrico fratre Notho
Regno

An. Christi. An. Regni.

Regno pulsus, Edouardi Vualliae
Principis auxilio, in uitis Gallis in
Regnum restituitur. Tres filiae e-
ius pro belli impensa Anglo obsi-
des datae, succendentibus Gallorum
auxilijs. Nothus bellum re inte-
grans, fratrem occidit, et Regno
potitur.

Simon Cantuariensis Archi-
episcopus obiit: Oxonij collegium,
quod Cantuariense dicitur, con-
dedit. Hoc ipso item anno, Gui-
lielmus Vuyckam Vintoniensis
Episcopus Oxonij in rei litera-
riae gratiam, collegium excitauit,
illudq; D. Mariæ Virgini dicauit
quod hodie Nouum collegium nun-
cupatur.

1367

xli.

Bellum inter Gallos, et An-
glos hoc annorupto foedere reno-
uatum. Aquitani ab Edouardo
Vualliorum Principe nimio tribus
to oppressi, Armeniaco, et Petra-
gorico Comitibus authoribus, ad
Carolum Regem prouocant. Ioā-
nes Lancastriæ Dux in Galliam
cum exercitu traiicit, sequēti hye-
me redire coactus. Pontiuienses

An. Christi. An. Regni

cincto Anglorum præsidio, post annos ceturum, ac duodecim, quam dotis nomine in Edouardi primæ potestatem uenerant, Gallis se dunt.

Philippa Regina hoc ipso anno moritur, extructo Oxonij magnificenter studiorum causa collegio, quod nūc Reginæ collegium appellatur.

1368 xliv.

Leonellus Dux Clarentij Edwardi Reginæ secundogenitus, Mediolani cum Violante Galeatij primi Ducis sorore nuptias celebrat, domum rediēs in itinere moritur, Philippa filia unica superstite, quæ tertij dehinc prolis successione Eboracensi familie Regni ius intulit.

1369 xlvi.

Robertus Canolus Anglus Caletō profectus, instructo exercitu per Remorum, & Pariforum fines iter ingreditur, ut Principi in Aquitania aduersus eos, qui defeccerant, uix consistenti se coniunge ret. Angli ad Ligerim palantes Gesquinate Duce, à Gallis magna cede in castra compulsi.

Vrbis.

An. Christi. An. Regni.

- 1370 xluij. Vrbs Lemouicū ab Edouardo
Principe diripitur, atq; deletur.
1371 xlvi. Dauid Rex Scotiæ sine uirili
prole moritur, cui succedit RO-
BERTVS STVARDVS
Dauidis ex foemina nepos. Huius
successio à foemina inchoata, &
ad sextum Regem deinceps dedit
et, nostra iam ætate rursus in fo-
mina desijt.
- 1372 xlv. Gesquinas Gallus, & Canolius
Anglus uterq; militari strata-
gemate insignis. Rupella à Gallis
obsidetur. Ioannes Penbruchenis
comes cum quadraginta nauium
classe obcessis Rupellanis in auxi-
lium mittitur, sed interuentu clas-
sis ab Henrico Castellonensi Regi
in Gallorum subsidium transmis-
se, Angli amissa classe, & Ioanne
prefecto ab Hispanis capto, gra-
ni prælio occisi. Ioannes Lanca-
strius Dux traducto per Galliam
exercitu, Gallos Rupellæ obsidio
nem soluere coegit.
- 1373 xlvi.
- 1373 xlviij.
- 1374 xlviij. Concilium Parliamenti Lon-

dini habitum, in quo Rex exhausto in Gallicum bellum ærario, tū primum sacrorum reddituum censum egit, ac decimas sacerdotibus in belli sumptus imperauit, lege lata, ut Episcopi nō amplius à sacerdotum collegijs, ut antea eligerentur, sed Romanorum Pontificum, Regumq; arbitrio designati cooptarentur. Decretū insuper, ne minora sacerdotia à Romano Pontifice impetrarētur, aut cause nisi per appellationem, ad eundē deferrētur, poena legis uiolatoriis indicta, unde postea lex Proutisionis, siue de Premoneri, ut vocant. Nōnulli hæc Ricardi secūdi temporibus assignant.

1375 xlix.

Io. Vuythclyffus hæresiarcha his temporibus emersit, qui Oxoniensis gymnasij censura publicè damnatus, ad Boemos profugit.

1376 I.

Ioannes Dux Lancastrius, & Edmundus frater, Ioanni à Monteforti Britanniæ Duci contra Gallos pugnanti, in auxiliū misi. Ludouicus Andegauensis cum Gallorum copijs pedem referre cogitur

An. Christi. An. Regni.

cogitur. Romano Ponti. authore
inducie in duodecim menses com-
positæ.

Ioannes Penbruchensis Comes,
nauali prælio ab Hispanis captus
redemptusq; dum in Angliam re-
dit, in itinere moritur. Huius u-
xor Maria è sancto Paulo Belgia-
cæ Galliæ oppido, illustris foemina
ad excitanda literarum studia
Cantabrigiæ Musæum nobile ex-
truxit, quod nunc Penbruchenfis
Aula uocatur.

Concilium Parliamenti Vuest-
monasterij, in quo tributum pete-
ti Regi à populo denegatum, &
Regi quæstores repetundarum
rei comperti, suppicio affecti.

Edouardus Princeps tibi con-
fictus moritur VI. id. Iul. Annus
ætatis agens XLVI. sepultus Cä-
tuariæ, in templo maximo.

Rex finitis inducijs, in Galliam
expeditionem parâs, morbo præ-
uentus, interijt. xi. Calend. Iul. an-
no ætatis suæ. lxxv. sepultus Vuest-
monasterij. Ricardus Edouardi
Principis filius, Burdeagle in Gal-

1377

li.

An. Christi. An. Regni.

lia natus, undecim annorū puer
xvij. Calend. August. coacto Prin-
cipum concilio, Vuestmonasterij
Rex coronatur, eius patrui Lan-
castrius, & Eboracensis Duces,
Regni gubernatores constituti.
Bukyngamiensi Gallici belli cura
delegata.

1373 i. RICARDVS SECUNDVS REX
XXXII. Ann. XXII.

1379 ii. Edouardi Vualliae Principis fil.

1380 iii. Thomas Bukyngamiensis cum
exercitu Caleto profectus, Gallia
incursat, inde in Britanniam per-
transiit, quam in Ioannis à Mon-
teforti Ducis sui fidem uenire cō-
pulit. Schisma inter Urbanum
VI. & Clementem Pontifices, tra-
etata Gandaui pacis consilia di-
rimit.

Carolus Quintus Rex Gallie
moritur. Succedit CAROLVS
VI Rex annis xlj.

1382 iii. Concilium Parliamenti Vuest
monasterij. Graue tributum in sin-
gula ciuium capita impositū. Can-
tiani, Strauo, & Tylerio plebeis
Ducibus, ciuilem tumultum exci-
tant;

An. Christi. An. Regni.

tant, Simonē Cantuariensem Archiepiscopum, Halisium Rhodianorum collegij praefectum, et Cardum Carmelitanū Regi à confessionibus, securi percutiunt: Lōdimi urbē diripiūt. Strauo dehinc seditionis authore, à Londimensi Prætore pugione confosso, populi tumultus sedatur.

2382

v.

2383

vi.

Ricardus Rex pro Urbano. vi.
Pont. Rom. contra Gallos Pseudoclementis fautores depugnatius, collecto exercitu, Hērico Spēserio Nordouicēsi Episcopo bellā duce in Flandros, qui Ludouico Comiti sui obsequentes Gallis adhærebat, arma conuertit. Graue lingam, Damnum, et Burburgum oppida expugnant. Angli, mox pactis cum Carolo Rege conditiōnibus, Caletum repetunt.

2384

vii.

Rex Annam Vincislai Imperatoris filiam in uxorem ducit.

Singulare certamē inter duos equites, Ansleum, et Cartonum altero alterum prodigionis in Regem accusante, Cartonus uictus, sui sceleris poenas dedit.

An. Christi. Ann. Regni.

1385 viij.

Leo Rex Armenie à Turcis
expulsus, ex Gallia in Angliam
traiicit, ut facta pace Gallum, et
Angli coniunctis copijs in Tur-
cas conuerteret, sed re infecta, in
Galliam redijt.

1386 ix.

Ioannes Viēnenſis Gallici ma-
ris præfectus, in Scotiam contra
Anglos mittitur. Caroli Regis ma-
ximus belli apparatus, ad Cluſe
portum ducum cunctatione, et ui-
tempestatis abrumpitur, atq; di-
mittitur.

Dux Lancastrius, Lusitanum
contra Castellanum Regem armis
iuuat, Edmundo fratre belli Duce
in Hispaniam transmisso. Castel-
lanus Rex profligatur, Edmун-
dus cum uictore exercitu in An-
gлиam redijt.

1387 x.

Concilium Parliamenti Vueſt-
monasterij habitum, in quo noui
honores nobilibus delati, et Roge-
rius Mortimerius Merchiæ Vual-
liæ Comes, Rege sine liberis mori-
turo, Regni successor declaratur,
ex eo quod in matrimonium ha-
bcret Philippam, filiam unicam

Leo-

An. Christi. An. Regni.

- Leonelli Clarentiae Ducis. Huius postea hæreditas ad Eboracensem familiā deducta, Edouardo Quar to legitimi Regni ius attulit.
- ROBERTVS III.** Rex, defuncto Roberto II. in Scotia regnat.
- Dux Lancastrius, Castellæ Regnum, à Ioanne Henrici Nothi filio occupatum, Constantiæ coniugis iure sibi hæreditariū repetēs, cum copijs in Hispaniam traijcit. Pax inter Reges ijs conditionibus facta, ut Dux Catherinam filiam, nuptum daret Henrico Ioannis Regis filio, ac ipse, & Constantia uxor, omni suo iure in Regno cederent: Ioannes Rex puellam dotaret, ac Duci & Constantiæ uxori in singulos deinceps annos, tributi nomine penderet aureorum uicena millia, et pro impēsis belli trecenta millia. Eodem tempore Dux cū Lusitano affinitatem uinxit, locata ei Philippa filia: Dux compositis in Hispania rebus, in Angliam reuertit.

An. Christi. An. Regni.

2392 xiiiij. Induciae cum Gallis in triennium factæ.

Africum bellum, Genuensem
precibus, à Gallis, Anglis, & Ve-
netis susceptū. Barbari, imperata
ingenti pecunia, intra suos fines
compulsi, ac multi Christianorum
captiui redditi.

2393 xv. Scoti prædatores, Anglicos fi-
nes Dunclum usq; incursant: le
uia hincinde uario Fortune euen-
tu prælia. Henricus Northubriæ
comes à Scottis captus, ac decem
aureorum millibus redemptus.2393 xvi. Induciae cum Gallis in annos
quatuor prorogatae.

Hyberni tumultuantes pacan-
tur, Reguli eorum à Rege in gra-
tiam recepti.

2394 xvij. Anna Regina moritur nullo
ex se prole suscepito.2395 xviiiij. Reges Gallus et Anglus, ad Ar-
deram propè Caletum conueni-
unt, XII. Calend. Nouembr. In tri-
ginta annos pactæ inducia, & Iса
bella Caroli Regis filia, annis fere
octo nata, Ricardo despensa.

2396 xix.

2397

An. Christi. An. Regni.

1397 xx.

Thomas Glocestrensis, Regis
patrius, mali animi erga Regem
suspectus, insidijs de industria ab
ipso Rege compositis Caletū usq;
deportatus necatur, Lancastrius
& Eboracensis, fratrī sui necem
uindicare conantes, placidis uer-
bis à Rege mitigantur.

1398 xxi.

Rex spretis patrum consilijs
omnia pro suo iure agens, Henrī
cum Lancastrij filium lesae mai-
statis criminē delatum, ac Thomā
Mombrauim Norfolciae Ducem
Henrici delatore in exiliū agit.

Ioannes Magnus Dux Lanca-
strii moritur, Londini in D. Pau-
li templo maximo sepultus.

1399 xxij.

Henricus Perecus Northum-
brie Comes, quod alieno erga Re-
gem animo uidebatur, publicatis
bonis, patriæ hostis declaratur.

Henricus Lancastrij filius, no-
bilium cōspiratione, ab exilio ad
Regnum euocatus, inopinatō in
Angliam reuersus, Ricardum Re-
gem, nullo negotio captum, in ar-
cem Lōdini coniicit. Coacto Prin-
cipum cōfilio, Ricardus male ad-

ministratæ Reip. damnatus, corona, et sceptro se abdicare uidetur.
Hēricus Lancastrius, in eius locū Rex subrogatus, IIII. Idū Octobris, Regni insignia sumit. Ricardus ad Pōtifracti arcē traductus, necatur, an. ætatis suæ XXXIII. Sunt qui inedia perijisse tradant.

1400

i.

HENRICVS QVARTVS REX
XXIII. Ann. XIII.
Ricardi secundi patruelis.

Quos Ricardus in exiliū exegerat, domum reuocat, et carcere damnatos, liberat. Burdigalenses deiecti Ricardi sui uicem dolētes Aquitanos ad rebellionem excitant, quos Henricus, Thoma Perceio copiarum Duce, mitigat.

Holandius Excestrie Dux, Ricardi Regis frater, cū aliquot nobilibus de Henrico interficiendo, dum is ludorū spectaculis interesseret, conspirant. Capita coniurationis, detecti, necatiqz.

Edmundus Eboracensis Dux moritur, relictis Edouardo & Ricardo liberis.

Isabella Ricardi Regis uidua,

ad

An. Christi. An. Regni.

- ad Carolum patrem in Galliam
remittitur, ac triginta annorum
inducie anteā cū Ricardo pacte,
ab Henrico confirmatur.
- Claringtonis eques illustris, et
octo Franciscani ordinis monachi
prodictionis insimulati, necantur.
Valli tumultuantes sedantur.
- 1401 iiij. Virgorniensis et Staffordiensis
Comites, in Regem conspirant.
- 1402 iiij. Pugna apud Salopiam, in qua
Rex profligatis aduersariis co-
pijs, uictor euasit. Virgorniensis in
pugna cecidit, reliqui capti, et oc-
cisi. Galli Cornubiam incurvant.
- 1403 iiiij. Ricardus Eboracensis Archi-
episcopus, defectionem à Rege pa-
rans, securi percutitur.
- 1404 v. Canolius Aquitaniae praefectus
militari laude insignis, moritur.
Londini in Carmelitanorum coe-
nobio sepultus.
- 1406 viij. Henricus Northumbriæ co-
mes, in Eboraci agro contra
Regem tumultuaria pugna ca-
ptus occiditur.
- 1407 viiij. Fanum Brioci in Britannia ab
Anglis direptum, ubi Edmundus

Cantiæ Comes maris præfetus
interiit.

Ludouicus Aurelianensis Dux,
Caroli Regis frater Lutetiae occi-
ditur à percussorib. immisis per
Ioannem Burgundia Ducem, et
hinc Gallia tota in factiones diu
distracta.

1408	ix.
1409	x.
1410	xi.
1411	xii.

Rex, Burgundionī Duci con-
tra Aurelianensem auxiliares co-
pias mittit, ac eisdem copijs paulo
post Aurelianensem contra Bur-
gundionem iuuat: facta deinde in-
ter utrumq; pace, Angli, qui pro
Aurelianensi stabant, suis stipendijs
fraudati, plurima Gallie intulere
incōmoda, et Engoemensem Co-
mitem Aurelianensis fratrem pro
obside abductum, annis xxxij. se-
cum in Anglia retinent.

1412	xiii.
------	-------

Jacobus I. Roberti Scotorum
Regis filius, patrui insidias uitatu-
rus, dum in Gallia nauigat, cum
classe interceptus, captiuus in An-
gliam ducitur.

1413	xiv.
------	------

Rex expeditionem ad sacrum
bellum

An. Christi. An. Regni.

bellum parans, Vuestmonasterij
moritur xiiij. Calend. April. Can-
tuariæ clatus. Henricus filius Mo-
nomothi in Vuallia natus v. id.
Aug. Rex coronatur.

1414 i. HENRICVS V. REX
XXXIII. Ann. IX.

Quarti filius.

Duo præclara cœnobia à Re-
ge extorta, alterū Bethlehem ap-
pellatum, quod Cartusianis mo-
nachis incolendum dedit, alterū
Syon, quod est Brigitensium, uiro
rum pariter, ac foeminarū, utruis
que ad Regiam Richemundiam,
in utraq; Thamesis ripa positum.

1415 ii. Vuiceliffistarum secta in Con-
stantensi concilio damnata, in Re-
gem conspirans, captis, & occisis
ducibus opprimitur.

Rex in Galliam expeditionem
parans, Ricardū Eboracensis Du-
cis fratrem, Scruppum, & Graiū
equites in eum cōspirantes, in ca-
stris securi percutit. Idibus Augu-
sti Antone portu in Normanniā
soluit: Arislorum expugnat, Cale-
tum dein terrestri itinere exerci-

An. Christi. An. Regni.

tum traducturus VIII. Calend. No
uembris Dangincortij ad Blan-
gium oppidum pugnare coactus,
nouo stratagemate paloru septis
Gallorum equitum uim prohibe-
tibus, clarissima uictoria potitus
est. Decem Gallorum millia cum
multa nobilitate occubuerunt, &
totidem ferè capta sunt. Duces in-
terempti, Alenconius Ambarrus,
Lotharingus, & Brabantinus, Ni-
uerensis Comes, & Alebretus ma-
gister equitum. Capti Aurelianen-
sis, & Borbonius Duces. Henri-
cus Rex parua clade affectus, ex-
cepto Duce Eboracense patruele
cæso. Rex Caletum, deinde in An-
gliam rediit.

1416 iij.

Sigismundus Imperator com-
ponenda pacis causa, in Angliam
traicxit.

Bedfordiensis cum nouo mili-
tum supplemento in Normanniam
missus, Gallos nauali prælio uin-
cit, & Anglis Ariflori obseßis
suppetias tulit.

1417 iiij.

Sigismundus imperator despe-
rata pacis compositione, magnis
muneribus

An. Christi. An. Regni.

muneribus à Rege donatus, in
Germaniam redijt.

Rex, VI. Calend. Augusti, cum
ingenti classe in Normanniā traſ-
cit, Cadonium, Bellocassum & Le-
xouium urbes expugnat, & alia
Normanniæ oppida capit.

1418

v.

1419

vi.

Rhotomagū quinq; mensibus
obſeſſum, oppidanis famæ oppref-
ſis, Henrico Regi deditur.

Philippus Burgundiæ Dux, iū-
cta cum Anglis societate, in patris
ſui ultionē, qui paulo ante ad Mō-
terigolium in cōſpectu Delphini
de pace agere uolētis interfectus
eſt, Carolum Regem, Reginam,
Lutetiam, & quicquid ſuæ factio-
nis habebat, in manus Henrico
tradidit, & in Tricaſſibus Cathe-
rinam Caroli Regis filiam nube-
re illi coegit, ea lege, ut iij, eorūq;
liberi Francie Regno ſuccederet,
& Henricus interea Rex Augliae
& rector Franciæ cognominare-
tur. Delphinus exhaeredatus, &
proscriptus eſt.

1420

vij.

An. Christi. An. Regni

1421 viii. Henricus Rex Catherinam uxorem in Angliam traducit, ubi maximo cum triumpho accepti. Humfredus Glocestriae Dux, Regis frater, cum Philippo Burgundiæ, Gallici Regni gubernatores relictæ. Thomas Clarentij Dux cū Ricardo Varuici Comite, Normanniae præfecti.

Iacobus Scotorum Rex per decem annos in Anglia captiuus, pœnitentibus, in Regnum restituitur.

Dux Claretij ad Belliforte Andegauensium oppidum à Scotorum manu, quæ Delphino stipendia faciebat, occisus.

1422 ix. Rex cognita fratris morte, suffecto in eius locum Somersetense ipse cum altero fratre Bedfordien si in Galliam transmittit.

Catherina Regina filium Henricum, ad Vindesorium castrum enixa.

Rex ad Vicennarum saltum propè Lutetiam, non sine ueneni suspitione obiit, pridie Cal. Septem. ann. etatis suæ. XXXVI.

Corpus

An. Christi. An. Regni.

Corpus in Angliam relatum, &
Vuestmonasterij conditum, Fra-
tres suos Duces, Ioannem Bedfor-
diensem, Galliae, Humfredum ue-
rò Glocestrensem, Angliae, recto-
res esse iussit. Hoc ipso anno Ca-
rolus sextus Gallorum Rex obiit
cui succedit CAROLVS VII.
annis XXXVIII.

2423

i.

HENRICVS SEXTVS, REX
XXXV. An. XXXVIII.
Quinti filij infans.

Sub Glocestrensis patruitute-
la relictus.

Ioannes Bedfordiensis, Philip-
pus Burgundie, & Ioannes Brita-
niae Duces, in Henrici pueri tute-
lam icto foedere, Ambiani conue-
niunt.

2424

ij.

2425

iii.

XVII. Calend. Septemb. An
glorum uictoria ad Vernolitum
in Gallia, ducente exercitum Bed-
fordio, ubi ad quinque Gallo-
rum millia cæsi: captus Ioannes
Alenconij Dux, & nobilium alij
ducenti: Anglorum duo millia de-
siderati.

Thomas Montacutus Sarisbi-
riensis Comes, Cenomanos, et Fa-
num Susannæ expugnat.

1426 iiiij.

Die ueneris VIII. Cal. Iun. Ro-
mæ apud S. Petrum in cōcistorio
priuato, Martinus V. Pont. Hen-
ricum Beauforti Vintoniensem
Episcopum, Regis patruum, Car-
dinalem declarauit.

1427 v.

Aurelium ab Anglis obseßum.

1428 vi.

Sarisbiriensis Comes, tormenti
ahenei pila ictus, interiit: Ducum
deinde discordia, Anglorum res
in peius abiēre.

1429 viij.

Ioāna Puella armata, Aurelia
nenses obseſſos commeatū iuuat,
coactisq; hostibus obſidionem re-
linquere, ad VIII. id. Maij, Anglos
uiriliter expellit.

Pataienſe praeliū, in quo cæſis
et profligatis Anglis Ioānes Tal-
botus capitū. Puella Carolū Re-
gem Remis consecrandū ducit.

Hēricus Cardinalis Vintoniēſis
à Martino V. Pont. Legatus in e-
xercitu contra Boemos mittitur.

1430 viij.

Puella Compendium obſeſſum
ui, et aſtu ingressa, cum in hostes
eruptio-

An. Christi. Ann. Regni.

eruptionem faceret, à Io. Lucen-
burgensi capitur, Rhomagumq;
ad Ducem Somersetensem mitti-
tur, dein magia damnata exuri-
tur.

1431 ix.

1432 x.

Henricus Rex decimum aet-
atis annum agens, in Galliam tra-
ductus, in primario Lutetiae tem-
plo, ab Henrico Cardinale Vinto-
nensi, promulgato Angliae &
Franciae Regis titulo, coronatur.

1433 xi.

Nicolaus Cardinalis sanctæ Cru-
cis ab Eugenio Quarto Pont. Ro.
conciliandæ pacis causa inter Gal-
los et Anglos Legatus, inducias in
sex annos paciscitur, quæ tamen
post sextum mensem uiolatae sunt.

Henricus Rex Caleto in An-
gлиam soluit.

1434 xiij.

Talbotus Ambrosij Lori Galli
equitis permutatione, et persolu-
to insuper pretio redemptus, in An-
gлиam remittitur, ac paulo post re-
integrato bello, copiarum praef-
ctus in Galliam redit.

Thomas Arudellie Comes ad
Gerboriam arcem in Bellocas -

sibus, accepto uulnere, perijt.

Prælia inter Gallos & Anglos
uario cuentu in Normannia.

8435 xiiij.

Carolus Rex Fortunam bellī
metuens, Burgundium ab Anglis
alienatum, ad se pertrahere co-
natur. Paci facienda Attrebatum
urbs destinata, ubi Nicolaus Pon-
tificis legatus, inter Gallū & An-
glum litis arbiter, leges foederis
proposituit, quas tamen Rex uter-
que respuit. Carolus, Burgundiū
præmijs ac promissis, in suas par-
tes adducit. Factiones ac inimici-
tiæ diuturnæ inter eos, sopiae, &
sublate.

Ioannes Bedfordiensis, vir pa-
ce, ac bello illustris, Lutetiæ mo-
ritur, Rotomagi in principe æde
sepultus.

8436 xiiiij.

Burgundiae Dux Caletum ob-
sidet, sed subueniente Glocestrio
obsidionem relinquere cogitur.

Parisienses deturbato Anglo-
rum præsidio, Gallis se dedunt
mense Aprili, sicq; Lutetia urbs
Regia, post annos quindecim,
quam in Anglorum potestatem
uenerat

An. Christi. An. Regni.

uenerat, sub Gallorum imperium
redijt.

Iacobus I. Rex Scotiae suorū cō
iuratione occiditur, cui succedit
IACOBVS II. annis XXIII.

1437

xv.

Catherina Regis mater obiit.
Ouinus Tyderius Vallus; insimū
generis, eius maritus, relicto ex se
Edmundo filio, à quo postea Hen
ricus Septimus Rex futurus geni
tus est, quod Regio thoro se cōmī
scere ausus sit: iussu Glocestrensis
bis in carcerem coniicitur, ac po
stremum capite plectitur:

1438

xvi.

1439

xvii.

1440

xviii.

Pacis conditiones inter Gallū
& Anglum Caleti propositae. Ca
rolus Aurelianensis Dux post an
num XXVI. quam in pugna Da
gnicortensi captus fuerat, redem
ptus dimittitur.

1441

xix.

Talbotus uario euentu contra
Gallos pugnat.

Induciæ cum Gallis factæ.

1442

xx.

1443

xxi.

Rex in matrimonii ducit Mar
garitam Rhenati Andegauensiæ

o

210 ANGLORVM REGVM

An. Christi. An. Regni.

Ducis, ac Regis Siciliæ filiam.

- 1445 xxij. Henricus Chicheleius Archiep̄
scopus Cantuariensis obiit, qui in
rei literariæ gratiā bina collegia
Oxonij extruxerat, unū mortuo
rum memorie, alterum diuō Ber
nardo dicatum.
- 1446 xxvij. Dux Glocestrensis optimus
Regni gubernator, per annos
XXV. Margaritæ Reginæ odijs,
& Principum quorundam inui
dia, necatur.
- 1447 xxv. Henricus Cardinalis Vuinto
niensis moritur, cui in Episcopatu
succedit Guilielmus Väfletus, col
legij Magdalensis, in Oxoniensi
academia author.
- 1448 xxvi. Violatæ foris induciæ. Plurima
Normanniæ oppida Gallis se de
dunt.
- 1449 xxvij. Cantiana seditio, Caddo plebe
io Duce authore, concitatur.
- 1450 xxvij. Normānia tota amissa post an
nos XXX. quam Hēricus Quin
tus Anglis eam recuperauerat.
- 1452 xxx. Aquitania amissa post annos
CCXCIX. cū Henricus Secundus
dotali

An. Christi. An. Regni.

dotali iure possessa acceperat, & postquam Henricus Tertius eandem à Philippo Augusto Gallorū Rege, Ioanni patri adēptam recus perauerat, annis CCXXII.

- 1453 xxxi. Talbotus in Gallia, Burdegala recipit, idemq; mox pugna in Petrochorijs commissa, profligato exercitu occiditur, III. id Jul. Recuperata à Gallis Burdegala, & dehinc Gallici belli finis, ac ciuilis belli principium, ab Eboracensi & Somersetensi Ducibus exortū unde postea, per aliquot annos Anglia tota in factiones miserè distracta, & perpetuis nobilium cædibus funestata.
- 1454 xxxij. Ricardus Eboracensis Dux ad Fanum Albani prope Londonum Regijs copijs congressus, cruenta pugna, Somersetensem Duce acie occidit, & Henricum Regem, uincentis more, Londonū trahit, seq; Regni protectorem dicit.
- 1455 xxxiij. Varuicensis, & Sarisbiriensis Comites, se cum Eboracensi coniungunt.
- 1456 xxxiiij. Sarisbiriensis, in Bloretanis cā

An. Christi. An. Regni.

- pis, profligato Regis exercitu ui-
ctor euadit.
- 2458 xxxvi. Pugna apud Northantonam,
2459 xxxvij. in qua Rex ab aduersarijs uictus
 capitur.
- 2460 xxxvij. Dux Eboracensis, coacto con-
 cilio, Regni hæres declaratur.
 Iacobus Rex Scotiæ in Roxe-
 burgi castri obsidione dum incau-
 tius tormentis assisteret, effracti
 unius frustis percussus, interiit:
 Succedit IACOBVS III. an-
 nis XXVIII.
- Margarita Regina, commissa
apud Vakfeldiam pugna, hostes
deuicit. Dux Eboracensis in acie
occiditur. Sarisbiriensis captus ca-
pite plectitur. Rex ad Fanum Al-
bani, Margaritæ coniugis auspi-
cijs, profligato Varuicense, liber-
tati restituitur.
- Edouardus Merchiæ Comes, Ri-
cardi Eboracensis Ducis filius à
suis militibus Rex salutatus, in E-
boraci agro collatis signis Hē-
ricum in Scotiâ abire compulit.
Margarita Regina cum Edouar-
do filio in Galliam ad patrē Rhei-
natum

An. Christi. An. Regni.

*natum configit. Pugnatum est
Dominico palmarum die: deside-
rata utrinq; amplius uiginti An-
glorum nullia.*

*Carolo Septimo in Gallia defū-
cto, succedit LUDOVICVS XI
Rex, annis XXIII.*

1461 i.

**EDOvardvs QVARTVS
REX XXXVI.** Ann. XXIII.

*Ad Albæ rosæ, à Leonello Edo-
uardi Tertiij Regis filio generis
sui initium referens, III. Calen. Iul-
ij Vuestmonasterij Rex corona-
tur: Fratres Georgius Clarentij,
& Ricardus Glocestriæ Duces
creati.*

1462 ij.

*Henricus collecta Scotorum
manu in Angliam redditū parans,
pugna apud Exhamum, à Ioanne
Montacuti Marchione profliga-
tur, ac paulò post ab exploratori-
bus interceptus, Londinum capti-
uus adducitur.*

1463 iiij.

*Ricardus Varuicensis Comes
de Edouardi Regis coniugio tra-
ctando Legatus in Galliam mit-
titur.*

1464 iiij.

Edouardus Rex Elisabetham

An. Christi. An. Regni.

Riuierij Comitis filiam Graij æquitatis uiduam in uxorem ducit, unde postea similitas inter Edouardum & Veruici Comitem.

1465 vi.

1466 vi.

1467 viij.

1468 viij.

1469 ix.

Philippus Burgundiæ Dux Brugis moritur XII. Cal. Jul. Succedit Carolus filius, cui Margarita Edwardi soror nupta.

Varuicësis Comes et Clarentij Dux Edouardi frater, inito foede re, in Hērici Regis restitutionem contra Edouardum conspirat̄es, ad Banbericum pagum collatis signis Edouardū, profligato exercitu, uincunt: Penbruchenfis Comes, & Riuierius Edouardi sacer capti, interficiq;. Edouardus hāc cladem uindicare parans, à Varuicense ex improviso capitur, ac paulò post, ex arce in qua afferuabatur, amicorum opera clam dimittitur.

Pugna ad Stamfordiam, in qua Edouardus, profligatis hostibus uictor euadit. Varuicësis Comes,

C

An. Christi. An. Regni

et Clarentij Dux, cum uxoribus
et magna suorum familiarium nu-
mero, in Galliam transmittunt.

1470

x.

Varuicensis cum Regina, et
Edouardo Principe, in Heric Re-
gis restitutionem, icto foedere, Lu-
douici Gallorum Regis auxilio,
sesto post mense quam in Gal-
liam traiecerat, in Angliam redit
Henricum carcere, in quo per de-
cem annos captiuus detinebatur,
liberat.

Edouardus arrepto nauigio in
Flandriam ad Carolum Burgun-
dium sororium confugit.

Conciliū Vuestmonasterij, VII.
Calend. Decemb. in quo Henricus
Rex iterum salutatus et Edouar-
dus Regni hostis declaratur.

1471

xi.

Edouardus Caroli Burgundij
Ducis auxilio clam adiutus in An-
gлиam traijcit, et III. id. Aprilis
post sextum decepcionis mensem,
auctis eundo copijs, et Georgio
fratre in eius partes adducto, ui-
ctor Londinum intravit: Henri-
cus Regno exutus, rursum in car-
cerem coniicitur.

216 ANGLORVM REGVM
An. Christi. An. Regni.

Pugna ad Barnetum prope Lō
dinum, in qua Varuicensis deleto
exercitu, una cum fratre Monta-
cuti Marchione in acie occiditur.
Cæsa utrinq; plus decem millia.

Margarita Regina paulò post
cum Edouardo filio ex Gallia ad-
ueniēs, collecto suorum exercitu,
prælio apud Teukisbiriā capitur:
Edouardus Princeps trucidatur,
Regina in Galliā remittitur: Hen-
ricus Rex abdicatus, in arce Lon-
dimensi necatur: Henricus Ri-
chemondiæ Comes, in Galliam
fugit.

- 1472 xij.
1473 xiii.
1474 xiii.

Edouardus Rex, III. Non. Iulij
cum ingenti exercitu in Galliam
trajcit, Carolo Burgundiæ Duci
contra Ludouicum Galliæ Re-
gem, opem latus.

Pridie Calend. Septembri, Re-
ges ad Piqueniacum in colloquiū
ueniunt, & pacem componunt.

PHILIPPVS Comineus
Eques Argentonius istorum tem-
porum Historiam accuratissimē
scribit.

1475

An. Christi. An. Regni

1475	xv.
1476	xvi.
1477	xvij.
1478	xviii.

Clarentij Dux, causa necdum
satis cognita, iubente fratre Rege
mense Februario clam in arce Lō
dinensi necatur, relictis Edouar-
do & Margarita liberis.

1479	xix.
1480	xx.
1481	xxi.
1482	xxii.
1483	xxiii.

Glocestrensis Dux, Scotiæ fines
incursans, Beruicum expugnat.

Rex, V. Idus Aprilis moritur,
Edouardo Vuallie Principe, &
Ricardo Eboracensi Duce liberis
sub Glocestrensis fratris tutela
relictis. Corpus ad Vindesorium
castrum, in D. Georgij templo se-
pultum.

Hoc ipso anno defuncto in Gal-
lia Ludouico XI: Succedit C A-
ROLVS VIII. Rex, an. XIII.
EDOVARDVS QVINTVS
REX. XXXVII. Mens. II.

Annum agens etatis undeci-
mum, necdum coronatus Gloce-
strensis patrui proditione, una cū

Ricardo fratre IX. Calend. Iunij
clam in arce Londinenſi necatus,
Glocestrensis parricida pridie
Non. Iulij Vuestmonasterij Regi-
am coronam sumit.

1484

i.

RICARDVS TERTIVS REX
XXXVIII. An. II.

Henricus Dux Buchyngamiae
de reducendo Henrico Richemō-
diæ Comite, contra Ricardum Re-
gem conspirans, deleto exercitu
captus, apud Sarisbiriam capite
plectitur.

1485

ij.

Henricus Richemōdiæ Comes,
annis ferè quindecim in Gallia e-
xul, à Regni principibus, Ricar-
di tyrannidem ægrè fermentibus,
in patriam accitus, Calendis Au-
gusti ex Sequanæ ostio soluens, se
ptimo post die Milfordiam Vual-
liæ portum appulit, XI. Calend.
Septemb. Ipse cum paucis militi-
bus, copiosissimo Ricardi Regis
exercitu propè Lecestriam con-
gressus, Ricardum à suis destitu-
tum acie occidit, & pridie Calen.
Nouemb. Vuestmonasterij Regiā
coronam sumit.

Pestilens

An. Christi. An. Regni.

1486

i.

Pestilens sudor hoc anno primum
in Anglia.

HENRICVS SEPTIMVS REX
XXIX. an. XXIII.

Edouardi Quarti gener, Eli-
sabetha Edouardi filiarū natu ma-
xima in uxorem ducta: Hic pri-
mus militare satellitum ad corpo-
ris custodiam adhibuit.

Arthurus Princeps, mense Se-
ptembri Vintoniae nascitur.

1487

ij.

Puer quidā ignobilis, pro Edo-
uardo Varuicensi Clarentij Du-
cis filio, à sacerdote subornatus,
ingentem populi tumultum exci-
tat. Rex producto è carcere Var-
uicensi, tumultum sedat.

1488

ijj.

Iacobus III. Scotorum Rex,
nobilium suorum cōiuratione oc-
ciditur, cui succedit IACOBVS
III. annis XXV.

1489

iiij.

Lamberti pueri, pro Edouar-
di Regis filio subornati factio op-
primitur.

Ioannes Lincolniensis Comes,
Edouardi IIII. ex sorore nepos,
Margaritæmaterteræ subfido ex
Flädria, cum magna Germanorū

An. Christi. An. Regni.

manu, Martino Suardo Duce trāſ
missis in Hyberniā contra Hen-
ricum Regem copijs, in Eboracen-
si agro collatis signis à Rege oc-
ciditur.

Eboracenses populari seditio-
ne Henricum Northumbriæ Co-
mitem interficiunt: tumultuantes
sedantur.

Hadrianus Innocentij Pontifi-
cis Quæstor in Anglia Bathonien-
sis Episcopus factus, postea ab A-
lexandro Sexto Pontifice Cardi-
nalis declaratus.

1490 v.

Rex, urgēte Maximiliano Im-
peratore exercitum in Galliā tra-
ijcit, Bononiā fruſtra oppugnat:
facta dein pace, certaq; pecunia
in singulos annos impetrata, in
Angliam redijt.

1491 vi.

1492 viij.

1493 viiij.

Petrus Varbechius in Flādria
pro Edouardi Regis filio suborna-
tus, uarijs seditionibus Angliam
diu exagitat.

Guilielmus Stāleius Eques, qui
Henrico Regi in bello contra Ri-
cardum

An. Christi. An. Regni.

- cardum uictoriam peperit, capite
damnatur.
- 1494 ix. Bellum in Scotos Petri Varbe
chij defensores, decretum.
- 1495 x.
- 1496 xi. Cornubiensium seditio ad Bla
chetum collem prope Londinum
à Rege opprimitur, ducibus ca
ptis, et extremo suppicio affectis.
Scoti Anglicos fines incurvant, et
Norhamiae arcem oppugnant.
- 1497 xiij. Carolus VIII. Rex Gallie mo
ritur : Succedit LVDOVICVS
XII. an. XVII.
- 1498 xiii. Pax inter Reges Scotum, &
Angliam, Ferdinādi Hispaniae Re
gis Legati interuentu, composita.
- Petrus Varbechius in Hyber
niam traiicit, Cornubienses ad tu
multuandum excitat, à Rege tan
dem profligatus capitur.
- 1499 xiiij. Edouardus Varuicensis Clare
tij Ducis filius, Edouardi IIII. Re
gis nepos, puerili ætate Londini
in foro publico, innocens securi
percutitur.
- Pestis in Anglia, Londini ad tri
ginta hominum millia pericere, &

An. Christi. An. Regni.

Regia villa ad Schænum incēdiō consumpta: Rex et Regina pestis uitandæ causa Caletum traiisciūt.

1500

xvi.

Arthurus Princeps decimum quartū etatis annū agens, XVIII. Calen. Decem. Catherinam Ferdi nandi Hispaniæ Regis filiam in uxore accipit, et quinto post mense lenta febri moritur. Catherina Henrico Arthuri Principis fratri nubit, irrita ex Ro. Pont. authoritate prioris cōiugij religione: Matrimonium hoc per uiginti annos felicissimo euentu, suscepta etiam prole continuatum, importuna demum Henrici inconstantia abruptum, inexpertas, necdum fuitas, Anglico imperio clades ostendit.

1502

xvij.

Elisabetha Regina, III. id. Febr. Lödini in puerperio moritur VI. id. Aug. Margarita Regis filia na tu maxima Iacobo III. Scotorum Regi nupta.

1504

xx.

Rex, oratores tres ad præstan dam Iulio II. Pont. Rom. de more, obedientiam, Romanum mittit.

Philippus

An. Christi. Ann. Regni.

- 1505 xx. Philippus Castelliae Rex cum coniuge ex Flandria, Hispaniam petiturus, ut tempestatis classe in Angliam disiecta, Regis hospitio exceptus, Edmundo Pola prius ex Flandria, uti conuenerat, restituto, inchoatum iter in Hispaniam perficit.
- 1506 xxi. Nordouicum ciuitas tota ferè incendio absumpta.
- 1507 xxij. Rex ad Regiam Richemondiā moritur, IX. Calend. Maij. translatus ad Vuestmonasterium, et cum Regina sepultus.
- 1508 xxiiij. Huius pīj operis monumēta, tria D. Francisci familiæ cœnobia, religioso apparatu extructa, duo, Regijs ædibus cōtigua Richemondiæ et Grynouichiæ, tertium ad Neuarchium castrū in agro Lincolnensi. Xenodochium item Lōdini in ripa Thamesis fluminis, splendido structuræ ornatu positum, ac D. Ioanni Baptiste dicatum Ioannis Magni Laucastricæ Ducis incolatu olim celebre, cui à

Petri Sabaudiensis Principis memoria, qui eius loci prima funda-
menta posuisse dicitur, Sauoya,
nomen inditum. Via item publica
per XX. millia passuum à Londino
usq; ad Vindesorium castrum per
commodè munita.

His temporibus perfectæ lite-
ræ Latinæ simul, ac Græcæ felicis-
simo ex Italia ingeniorū prouen-
tu, in Britanniam usq; diffusæ.
Principes nō nullos apud Anglos
suis sumptibus ad iuuanda paßim
bonarū artium studia excitarūt.
Quo nomine Margarita Henrici
Regis mater, illustris fœmina, hor-
tatu Ioannis Fiscerij Roffensis Epi-
scopi, uiri perinde pīj, atq; erudi-
ti, in Cantabrigiensi Academia,
binas aedes magnifico apparatu,
in studiorum gratiam condidit,
magnisq; prouētibus auxit, unas
Christo Seruatori, alteras D. Ioan-
ni Euangelistæ dicatas: eo item
loci Ioannes Elyensis Episcopus
paulò antea alterius collegij, Iesu
nomini dicato, author extitit. Ho-
rum emulacione ducti Gulielmus
Lincol-

An. Christi. An. Regni.

Lincolniensis, et Ricardus Vintoniensis Episcopi, Oxoniensem academiam paribus studijs exornarunt. Hic corpori Christi, ille Brasynno se, ut vocant, collegia condidit. Istudrum instituta secutus Ioannes Coletus, D. Pauli, uti vocant, Decanus, uerbi diuini concionator eximus, Henrico Regi propter insignem animi pietatem, doctrinamque apprimè charus, circa haec tempora Londini scholam publicam eleganti structura posuit, eandemque suorum ciuium liberis gratuito in perpetuum erudiendis, amplissimo patrimonio dotauit.

Thomas Linacrus Medicus, cultissimus Galeni interpres.

Gulielmi tres, Grocynius, Lilius, & Latemerius, politioris literaturae professione insignes.

POLYDORVS Urbinas hucusq[ue] scripsit Historiam.

Hēricus Octauus Septimi filius Edouardi Quarti ex filia nepos VIII. Cal. Iulij. Vuestmonasterij cū Catherina coniuge coronantur.

HENRICVS OCTAVVS
REX XL. Ann. XXXVIII.

Calend. Ianuarij.

1511 ij.

Catherina Regina Henricum filium parit, qui VI. Calend. Aprilis moritur.

Darceus Regijs copijs praefatus, in Hispaniam ad Ferdinandum Regem contra Afros in auxilium mittitur.

Thomae Hauardi cōtra Scotos in signis uictoria, Andrea Bartono nauali pugna superato, captoq;

1512 iiij.

Edmundus Pola Dux Suffolciae, Edouardi Quarti ex sorore nepos, capite damnatus.

1513 iiii.

Rex Henricus Octauus Iulij II. Pontificis, & Maximiliani Imperatoris autoritatem secutus, in dicto Gallis bello, cum instructissimo exercitu Caletum traiicit. Inter ea Iacobus Scotorum Rex, Angliam omni militum robore penè uacuam cum ingenti exercitu hostiliter ingressus, collectio Regiae opera exercitu, in pugna ad Flod dum vicum in Northumbria, Thoma Hauardo Surrei Comite belli duce, pari propè utrinque cēde edita occiditur.

Galli

An. Christi. An. Regni.

Galli pugna in Morinis, quæ ab euentu Calcaria dicta est, profligati. Longeuillanus Dux Bardiatus et Buſſius captiui in Angliam ducti. Morini, ex Tornacenses obſeffi, Anglis se dedunt. Rex copias in Angliam reducit. Hoc ipso tempore nauale bellū in ora Britaniæ gestum. Prætoria Anglorum nauis cum Cordigera Galliæ flammis absumptæ.

- | | | |
|------|-------|---|
| 1514 | v. | Lögeuillani Duci captiui opera pax inter Reges facta. Ludo uicus Rex Mariam Henrici sororem uxorem accipit. Nuptie ad Abbeuillam, VIII. id. Octobris. |
| 1515 | vi. | Calend. Ian. moritur Ludouicus Rex, succedit FRANCISCVS I. Rex, an. XXXII. |
| 1516 | vij. | MARIA Henrici Regis filia Grynouichiæ nascitur, & Regni hæres declaratur. |
| 1517 | viii. | Maria Henrici soror, Carolo Brādonio Suffolciæ Duci nupta. |
| 1518 | ix. | |
| 1519 | x. | Tornacum hoc anno Gallis restitutum.
Thomas Hauardus Surreius |

An. Christi. Ann. Regni.

Comes, Regis præfetus, in Hiberniam mittitur.

1520 xi.

Reges Gallus et Anglus, splendidissimo utring; apparatu, ad Arderas conueniunt.

1521 xiij.

Edouardus Dux Buchyngamie capite damnatus, XI. Cal. Maij.

Thomas Cardin. Eboracensis à Rege legatus in Galliam mittitur.

Hoc anno cū latè serperet per Germaniam Lutherana hæresis, atq; adeò in Anglia per multorū capitagrasaretur, Rex in fidei Catholicæ, et sacramentorū assertio nē præclarū uolumē edidit quod cū Leo X. Pont. Max. in Cardinaliū suorū coetu perlegisset, approbato, callaudatoq; catholici Regis iudicio, Regē ipsū, posterosq; ad perpetuā pijs instituti memoria fidei defensoris titulo insigniuit.

1522 xiiiij.

Carolus V. Imperator Caleto in Angliā traiicit, VIII. id Iun. magnificenterissimo apparatu à Rege exceptus, Londinum intravit, indeq; ad Vindesoriū castrū honorifice deductus, post aliquot dies Antonioporu, in Hispaniā soluit

1523

An. Christi. An. Regni.

1523 xiiij. RHODOS Insula hoc anno à
Turcis expugnata VIII. Cal. Ian.Christiernus Rex Daciæ Re-
gno expulsus, in Angliam adue-
nit mense Iunio.1524 xv. Carolus Suffolciae Dux, traie-
cto in Galliâ exercitu, Picardiam
uastat. Dux Albaniæ cum magna
Scotorum manu Verchium castrum
obsidens, ad Surrei aduentantis
nuntium in fugam coniicitur.Rex hoc anno à Clemète VII.
Pont. Rom. Rosa aurea honoris
causa donatus. Ioannes Clerk. Ba-
thoniensis Episcopus, quo xeno-
dochium Anglorum Romæ hoc
anno instauratum, et Ricardus Pa-
ceus apud Clementem VII. Pont.
Regij oratores Romæ.1525 xvi. Pax inter Reges Gallum, & An-
glum composita.

1526 xvij.

1527 xviii.

1528 xix.

1529 xx.

Pestilens sudor hoc anno.
Rex, & Regina suborta de matri-
monij sui iure questione coram
Laurentio Campegio, & Thoma
Eboracensi Cardinalibus Legatis

230 ANGLORVM REGVM

An. Christi. An. Regni.

1530 xxi. Londini causam dicunt.

1531 xxij. Thomas Cardinalis Eboracen sis moritur, III. Calend. Decembr.

1532 xxvij. Thomas Morus summa fide, et integritate scrinij magister, quem Regni Cancellarium vocant, spōte magistratus abdicat.

Reges Gallus & Anglus Bona niæ, & Caleti conueniunt mense Octob.

1533 xxvij. Catherina Regina, CAROLI V. Cæsaris materterta, post annos amplius uiginti à Rege indignè repudiata.

Anna Bolenia, cōtra decernen te Clemēte VIII. Pont. Ro. pro uxore habita, & solēni ceremonia Londini coronata, III. Cal. Iunij.

VII. Idus Septembris Elisabe tha Anne Boleniæ filia nascitur. Maria Catherinæ filia hæreditario Principis titulo sicut abdicate coacta.

1534 xxv. Elisabetha Barthonia mona cha, multa de Rege sinistrè in uulgus uaticinata, cum aliquot sa crarū literarū professoribus, Lō dini laquei supplicio necata.

Thomas

An. Christi. An. Regni.

Thomas Giraldinus Comitis
Childariæ filius, Hyberniæ p̄fē
ctus, patre in arce Londinēsi uita
defuncto, rebellionē excitat. Alas
nus Dubliensis Archiepiscopus
in eo tumultu ab Hybernicis in-
terfectus.

Concilium Parliamenti Vuest
monasterij III. Non. Nouembr. in
quo Rex sibi tanquā supremo ca-
piti Ecclesiæ sacrorū prouentuū
annatas, ut uocant, decimasq; per
solui imperat. Monachi Cartusiē-
sium tres Regis decreto reclamā-
tes, extremo suppicio affecti.

1535

xxvi.

Ioannes Fischerius Roffensis E-
piscopus, à Paulo III. Pont. Max.
Cardin. declaratus, et Thomas Mo-
rus, uterq; religione, et doctrina
insignis, quia Catharinæ Regine
repudiū sua authoritate appro-
bare recusasset, et quia Regi supre-
mi capitilis Ecclesiæ authoritatē
sibi assumēti, assentiri nollent, ca-
pitilis suppicio, hoc anno affecti.

1536

xxvij.

Catherina Regina non sine ue-
neni suspitione moritur, mense Ja-
nuario. Maio sequenti, Anna Bo-

lenia adulterij damnata, unde cum
Georgio fratre, Norresio Veste-
nio, Breertono, & Marco nobili-
bus, capite plectitur: altero post
die Rex Ianam Semeriam, tertiam
uxorem dicit.

Lincolnienses, & Eboracenses
populi, hoc anno innouatum Re-
gni, & religionis statū ægreferen-
tes, præterea, & frequentibus pe-
cuniariū exactionibus à Rege op-
pressi, coacto ad quinquaginta
hominum millia exercitu, sacram
expeditionem, militiam suam ap-
pellantes, contra Regē copias du-
cunt, sed regijs ducibus pugna ab-
stinentibus, ac simulatis interim
futuræ concordiae cōditionibus à
Rege oblatis, ab armis disceden-
tes, seuerissima paulò post animad-
uersione trucidantur. Duces co-
rundem aliquot ex nobilitate, ua-
na reconciliatæ gratiæ opinione
decepti, necatiq;

Paulus III. Pont. Max. Reginal-
dum Polum, Margarita Edouar-
di Quarti Regis nepte genitum,
Rome, X. Calend. Ianuar. Cardi-
nalem

An. Christi. An. Regni.

1537 xxviiij. nalem declarauit, quē paulò post ad sanandam Henrici Regis mentem, in Angliam Legatum misit. Sed is quum in Galliam peruenisset, de immani Regis saevitia præmonitus, qui missus ad Franciscum Regem cum mandatis Brianio, ut reiecta legatione Legatum ipsum captiuum ad se in Angliam duceret, postulabat, ex Gallia in Flandriam deflexit, & Cameraci aliquandiu commoratus, Leodius tandem peruenit, ubi per aliquot menses ab Erardo à Marchia Cardinali honorificètissimè acceptus deinde Romam redijt.

Iana Semeria Regina, IIII. Idus Octobris Edouardum filium ad Vindesorium castrum enixa, duo decimo post die moritur.

1538 xxix. Rex hoc anno D. Thomæ Martyris sepulchrum Cantuariæ mulitorum Regum & Principum donarijs olim insigne, hoc anno iubente Rege, sublatis donarijs, & profanata diuini Martyris memoria destructum. Hoc ipso tempore, direptis, ac dirutis ubiq; loco-

rum monasterijs, monachi omnes
uestem mutare coguntur.

Mense Decem. Excep*tria* Mar-
chio Edouardi Quarti ex filia ne-
pos, Henricus Motacuti Regulus
& Edouardus Neuillius Eques il-
lustris, quia Regis impietati mi-
nus fauere uidebantur, nullius in-
terim grauioris criminis comper-
ti, capite damnati.

1539 xxx. Redingius Glasconiensis, &
Colcestrenses Abbates necati.

1540 xxxi. Thomas Cromwellus malis ar-
tibus sumمام authoritatem in-
aula consecutus, & Regi per ali-
quot annos à consilijs omnibus
intimus, Essexiae Comitatu dona-
tus, Iunio mense in publico foro
multis criminibus obiectis, capite
plectitur.

Anna Cluentium Duci soror
quam Rex per aliquot anteā mē-
ses in uxorem duxerat, coniugali
thoro repudiata, et Catherina Ha-
warda Duci Norfolciæ ex fratre
neptis, quinto iam inde matrimo-
nio Regi coniuncta.

Rhodiensum militum religio
hoc

An. Christi. An. Regni.

hoc anno tollitur, fundi Regio si-
sco addicti.

Arthurus Plätegeneta Edouar-
do Rege genitus, cū Honoria con-
iuge perpetuis carceribus dānati.

1541 xxxij. Margarita Sarisbiriensis Geor-
gio Clareti Duce Edouardi qua-
ti fratre germano nata, præter an-
tiquū nobilitatis decus, toto uitæ
suæ cursu sanctissima, septuagena-
ria maior, capitis supplicio affe-
cta, V. Calend. Iunij.

1542 xxxiiij. Catherina Hauarda Regina cō
Durantio, et Culperio nobilibus
adulterij insimulata, capite plecti-
tur, et Catherina Paria uidua, se-
xto matrimonio Regi coniuncta.

Bellum inter Scotos et Anglos
terra, mariq; gestum.

Iacobus V. Scotorum Rex mori-
tur, Regina filiam Regni hæredē
paulò antea enixa.

1543 xxxiiij. Foedus cum Carolo V. Impera-
tore contra Gallos.

1544 xxxv. Edimburgium in Scotia ab An-
glis direptum.

Rex ingenti pecunia populo
imperata, Caletum cum exercitu

236 ANGLORVM REGVM
An. Christi. An. Regni.

- trajcit, Bononiam expugnat Idi
bus Septemb.
1545 xxxvi. Franciscus Galliae Rex expedi
tionem in Angliam parat.
Galli Vecte insulam incurvant.
1546 xxxvij. Pax inter Gallum et Anglum.
1547 xxxvij. Rex, obstructo suppurantis ti
biæ meatu, ardentiſima febri cor
reptus moritur, VII. Calen. Febr.
Thoma Hauardo Norfolciae Du
ce cum Henrico filio Surrei Comi
te paulò antea in carcerem con
iectis. Surreius iuuenis capite ple
xus, pater senex perpetuis carce
ribus dñatus. Edouardo Henrici
Regis ex Iana Semeria filio, deci
mum etatis annum agenti, Regi
um nomen delatum, Regnum per
interreges, siue gubernatores (ut
uocant) sicuti moriens Henricus
mandauerat, administratum.
EDOVARDVS SEXTVS.

LANCA-

LANCASTRII, ET EBORACEN-
sis de Regno contentiones.



ANCASTRIA, ET EBORA-
censis Regij sanguinis familiae, Rosa-
rum symbolis distinctae, diu inter se
intestinis bellis de Principatu conten-
derunt. Eius uero factionis initium hu-
iusmodi fuisse fertur. Henricus Rex, eius nominis Ter-
tius, duos ex se liberos genuit, Edouardum Vualliae
Principem, & Edmundum Lancastrium. Edouardus
minor natu, uti putabatur, quod forma præstanti, &
indole egregia acceptior esset popularibus, Edmundo
fratri maiori quidem natu, sed corpore deformi, Re-
gno præpositus, ad quintam usq; sobolem per centum
& uiginti sex annos, legitimam Regiae stirpis succe-
sionem, sine controuersia continuauit, donec Henricus
eius nominis Quartus, Ioanne Lancastrio, Edouardi
Tertij Regis filio genitus, Secundo Rege ui
deturbato, Regnum obtinuit, Lancastriæ hæreditatē,
qua sibi materno iure ab Edmundo contigit, legitima
Regni successione iam antea fraudatam, Edouardi st̄e
mate, a quo Ricardus originem duxerat, iure optimo
præpositum iri debere dictitans. Quūq; hac Regiae stir-
pis simultate proceres in duas factiones, partium stu-
dio distraherentur, factum tradunt, ut Lancastrij Ro-
sa purpurea, & qui Edouardi partes sequebantur, cā
dida in bellis uterentur. Succedit Henrico Quarto,

quo haec fluxerunt, Quintus, Quinto, eiusdem nominis Sextus, quo regnante prepotentium familiarum ambiguis diu antea populi fauor, parto ab externis bellicis ocio, in harum, et illarum partium maiori animorum inclinatione, ciuilis contentionis initium fecit. Ricardus enim Dux Eboracensis, Edouardi Tertij Regis pronepos, Albæ Rosæ factionis Princeps, Leonelli Clarentiae Ducis prosapia, quæ Ricardo Secundo Regi hereditate proxima censebatur, Annæ coniugio in suam ipsius familiam traducta, ab Henrico Sexto Rege legitimum Regni ius repetit, quod post multas utriusque acceptas iniicem, illatasque clades, summo popularium, ac Principum consensu, Edouardo Ricardi Eboracensis filio contigit: qui Rex eius appellationis Quartus, Regnum aliquandiu summa pace, et quiete, sedatis factionibus, haud infeliciter administravit, donec post eius mortem Ricardi Glocestrensis fratris ferox, et inquietus animus, praeter publicas clades, priuata etiam familiæ suæ damna intulit: qui statim interfectis nepotibus eius tutelæ commissis, semet Regem dixit: et, ut ex recenti parricidio, popularium animos ab affectate tyrannidis suspicione auerteret, Edouardum fratrem in honestè genitum, magna temeritate, et inscitia divulgauit, quū tamen Georgij Clarentiae Ducis fratris Edouardo hereditate proximi, liberos parisœ uitia in carcere detineret. Sed hanc tantam tyrannidem diuinum numen haud diu inultam tulit. Henricus enim eius nominis Septimus, Lancastriæ factionis Princeps ab exilio reuersus, Ricardum Glocestrensem prelio superatum

superatum, uita, & Regno spoliat, utq; suam cum Eboracensi extirpatis factionibus, unam, eandemq; familiam faceret; Elisabetham Edouardi Regis filiam uxorem duxit, ac, ne quid post hac inclinatis ad defectionē animis eorum, qui masculam Edouardi progeniem regnare cupiebant (quorum iam conatus semel, atq; iterum post adeptum Regnum in se expertus fuerat) latius iam inde serperet, Edouardum Varuensem Clarentiae Ducis filium puerili aetate, maxima totius populi commiseratione, è medio tollendum curauit, & in Ricardo Polo consobrino suo, supremi ordinis Equite illustri, sui generis reliquias, splendidissimo Margaritae Sarisbiriensis Clarentiae filie coniugio, nobili, & foecunda utring; prole auxit, sublatisq; dehinc perniciosissimarum factionum nominibus, pacatissimum undiq; Regnum posteris reliquit. Hæc omnia, quo facilius intelligantur, breuiter, & succinctè adscripta Genealogiæ tabula indicabit.

REGVM GENEALOGIA.

Henricus

III.

Edouardus

I.

Edouardus

II.

Edouardus

III.

Edmūdus

Lancast.

Henricus

Lancast.

Blanchus.

IV.	Leonellus	I.	Ioannes	V.
Edmūndus	Clarentiae	Edouardus	Lancastriæ	Thomas
Eboracensis	Dux.	Princeps	Dux.	Ruckingeſ
Dux.				Dux.

Ricardus	Philippa	Ricardus	FAMIL.	Ioannes
	Rogerius	II.	LANCA-	Somerces.
Eboracensis	Mortimeri	Henricus	STRIA.	
	us Comes.	III.	ROSARV	
Dux.	I.	Henricus	BEA.	Ioannes
	Anna.	V.		II.

FAMIL. EBORACEN.

ROSA ALBA.	Henricus	Margari-
Ricardus II.	VI.	ta.
Eboracenſis Dux.		Henricus
Ricardus	Edouardus	VII.
Gloceſtr.	III.	
Dux.	Elisabetha	
Georgius Cla-	Regina.	Edouardus
renia Dux.		V.

Margarita Edouardus

Saribirię. Varuicę.

Arthurus Princeps	Henricus VIII.	Marg.Scot. Regina.	Maria Gal. Regina.
-------------------	----------------	--------------------	--------------------

Maria. Regina.	Edouardus VI.	Elisabetha. Regina.
----------------	---------------	---------------------

PAVLI IOVII NO-
VOCOMENSIS EPISCOPI
Nucerini Moschouia, in qua situs regionis
antiquis incognitus, religio gentis,
mores, &c. fidelissimè re-
feruntur.

CÆTERVM OSTENDITVR ERROR STRA-
bonis, Ptolemai, aliorumq; Geographiæ scriptorum, ubi
de Riphœis montibus meminere, quos hac etia-
te nunquam esse, planè comper-
sum est:

B A S I L E A E
M. D. LXI.

HIERONY. DELII ALEX.

Moschouij quando lucem das gentibus, omnes
Paule, tibi debent lumina Moschouij,
Sed quum Moschouiam per te quoq; noscitet orbis,
Quid tibi quod, ni orbem, debeat, orbis habet?

I A N I V I T A L I S.

Vix olim ulla fides referentibus horrida regna
Moschorum, & Ponti res glacialis, erat,
Nunc Iouio authore, illa oculis lustramus & urbes;
Et nemora, & montes cernimus, & fluuios.
Hec tibi Rufe dicat Iouius, quo nomine maior
Fama sit & Moschi, fama sit & Iouij.
Felicem ô gentem, auspicijs quæ talibus exis
In lucem, ô geminis inclyta numinibus.
Non poteras alio melius sub sydere nasci.
Quam sub sceptriferæ Palladis, atq; Iouis.

P. C V R S I I.

Moschouiam, monumenta Ioui, tua culta reuoluens
Cœpi alios mundos credere Democriti.

3
PAVLI IOVII NO-

VOCOMENSIS, EPISCO-

pi Nucerini Moschouia ad Ioannem Ru-

fum Archiepiscopum Co-
sentinum.



FFLAGIT ASTI amplissime
antistes Rufe, ut ea quæ de Mo-
schouitarū moribus à Demetrio
eius gentis legato , qui ad CLE-
MENTEM VII. Pontificem nuper venit, quo-
tidianis propè sermonibus didicisse, Latina
rum literarum memorię commendarem, quū
pro vetere tua pietate atq; virtute, ad amplifi-
candam Rom. Pont. dignitatem, pertinere ar-
bitrareris, si homines inteligerent, non fabu-
losi, aut omnino obscuri nominis regē, sed qui
numeroſiſſimis extremi Aquilonis populis
imperet, in causa religionis, omnibus nobiscū
ſenſibus coniungi, fœdereq; perpetuo colliga-
ri, opportunissimo tempore cupiuiffe, quan-
do nuper aliquæ Germaniæ gentes, quæ pie-
tate cæteris omnibus præſtare videri volebāt
insana atq; sceleſta defectione nō modò à no-
bis, sed ab ipsis etiam ſuperis exitiabili errore
desciuerint. Cæterū id munus impositum,
quod certè grauioribus ſtudijs occupatus iu-
re optimo poteram recuſare, egregia volunta-
te, celeritateq; perfeci, nē nimia mora vel ac-
curatiori caſtigatione gratiā nouitatis exue-

ret: quæ vel vna re, meæ erga te veteris obser-
uatiæ studiū, præstandi q; officij voluntas ma-
nifestè declaratur, quum honoris iacturam fa-
cere, si quis ex hac ingenij teruitate speradus
est, quām desiderium tuum longè honestissi-
mum diutius frustrari maluerim. Vale.

REGIONIS primò situs, quem Plinio
Straboniq; & Ptolemæo, parum notum
fuisse perspicimus, pressa brcuitate de-
scribetur & in tabula typis excusa figu-
rabitur. Inde gētis mores, opes, religionem, militiæq;
instituta, Tacitum imitati, qui à perpetuis hostorijs li-
bellum de Germanorum moribus seiūxit, perstrictio-
re stylo narrabimus, eadem ferè sermonis simplicita-
te utentes, qua nobis ab ipso Demetrio curiosa ac le-
ni uestigatione lacepsito, per otium exposita fuere. De-
metrius enim haud ineptè Latina utitur lingua, ut po-
te qui in Liuonia à teneris annis in ludo prima litera-
rum rudimenta didicerit, et insigni uariarum legatio-
num munere functus, plures prouincias Christianorū
adierit. Nam quum antea ob spectatam fidem ac indu-
striā, apud Sueciæ Daciæq; Reges, & magnum Prus-
siæ magistrum oratorem egisset, nouissimè apud Ma-
ximilianū Cæsarē, dū in eius aula omnis generis ho-
minum resertiſſima uersaretur, si quid barbarū quie-
to dociliq; ingenio inerat, elegantium morum obser-
uatione deterſit. Causam uero huiusc suscipienda le-
gationis prebuit Paulus Centurio Genuensis, qui
quum

quum acceptis à Leone X. Pontifice commendatitijs literis, mercaturæ causa in Moschouiam peruenisset. cum Basilij Principis familiaribus ultro de consociatis utriusq; Ecclesiæ ritibus agitauit. Quærebat enim Paulus insino, uastoq; animo, nouum & incredibile iter petendis ab India aromatibus. Fama nanc; cognouerat, quum in Syria, Aegyptoq; & Ponto negotiaretur, aromata ex ulteriore India aduerso amne Indo subuehi posse, atq; inde modico terrestri itinere superatis Paropanisidis montium iugis, traduci in Oxum Bactrianorum amnem, qui ijsdem ferè montibus, quibus Indus oritur, aduerso fonte in Hyrcanum mare raptis secum multis amnibus ad Strauam portum effunditur. Porrò ab ipsa Straua tutam facilemque nauigationem uideri usq; ad emporium Citracham ostiumq; Volgæ amnis, inde uero aduersis semper annibus, Volga scilicet & Occha & Moscho, in urbem Moscham, ab Moscha autem terrestri itinere Rigam & in ipsum mare Sarmaticum, omnesq; Occiduas regiones facile perueniri posse, contendebat. Vehe- menter enim & supra æquum, Lusitanorum iniurijs erat accensus, qui India magna ex parte armis domita, occupatisq; omnibus emporijs cuncta aromata coemerent, & in Hispaniam auerterent, atq; ea, gra- uiore quam antea pretio ac impotenti quæstu omni- bus Europæ populis uendicare consueuissent, quin et diligēti adeò cura Indici maris litora perpetuis clas- sibus custodirent, ut eæ negotiationes penitus inter- missæ, atq; desertæ uideantur, quibus per sinum Per-

sicum, ac aduersum Euphratem, et per Arabici maris angustias, secundoq; demum Nilo per mare nostrum Asia omnis atq; Europa abunde & uiliore quidem pretio complebantur, deteriore etiam Lusitanorum mercimonio, quum remotissimæ nauigationis incommodo, sentinæq; iutijs aromata corrupti, eorumq; uis & sapor, odoratusq; ille spiritus, multa demum mora in Olyssipponensibus conditorijs promercalibus euancescere, atq; expirare uideatur, quū afferuatis semper recentioribus, uetera tantum & multo quidē situ mucida uenundari quereretur. Cæterum Paulus quanquam de ijs rebus acerbissimè apud omnes disserendo, & Lusitanis ingentem conflando inuidiam, multo auctiora fore uictigalia regia, si id iter aperiatur, & aromata ab ipsis Moschouitis, qui tantā eorum uim omnibus ferculis absumerent, uilius emi posse perdoceret, nihil tamen quod ad eam negotiationē pertineret, impetrare potuit: quoniam Basilius homini externo ac ignoto, eas regiones quæ ad Caspium mare & Persarum regna aditum præberent, minime aperiendas esse existimabat. Itaq; Paulus omnibus exclusus uotis, ex mercatore legatus factus, Basiliij literas Leone iam uita functo ad Hadrianum Pontificem retulit, quibus ille cum multo uerborū honore egregiam uoluntatem erga Romanum Pontificem ostendebat. Paucis enim ante annis Basilius ardente cum Polonis bello, quū Lateranensis conuentus haberetur, per Ioannem Dacie Regem, huius Christierni qui nū per regno expulsus est, patrem postularat, ut iter tu-

tum

tum legatis Moschouitis ad urbem Romanam præbere tur. Verum quum eodem fortè die, et Ioannes Rex et Iulius Pontifex ab humanis excessissent, sublato ad id sequastro, consilium mittendæ legationis omisit. Ex arsi subinde bellum inter ipsum et Sigismundum Polonie Regem, quod quū insigni ad Borysthenem par ta uictoria à Polono feliciter confectum esset, Romæ supplicationes sunt decretæ ueluti deuictis cæsisq; Christiani nominis hostibus, quæ Rex et Regem ipsū Basiliū, et uniuersam gentem ab Rom. Pont. haud mediocriter alienauit. At quum Hadrianus Sextus Fato extinctus Paulū iam secundo itineri accinctum destituisset, suspectus ei Clemens VII. illum etiam tum Orientis iter insano animo uoluntatem, cum litteris in Moschouiam transmisit, quibus Basiliū pro pessimis adhortationibus inuitabat ad agnoscendam Romanæ Ecclesiæ maiestatem, feriendumq; com munibus in religione sensibus perpetuū foedus, quod illi maximè salutare atq; honorificum fore testabatur ita ut Pontifex polliceri uideretur, se ex sacrosancta authoritate Pontifica eum Regem collatis regalibus ornamentis appellaturum, si reiectis Græcorum dog matibus ad authoritatem Romanæ Ecclesiæ se conferret. Cupiebat enim Basilius Regij nominis titulum cō ceßione Pontifica promercri, quum id dare sacrofan eti iuris esse et Pontificiæ maiestatis iudicaret, quando et ipsos quoq; Cæsares à Pontificibus Maximis diadema aureum et sceptrum Romani imperij insignia accipere, inueterata consuetudine cognouisset.

quanquam et id pluribus a Cæsare Maximiliano legationibus postulasse ferebatur. Igitur Paulus qui felicior aliquanto cursu, quam multo cum quæstuper currere terrarum orbem ab incunte ætate didicerat, quanquam senex et antiqua stranguria tentatus prospero celeriꝝ itinere Moscham peruenit, ubi a Basilio humaniter est suscep̄tus. Euit interea in eius aula menses duos, diffususq; uiribus, et eius immensi iteris difficultate deterritus, quum Indicæ negotiationis spes omnes ac inexplicabiles cogitationes penitus abiecisset, cum Demetrio legato priusquam eum in Moschouia peruenisse putaremus, Romanam redijt. At Pontifex magnificentissima Vaticanarum ædium parte, ubi laquearia aurata, lecti serici, aulæaq; eximij operis uisebantur, Demetrium suscipi et togis sericis uestiū iussit, attribuitq; ei comitem, ac rerum diuinarū pariter et urbanarum monstratorem Franciscum Cheregatum Episcopum Aprutinum, longinquis sepe ac dignissimis legationibus functum, qui ipsi Demetrio uel in Moschouia, Pauli sermonib. erat notissimus. Porro Demetrius, ubi aliquot dierum quiete recreatus est, detersis elotisq; sordibus, quas longo ac laborioso itinere contraxerat, assumptoq; insigni patrio habitu ad Pontificem deductus, eum de more supplex adorauit, munusq; Zebellinarum pellium suo, Regioq; nomine obtulit, tum uero Basilij literæ datae, quas ipsi antea, et demum Illyricus interpres Nicolaus Siccensis in hanc sententiam Latinis uerbis transfluerunt. Clementi Papæ pastori ac doctori Romane

manæ ecclesiæ, magnus dominus Basilius Dei gratia Imperator ac dominator totius Russiæ, nec non magnus Dux Volodemariæ, Moschouïæ, Nouogrodiæ, Pleschouïæ, Smoleniæ, Ifferiæ, Iugoriæ, Permniæ, Vetchæ, Bolgariae &c. dominator et magnus Princeps Nouogrodiæ inferioris terræ, Cernigouiæ, Razaniæ, Voločchiæ, Rezciuïæ, Belchiaæ, Rostouïæ, Jaroslauïæ, Belozeriæ, Vdoriæ, Obdoriæ, Condiniæq; &c. Missis ad nos Paulum Centurionem ciuem Genuensem cum literis, quibus nos adhortati estis, ut uobiscum, cæterisque Christianorum Principibus consilio ac viribus coniuncti esse uellemus, aduersus Christiani nominis hostes, ac nostris uestrisq; legatis ultro citroq; commeandi tutum ac expeditum iter patéret, ut mutuo amicitie officio, de amborum salute, et statu rerum cognosci posset. Nos autem Deo bene atq; feliciter adiuuante sicuti hactenus, aduersus impios Christianæ religiovis hostes impigrè constanterq; stetimus, ita et in posterum stare decreuimus. Itemq; cū cæteris Christianis Principibus consentire, et pacata itinera præstare parati sumus. Quas ob res mittimus ad uos Demetrium Erasnum, nostrum hominē cum hac nostra epistola, Paulumq; Centurionem remitti mus. Demetriū autē celeriter remittetis, eumq; incolumem et in uiolatum usq; ad fines nostros esse iubebitis. Idem nos quoq; præstabimus si cum Demetrio legatum uestrum mittetis, ut sermone ac literis certiores de rebus administrandis reddamur, sic, ut perspectis Christianorum omnium uoluntatibus, nos etiam

optima consilia capere ualeamus. Datum in dominio nostro in ciuitate nostra Moschouia anno ab initio mundi septimo millesimo tricesimo, tertio Aprilis.

Cæterum Demetrius uti est humanarum rerum, et sa-
crarum præsertim literarū ualde peritus, occultiora
de magnis negotijs mādata habere uidetur, quæ mox
eum priuatis cōgressibus expositurum speramus: nā
à febre in quam ex cæli mutatione inciderat, pristi-
nas uires & natuum uultus ruborem recuperauit,
ita ut Pontificijs sacris quæ in honorem diuorum Co-
smæ & Damiani, solenni apparatu, musicisq; concē-
tibus confecta sunt, sexagenarius senex, & cum uolu-
ptate quidem astiterit, & in senatum uenerit, quum
Campegius Cardinalis à Pannonica legatione tum
primum rediens, à Pontifice omnibusq; aulae ordinib;
exciperetur, quim & sacrosancta Vrbis templa
& Romanae magnitudinis ruinas, priscorumq; ope-
rum deploranda cadauera mirabundus inuiserit, ita
ut credamus eum propediem explicatis mandatis, cū
legato Pontificio Episcopo Scarense, dignisq; acce-
ptis à Pontifice muneribus in Moschouiam esse re-
diturum. Moschouitarum nomen recēs est, quanquā
de Moschis Sarmatarum affinibus Lucanus memine-
rit, & Plinius Moschos ad Phasidis fontes supra Eut-
xinum ad Orientem constituat. Eorum regio latissi-
mos habet fines & ab Aris Alexandri magni circa
Tanais fontes ad extrema terrarum, Borealemq; O-
ceanum sub ipsis ferè Septentrionibus extenditur,
campestris magna ex parte, & pabuli quidem ferax
sed

sed & estate pluribus in locis admodum palustris. Nam ea omnis terra magnis frequētibusq; amnibus irrigatur, qui ubi niuibus Hybernis multo solis uapore colliquatis & resoluta ubiq; glacie contumescūt, campi passim in paludes abeunt, cunctaq; itinera continetibus aquis et cœnosa illuuiie defodātur, donec nouæ hyemis beneficio restagnantia flumina, ipsaq; paludes iterum cogantur, & uias solidissimo constratas gelu, uel trāsituris curribus præbeāt. Hercynia sylua quotam Moschouiae partem occupat, ipsaq; passim positis ubiq; ædificijs incolitur, iamq; longo labore hominum rarior facta, non eam sicuti pleriq; existimant, horridam densissimorum nemorum impenetrabiliumq; saltuum faciem ostendit. Cæterū ea immannibus feris plenissima per Moschouiam perpetuo traetu inter Ortum solis, & Boream ad Scythicum Oceanum excurrere traditur, ita ut spes hominū eius finē curiosè scrutatiū, infinita magnitudine sua semper eluserit. Ea in parte quæ uergit ad Prussiam, Vri ingētes & ferociissimi, Taurorum specie reperiūtur, quos Bisontes uocāt, itemq; Alces ceruina effigie & cū carnea proboscide altisq; cruribus et nullo suffraginum flexu Lozzi à Moschouitis, à Germanis uero Helenes appellati, quæ animalia C. Cæs. nota fuisse uidemus. Præterea Vrsi inusitatæ magnitudinis, & prægrandes Lupi atro colore formidabiles. Ab ortu Moschouia finitos habet Scythes qui Tartari hodie nuncius pantur, gentem uagam & bello omnibus seculis illustrem. Tartaris pro domibus sunt carricētonibus co-

rijsq; coniecti, ab quo uitæ genere Amaxouios antiquitas eos appellavit: pro urbibus uerò ac oppidis immensa castra, non fossis aut materiæ claustris, sed infinita sagittariorum equitum multitudine uallata. Diuidentur Tartari per Hordas, ea est eorum lingua consentientis in unum populi congregatio ad effigiē ciuitatis. Hordis singuli præsunt Imperatores, quos genus aut bellica uirtus dedit: sæpe enim cum finitimis bella gerunt, ac ambitiosè admodum & atrociter de Imperio decertat. Hordarum infinitum propè numerum esse constat, quippe Tartari ad Cathayum usq; celeberrimam in extremo ad Orientē Oceano ciuitatem, latissimas solitudines tenent. Porrò qui proximi sunt Moschouitis, mercaturæ commercio & frequētibus eorū irruptionibus sunt noti. In Europa ad Dromon Achillis Taurica in Chersoneso sunt Præcipitæ quorum Principis filiam Selymus Turcarum Imperator uxorem duxit. Ii Polonis maximè sunt infesti, lateq; inter Boristhenem & Tanaim cuncta populantur, et cū Turcis sicuti religiōe, ita et cæteris in rebus mirificè consentiūt, qui in eadem Taurica Caffam Ligurum coloniam obtineut, Theodosiam antiquitus appellatam. Ii uerò Tartari qui inter Tanaim & Volgam amnem in Asia latos campos inhabitat, Basilio Moschouitarum Regi parēt, & Imperatorem aliquando eius iudicio diligunt. Inter eos Cremij intestinis scditionibus laborates, quum antea opibus & belli gloria maximè ualuisserint, paucis ante annis uires simul & omnem dignitatem amiserunt. Trans Volgam, Casanij

Casanij Moschouitarum amicitiam religiosè colunt, ac eorum se clientes esse profitentur. Ultra Casanios ad Boream sunt Sciabani multitudine armentorum, ac hominum potentes. Post eos sunt Nogai, qui sum-
mam hodie opum bellicæ laudis obtinent authorita-
tem. Eorum Horda quam amplissima nullum habet Imperatorem, sed Reipublicæ Venetæ more, multa se niorum prudētia, strenuorumq; uirtute gubernatur. Ultra Nogaios haud magno ad Meridiem deflexu uersus Hyrcanum mare, Zagathai Tartarorum nobilissimi oppida lapide constructa incolūt, regiamq; ha-
bent Samarcandam urbem eximiae magnitudinis et claritatis, quam Iaxartes maximus Sogdianæ amnis interfluit, atq; inde ad cētum miliaria in mare Caspiū effunditur. Cum ijs populis ætate nostra Hysmael So phus Rex Persarum dubio sæpe euentu bella gesbit, ti moreq; eorum adductus, dum uires omnes imminen-
tibus opponuntur, Selymo una acie uictori Arme-
niā, Taurisumq; regni caput præda reliquit. Samar-
canda urbe ortus est Tamburlanes, siue ut Demetrius dicendum monet, Themircuthlu qui Baiazetem Ot-
tomanum huius Solymani tritauum apud Ancyram Galatiæ urbem ingēti prælio superatum cepit et per omnē Asiam ab se terribili maximi exercitus impetu deuictam, ferrea inclusum cauea in triumphi pompa circūduxit. Ab hac regione ad Moschouitas plurima uestis serica adducitur. Cæterū mediterranei Tarta-
ri nihil præter equorū perniciem greges, et nobiles nulla filorum textura, sed coactis ex lanis, candidos

centones præbent, è quibus Feltricæ uestes penulæ ad perferendam omnem imbrium iniuriam idoneæ, atque pulcherrimæ conficiuntur. A Moschouitis autem laneas tunicas & argenteam monetam petunt, quum ab ijs omnis corporis cultus, superfluæq; supellectilis apparatus contemnatur, solo etenim centone ad irati cæli contumeliam fortiter sustinēdam contenti sunt & solis confisis sagittis hostem arcent, quanquam dū in Europam excurrendum esse decreuissent, Princes eorum ferreas galeas & loricas gladiosq; falcatos, à Persis nostra tempestate coemerint. A Meridie Moschouitarum fines ijsdem ab Tartaris clauduntur, qui supra Meotim paludem in Asia & circa fluvios Borysthenem & Tanaim in parte Europæ planitem ad Hercyniam uergentem tenet. Roxolani, Getæ & Bastarnæ, antiquitus eam plagam incoluere, unde Russiæ nomen effluxisse crediderim: nam Lithuaniae partem, Russiam appellant inferiorem, quū ipsa Moschouia Russia alba nuncupetur. Lithuania itaq; ab Coriuenti flatibus Moschouiam spectat, ab Occasu uero, mediterranea Prussiæ atq; Liuoniae ipsis Moschouiae finib. inferitur, ubi mare Sarmaticū ab Cymbricæ Chersonesi angustijs irrumpens, lunato sinu ad Aquilouem inflectitur. In extremo uero eius Oceani litore, ubi Noruegia atq; Suetia amplissima regna, isthmo ueluti quodam continentis adhærēt, Lapones existunt, gens supra quām credibile sit, agrestis, suspiciosa, et ad omnis externi hominis uestigiū, nauigijq; conspectum, maximè fugax. Ea neq; fruges, neq; pomæ,

ma, neq; ullam omnino uel terræ uel cæli benignitatē nouit. Sola sagittandi peritia cibum parat, uarijsq; se rarum tergoribus uestitur. Gentis cubilia, cauernulae siccatis replete folijs, cauiq; arborū stipites quos uel intromissa flāma, uel ipsa uetustas inducta carie fabri carit. Aliqui ad mare, ubi ingens est captura pisciū in eptis sed felicibus artificijs pescātur, duratosq; sumo pisces, tanquam suas fruges recondunt. Laponibus exigua corporum statura, luridi cōtusiq; uultus, pedes uerò uelociissimi. Ingeniae orū ne ipsi quidem proximi Moschouitæ nouerunt, quum eos parua manu aggredi, exitialis insaniae esse dicāt, magnis uero copijs inopere rerum omnium uitam ducētes laceſſisse, neq; utile neq; omnino glorioſum unquam existimariint. Ii cā didiſſimas pelles quas Armelinas uocamus, cum uarijs generis mercimonijs permuntant, sic tamen, ut omne mercatorum colloquiū conſpectumq; defugiāt, adeò ut mutua rerum uenalium collatione facta, et relictis medio in loco pellibus cum absentibus et ignotis sincerissima fide permutationes transigantur. Ultra Lapones in regione inter Corū, et Aquilonē perpetuae oppressa caligine, Pigmeos reperi, aliqui eximiæ fidei testes retulerūt, qui postquam ad summū adoleuerint, nostratis pueri denum annorum mensuram uix excedant, meticuloſum genus hominū et garriu sermonē exprimēs, adeò ut tam simiæ propinquia quam statura ac sensibus ab iustæ proceritatis hominē remoti uideantur. Ab Aquilone uerò innumerabiles populi Moschouitarum imperio parent, qui ad Oceanum

Scythicum itinere trium ferè mensium extenduntur. Proxima Moschouiae regio est Colmogora frugibus abundans, quam interluit Diuidna fluuiorum totius Septentrionis longè amplissimus, qui alteri fluuiio minori in mare Baltheū erumpenti, nomen dedit. Is statim & Niloticis similibus incremetis nec incertis anni temporibus circuictos inundat campos, pinguisq; aliuie, algentis cæli iniurijs, saeuisq; Aquilonis flatibus mirificè resistit, quū niuibus imbribusq; auctus inflatur, adeò lato alueo in Oceanum per incognitas gentes in speciem ingētis pelagi defertur, ut expedito nauigio unius diei remigratione trāsire nequeat. Vbi uero aquæ mox resederūt, uastæ paßim insulæ fertilitate nobiles relinquuntur. Frumentū nāq; terræ traditū nullo aratri beneficio prouenit, admirabiliq; celeritate naturæ festinantis ac nouā superbi amnis iniuriam timentis, oritur simul, et adolescit atq; in aristas educitur. In Diuidnā influit Iuga amnis, in ipsoq; confluentium angulo celebre est emporium nomine Vstuga à Moscha Regia urbe sexcentis miliaribus distans. In Vstugam à Permijs, Pecerris, Inugris, Vgulicis, Pinngagisq; ulterioribus populis preciosæ pelles Martarum Zebellinorumq; Luporū, Ceruariorum, & nigrarū, albarumq; Vulpium cōportantur, et ab ijs uario mercimonij genere permutantur. Zebellinos uero leuissimis pilorū tenui canicie probatissimos, quibus nunc Principum uestis fulcitur, & delicata matronarum colla, expressa uiuæ animantis effigie conteguntur, Permijs et Pccerri præbent, sed quos ipsi ab remotioribus etiā gentibus,

gentibus, quæ ad Oceanum pertinent, per manus traditos accipient. Per mijs, & Pecerri paulo ante ætatem nostram more gentilium Idolis sacrificabat, nunc uero Deum Christum colunt. Ad Inugros, Vglicosq; per asperos montes peruenitur, qui fortasse Hyperborei antiquitus fuerunt. In eorum iugis nobilissimi falcones capiuntur: ex ijs genus unum est candidum guttatis pennis, quod Herodiū dicunt. Sunt & Hierofalchi Ardearum hostes & sacri, & peregrini, quos antiquorum Principum luxus in aucupijs non agnouit. Ultra eos, quos modò nominaui, populos, Moschouitis Regibus tributa pedentes, aliæ sunt nationes extremæ hominum, nulla certa Moschouitarum peregrinatione cognitæ, quando nemo ad Oceanū peruererit, sed fama tantum ac ipsis plerunq; fabulosis mercatorum narrationibus auditæ. Satis tamen constat, Diuidnam innumerabiles trahentem amnes, ingenti cursu ad Aquilonem deferri, mareq; ibi esse longè uastissimum, ita ut illinc ad Cathayum legendō oram dextri litoris nisi terra intersit, nauibus perueniri posse certissima coniectura credendum sit. Pertinent enim Cathayum ad extremam Orientis plagam ad Thraciæ fermè paralellum, Lusitanis in India cogniti, quum proximè ad coemenda aromata per regionem Sinarum, Melacham usq; ad auream Chersonesum nauigarint, uestesq; ex Zebellinis pellibus attulerint, quo uel uno argumento non longè ab Scythicis litoribus Cathayum urbem abesse putamus. Cæterum quū à Demetrio quereremus an apud ipsos ulla de Gothis populis uel

fama per manus à maioribus tradita, uel ex ipsis lito-
rarū monumentis memoria superesset, qui ante mille
annos, & Cæsarum imperium, & urbem Romanam o-
mnibus iniurijs deformatum euertissent: respondebat
& Gothicæ gentis, & Totile Regis nomen clarum
esse atq; illustre, in eamq; expeditionem coiuisse plu-
res populos, et ante alios, Moschouitas, creuisseq; eū
exercitum ex colluuiè Liuoniorum & Circumuolga-
norum Tartarorū, sed propterea omnes Gothos fuis-
se appellatos, quoniā Goths qui insulam Islandiam si-
ue Scandauiam incolerēt, authores eius expeditionis
exitissent. Iis maximè finibus Moschouitæ ex omni
parte claudūtur quos Modocas Ptolemæo fuisse cre-
dimus, hodie autem à Moscho amne haud dubiè sic dī-
cti, qui & Regiæ urbi quam interfluit, suū quoq; no-
men indiderit. Ea est omniū Moschouitæ urbiū longè
clarissima, tum situ ipso, qui regionis medius esse exi-
stuntur, tum insigni fluminū opportunitate, domo-
rumq; frequētia, & munitissimæ arcis celebritate. Ob
longo etenim ædificiorum tractu, secundum Moschi
fluminis ripam ad spatiū quinq; miliarium extendi-
tur. Domus in uniuersum sunt ligneæ, distinctæ in tri-
clinia, coquinas, et cubilia, capacitate amplæ, nec stris
eturis enormes, aut nimium depresso: trabes enim in-
gentis magnitudinis ab Hercynia sylua supportātur,
quib. ad rubricæ lineā delibratis, & cōtrario ordine
inter se ad rectos angulos coniunctis & confibulatis,
exteriora domorū septa singulari firmitate, nec mul-
ta impensa, & summa celeritate cōstituūtur. Domus
ferme

fermè omnes, & ad usum olerum, et ad uoluptatē pri
uatos habent hortos, unde rārē urbis circuitus longē
maximus apparet. Singulæ regiones singula h abent
facella, sed cōspicuo in loco templū est Deiparæ Vir
gini dicatū celebri structura atq; amplitudine, quod
Aristoteles Bononiensis mirabilium rerum artifex, et
machinator insignis, ante sexaginta annos extruxit.
Ad ipsum urbis caput, Neglina fluiolus qui frumen
tarias agit molas, Moschum amnē ingreditur, penin
sulamq; efficit, in cuius extremitate arx ipsa cū turri
bus ac propugnaculis admirabili pulchritudine Italo
rum architectorū ingenio constructa est. In subiectis
urbi campis capreolorū et leporū incredibilis multe
tudo reperitur, quos nemini plagis & canibus sectari
licet, nisi Princeps id ad uoluptatē intimis familiarib.
uel peregrinis legatis indulserit. Tres fermē urbis par
tes duobus alluuntur fluminibus, reliqua uero, latissi
ma fossa, atq; ea multa aqua ex ipsis amnibus corriua
ta præcingitur. Vrbs etiam ab aduerso latere alio fli
mine quod Iausa dicitur, munita est, id pariter in Mo
schum paulo infra urbem euoluitur. Porro Moschus
ad Meridiem excurrens in Ocham amnem multo
maiorem, apud oppidum Columnā fese effundit, nec
magno inde itineris spatio Ocha ipse, & suis & alie
nis undis magnus & tumens exoneratur in Volgam,
ubi ad confluentes sitū est oppidum Nouogrodia mi
nor, de nomine maioris urbis ex qua deducta est ea
colonia, nuncupatum. Oritur Volga qui antiquatus
Rha fuit, è magnis uastisq; paludibus qui candidi

lacus appellantur. Sunt et supra Moschā inter Aqui
 lonem et Corum, emittuntq; cunctos fermē amnes,
 qui diuersas in regiones diffunduntur, uti de Alpibus
 idemus, è quorum iugis ac fontibus Rhenū, Padum
 ac Rhodanum, innumerabilesq; minores fluuios ma-
 nare compertum est. Siquidem et paludes pro mon-
 tibus perenni scaturigine, humorem affatim præbēt,
 quum nulli omnino montes ea in regione multa etiā
 hominum peregrinatione reperiātur, ita ut Riphæos
 montes et Hyperboreos toties ab antiquis celebra-
 tos pleriq; Cosmographiæ ueteris studiosi, penitus fa-
 bulosos esse arbitrentur. Ex ijs itaq; paludibus, Diuid
 na, Ocha, Moschus, Volga, Tanais atq; Borysthenes
 oriūtur. Volgam Tartari Edilum, Tanaim uero Don
 appellant: ipse Borysthenes, Neper hodie nūcupatur.
 hic paulò infra Tauricam in pontum Euxinū decur-
 rit. Tanais autem à Meoti palude, ubi Azoum est no-
 bile emporium, excipitur. Volga uero ad Meridiem
 Moscham urbem relinquens usq; circuitu ingenti-
 busq; mæandris primò ad Orientē, mox in Occasum
 ac demum ad Austrum magna aquarum mole præci-
 pitatus in Hyrcanū mare deuoluitur. Supra eius ostiū
 urbs est Tartarorum nomine Cytracham, ubi à Medis
 Armenijsq; et Persis mercatoribus nundine celebrā-
 tur. In ulteriore Volgæ ripa Tartarorum oppidum
 est Casanum, à quo Casaniorum Horda nomen ducit,
 distat à Volgæ ostio Capsioq; mari quingentis milli-
 bus passuum. Supra Casanum autem centesimo et
 quinquagesimo miliari ad ingressum amnis Suræ,
 Basilius

Basilius qui nūc regnat, Suricum oppidum condidit ut in ea solitudine mercatoribus ac uiatoribus, qui de rebus Tartaricis ac eius inquietæ gentis motibus proximos finium præfectos certiores reddunt, certa et tuta mansio cum tabernis hospitalibus statueretur. Moschouitarum Imperatores uarijs temporibus, uti ex usu præsentium rerum fuit, uel libido, noua ac obscura loca nobilitandi longius pertraxit, apud diueras urbes Imperij atq; aulæ sedem habuere. Siquidem Nouogrodia quæ Caurum et Solem et ferè Occidentem spectat uersus Liuonium mare non multis ante annis totius Moschouiæ caput fuit, summamq; semper obtinuit dignitatem, propter incredibilem etificiorum numerum, latissimiq; et piscofi lacus opportunity et uetusissimi ac uenerabilis templi fama quod ante quadringentos annos Byzantiorum Cæsorum emulatione, sanctæ Sophiæ Dei filio Christo dicatum fuit. Nouogrodia perpetua quasi hyeme et nebris longissimarum noctium premitur: nam Polum Arcticum ab Orizonte sexagintaquatuor gradus eleuatum uidet, sex ferè gradibus ipsa Moscha ab Aequatore remotior, qua cæli ratione solstitij tempore propter exigas noctes continuatis ferè solis ardoribus aestuare perhibetur. Vrbs quoq; Volodemaria Regiae nomen adepta est, quæ ad Ortum solis ducentis amplius miliaribus à Moscha distat, eoq; sedcm Imperij ab strenuis Imperatoribus necessaria ratione translatam ferunt, ut ex propinquuo, quum tum bella continenter cum finitimis gererentur, paratiors

præsidia aduersus Scytharū irruptiones opponeret, est enim citra Volgam in ripis Clesmæ amnis sita qui in Volgam euoluitur. Cæterum Moscha, uel ob eas, quas diximus dotes, Regiæ nomine dignissima iudicatur, quoniam medio quodam totius frequentioris regionis ac Imperij loco sapientissimè constituta, munitaq; arce & fluminibus, cōsensu omnium, præcellentiæ meritam laudem honoremq; nulla ætate defuturum sibi uendicisse cæterarum urbium collatione videatur. Distant Moscha ab urbe Nouogrodia quingentis millibus passuum, medioq; fermè itinere Ottoferia Volgæ amni imposita occurrit. Is amnis uti fonti proximus, nondum receptis tot amnibus exiguis lenisq; permeat: inde per nemora & campestres solitudines Nouogrodiam peruenitur. Porro à Nouogrodia ad Rigam proximum Sarmatici litoris portum paulominius quingentorum miliarium iter est. Isq; tractus superiore commodior putatur, quum frequētes habeat uicos, urbemq; Pleschowiam uiae impositam, quā duo amnes complectuntur. Ab Riga autem, quæ magni magistri militiæ Liuoniorū ditionis est, ad Lubeccam Germaniæ portū in sinu Cymbrice Chersonesi miliaria paulo plus mille periculose nauigationis numerantur. Ab urbe Roma uero Moschā duobus millibus & sexcentis miliaribus distare compertum est, breuiissimo scilicet itinere euntibus per Rhauennā, Tarui sum, Carnicas alpes, Villacumq; Noricum, & Viennam Pannonicam, atq; inde superato Danubio per Olmitium Morauorum usq; ad Cracouiam Poloniæ regiam,

regiam, mille & cētum miliaria existūt. Ab ipsa uero Cracouia ad Vilnam Lithuaniae caput, quingenta, & totidem ab ea urbe ad Smolenchum ultra Borysthenem sitū, & à Smolencho ad Moscham sexcenta cōputantur. Verū id iter quod est à Vilna per Smolenchum ad Moscham, hyeme per niues longo cōcretas gelu, lubricamq; sed multo attritu solidatam glaciem expeditis in curribus incredibili celeritate cōficitur: & estate uero nisi difficili laboriosoq; itinere cāpestria superari nequeunt. Nam ubi niues perpetuis solibus dissolui eliquariq; cōperint, in paludes cōenosasq; uoragine abeunt, uiris pariter, & equis inextricabiles nisi ligneis pontibus infinito propè labore consternētur. Terra Moschouia in uniuersum, neq; uitem, neq; oleam, neq; paulo suauioris pomi frugiferam arborēm præter melopeones & cerasa producit, quum teneriora quæq; gelidiſsimis Boreæ flatib. exurātur. Cāpi tamen tritici, siliginis, milij, paniciq; & omnis generis leguminū segetes ferunt, sed certissima messis in eera, et melle cōficitur. Regio enim tota fecūdiſsimis apibus plena est, quæ non in manufactis agrestium aluearibus, sed in ipsis arborum cauis probatissima mella conficiunt. Hinc per sylvas, & opacissimos saltus, frequentia, ac nobilia apum examina ramis arborū pendentia uidere est, quæ nullo aeris crepitū colligere sit necesse. Reperiuntur ſæpe fauorum ingentes massæ arboribus conditæ, ueteraq; mella deserta ab apibus, quū singulas arbores, in uastis nemoribus rari agrestes minime perſcrutentur, ita ut in admirandæ

craſſitudinis arborum ſtipitibus, permagnos mellis lacus aliquando reperiant. Retulit & cum multo omnium riſu Demetrius legatus, ut eſt ingenio comi, & faceto, proximis annis uiciniæ ſuæ agricolam, quærēdi mellis cauſa in prægrādem cauam arborem ſuper nè deſiliſſe, eumq; profundo mellis gurgite pectore tenus fuſſe haſtum, ac biduo uitā ſolo melle ſuſtinuiſſe, quum uox opem implorantis in ea ſylvarum ſolitudine, ad uiatorum aures penetrare ne quiuiſſet, ad extreſum uero desperata ſalute mirabili caſu, ingenitis ursæ beneficio inde extractū euafiſſe, quū forte eius beluæ ad edenda mella more humano, ſe demittentis, auerſos renes manibus cōprehendifſet, & eam ſubito timore exterritam ad exiliendū tum tractatu ipſo, tum multo clamore concitafſet. Nobile quoq; linū, & cannabum in reſtes, multaq; item boum tergora & maſſas cere ingentes, Moſchouitæ in omniē Europæ partem mittunt. Nulla auri argentiue uel ignobilioris metalli, ferro excepto, apud eos uena, ſectu-rāue reperiſſur, nullumq; eſt tota regione, uel gemma rū, uel precioſi lapilli uestigium. Ea omnia ab exteri-nis populis petūt: naturæ tamen iniuria, quæ tot bona prorsus inuidet, uno pellium nobilissimaru mer-cimonio resarcitur, quarū preciūm incredibili homi-nū cupiditate et luxu adeò creuit, ut in ſingulas ueftes ſuffulturæ, milletis aureis nummis ueneant. Fuit autē tempus quo hæc uilius emebantur, quū remotissimæ Septentrionis nationes politioris cultus, noſtræq; adeò anhelantis luxuriae penitus ignaræ, ſumma ſim-plicitate,

plicitate, eas uilibus ac ridiculis s̄epe rebus permuta-
rent, ita ut uulgo Permij, atq; Pecerri, tantum pelliū
Zebellinarum pro ferrea securi rependeret, quātum
earum simul connexarum ipso securis foramine, quo
manubriū induitur, Moschouitæ mercatores extrahe-
re poterant. Ante quingentos annos Moschouitæ gē-
tilium Deos coluère, Iouem scilicet, Martem, & Sa-
turnū, & plerosq; alios quos sibi insano errore homi-
nibus ex industrijs, aut Regibus antiquitas finxit. Tūc
uerò primū Christianis sacris initiati, quū Græci An-
tistites haud satis constantibus ingenijs à Latinorū Ec-
clesia dissentire cœperunt, factumq; est, ut Moschouitæ
eos religionis ritus quos à Græcis doctoribus acce-
pissent, ijsdem sensibus, & sincerissima quidē fide se-
querentur. Spiritū enim sanctū tertiā in diuina Trini-
tate personam; à patre Deo solum produci persuasū
habent, quū rectissima ueritate à patre simul Christō
que filio profici sci credendū sit. Verū ea controuer-
sia apud Conuentum Florentinū præsidente Eugenio
quarto Pont. magna partium contentione agitatā, eū
exitum habuit, ut pertinacia Græcorum in sermone
potius quam in sensu castiganda uideretur, quū Græ-
ci Antistites euidentissimis cōuicti rationibus, Spiritū
sanctum à Patre per Filium produci fateretur. Sacra-
mentum quoq; non ex azimo, uti iure debemus, sed
fermentato pane conficiunt, idq; sub utraq; specie, si-
cuti soli apud nos sacerdotes, panis scilicet diuinis;
sanguinis, ab eorum presbyteris uniuerso populo cō-
municatur, quo maximè errore imbuti Boemii, paulo

ante patrum nostrorum memoriam à Latinorum ecclisia desciuerunt. Cæterum quod ualde alienum à Christiana religione esse uidemus, nullis sacerdotū suffragijs, nullaq; propinquorum, aut amicorum pietate iuuari mortuorum manes arbitratur, fabulosumq; esse Purgatorij locū putant, è quo tandem piorum animæ, cum diuturna ignis poena, tū multis parentationibus, indulgentiaq; summorum Pontificum expiatæ immortalium felicitatem beata in cæli sede consequantur. Cæteris in rebus easdem ferè ceremonias tenent, quæ à Græcis usurpatæ sunt, Romanamq; ecclesiam cæterarū omnium Principatum obtinere, superbè et peruicaciter negant, sed ante alia, Iudæorū genus, uel memoria quidē horrent, nec eos intra fines admittunt ueluti pessimos atq; maleficos homines, qui etiam nouissimè Turcas ænea tormenta conflare docuerint. Christi uite miraculorumq; omniū historia ab Evangelistis quatuor cōscripta, itemq; Pauli epistolæ, dum sacra fiunt, è suggestu clariore uoce recitātur, probatæq; uitæ sacerdotes homelias Ecclesiæ doctorum publicè legunt, etiam ijs horis quibus sacra minimè cōsciuntur: non enim oratores cucullatos qui aduocato populo concionari, et ambitiosè nimis atq; subtiliter de diuinis differere soliti sunt, admittere fas putant, quoniam rudes imperitorum animos simplici potius doctrina, q; altissimis arcanorum interpretationibus ad sanctiorem morum frugem euadere, uiri solidæ religionis arbitrantur. Hos, quos modò diximus, sacros libros, itemq; noui ac ueteris instrumēti enarratores præterea

præterea Ambrosium, Augustinum, Hieronymum atque Gregorium, in linguam Illyricam traductos habent, religioseq; custodiūt. Antisites, Principesq; minorum sacerdotū singulis urbibus, pagisq; præfecti sacra curant, cōtrouersias dirimūt, et moribus depravatos summa quadam uindicādi potestate persequuntur. Regem sacroruū quem ipsi Metropolitam uocant à Constantinopolitano Patriarcha petūt. Archimandritæ autem et Episcopi, cōiectis in urnam meliorum nominibus, sorte ducuntur. Eorum uero hominū qui humanis cupiditatibus ultro renuntiarūt, diuinariūq; rerum contemplationi & sacrorum ministerio se se dicarunt, duplex est genus, utrumq; coenobia incolit, sed alterum est uagum et peregrinacione, hanc appellat, alterū constat ex sanctioribus monachis, quo rum ordinem diuus Basilius instituit: ijs ne limine quidem uel in suprema uitæ necessitate, pedem efferre fas est. Procul enim ab oculis profanorum singulari duritie uitā in occultioribus adytis degunt, summāq; subactæ carnis & confirmati in religione animi opinionem præbent. Vniuersus populus quater in anno & pluribus semper diebus ieiunare consuevit, abstinetq; ab esu carnium, ouorum, & lactis. In Vere primum, more Latino post diem Cinerum, mox adulta Aestate in honorem diuorum Petri et Pauli, & initio Autumni demum, quum assumptæ in cælum Mariæ virginis memoriam celebramus, postremò sub ipsam Hyemem quum aduentus Domini pronunciatur.

Per hebdomadam uerò, diem Mercurij sine carnibus
diem autem Veneris sine ouis lacte q; traducunt, sed
Saturni dies mensa omnibus obsonijs opiparè referta
biliter excolitur. Cæterum secus ac nos solemus,
nullas festorum dierum uigilias obseruant. Religiosissi-
mè templa uenerantur, adeò ut ea neq; uiros neque
fœminas Venereis pollutos complexibus intrare fas
sit, nisi prius priuatis balneis abluantur. Sæpe q; acci-
dit ut cōplures utriusq; sexus sacra audientes extra li-
men consistant, & propterea à petulcis iuuenibus re-
centis incontinētiae notati, facetis aliquando nutibus
salutentur. In ipso natali die Ioannis Baptiste, & in
Paschate, trium Magorum, presbyteri sacratos panes
paruos, toti populo largiuntur, quorum esu febribus
conflictatos alleuari existimant. Alia quoq; sacrâ, cer-
to anni tempore apud flumina gelu concreta celebrâ-
tur. In ripa tabernaculum constituunt, & aduocata
nobilitate, hymnos numeroſo concentu pronunciant
sacræq; lymphæ multa aspergine, profluentem puri-
fificant, & solenii ceremonia stratum & consecratū
circuncisa & recuulta glacie protinus aperiunt. Iis re-
bus rite confectis, si qui adsunt languentes uel morbo
si, in flumen desiliunt, & sacris aquis abluntur, quū
ob id elui morborum fôrdes persuasum habeant. De-
functi uti apud nos, mediocri funeris pōpa comitanti
bus presbyteris efferuntur, capite mappa uelato. Cæ-
terum non in templis, ut apud nos, in propriis met-
abuntur, sed in sepulcris, ac exterioribus templorum uestibulis sepulture
tradun-

traduntur, ijsq; more nostro quadragenis diebus parentant: quod certè mirum uidetur quum in Purgatorio loco expiari animas ex crimina pœnam ullis amicorum supplicijs, ulloq; pietatis officio mitigari penitus neget. In cæteris, eadem quæ à nobis de religione sentiuntur, constantissimè credunt. Moschouitæ Illyrica lingua, Illyricisq; literis utuntur, sicuti ex Sclavui, Dalmatæ, Boemii, Poloni, et Lithuanii. Ea lingua omnium longè latissima esse perhibetur: nam Constantinopolii Ottomannorū in aula familiaris est, ex nuper in Aegypto apud Memphiticum Sulthanū et equites Mamaluchos haud ingratis auribus audiebatur. In hanc linguam ingens multitudo sacrorum libro rū, industria maximè diui Hieronymi et Cyrilli, translata est. Præter quoq; patrios annales, Alexædri etiæ Magni, Romanorumq; Cæsarum, itemq; M. Antonij et Cleopatræ memoriam ijsdem literis commendatæ tenent. Philosophiam uero et syderalem scientiam, cæterasq; disciplinas et rationalem medicinam nunquam attigere, ijsq; pro medicis se gerunt, qui alicuius paulo ignotioris herbæ uires, se pluries obseruasse profitentur. Anni apud eos non à natali Christi sed ab ipso mundi initio numerantur, qui non à mense Ianuario sed à Septembri incipiunt. Leges toto regno habent simplices, summa Principum et iustissimorū hominū æquitate conditas, et propterea populis ualde salutares, quoniam eas ullis Caſidicorum et auillationibus interpretari, atq; peruertere non licet. De furibus, ſicarijs et latronibus supplicium sumunt. Quā

de maleficijs quæstionē habēt, reos multa gelida aqua
superne demissa perfundunt, quod intolerandū tor-
menti genus esse perhibent. Nonnunquā obduratis et
contumacibus, ut confessio criminis exprimatur, li-
gneis cuneolis digitorū unguis conuelluntur. Iuuen-
tus omnis uarijs ludis sed militiæ proximis sese exer-
cet, in stadio cursu contēdit, in palestra colluctatur,
pernicitati equorū studet, omnibusq; præmia & præ-
sertim sagittariorū peritiissimis proponuntur. In uni-
uersum Moschouitæ statura sunt mediocri sed qua-
drata & ualde torosa, cæsi omnibus oculi, prolixè
barbae, crura brevia et uentres extenti. Equitat cōtra
ctis admodū cruribus, & peritiissimè uel auersi & fu-
giētes, sagittas emittunt. Domi opiparè potius quam
lautè uiuunt: namq; omniū fermè cibariorū quæ uel à
luxuriosissimis desiderari possunt, mensæ eoru et par-
uo quidē pretio pañsim instruuntur. Gallinæ siquidem
et anates singulis sæpe argenteolis tenuibus nummis
ueneūt: maioris minorisq; pecoris incredibilis est co-
pia, & occisæ media hyeme iuuencæ, concretis gelu
carnibus duoru ferè mensum spacio nō putrescunt.
Venatione, & aucupio, uti apud nos, nobiliora obso-
nia parantur: nam uenaticis canibus, et plagiis omnis
generis feras capiunt, et asturibus, atq; falconib. quos
mirificos regio Pecerra præbet, nō modò phasianos,
& anates, sed cycnos, & grues conseclātur. Astures
ex genere infimo aquilarum, uel miluorum: falco-
nes uero accipitrum nobile genus antiquis fuisse pu-
tamus. Capitur quoq; avis subnigra, puniceis superei
cilijs,

cilijs, magnitudine anseris, quæ pulparū sapore pha-
sianorū superat dignitatē. Moschouitica lingua Te-
trao nūcupata quæ Plinio Erythratao uocatur, Alpi
nis populis cognita, & maximè Rhætis qui saltus ad
Abduæ amnis fontes incolūt. Ingētes etiam sapidiſſi-
mosq; pisces, et ante alios sturiones, quos siluros anti-
quitus fuisse putamus, Volga præbet, & ij quidē hye-
me multa inclusi glacie, recētes pluribus diebus aſſer-
uantur. Aliorū uero pīcium multitudinē fermē incre-
dibilem, ex candidis, quos diximus, lacubus expīſcan-
tur. Vino nativo quū penitus careant, adueclitio uti
ſolent, ſed in festis cōuiuijs tantū, & ſacrificijs. Ante
alia Creticum ſub dulce, maximo in honore habetur,
ſed in uſum medicinæ tantū, uel principalis luxuria
oſtentationem, quū miraculi loco ſit, eductum Crete
per Gaditanas fauces, et tātis cōclusi maris, Oceanīq;
ſtūctibus agitatum incorrupta ſuavitatis ac odoris di-
gnitate, inter Scythicas niues, ebibiffe. Popuſ uero
Medonem bibit ex melle lupulisq; decoctum, quod pi-
catis in cadis ueteraſcit, & ex antiquitate nobilita-
tē adſequitur. In uſu quoq; ſunt birra atq; ceruifia ſi-
cuti apud Germanos Polonoſq; uidemus, quæ ex tri-
tico, zeaq; uel ordeo decoctis, omni cōuiuio circūfe-
runtur. Hanc quadā cognata cum uino potestate, lar-
gius cōpotantibus ebrietatem inducere adfirmat. Me-
donem ac birram per æſtatem infrigidare infusa po-
culis glacie, uoluptatis gratia ſolēt: nā ingētia glacei
fruſta nobilium in cellis ſubterraneis ſingulari ſtudio
recondūtur. Sūt, et qui in delitijs habeant ſuccum ex

subausteris cerasis expressum, qui perspicui, & purpurisantis uini colorem, & saporem iucundissimum refert. Vxores & foeminas non in eo honore sunt apud eos uti apud cæteras gentes: nam propè ancillarum loco habentur. Viri insignes earum uestigia murum in modum obseruant, & pudicitiae diligentissime cauent. Non enim adhibentur conuiuijs, neq; sacrorum causa remotiora templa petere, aut temere in publicum egredi permittuntur. Cæterum uel ab externis hominibus, & exiguo quidem pretio ad Venetrem omne uulgaris foeminarum facile pellicitur adeò ut parum earum amoribus studere uiri nobiles existentur. Basilius ante uiginti annos Ioannem patrem amisit. Is Sophiam Thomæ Paleologi qui latè in Pelonneso imperabat, Constantinopolitaniq; Imperatoris erat frater, uxorem duxit. Ea tum Romæ erat Thoma patre, Turcarū armis Græcia pulso. ex hac quinque liberi felici fœcunditate suscepit, ipse Basilius, Georgius, Demetrius, Simeon, & Andreas. Demetrio et Simeone iam pridem morbo absumptis, Basilius Salomoniam Georgij Soborouij, eximiae fidei atq; prudenter consiliarij filiam, in matrimonium sibi collocauit cuius foeminæ singulares uirtutes una sterilitas obscurat. Solent autem Moschouitæ quum de uxore ducenda deliberant, omnium toto Regno puellarum uirginum delectum habere, ac forma, uirtuteq; animi præstantiores ad se perduci iubere, quas demum per idoneos homines, fidelesq; matronas inspiciunt, ita diligenter, ut secretiora quoq; ab ijs contrectari explorariq;

rariq; fas sit. Ex ijs uerò magna, atq; solicita parentū expectatione, quæ ad Principis animum responderit regijs nuptijs digna pronunciatur. Cæteræ uerò, quæ de formæ pudicitiæq; & morum dignitate contendere rant, sepe eadem die in gratiam Principum, proceribus atq; militibus nubunt, sic ut mediocri loco natæ plerunq; dum Principes, regiæ stirpis clara stemmata contemnunt, ad summum regalis thori fastigium, uti & Turcas Ottomānos solitos esse uidemus, pulchritudinis auspicijs euehantur. Basilius quadragesimum septimum ætatis annum non attingit, specie corporis eximia, animi uirtute singulari, suorumq; studio, ac benevolentia & rebus gestis, progenitoribus suis anterendus. Nam, quum per sex annos cum Liuonijs, qui septuaginta duas urbes foederatas in eius belli causam trahebant, armis contendisset, paucis legibus datis potius quam acceptis, uictor discessit. Polonos quoq; initio statim ipsius Imperij, acie profligauit, Constantinumq; Ruthenum copiarum ducem captū, & catenis uinctum Moscham perduxit. Sed ipse aliquanto post ad Borysthenem supra Orsam urbem, ab eodem Constantino, quem dimiserat, magno prælio est superatus, ita tamen ut Smolenchum oppidum quod antea Moschouitæ occuparant, post tantam etiam uictoriam à Polonis partam, in ditione Basilij relinqueretur. Sed aduersus Tartaros & maximè Europæos Præcopitas, sæpius secundo prælio à Moschouitis est dimicatum, ulciscendis fortiter iniurijs quas illi repentinis incursionibus intulissent. Supra

enim centum & quinquaginta milia equitum Basilius ad bellum ducere consuevit distinctis per uexilla turmis, quæ suos duces sequuntur. Regie alæ uexillo inscripta est Iosuæ Hebræi imago illius, qui ut sacræ referunt historiæ, à Deo maximo longissimum diem, retardato solis cursu pijs precibus impetravit. Pedestres copia nullo propè usui sunt in illis uastis soliditudinibus, tum ex ipsa ueste quæ fluxa talarisq; est, tum ex hostium consuetudine, qui cursu potius & equitandi celeritate, quam uistatariae pugnæ, uel ipso con gressu militiam exercent. Equi eorum statura infra medium existunt, sed robusti & uelociſſimi habentur. Equites præpilatis hastis, clavisq; ferreis & sagittis rem gerunt. Paucis falcati sunt gladij. Corpora uero clypeis rotundis, ut Asiatici Turcae, uel inflexis & angularibus parmis, more Græcorum, itemq; lorica & galea pyramidali proteguntur. Basilius etiam sclopetariorum equitum manum instituit, multaq; ænea tor menta Italorum fabrorum artificio conflata, suisq; imposita curribus in arce Moschæ uisuntur. Ipse insigni apparatu & singulari comitate, qua tamen regia maiestas nulla ex parte corrumptitur, publicè cum proceribus atq; legatis epulari solet, magnumq; inaurati argenti pondus duobus abacis expositum eodem triclinio conspicitur. Nullam prætoriani militis cohortem, præter ipsam familiam corporis custodiæ causa, circum se habere uel alibi alere consuevit. Ab urbana enim fideli multitudine stationes habentur: nam unaquæq; urbis regio, foribus, cancellisq; septur,

tur, nec temere per noctem, aut sine lumine in urbe uagari licet. Aula omnis constat ex regulis & ex ipso militum delectu, qui per statos mensium circuitus, frequentandæ, nobilitandæq; regie causa per uices ad implenda comitatus officia è singulis regionibus accessuntur. Porrò exercitus omnis quum bellum ingruit, uel hostibus indicitur, ex euocatis ueteranis, nouisq; prouinciarum delectibus cogitur: nam cunctis in urbibus præfecti militiae iuuentutem inspiciunt, indoneosq; in ordines militum transcribunt, quibus ex ærario prouinciarum, certa pacis tempore sed ea quidem exigua stipendia persoluuntur. Verum qui militant, immunitate uictigalium gaudent, & cæteris pæganis præstant, regiaq; gratia omnibus in rebus potestes existunt: patescit namq; ueræ uirtuti nobilis locus, quum bellum geritur, siquidem egregio & in omnibus rerum administratione salutari instituto, ad suum quisq; spectatum facinus, uel perpetui præmij uel ignominiæ sempiternæ fortunam adsequitur.

c 2

F I N I S.

BENEDICTI LAMPRIDI.

Hos dono Iouius mittit tibi Rufe labores,
 Anfractus longos, et spatia ampla maris.
 Hec quoniam nemo melius te iudicet, unum
 Vllæ nec terræ, nec maria ulla latent.
 Magna quidem Iouius donat tibi Rufe, sed ipse,
 Longè maiori munere dignus eras.

PAVLI IOVII DE-
SCRIPTIO LARII LACVS.

DIONYSIUS SOMENTIVS
*Nicolao Sfondrato, Comiti Riperiae, Regio-
que senatori ampliss. S. D.*

 VM proximis superioribus diebus Larium mihi lacum adire contigisset, illuc ab ampliss. ordine vestro tui gratia missus, ut quorundam maleficorum hominum, homicidij reorum, ditionis tuæ causam cognoscerem, magna animi voluptate viridē illum, & verè gemineū lacum inspexi, pulchritudinem eius totiusq; orę illius amoenitatem crebra oppida, frequentesq; populos admiratus, inter alia ad aspectum Bilatij, eiusq; altissimi promontorij, duos vel potius tres lacus prospectantis, obstupui. Adeò tenet animum uarijsq; modis afficit, & delecat longissimus ille tractus aquarum, dextra, læuaq; iucundissimum oculis spectaculum præbens. Quid dicam de magnificentiss. edibus ac Regijs, quas ad medium ferè collem habes, quantumuis numerosæ familiæ capaces? quid de perenni saluberrimaq; in superiore inotis parte aqua? quid de pulcherrimis hortis à citreorum, & medicorum pomorū amoenitate beatissimis?

Quid de toto colle, sicut olea, cuiusvis generis
 fœcundis arboribus, viteque in primis gene-
 roso vino exuberante, vestito atque ornato?
 Ut præterea mirabilem illum aditum, ascen-
 sumque ab imo lacu ad summum montis per
 scalas, quæ per octingentos amplius gradus
 miro artificio è durissimo lapide fabricatos
 facilem ascendentibus viam præstant. Ad
 summam, nunquam alias iucundiorum vidi lo-
 cum: quem tu per iocum, cum me satietas hu-
 manarum rerum ceperit, gratissimam mihi se-
 dem, laborumque quietem destinas, ac offers.
 Munere illo functus domum cum rediissein,
 tibi que quid mihi de regione illa visum foret,
 percunctanti, quantam cœpisse voluntatē,
 exposuisse, dixisti velle te mihi delectatio-
 nem eandem renouare, oculisq; loca eadem
 sine ullo viæ labore subjicere, proferrique sta-
 tim ex bibliotheca tua Pauli Iouij libellum
 quendam iussisti, quo ille iucundè simul & e-
 leganter totius Larij lacus amoenissimum si-
 tum, locorum, achoininum utrunque ripam
 habitantium, nomen, ingeniumque describit.
 Hunc ille libellum in gratiam patris tui, viri
 clarissimi, & nunquam satis laudati, olim scri-
 pserat. Auidè paucis horis totum perlegi, vi-
 susque mihi dignus est, qui publicè cunctis
 legendus præberetur, pulchrumque in pri-
 mis tibi, & honorificum esse iudicaui, si in ma-
 nus hominum exiret. Magna enim ex parte
 in describenda ditione tua est occupatus,
 quam ad Larij dexteram ripam magnam am-
 plamq;

plamque summa cum dignitate obtines, &
iustissimè regis. Rectè itaque iudicio meo fe-
ceris, remque tibi ac nobilissimæ familiæ tuæ
honorificam, si tam elegantis opusculi copi-
am orbi quāmprimum impertieris. Quod te
facturum pro summa prudentia tua, amoreq;
erga cuncta studiorum genera mihi faci
lē persuadeo. Vale. Medio-
lani, Calend. Iunij.

M. D. LVIII.

c 4

PAVLI IOVII LA-

R I V S,

AD FRANCISCVM SFONDRAVVM.



OMENSEM Lacum, Francisce Sfon
drate senator amplissime, ab Etruscis La
rium, uti omnium Italie principem, an
tiquitus appellatum fuisse, Cato in origi
nibus tradit. Ad quod Virgilius Maro, antiquitatum
eruditissimus, quoniam in Georgicis, TE LARI MA
XIME, diceret, allusisse uidetur. Eius oram, in qua e
ximiae nobilitatis tetrarchiam tibi et posteris tuis uir
tute quæsiuisti, periucunda nauigatione percurrimus
annotauiimusque; diligentem commensuratione utrinque
litora lambendo, sinus, promontoria, peninsulas, fon
tes, sigillatimque; oppida, et uicos, ac in his quæ litera
rum memoria, et laude digna uidebantur, ut id, quod
à me proximis diebus optimo iure postularas, cumu
late, nec sine celeritatis gratia solueretur. Efficit autem
Larium, aut certè in immensum adauget Adua, lim
pidissimus amnis, qui ab Adua monte, à quo nomen
accipit, excelsa Rheticarum Alpium iugo delapsus,
raptis secum multis torrentibus in Larium per Vol
turenam uallem euoluitur. Adulam pro Adua cor
ruptè legimus apud Ptolemaeum: nam ea uox Græ
cè inaccessum significat, ita ut hinc liquido constet,
montem à Græcis nomen accepisse. Is enim et hodie
Graius

Graius appellatur, maximorum amnium fontibus nobilis, siquidem Danubij, Rheniq; origines in aduersa Aduæ regione referuntur. Adiacet Graij radicibus Burnium oppidum, ad urbis effigiem maximè turritum, aquarum calidarum balneis ad pituitæ morbos percelebre: nec multum inde absunt Abdue fontes, argenti fodinæ, secturæq; ferrarie, & in rigentibus gelu cautibus crystallus, pari periculo, quæstuq; à montanis hominibus colligitur. Has Aduæ rupes Claudianus Poeta, quum Stiliconem aduersus Gothos armato exercitu in Germaniam penetrantem celebrauit, iucundissimè descriptis his ueribus:

Protinus umbrosa uestit quâ littus oliua
Larius, & dulci mentitur Nerea fluctu,
Parua puppe lacum præteruolat ocyus, inde
Scandit inaccessos brumali sidere montes.

Et alio in loco,
Sublimis in arcton
Prominet Hercyniaæ confinis Rhætia sylua,
Quæ se Danubij iactat Rheniq; parentem.

Et in alio loco,
Sed lacus Hesperia, quo Rhætia iungitur oræ,
Præruptis ferit astra iugis, panditq; tremendam
Vix æstate uiam. multi ecce Gorgone uisa
Obriguere gelu, multos hausere profundæ
Vasta mole niues: cumq; ipsis sæpe iuuencis
Naufragia candenti merguntur plausta baratro.
Interdum subitam glacie labente ruinam
Mons dedit, & trepidis fundamina subruit hastis.

Pendentī malefida solo, per talia tendit
Frigoribus medijs Stilico loca.

Ab his Alpibus Abdua sexaginta milliū cursu, in-
Larium decurrit, medianam Volturrenam uallem pro-
scindens, adeò multis mæandris tortuosus, ac ingenti
bus impeditus saxis, ut nec tutò rates sine remige pro-
fluenti cōmittantur. Eam uallem, celebritate insigniū
oppidorum & præstantissimi uini fœcunditate ditissi-
mam, C. Sempronio, uetusissimo Italicarum rerum
scriptori, notam uidemus. Id uinū facile inueteratur,
et in multos sèpe annos perdurat, fitq; odoratus,
quum maximè canescit, tanta potestate, ut ab honore
mensarum in uarios medicinæ usus transferatur, mel
leo utiq; liquori, quam perspicuo uino similius. In in-
fima uallis parte ad ostium Abduae Larium influentis
Volturrenam urbem florentibus Etruscorum rebus
edificatam fuisse, Paulus Longobardus asseuerat,
de cuius situ, ruinisque suo loco dicemus. Decet enim
à Como patria, unde ei hodie nomen, descriptionem
lacus exordiri. Nam portu urbis egressi ad lœuam e-
nauigauimus usque ad extremum lacum, ut inde per
aduersa demum litora confeclio circuitu reuertere-
mur. Orobiorum stirpem esse Comum, Cato in Origi-
nibus tradit. Nam Græcos, qui colonijs suis terrarum
orbem compleuerunt, auctore Cornelio Alessandro
magnam Italæ partem imperio tenuisse constat. Hi
cresentem à paruis initijs urbem, Græco nomine Co-
num, id est Vicum appellauere. Cæterum à Gallis Se-
nioribus, qui Etruseos, Græcā gentem, uictricibus ar-
mis

mis summa Italæ parte depulerant, Comum adau-
etum, & planè conditum fuisse, Trogus Pompeius au-
tor est, eo ferè tempore, quo Mediolanum, & Ber-
gomum, & Brixiam ab iisdem Senonibus ædificatas
legimus. Verùm Comenses, supra uetus statem origi-
nis, Cæsaris dictatoris magnificentia & patrocino no-
bilitantur, quando incomparabili iudicio uir, oppor-
tunitate, amoenitateq; situs, ut credi par est, inuitatus,
in eam urbem nouos colonos deduxerit, in queis ad
quingentos nobiles Græcos fuisse Appianus, & Sue-
tonius tradūt, unde & Græcorum familia honestissi-
mi nominis apud nos adhuc uiget: & id Græcis lite-
ris inscripti silices abundè testantur. Verùm nō aliun
de magis claritatem appetimus, quam ab ipsis Roma-
næ magnificiæ monumentis, quæ paßim & in ur-
be, & in agris uel nihil tale indagatibus occurrunt.
Ea diligent, eruditioq; studio Benedicti Iouij fratris
excerpta, relataq; in iustum uolumen, quum histo-
riam patriam scriberet, apud exteras gentes lecti-
tantur. In ædes quoq; nostras nuper transtulimus in-
gentis epistylj fragmenta, Cæsariani, uti arbitror,
theatri titulum cubitalibus literis longè pulcherri-
mis exprimentia, eiusq; triumphi marmore candido
cælata effigies in amplissima tabula è ruinis emersit:
& ad nos quoque summa cum uoluptate delatum
est Cæsaris dictatoris caput, colosseæ propemodum
statuæ habitu Pontificis maximi, insula uelatum, ut
persimilem uidere licet in numismatibus argenteis,
ita ut aliquando speremus, ad publicam dignitatem,

ex eodem loco statuæ truncum, & non multis quidē operis eruturos. Orta igitur à Græcis urbs nostra, condita à Gallis, à Romanis illustrata, duos Plinios æternæ dignitatis uiros protulit: et paulo ante Cæci lium poetam, Catulli sodalis sui carmine celebratum, Atiliumq; grammaticum, Plinij Cæciliij laude, & marmorea base apud nos illustrem. Promeruerat enim ille uirtutis & pietatis ergo à gratissimis ciuibus, qui liberaliter artem professus, ex testamento uniuersam substantiam suam ad rem publicam pertinere uoluisset. In eius basis laterc, & hoc quoq; præter titulos suauissimum distichon incisum est,

Morborum uitia & uitæ mala maxima fugi:

Nunc careo poenit, pace fruor placida.

L. quoq; Fabati, qui Plinij Cæciliij prosocer fuit, eximia magnitudinis elogia uisuntur. Is Fortuna, & dignitate amplissimus, auctore Cornelio Tacito, aduersus Neronem orbis portentum, uel hoc uno consilio illustris, generoso spiritu coniurarat. Et eius Caninius quoq; liberalitatis marmorea monumenta extant, qui sub Traiano bellum Dacicum Græco poemate exorsus, crebris Plinij cohortationibus accèdebat, ut aliquid ederet, quod esset perpetuò suum. Neque mirum est, Cæsarem, hunc potissimum deducendæ coloniae sumum delegisse, inhabitasseq; eam, aut frequenter sumus claritatis uiros, quum Plinius Cæcilius, & Cassiodorus ad copiam rerum omnium præcellentem, ad incomparabilem subuectionum commoditatem, ad cæli temperiem, & deniq; ad ipsas humani generis

neris delicias constitutam fateatur. Quicquid enim mirum in modum exculta montium radices ferunt, quicquid syluosa, excelsaque nemora humanis usibus praebet, quicquid in herbidis ac insertis cælo alpium iugis armenta progenerant, subiectus, et seruiens lacus excipit, urbique domine facilis conuentione dilatur: qui demum undique piscofus, et passim olea, uite, lauro, citreisque nemoribus litora redimitus, lætissima facie nauigantibus arridet. Quatuor montes quadrata facie planitiem includunt, in qua urbem ipsam fluuiatili cancro persimilem positam, ab alto conspicimus. Duobus enim suburbis, Coloniola scilicet, et Vico influentem, lunato sinu Larium duabus ueluti chelis amplectitur. Ab aduersa uero parte suburbii, quatuor fermè stadijs inter Orientem atque Meridiem exorrectum, molliter inflexam extendit caudam. Vbi uero coeuntium inter se montium fauces itinera coarctant, pinnatae quadrati lapidis ingentes portae, singulos aditus præcludunt, opportunaque totidem in excelso arces ingressus militares tuentur. Ab ortu Castrensiuum apparet, fatiscente iam subtus tota rupe, ruinæ modo collapsum. A Meridie Baradellus, Luitprandi Regis opus, Turrianorum Principum carcer re insignis, in edito iugo conspicitur saxosæ uiae, quæ tendit ad Heluetios. Ab Occasu insidet Carnesinum castellum, cuius conspicua turris in priuatæ uillæ peristerium abiisse uidemus. A Septentrione autem Larivus consumpto cursu in urbem diffusus, ueluti mole sua, summotis late montibus, ipso portu subiectæ ur-

bis excipitur. Intra hæc circuentium montium septa, campi aliquot stadiorum urbem circundant, aut sege te nobiles, aut uarentibus pratis iucundi, aut hortensisibus delicijs florentes, quæ omnia ad ocij uoluptates, et hippodromon, et gestationes, et amoena ambulantibus spatia præbent. Montes ipsi castigatis apicibus, et compresso ad æquissimam planitatem dorso uel in summa iuga carris permeabiles, ab aprico litorie uinetis, et frugiferis arboribus exculti, ornati que frequentibus uillis et templis, spectantium oculos mirè implet, nec tamē exatiant: quin ad salubritatem uentos arcent, Boreamque præsertim flexuosis obiicibus frangunt, ita ut mirum, uideatur, niuosis inclusos montibus mitiorem experiri hyemem; et diuersa pariter ratione, neque æstuosos solstitij dies, ingentibus protecti umbris, neque per noctes ardentes Caniculae uestigia, sed aerem suauibus auris mitigatū sentiamus, quando Mediolani tā prope per hybernos dies rigidore matutina aura, uti ab expedita planicie rapidius incidente, gelata ora hominum abradantur, et in refertiſſima urbe immodicis æstate ſeruoribus torreamur. Porrò ab aduersa parte, qua in ſe ipſos obiecti ſolibus cadentes umbras excipiunt, præalta nemora ostentant ad uenationes, ad aucupia opacissimósque recessus, ita ut paſſim ueluti æſtivis uoluptatibus arridente natura, et frigidi fontes ſubſiliant, et auiculae decantent, et umbroſa diuerſicula ad quiescendum uiatores allificant. Sed ne dulcedine patriæ fuiſſus laſciuire uideamur, ſubiijciemus epistolam

epistolam Cassiodori, qui hæc poetico more iucundissimis tractibus celebravit. CASSIODORVS Gaudio-
so, Theodorici Regis epistolarum magistro salutem
dicit. Cum multis itineribus Como ciuitas expe-
tatur, ita se eius possessores præ ueredorum assidui-
tate suggesterunt esse fatigatos, ut equorum nimio cur-
su ipsi potius atterantur, quibus indultu regali be-
neficium præcipimus custodiri, ne urbs illa positio-
ne sua libenter habitabilis rarescat incolis, frequen-
tia lesionis. Est enim preter montium deuia & lacu
purissimi uastitatem, quasi murus quidam planæ Li-
guriæ, quæ licet munimen claustrale probetur esse
prouincie, in tantam pulchritudinem perducitur, ut
ad solas delicias instituta esse uideatur. Hec post ter-
rum campestria culta transmittit, amoenis uectationi
bus apta, & uictualibus copijs indulgenter accomo-
data. A fronte sexaginta millibus dulcissimi aquoris
amoenitate perfruitur, ut & eius recreabili delecta-
tione satietur, & piscium copia nullis tempestatibus
subducatur. Merito ergo Como nomen accepit, quæ
tantis lœtatur compta muneribus. Hic profectò lacus
nimis amplissimæ uallis profunditate suscepitus, qui
concharum formas decenter imitatur, spumei litoris
albore depingitur, circa quem conueniunt in coronæ
speciem excelsorum montium pulcherrimæ summi-
tates; cuius oræ pratorum liminibus decenter orna-
tæ, quasi quodā cingulo Palladiæ syluæ perpetuis ui-
riditatibus ambiūt: super hæc frondosæ uineæ late-
ram montis ascendunt. Apex autem, quasi quibusdam

capillis castanearum densitate crispatus, ornante na-
tura depingitur. Hinc riui niueo candore relucentes
in arctam laci altitudinem præcipitati descendunt, cu-
ius finibus ab Austro ueniens Abdua fluuius fauibus
apertis excipitur. Qui ideo tale nomen accepit, quod
duobus fontibus acquisitus, quasi in proprium mare
deuoluitur, qui tanto impetu uastissimi æquoris inci-
dit, ut nomen retinens, & colorem in Septentrionem
obesiore aluei uentre generetur, putas quandam li-
neam fusciorum in aquis albentibus esse descriptam,
miroq; modo influentis discolor natura conspicitur,
quæ misceri posse simili liquore sentitur. Hoc & in
marinis quidem fluctibus fluuiorum inundatione cō-
tingit. Sed ratio ipsa uulgariter patet, ut torrētes præ-
cipites limosa fæce corrupti, uitreο sint æquori disco-
lores. Hoc autem iure putabitur stupendum, quod si-
mile tantis qualitatibus elementum per pigrum sta-
gnum uides ire celerrimum, ut amnem per solidos cā
pos putas decurrere, quem se peregrinis undis non
uideas colore posse miscere. Quapropter incolis ha-
rum rerum iure parcitur, quando amena omnia de-
licata sunt ad labores & facile onus afflictionis sen-
tiunt, qui uti similibus delicijs consueuerunt. Fungan-
tur ergo munere regali perpetuo, ut, sicut gaudent
natiuis epulis, ita eos exultare faciat munificentia
principalis.

Hanc urbem beatam delicijs, florentem opibus, &
libertate, fortunaq; sua gaudentem, cōspiratione qua-
tuordecim ciuitatum Mediolanenses ab hinc annis
quadrim-

quadringētis, imperante Lothario in cineres redegerunt, auctore & principe Iordanie Clivio eorum antisite. Is trinis castris post diu obseßam, oppugnatām que urbem eò Comenses, ab insulanis socijs desertos adegit, ut desperatis rebus, cum liberis, ac uxoribus classe profugerent, & urbs deserta, spectante ciuium classe, cremaretur. Huius diri belli historia incepto, sed robusto carmine decantata, in archiuijs Comensium religiosè custoditur: cuius auctor est M. Cumanus, qui bello interfuit, & pleraque alia pedestri demum stylo in tanta eius seculi scriptorum orbitate, nobis gratissima scriptitauit: sic enim tumido uersus opus orditur:

Bellum, quod gesit populus cum gente superba;
 Annis ab ea clade uigintitribus, quum ingrueti in Italiam Federico Aenobarbo Cæsari, Comenses vindictæ libidine, præsto fuissent, in quota solatij parte Mediolanum barbarorum saevitia deletum uiderunt. Tum uero Cæsar, ut socijs gratiam referret, Comum restituit: immunitate, libertateq; donauit. Eam uero liberalitatem Cæsar Augustali diplomate ex latissimis membranis, quæ adhuc incorrupta seruantur, benignè testatus est: eius quoq; auspicijs, quæ uidemus, moenia, & turres eximij operis Comenses ædificarūt: auctaq; demum est opibus ciuitas, mercaturæ, lanificijq; præsertim industria, quum lanceos pannos in Orientem usq; transmitteret. Industria ergo opulentia fecit, è qua mox superbia orta est, quæ intestina bella peperit: atq; ita insanis factionibus scruentes Vicant

Rusconiq; familiæ principes, alternante Fortuna par-
tiū successus, urbem euerterunt. Eo modo attriti mu-
tuis cladibus, urbe latè incendijs deformata, tædio ca-
lamitosæ libertatis, ultro in ditionem Actij Vicecomi-
tis concesserunt. His ab Actio ducentis annis bis urbs
nostra rediuiuis opibus resurgens, direpta est semel à
Pandulpho Malatesta, imperante Insubribus Ioanne
Maria, cui inhumana crudelitas dignum uitæ exitum
parauit, iterū ante sexdecim annos ab Hispanis, quū
syncerè deditis auditate prædæ fidè uiolassent. Secu-
tum demum est execrabile id bellum inter Cæsarē, &
Franciscum Sfortiā, quod toti Italiae fatale fuit, ut om-
nium simul fortunæ concideret: quo tempore Petrus
Arias Hispanus inusitata tyrannide ita Comenses af-
flicxit, ut sub hoc prægraui tributorum pondere fati-
scentes, quo nunc premimur, nihil iam de salute spe-
remus, nisi hoc Gallico bello Cæsar aut optimam pa-
cem, aut opimā uictoriam sibi & nobis attulerit: sed
cum hæc amariores nos reddant, ad Larij delicias re-
uertemur. Igitur ad lœuam è Vici suburbano soluenti
bus, ubi opacissima Plinij Platanus olim fuit, epistolis
eius celebrata, in cuius memoriam honoremq; Musa-
rū, et Apollinis, iucundissimi prospectus Musæum no-
strum ædificamus, occurruunt quinq; uillæ ad radices
Olympini montis, qui contra portum respicit, Gru-
mellia, Succota, Cerasia, Tabernula, Gerentiana, &
quis ferè spacijs inter se distantes. Hinc uertente se in
orbem Olympino in Larium effunditur Blesia flumē
& lapideo ponte oblongo, & frumentarijs molis, &

in

In ostio Troctæ piscis capture insignis. Eum piscē antiquitus Lupū appellatū fuisse, in libro de Romanis piscibus abundè monstrauimus: datur enim ei palma, qui Maio mense in ostio Bleſiæ sit captus. Ultra pontē cœnobium, oppidulum ex ambusis ædificijs, et stratura interrupti portus paucis ante annis opulentū. Paulo supra cœnobium, ad secundas excelsi Busbinij montis radices, uisuntur Platea, Rubenna, Toldiniū, rara, sed eximij tritici fruge gaudentes. In summo cacumine cum templo Deiparæ uirginis specula est admirabili prospectu. Inde Larij fluctibus alluuntur Garinnia, et Speciana, honestissimorum ciuium uilla. Sequitur nobile ficitis, et tegulari lapide Multrasius in ualle algida sonantis amniculi umbrosis cotibus impositum. Inde recto itinere sequuntur Furij geminae sacræ turres, et mox Caractum, lapicidis et naualibus fabris frequens. Hinc paulum sepe Larius terris insinuat, et, dum rursus refugit, Lellum exiguae cuspide in undas porrigitur, oliueta passim et in premis Curtianas elegantes uillas ostentans. Inde demum lunatis utring; ripis Turregiae promontorium excurrit, adeò ut à Careno oppositi litoris non amplius decem stadiorum spacio distet: neq; alibi Larius angustior reperitur. Is uicus agrum habet accliui et ob iugata planicie, uite, olea, lauris, et fontib. per amoenū, ita ut is situs toto lacu mihi potior uideatur, q ab aliquo præsæ elegatiæ, et arridètis fortunæ uiro lucis lentis ædificijs debeat exornari. A Turregia rursus litora sensim curvatur, prolatatoq; simu uisitetur Bien-

nium in ardua, & aprica montis radice propendes. Inde duodecim fermè stadijs adest Arcennium, in intimo recessu per ampli sinu positum, ædificijs, arce, priuatis turribus, & lapideo ponte nobilis uicus. Interfluit enim medium amnis ex umbrosa ualle delapsus, quia iter est octo millibus passuum ad Lugani lacum, per Inteleuinam uallem multis frequentem pagis uenationeq; & aucupijs iucundam. Ab Arcennio stirpem ducunt Lauizarij, uigente olim Vicana factio ne Comi opibus potentes: quorum unus hodie Arcennij Georgius multa hospitalitate nobilitatis nomen tuetur. Dum Arcennij sinu euehimur, ad lœuam in arduum montem, & subamaro quidem ascensu, unde illi Græcum nomen, suspicitur Picra oppidum cum arce, frumenti candoris, & magnitudinis eximiae se rax. Gloriatur & rapis Nursinis & quæ similibus. In ora cum fornicato ponte, qui regiam uiam sternit, Ca mogia torrens, atq; inde Colonium ignobilis pagus: Tum uero fons largus, frigidus, perennis, ab oliuetis in umbrantibus nomen accipiens. Is saxeo naturali craterem tantisper retentus, dum uiatores & nautæ portant, in lacum effunditur. Sala demum pagus occurrit, cum uetusta arce in adito, negotiosis piscatoribus frequens. Hinc enim incipit Euripus ille Gemmeus Cæcilij Plinij, à multa intercurrentium piscium captura per nobilis. Contra id Salaniani litoris spatium porrigitur insula, protenso in longitudinem dorso, cadauer antiquæ urbis decreto Comensium nauigari bus ostentans, ut eius pœna exemplo Lariani populi pa-

li parentem suam Comum urbem fidelius colere monentur. Fuit hæc clara Gothorum temporibus, qui tantum in eius urbis munitione confidebant, ut in ea totius gentis thesauri conderentur. Paulus Longobardus in historijs scribit, Comacinam insulam in Lario lacu ab Ariperto, Longobardorum Rege, captam, eversamq; fuisse, quum forte in eam Ausprandus, Luiterti pueri Regis nutricius & tutor, prælio ad Novuariam uictus profugisset. Cæterum post Caroli Magni aduentum, qui Longobardicum regnum euerit, instauratam insulam inuenio. Ab hac Iouiorum familia nostra originem trahit, extantq; opulentiae maiorum nostrorum monumenta, diuæ Mariæ Magdalene templum, in Stabio uico contra insulam per Euripū breuissimo duorum stadiorum traiectu distans. Ei maiores Iouij agros ex fundis suis, in alimenta egenorum, uiatorumq; liberali pietate contribuerunt: & per sexcentos annos manet apud nos incorrupta dicendi præfecti, & sacerdotis prærogatiua. Propterea et hodie quoq; in gentilitio insigni, ad argumētum originis, castellum Insulæ, ambiente Lario, impostrum, gestamus, addita Romana Aquila, qua Federicus Aenobarbus domum nostram honestauit; sicut & dudum columnas Herculeas, munere Caroli V. Cæsaris, studijs nostris impensè fauenter addidimus. Post deletum uero Mediolanum, Comenses, Aenobarbi opibus adiuti, recentem Insulanorum perfidiā vindicantes, Insulam funditus euerterunt, Insulanis Varenam migrare iussis, ad publicam seueritatem de

creto adiecto, ne quis unquam in Insula ædificaret; iusta ruinis ingentibus deformata, quadringentis annis permansit; hodieq; durante tantum templo, quod religione inuolatum fuit, solis cuniculis habitanda relinquitur. Contra Insulam, Spuranum, Stabiumq; et ulterius Canonica uocatum templum archisacerdote creditu celebre. Inde Balbianum, quod Insulæ suburbanum fuit, ubi maiorum nostrorum reliquias, fundum scilicet, et ruinas magnificentiae singularis ædes possidemus. Balbianum à Campouico, interlabente Perlana, infestissimo torrente dirimitur. Is à ualle prærupta defluit, in qua antiqui monachi in sylvestri admodum loco diuini Benedicti templum posuerunt, non longè ab Ossucio uico largissimi fontis, et olearum copia celebri. Cæterum à Campo oppidulo Isthmus incipit, quo promontorium Lanactum, nemoroſo dorſo, et excelsæ arcis uestigijs superbum, terris innectitur. Id magno ambitu adeò in diuersa litora porrigitur, ut superioris Larij tractus, et ipsi Insulæ, et ijs, quæ notauimus, quinque pagis penitus abscondatur. Humani capitis effigiem id Lanactum præbet, ita ut Isthmus ceruicis locum obtineat: distat uero litora minus stadijs quinq; intercedente peramœna planicie, cuius iugera propter eximiam rerum omnium fertilitatem uiginti aureis auidè coemuntur. In angusta ceruicis margine turris Vacania uisitetur, Aquilonibus hyeme perflata, sed æstate umbris iucundior. Sequitur concauo litore Lennum, templo, et sacerdotibus, edificijsq; pluribus, et prisæ antiquitatis

quitatis monumentis memorabile. Ad Lennum proculdubio uillam Plinij fuisse iudicamus ; quam ille Lario incumbētem, à depresso litore Comodiam appellare solebat, atq; inde facile è fenestris, & è lectulo piscabatur. Supra suspicitur coenobium, ab algido fonte Aquafrigida nuncupatum, unde ab excelsa per amoenāq; porticu cuncta litora, & nauigantium cursus despectare licet. In extremo uero promontorio diui Ioannis templum fluctibus alluitur, è quo per turbidas tempestates noctu, tanquam è Pharo, sacerdotes nauigantibus lumen præbent. Inde rursus litora recedunt, efficiturq; Larius lato pelago similis. Nec multum abest à Lenno Buzanicum, & mox diui Laurentij templum ad litus. Hinc molli flexu terreni colles, consiti uinetis, paululum excurrunt, donec producta cuspide ad lēuam recedant introrsus. A Tremetio pago Griantei uini præstantia, & foecunda planicie per celebri, aliud promontorium, nequaquam scopulosa, aut montuosa collum prominentia, sed plana, redimitaq; oleis, & uitibus, in Larium procurrit. Hinc Catenæ Apiae nomen nautarum temulentia fecisse uidetur: qui ibi, ueluti expleto mediæ nauigationis cursu, à remigijs labore libentiissime conquiescunt, quum nullibi liberalius, aut merarius caupones præternauigantibus propinent. Inde se litus ad Occasum recuruat, sinūque efficit, in quo positum est Minacium, Francisco Caluo poeta nobile, & maximè clarum, marmoribus priscis quæ Minicij, Flaminis T. Vespasiani titulos ostendit.

dunt; memoria nostra honestissimis uiris, atq; diuitijs florebat; nunc factionibus, & bellorum incommodis diu quassatum, exusta magna tectorum parte, penè funditus interiit. Minacianis finitimi sūt Caneriones qui uallem incolunt ad Lugani lacum pertinente. Id genus hominū ingenio factioso, sagaci, & maximè cruento, perpetuas, dirasq; in ea uicinia contentiones exercet. Sequitur Nobialius uicus, atq; inde abru ptae cautes, quæ Saxa raucida uocantur: per eas incisa est uia militaris, quæ in Germaniam dicit, & Regia uocatur. Illac, ad sagittæ iactū, nemo sanus eques transit, quum fallēte uestigio in subiectum à p̄realta rupe lacum, horribili despectu uertente oculos, facile prouoluantur. Inde Caieta accliui et aprico sinu gaudet, patrum memoria consto Creticis uitibus, his etiam nunc dignitatem originis prædulci sapore tueribus. A Caieta statim illæ rupes, sed iam nemorosæ nec iumentis omnino difficiles, in Larium excent timido quodam procursu, donec Aquæseriæ profluentis impetu frangantur ita Saxa raucida desinunt. Supra Seriæ uallem, eiusdem nominis, & paulo editius posita uisitetur Breia. Inde recto litore Calaguritani ordinis cucullatorum cœnobium aditum, cum Deiparæ Virginis insigni templo, in uestibulo populetum habens, quod fluctibus alluitur, hortosq; citreis & medicis arboribus longè lætissimos. Ibi uetusq; ingenitus arcis radices uidere est, quibus opportunè superedificatum esse templum animaduertimus. Duobus inde stadijs, æquissimo, per amenoq; litore, Rhæticum

nicum abest, oppidum uiris ac ædificijs frequens, et copijs multarum rerum abundans: nam montes, qui supra sunt egregiè percoluntur ab indigenis hominibus maximè laboriosis, et faciendæ fabrilis operæ longinquas regiones magno quæstu petentibus. Com mendatur et id oppidum Turrianæ familiæ antiquæ stirpe, è qua nomen ducit Paulus contribulis noster à lectissimarum literarum elegantia medicus insignis. Oritur statim à Rhætionico eiusdem nominis promontorium, turrita arce conspicuum, atq; inde litora sinuoso tractu ad Mussum oppidum reflectuntur. In medio sinu duo tēpla, quæ inter se paucis stadijs distant, fastigiatis eleganter sacris turribus conspicua, Vito, et Martino diuis dicata. Porrò Mussum, ab sæ uæ infestæq; arcis memoria cunctis fere Larij accolis execrabile, portum habet quadratis silicibus exstructum. Adsurgit uero supra ascēsu multis gyris, et flexibus uerrucosa rupes, in qua sita erat summa arx et specula totius lacus, trinis per gradus castellorum munitionumq; coronis circundata. Eam paucis ante annis extruxerat Triuultius, bello clarus, et demum Iacobus Medices Insuber, per occasionem bellorum custodiæ impositus, occuparat. Hunc demum graue bello domitum inde expulit Franciscus Sfortia, adiutus Heluetiorum, Rhætorumq; auxilijs, qui eas arces finitimis funestas, cum ingenti ruina tantorum operum radicitus euerterunt. In Musiani promontorij latere maiores nostri cādidi marmoris fodinas inuenere, quo templū maximum Comi magnificè con-

structum, exornatumq; unius seculi labore, conspicimus. Ea uero rupes, uti diximus, in ostestationem tot castellorum exorrecta, alterum sinum aperit, Musio aduersum intervallo, per cōuexa montis nulle paſsum. In hoc Aduncū oppidum cubat, & ipsum multis uicis exiguis per latera montium sparsis, opulentum. Rursus ab Adunco, quod ab effigie litoris non accepisse uidetur, æqua planities, uinetis cōſita, proſcissaq; aratis, terrenam linguam sensim efferit, abſconditq; Grabadonam, quæ secundum Bellanum, de quo mox in dextro litore dicemus, toto Lario summa obtinet claritatem. In prominentia ſunt geminae ſacrae ædes conſpicuis turribus, & paulo altius à litore Augustiniani ordinis cueullatorum cum extimo templo coenobiū. Inde ipsa ſinuatis ripis Grabadona in longum producitur. Ibi nuper Curtonum familia domesti ci apparatus lauitia, honestiſimis apibus, & clarorum uirorum hospitijs florens, interſtinariabie per mutuas cædes ſe ipsam ad non dubium interitum conſecit. Sequitur in proximo Domasium, Grabadonæ par, ſi utriusq; agri dotes aſtimemus. Inde rursus planum, & arborosum litus paululum prominent, occultato Geræ uico, ad quem paucis inde ſtadijs Suricū ſuccedit, quod ultimum conſummati curſus portum nauigij grauioribus præbet. E regione Surici Volturrena uallis petitur, breuiſimo traiectu, ſed maximè uadofo, propter Abdue ſupra irrumptis impetum. Suis enim uorticibus, nihil propè commisſus, ſed diſcolor Larianis aquis, arenae cumulos trahit.

hit. Propter ea auorum nostrorum memoria Pi-
cinius, clarissimus Imperator, quum acie dimica-
turus cum Venetis copijs, exercitum traijcere prope
raret, tardantibus nauigijs, subitarij operis sublicitis
pontem incredibili celeritate constituit, atq; inde mox
proiectus, insigni parta uictoria, hostes cecidit. Ea-
rum sublicarum exesi stipites adhuc apparent apud
Oloniam turrem, quam nuper Rhæti diruerunt. Non
longè ab Olonia Volturrenam urbem antiquitus
fuisse constat, que ualli nomen dederit: uisuntur
que hodie uestigia dirutæ urbis ad Burgum franco-
nem, unde fossa nauigabilis ad Delebium usque per-
ducitur; sed ea per æstatem tabanis, & culicibus in-
famis stagnante ibi Lario, & inclementem reddente
aerem. Existimant id fuisse opus Francilionis, qui
Mauricij Cæsar is auspicijs, cum Longobardis ad Co-
mum, & in Comacina insula, Volturrenaque ualle
bellum gessit. Ab Olonia turre ad Liuionem excel-
sum montem, recta margine desinens Larius palu-
des relinquit, quæ Volturrenae uallis frontem ape-
riunt. Ea in dextram inter Aquilonem, & Ori-
tem solem, ut diximus, ad Aduam montem, Burnium
que oppidum extenditur. A proximo autem Larij li-
tore octo millibus passuum distat Morbonium, ab in-
temperie earum paludum nomen accipiens. Id ma-
gnitudine, & diuitijs urbi persimile, nundinis, & fre-
quenti mercatu celebratur. Medio fermè itinere mö-
tibus adiacet Delebium, ut diximus, Venetoru clade
& tēplo, quod in ipsa uictoria dux uouerat, insigne.

Cæterum de Volturrena alijs sit peculiare negotium: nos ad Larium conuertimur. Abdua tota ualle demis sus, nequaquam recta per campos in Larium discrus habet; sed ad laeuam in saxa Coderiae montis distortus imuchitur, deuoratisq; radicibus tandem ingentiū cautiū obice refractus in Larium pellitur, adeò irato, & contumaci cursu, ueluti indignatus, ut permisceri nolit, & inter uitreas & liquidissimas undas spumosus, & turbidus deferatur. Ab eius ostio excurrit Larius ab Boream, alio ueluti alueo per octo millia passuum inter altissimos montes usq; ad eum uicum, qui è re nomen habet, Summolacum. Ibi dextrorsus excipitur Mera fluuius, qui Clauennam oppidū præterlabens, octo millium spacio per uallem cursum intendit. Hæc per interiora Alpium iter habet ad Curiam Rhætiarum. Porrò à laeu, redeuntibus Suricum non longè ab ostio Meræ amnis, Metiola uicus, & Nouatum, materiæ copia, & disectorijs machinis notum. Coderiae enim montis iuga, quibus Volturrena, & Clauennatium ualles dirimuntur, & larice, et proceris abietibus sunt referta. In aspermis autem saxis caprearum, & ibicum greges uisuntur, & eius generis sylvestris caper, cui Stambuco nomen est: is colore, & magnitudine, uel procerum asinum æquat, oblonga & falcata in humeros cornua demittens, quibus, admirabili naturæ subsidio, morte se eripit, qui à uenatoribus in extremam rupium oram compellitur, cōtractis siquidem pedibus, insertaq; pectori ceracie, in orbem se conuoluit, atq; ita cornuum abside protectus

protectus terga nobili decreto, præceps rotæ modo
illæsus aer derupta prouoluitur. Huius generis esse
putauerim capreas, quas in tetricæ Sabinæ iugis Ro-
tas appellari M. Varro prodidit. Cæterum à Nouato
Rhæti dudum per latera cautium, ultra Abduæ ostiū
præcisis, excauatisq; cautibus uiam duxerunt, ut in-
de pedibus Voltarrenam intrent. A dextro uero late-
re, petentibus Suricum, Dacium ignobilem pagum ui-
demus. Igitur descripturis aduersam è Surico regio-
nem, interiacente Lario Lineonis montis cacumina
spectatur. Is altissimus omnium perhibetur, à quo fe-
runt reliquorum montium seriem perpetua ueluti ca-
tena usq; in Dalmatiam extendi. Sub Lineone sunt u-
beres campi, à capite lacus nomen sumentes, accipi-
trum aucupijs (nam coturnicibus abundant) ad oble-
ctationem aptissimi. Cæterum tria omnino promon-
toria ab his campis in Larium efferuntur, quæ toti-
dem piscoſos ſinus efficiunt. In his pifcatores uimineas
caueas per autumnum in profunda uada demittunt;
et quum hyeme in his pifces stabulentur, ad prima
ueris signa omni pifciū genere plenissimas funibus
educunt. In primo castellum cum turre conficitur,
et introrsus ſinu in medio ſitum est Colecum uicus.
Secundum uero promontorium ædificijs caret. At ter-
tium cæteris amplius, ac amoënius humani pedis ſimi
lititudinem repreſentat, ueluti per extremam tibiæ
partem litoribus adiuncti, ita ut talo Comum, planta
Aduncanum litus, digitis uero superiora duo promo-
toria respiciat, tata litoris enormitate, ut à digitis ad

tibiæ iuncturam oblongo, & angusto sinu lacus ir-
rumpat, penè effecta insula in Euripum abiturus, si
præcisa ceruice paucorum passuum Isthmus æquare
tur. In eius promontorij digitis cœnobium, quod Plo
nam uocant, ædificijs agrisq; opulentum uisitatur, cum
uiridarijs perpetuo muro præcinctis, & peculiari ad
eas delicias extructa mole, quæ portum efficeret: sed
ea per contemptum Christianæ religionis, auarijssimè
neglecta, direpta penitus obolescunt. Ab hoc uero
Plonæ promontorio regna tua panduntur, in que
peruenimus. Incipiunt enim ab Isthmo statim Do-
rensum uineta Musiano promontorio aduersa sicut
ti Plonæ cœnobio è regione Grabadona conspicitur.
Inde stadijs fermè duodecim saxo adiacet Corenum
cum arce, unius Sigismundi Medici iucundis ædibus
clarum: nam ex perenni, & largissimo fonte, qui in
hortis multo cum murmure muscosa è caute profluit,
hilariter potat, & è fenestris, hamis, & arundine pi-
scatur; ita ut eam uillam non ineptis coniecuris esse
arbitrer, è qua ille apud Plinium fœdiissimi morbi ul-
cere consumptus, uitæ tædio in Larium se proiecit,
sequente uiri casum admirabili charitate uxore for-
tissima. A Coreno sensim litora cuneantur, & in cam-
pos abeunt: in his situm est Delphium, fertili planicie
oppidum, in proximo monte arcem uetus tam ostendens.
Inde Varro desfluit amnis, qui campos interse-
cat. Aperiunt sese montes paulò supra arcem, atq; in
de est iter in Introciā uallem. Sequitur Bellanum ad
parua pernobilis urbis effigiem, omnibus eruditæ ar-
tis ornamenti, & naturæ dotibus admodum illu-

stre, quod ueluti in ditione tua Metropolis, portum
habet è quadrato lapide classium capacem, insigné-
que prætorium iuri dicundo, atque item augusta fa-
cie templum, que Actius Vicecomes, & Ioannes pa-
truus Mediolanensis archiepiscopus, pari magnifi-
centia, & religione condiderunt. Adiacet Bellano
Cultonius ager, generoso uino percelebre: quem de-
missus à præalta ualle, ubi arx est, Pluuierna fluuius
inundat. In tergo sunt nemorosi montes cum opulen-
ta Saxina ualle, è qua Turrianos Insubrū Principes,
oriundos fuisse constat; qui postea à Viccomitibus
pulsi, imperio deciderunt. Bellanenses hyeme pluri-
mum algent: sed eorum frigora propinquitate sylua-
rum facile luculentis ignibus superantur. In eo op-
pido cæteris præcellunt, quum salubri admodum
cælo æstates uerna temperie latissimas traducant
Hieronymus, & Dantes Stupanij, fratres, à multo
splendore urbanae uitæ elegantissimi senes: famam-
que oppido ingenij dotibus assert Nicolaus Boldo-
nius, in gymnasio Ticinensi medicinam docens; quo
comite, monstratoreq; tertrachiae tuæ oram descri-
psimus. A Bellano Varenam potentibus, in medio fe-
rè cursu, promontorium Murca: ad id Cultonius
ager finitur. Inde Saxis in circulum sese flectentibus
imposita occurrit Varena: cuius oppidi uinetis ni-
hil generosius, nihil hortis à citreorum, & medico-
rum pomorum amoenitate beatius. In aprico enim,
& erecto litore odoratæ syluae perpetuo uirent, ita
aptè exceptis in orbē solibus, ut Varenatibus Bella-

nensium, alterna sorte, autumnus prælongus, & suò tempore suavis, contusa duritie hyemis, cum uerna temperie coniungatur. In ea saxa coloniam Varenam ducere coacti sunt Insulani, Comensium proditione infames; qui ex sacra secum tulerunt, quum illi eius tractus, Ambrosianos ritus non sequantur. Aedi fiauere noua in sede bimas arces, alteram in humero dextro ad Larium, alteram in edito montis iugo, imminentem ædificijs, & speculam toto à lacu præbentem. Ibi enim maxima Larij latitudo, trifarium se in diuersa proscindentis, ad Pythagoræ literæ similitudinem, ut mox in descriptione Bilacij referemus. Negat se ortum ab Insulanis, quum genus suum altius deducat, Ioannes Maria Scotus, iurisconsultus inter Varenates facile princeps. Porro in Meridiem molli flexu, circumacta Varenæ saxa peramoenum sinum aperiunt: in quo sacratarum uirginum templum, & mox Lacteus amnis, qui statim temporibus oritur, & deficit. Effundunt medij montes ingenti occulto speciu, per tubū magnæ fenestræ persimilem, spumosum, & propterea aspectu lacteum amnem adulto uere. Si fitur uero totus paulo ante brumam, adeò exhaustus, ut credi par est, interraneis cauernis, ut sine humoris uestigio, arduus ille in accliui alueus penitus inarescat. Cupiuere nonnulli periculosa curiositate, cum funalibus per fauces intrare antrum, ut eius profluens admirabilem ortum, atq; obitum deprehenderent: sed in tenebris ad multum spatium progressis reuerberatus in ora spiritus cum sibilo faces extinxit. Fe-

runt

runt autem pastores, in illa nascentium alpium congerie, ingenti amphitheatro parem, inter montes de pressam, & concavam planitiem reperiri, in quam uernis solibus liquatae niues ueluti subiecto craterē excipiantur, poroso quidem fundo, & sensim conceptas aquas in profundos specus instillante, expleteq; obiter occultas quasdam mensuras, unde postea redū dantibus labris expansus, & præcipiti momento temporis decidens effundatur. Lactei amnis aquæ natura est, ut euecti pisces in ea demersi durante rigore in triduum seruentur, uiui autem, uel dudum capti, contracta lymphæ, celeriter expirent. Propterea ad litus infra molas frumentarias, quas suo impetu decidens conuoluit, ædificata sunt morientium uiuaria, ut inde pisces iumentis ad fora Insubrum exclusa tabe defē rantur. A Lacteo, sub perpetuis uinetis, Veternianū exile promontorium, & post id, paucorum stadiorum interuallo, aliud eiusdem nominis multo minus, nauigantibus occurrunt. Tum uero prominet Lier na: & peninsulam in Lariū extendit, in qua uestigia muniti olim castelli, & priuata itē ædicia uidemus. Hic ager culturæ nequaquam ingratus, aspectu & fertilitate singularis uidetur. In eo enim tractu, quum hinc Larius, atq; inde subducti montes certatim rece dant, planitiem oleæ, & uitibus pulcherrimam relin quunt. Inde sequitur Oleium olei ferax, nec lapicidi nis ignobile, è queis nigerrimus lapis exciditur, quo pilares columnas in templo maximo Comi maiores nostri ad fabrè fecerunt, quū nondum Mußiana mar

mora reperissent. Ab Oleio uico statim abrupta illa cautes ad Larium intumescit, ita ut conteget ex propinquuo Mandellum oppidum, positura, caelo, campis ubertate nulli postferendum. Despectat subiectum portum eximij operis quadrangula turris: quam tu integere, ornareq; instar prætorie domus cogitas: sed meo iudicio rectius, & luculentius feceris, si designatam in id opus pecuniam feliciore sumptu in alium locum facili instauratione transtuleris. A Mandello longè maximus eo tractu sinus oritur, ad Roboreum usque promontorium pertendens. Introrsus sunt diui Georgij templum, mox Teolum, atque inde Laurentiana ædes, Abbatiaq; uicus, & iuxta prominentiam cœnobium Seruiliani ordinis. Hinc ultima cuspis sex tantum stadijs ab aduerso litore distans, equa Sfortiani duces nuper, inito successu, catenam in aduersum litus protendere cogitarunt, ut hostilium clas sium excursiones impedirent. Reflectit se statim Roboreum, panditurq; lacus in suam latitudinem. At in intimo cubiti flexu diui Martini templum eminet, & in alto procul à litore Dorbinum oppidulum cum torrente, qui in duas partes Roboreum discindit: inde asperæ glabræq; cautes uiam militatem ad litus coarent, ita ut propugnaculo, & porta aditus præcludatur, qui dicitur Calodrius. Sequitur Cœsimia regio, uino subaustera iucunditate admodum clara: definit ea in præcisas Ludouici Sabellij cautes, miserabili interitu infames. Is Calendis Maij, quum in excellis montibus, festa hilaritate, frondosæ ad ornamenta domo-

domorum arbores de more à Leucensium iuuentute
succiderentur, fallente uestigio prolapsus in sinum
excelsissimæ cautis decidit, suspensusq; exili ramu-
sculo tam diu hæsit, donec, nunciato à præternaui-
gantibus casu, qui pendentem conspexerant, ad seren-
dam opem ab uniuerso oppido concurreretur: ue-
rūm infelix, quum nec demissos funes occupatis ma-
nibus deprehendere, nec ardentissimum solem diutius
ferre posset, quinque horarum cruciatu superatus,
inter sufficiunt parentum, amicorumq; lachry-
mas animum despondit, & corruit, frustra ante sub-
strato solo, quum penè prius, quam illideretur, ui i-
psa proscissi aeris exanimatus concidisset. Circum-
iecti eas rupes Leucum adimus, munitionis fama,
& fori celebritate frequentatum. A Clarentio, & Ca-
lendono annibus includitur. Cingitur muro, & pro-
pugnaculis, arceq; turrita ad portum opportuni fir-
matur: nā in proximo sūt Veneti imperij limites. Inde
Abdua è Lario auctiores undas trahens seipsum ra-
pit, peruenitq; ad incomparabilis structuræ pontem;
quem tribus inter se diuisis exemplili ponte castellis
& turribus, totidemq; custodum fidei commendatum
Vicecomites animi magnitudine priscis Romanis
comparandi, ab hinc ducentis annis ædificarunt.
Inde Abdua, pluribus anguillarum excipulis stran-
gulatus, insulam efficit ad Pescarenum uicum, rursus
que arctis fauibus erumpit, & in lacum contento
cursu diffunditur. A summo lacu, Meræq; ostio per
Varenam, & inde ad exitum, ad Abduam triginta

octo miliarium mensura colligitur. Contra Leucum montis Barri excelsa cacumina assurgunt. In dextro Barri humero, Michaeli templum constituit Desiderius Longobardorum Rex ultimus, sicuti & alij superiores Christiana pietate memorabiles, diuæ Mariæ fanum in iugo, quod hodie pro specula uisitatur, et cœnobium Cliuatense in proximo opulenta cum doce considerunt. In ea montis parte, quæ uertitur ad Occasum hybernum, Barræ uetusissimæ urbis uestigia spectantur, non longè à Galbiato pago: de Barræ interitu Plinius memorat. At, emisso iam Abdua, Larrius molliter assurgentis Barri ipsius radices fluctibus alluit, & ad Malgratum uicum paulatim latiore pelago se insinuat, sed mox excurrente promontorio castigatur: in eo castellum eminet. Sequitur autem in cauo flexu contra Malgratum per Isthmum nomine Parietes uicus, ueteris oppidi speciem præbens. Inde radices in fertiles campos æquatur, pertinentq; à Parietibus fauces per amoenæ ad Eupylim lacum, qui, uti alio loco ostendimus, subito tremore, quassata tellure, cæco aliquo telluris hiatu repente haustus, in minores aliquot lacus abicit, altioribus scilicet uadis subsidente aqua, quum eminentiores desereret. Ex his maximus est Pusianus tuæ ditionis, ab eo Cliuatensis & Annonius ferè coiuncti, demumq; Serius ipse, qui pisco ostio Lambrum emittit, omnes Percarū præ pinguium capture notabiles. Plebis Incini lacus, corrupto uocabulo, hodie dicuntur, quum ibi nobis ciuitas fuerit Licinorum, quam Plinio notam uidemus.

Ceterum

Cæterum Larius, ubi camporum margines lambēdo
præterijt, latera demum Regalis montis fluctibus
pulsat. Is est editissimus, contra Roboreum ad-
uersi litoris promontorium, ubi breuissimum tra-
iectum esse, superius ostendimus. Inde recto, nemoro-
soq; et nusquam uite consito litore Ouiū sub rupe e-
xesā, monosyllabo nomine uocatū, unde aperitur ual-
lis Aſſinæ regio, Lambri fontibus, et familijs ex uetu
ſtiffima Romanorū nobilitate insignis. In illa enim flo-
rent Curiones, Carbones, et Billieni, qui omnes im-
perio tuo latè parent. Id, intercedente lacu, apricam
Mandelliani agri frontem respicit. Sequitur Vassen-
na agro ſyluoso, et uinetis Ouio melior. In eius por-
tu quadrata facie scopuli pedamentum ingentis tur-
ris ad nobilitatis indicium ostentant. Inde Alimonta
Ambrosianorum cucullatorū ſeceffus, Liernæ oppo-
ſita. Moxq; Piscalium cum ſacratis uirginibus, atq; ē
modico ſinu erumpēs Bilacium promontorium; quo
nihil ſpectatius, iucūdius, ſalubriusq; reperitur. In iu-
go Pliniana fuit uilla; quam ille Tragœdiām, quod grā-
dibus ſcopulis, ueluti ſocculis, ſuſtineretur, appellare
ſolebat, quum inde duos lacus, ueluti duo maria, de-
ſpectaret. Condita demum fuit in eo cacumine arx no-
bilis ē lapide quadrato, quam, uti aſylum maleficorū
hominum, ante centum et quadraginta annos Ioan-
nes Galeacius Vicecomes, Philippi pater, ſalubri con-
ſilio diruit, decreto adiecto, ne in posterum instaura-
ri posſet. Propterea Marchesinus Stanga, quum Lu-
douici Sfortiae, ē ſummo gratiae loco, fortunis utere-

tur, non in summo, sed media montis regione, ad Meridiem uersa fronte Regiam uillam constituit; quam nefaria Cauernionum libidine incendio deformatam aliquot annis uidimus. Infra ad Occasum Bilacium oppidum undis alluitur, totius Larij præfectura, & nobilitate ædificiorum, molisq; per amplæ ante intestina bella clarissimum. Eo promontorio Larus defluens ab Olonia turre, ueluti ingenti rostro discinditur, exitq; in longè maximam æquoris planitatem, tribus in diuersa discursibus Pythagoræ literæ figuram repræsentans. Triquetro siquidem interuallo, & ferme æquali, Bilacium, Varena, Minaciū, sex millium passuum occupante pelago dirimuntur. Inde ad lœuam in aduerso Piscalij litore, Lopia uicus cum templo æmulatione religionis sacratarum uirginum domo insigni. Inde sancti Ioannis pagus, cucullatis diui Dominici uberrimas uindemias reddens. In ceruice quoq; Bilacij promontorij, quod penè præterieram, quū à litore distet, cœnobium Augustinianorum cucullatorum conspicitur, medicis arboribus, et cultissimis uinetis refertum, ita ut sacratæ uirgines Piscalianæ, Lopianæq; horum cœnobiorum seueritate atq; præsidio pudicitiam commodissimè tueantur. Inde sexdecim fermè stadijs Grosgallia Saxa crebris repulsi à Lauacio Larij fluctibus uerberantur: ea Saxa ingentes habent specus, in quos burburi pisces statim & hominis magnitudinem æquantes, estate se recipiunt, spectanturq; tantum, uitreo in fundo captates umbras, quum retia uelamentis impetu effringant, granicq;

grauiq; squamarum serie thoracati sagittas uitent. Se
quitur Lecenum, in quinque tenues diuisum pagos,
quos inter densissima uineta directo litore conspici-
mus. Aquosa inde uina, sanæ uappæ proxima, agris
expetuntur; quibus famam auctoritatemq; attulit
Ludouici Sfortiæ gustus probantibus medicis, qui æ-
stuosis uisceribus, calidisq; podagrís aptissima iudica-
bant. Nos autem Grianteo, aut Vareniano, cum mu-
sta feruent, ad medietatem Leceniana nobili tempe-
ramento permiscemus, quæ demum delicatas uires
spirant, et nitido cæsio colore salienti in poculis si-
tientibus arrident. Succedit Cauancolæ promonto-
rium Arcenniano sinu, quem diximus, ad interloquē
da litora auido procursu insertum. In eo templum est
cum uberrimo fonte, et quadrati lapidis parua mo-
le. Aedituus laternam cum lumine, præbētibus oleum
nautis, ad subsidia tēpestatū, paucis ante annis protē-
debat, ut corriuarent qui à Lanacteo pharo turbidis
noctibus descendebant. Hinc ille sinus maximè incur-
uus ad Turnium usq; promontorium per quadragin-
ta stadia distenditur. In quo præcipuam Nessium op-
pidū, in algida caute suspensum, ad æstiuas uoluptates
obtinet claritatem. Id præcipiti, frigidissimoq; amne
diuisum, lapideo ponte coniungitur. Ibi captare perē
nes auræ, et conspectu Larij, frondosorumq; mon-
tium placidè frui festiuæque item ad marmoream
mensam coenitare pingui co secessu gaudentibus li-
cet. Non procul à Nessio recurui montes cubitum o-
stant in quo fontem à fuga Seria niuicupatum,

multo murmure, strepētis aquæ nautis frequentatum
 incubentes supra castaneæ arbores connexis in-
 ter se ramis decenter à solibus defendunt : nec postea
 toto illo sinu ædifica ad litus uisuntur, præter exi-
 guas ad stationes nauium domos, quæ superioribus
 pagis certis tramitibus respondent. In conspectu e-
 nim sunt Carenum, Quartianum, Pomponiana, et
 cæteris fortunatius sita Palantia, eximiarum cepa-
 rum fertilitate pernobilis, atque item Lemna, Molin-
 aque. Supra hæc nequaquam ardui, et pabulosi
 montes in acutos apices attolluntur, per quos pasto-
 ribus sæpiissime agmina ceruorum occurunt. Hinc
 ad pauca stadia fons ille duorum Pliniorum præco-
 nio, et admirabili fluxus, et refluxus uarietate me-
 morabilis; quem descriptione attingere, non ine-
 ptum modò, sed nefas esse putauerim; ne, emulatione
 parum ingenua, aliquid rectè addere uideamur;
 quando illi, diuino florentes ingenio, cuncta, quæ ho-
 die nihil immutato naturæ miraculo contemplamur,
 incomparabili styli iucunditate nobis expresserint.
 Succedunt inde syluæ, uinetaque Turnensium, et su-
 pra ea in edito mons Platus, sacratarum uirginum
 templo et præalta specula longè spectabilis, et mox
 ipsum lunato litore Turni promontorium; in quo op-
 pidum per gradus ædificatum, noua instauratione
 reflorescit. Qum enim afflicti aduerso belli successu
 Galicum nomen contumacius, uel, uti uideri uolunt,
 constantius coluisse, incendio patriæ intempesti-
 ui studij sui poenas dederunt. Eandem quoque fortu-
 nam

nam tulit Parlasca, paucis ante annis oppidum insigne incolarum nobilitate, & excelsis domorum struētūris, quod modò singulari cum dolore luctuosæ clādis præterijmus. Inde sequitur Blenum, & ipsum uinetis suis, quoniam Orientem solem non uideant, apud languentes stomacho, dignitatis, & gratiæ famam inueniens, quum uina leuitate quadam innoxia à tenui innatoque uigore refractis, & dilutis p̄ferantur. A Blenio peruenimus ad uberrimæ scaturiginis fontem, quem ab aquarum copia iure optimo Magnum appellant. Inde sequitur Mirabella domus pendenti imposita scopulo, & mox duobus inde stadijs Genium promontorium, in quo uastæ amplitudinis ædes cum templo, & uiridarijs, Decurionum decreto pestilentia morbosis reseruantur. Inde statim flectentibus sese ad lœuam ripis: urbs ipsa Comum undique turrita conficitur. Nos uero ad suburbana Coloniolæ uertèdo proram, uineta, uillas, hortos legimus, & sexto die completo uniuersæ ad nauigatio nis cursu, qui per oram centum & uiginti millibus passuum conficitur, unde solueramus, intra portus fauces nauem intulimus. Tu uero, qui harum rerum p̄clarus es æstimator, qua fide scripserimus, facile uidebis. Nihil enim tributum est fabulis, ita ut hinc dissolutæ, uagæq; narrationis ueniam impetrare non desperem; quando etiam abs te iussa, efflagitatāque nō meo quidem, sed alieno potius stylo tractauerim. Nec tamen dispudet tantisper ab historiæ seueritate discessisse, ut studium nostrum uel hac una erga te

liberali comitate testaremur: nā qui tanto ore raptā
Helenā cecinisti, remissiore fortasse musa Larium de-
cantabis, uel uno Bembi exemplo, qui Benacum Gi-
berto Mæcenati nostro, iucundissimè descriptis. Ta-
bulam quoque huic ioculatorio labori nostro con-
iunximus, ad locorum mensuras exactissimè deli-
neatam; quæ fortasse erit ipsis Commentarijs, lenoci-
nante pictura iucundior. Sed hoc imperiti ui-
derint. Tu certè intelliges, mutas, & in-
anes fore tabularum figuræ, nisi
literarum lumen ac-
cesserit.

F I N I S.

PAVLI IOVII NO-
VOCOMENSIS MEDICI, ET,

*Episcopi Nucerini de Romanis Piscibus libel-
lus, ad Ludouicum Borbonium Car-
dinalem ampliss.*



V A D E S Reuerentissime ac
illusterrissime Domine qui etiā
iure optimo compellere potes
vt ea literis tradam, quæ de Ro-
manis Piscibus eruditè atq; sub-
tiliter fuere disputata, quum te & Ioáneum Lo-
tharingum præclarissimi ingenij Cardinalem
Clemens Pontifex familiari conuiuio, veluti
animū remissurus, hilariter excepisset. Res est
cognitu, tra c̄statuq; difficilis, cùm propter insi-
nitam ferè naturæ piscium varietatē, quæ me
& plerosq; alios adinodū curiosos hactenus
irrito labore fatigauit, tum propter incredibi-
lem scriptorū discrepantiā, qui ex multiplici
linguarū varietate perpetuas huiusmodi stu-
dijs tenebras offuderūt. Quibus de causis ne-
cessē est, vt animus rei difficultate permotus,
totū hoc munus, quod maiorib. doctrinę, exa-
ctiorisq; neruis esset extēdendū, haud medio
criter reformidet. Sed ea est dignitas, amplitu-
doq; tua, & morū suauitas cū singulari optima
rū literarū cupiditate cōiūcta, vt honoris mei
vel gloriolz, si qua ingenuis studijs parta est,

iacturam planè facere, quām honestissimo de
syderio tuo penitus deesse malim. Verūm tu
postea iudicaueris, an ego qui rem tam diffici
li s argumenti & maiorem omnino ingenij fa
cultatem postulantis suscepi, impudentiæ cul
pa vacauerim, quum eius nominis veniam iā
deprecer, vt officiosus & perhumanus appa
reā. Proinde hunc libellum ab acrioribus cen
foribus minus seuerē iudicari velim, quando
eum festiuia quadam hilaritate ueluti ludibun
dus, dum multi per hæc Saturnalia, aleæ cæte
risque voluptatibus vacarent, antiquis meis
earum rerum obseruationibus memoria repe
titis, excogitauerim, & aliqua ex parte perfe
cerim. Eritque hic male feriati homins inge
nuus labor, fortasse præludium iusti, absolu
tiique operis, si qui literis ac industria pollent,
proposita oculis, & à me quasi per trāsenam
commonstrata, accuratius contemplari, ac v
berioribus interpretationibus illustrare vo
luerint. Ego certè hoc munere, & tibi in
primis, & illis gratum fecisse videbor, animús
que etiam meus tanquam amœniore diuerti
culo recreatus ad institutas absoluendæ hi
storiæ lucubrationes & firmior & alacrior re
uertetur. Exhibit enim in publicum prope
diem huiusmodi laboriosissimi operis pri
ma decas non sine aliqua spe immortalitatis,
& tum quidem multo auctior & ornatior, si
eam tibi & Francisco Regituo, quem libera
libus studijs delectari audiuimus, aliquan
do

do placuisse cognouero. Vale. ex Vaticano.
III. Calendas Aprilis. M, D. XXIII.

PISCIVM, Q VI IN HOC OPERE
continentur, singula Capita.

De Piscibus in genere	Cap. I.
De Capidolio	Cap. II.
De Boue bellua & Canicula	Cap. III.
De Sturione	Cap. IIII.
De Vimbrina	Cap. V.
De Tynno	Cap. VI.
De Lèchia	Cap. VII.
De Coruo	Cap. VIII.
De Spigula siue Lupo	Cap. IX.
De Cephalo	Cap. X.
De Aurata	Cap. XI.
De Dentice	Cap. XII.
De Fragolino	Cap. XIII.
De Salpa	Cap. XIII.
De Sargo	Cap. XV.
De Capone	Cap. XVI.
De Laccia	Cap. XVII.
De Trigla	Cap. XVIII.
De Sauro, Tracuro & Scombro	Cap. XIX.
De Asello & Merula	Cap. XX.
De Boca	Cap. XXI.
De Gobijs	Cap. XXII.
De Scorpena	Cap. XXIII.
De Perca & Melanuro	Cap. XXIII.
De Rombo & Passere	Cap. XXV.
De Solea	Cap. XXVI.

De Citula siue sancti Petri pisce.	Ca. XXVII.
De Torpedine	Cap. XXVIII.
De Raia & alijs	Cap. XXIX.
De Con gro	Cap. XXX.
De Murena	Cap. XXXI.
De Acu	Cap. XXXII.
De Anguilla	Cap. XXXIII.
De Lampetra	Cap. XXXIII.
De Trocta	Cap. XXXV.
De Tinca	Cap. XXXVI.
De Lucio	Cap. XXXVII.
De Rayna siue Burbaro	Cap. XXXVIII.
De Polypo, Sepia & Lolinae	Cap. XXXIX.
De Locusta	Cap. XXXX.

PAVLI IOVII LI-
BELL I DE PISCIB V S R O
manis. Cap. I.

SINGULORVM piscium nomina,
naturāq; indagare, sicuti infiniti propè
laboris est, & doctrinæ haud mediocris
ita præsentis non erit instituti, quū Græ
ci authores qui naturæ rerum abdita diligentissime
perscrutati sunt, suaq; nomina singulis rebus indide-
runt, de toto aquatiliū generē uarijs uoluminibus a-
bundè cōscripserint. Neq; ipsum Plinium ciuē incum-
penitus imitabor, qui ut Græcorū inuēta Romanis li-
teris exprimeret, tota natura ubiq; mirificè repræsen-
tata, non modò conclusi maris, ac fluminum pisces, ne-
rum etiam ipsas belluas toto Oceano fugientes perse-
cutus est. Itaq; nostrorum litorum finibus non absce-
dam, atq; ij tantūm pisces, è quibus Romæ generosa
parantur obsonia, è Thyrreno mari, fluuijs, ac lacu-
bus Italie citabuntur. Neq; mirum curiosis esse debue-
rit, si quæ ueteres prodidere, nostræ tempestatis pifica-
tioni, omni ex parte minime cōsenserint. Nam, & si
eadem semper animantium species perpetuo naturæ
ordine terra mariq; fuisse, nequaquam sit dubitandum
multa tamen uarijs de cauſis uariata, atq; immutata
uidentur. Insani siquidem Principes quibus opes lu-
dibrio erant, sicuti hominum, ita & piscium colonias
aliquando deduxere, ut luxuria in promptu ha-
beret, quæ paulò ante fruſtra concupisset, & nouos

inde incolas ipsa litora miraremur.

Scarum enim illum prænobilem in Græcia pescem
quem Ennius poeta, ob excellentiam Iouis cerebrū
uocitabat. Optatus Tyberij Cæsar is libertus, ut ante
eum Lucullus, cerasum Campanis litoribus importa-
uit, cuius sobolem uel penitus interiisse, uel, ut credi
par est, longo patrij maris desiderio abductum, in
Græciam remeasse putamus. Ac ipse quoq; ille Re-
gum mensis usurpatus, & conuersa in caput squam-
marum serie insignis, eadem ratione, quod fortasse
fuerit inquilinus, hac ætate proculdubio euauit. Pe-
regrinantur enim sua sponte pisces, sæpiusq; natali-
bus locis demigrant, tædioq; litorum, uel ab innata
lasciuia, ad querendas nouas sedes per immensa pela-
gi spatiæ deferuntur. Nouos etiam pisces retibus ex-
ceptos pescatores admirati sunt, quos de extremis ma-
ris receſſibus, imisq; profundi gurgitibus prouenire,
uel per Gaditanas fauces iu noſtrum à uastissimo O-
ceano irrumpere credendum est, ſicuti etiam certis
annorum curriculis inuiciti generis aues è diuera
terrarum regione in Italiam aduolasse traduntur. Mu-
ta quoq; pectoriæ artis instrumenta defecere, quum
eius præcepta, aut per manus tradi, aut literarum me-
moriæ, intercidentibus ueterum libris, demandari ne
quiuerint: & contra nouæ fraudes, alieq; insidiae à
recentioribus ſint excogitatæ, quæ res non mediocrē
ad dinoscendos pisces difficultatem attuliffe uidetur,
ita ut existimare liceat quosdam pisces, uno argumē-
to quod nusquam appareant, uitare retia, atq; astu
noſtrorum.

DE PISCIBVS ROM. SI

rentiq; excelleret, Romanis culinis protinus inferretur, eosq; tum maximè sapidos pisces aestimarèt, quos & maximo pescantium labore, & summis sumptibus quæsiuissent. Sed hoc certè parum fuerit, Ionij incolas perforatis inclusos caueis captiuos trahere, adnitenti busq; remis ac uelis longinqua uerrere maria, ut Magne Græciae obsonia non recentia modò, uerum adhuc spirantia Romani lurcones absumerent: quum in quibusdam Cæsaribus ea quoq; prurientis gulæ pertulantia fuerit, ut in maritimis regionibus pisces fastidirent, quos postea in montanis, locisq; mediterraneis quum essent, ueluti sorde scente uenatione per dispositos equos, & quidem multa timentium seruorum diligentia adduci curarent. Adiuuentæ quoq; fuere pescinæ, quas ad mare insano quidem sumptu extruebant, ut sœuentium aliquando uentorum rabies & hac quoq; hominū industria ui nceretur, nec castigari luxuria posset, etiam si Aeolus atq; Neptunus, cæteraq; ponti numina, infensa ac infesta epulantibus esse uoluissent. Itaq; nullo anni tempore, nullisq; in locis, etiam à mari procul remotis, egregij Romanis mensis pisces desuere. Siquidem studium eius rei, curramq; illam, imueterati gentis mores excoluerant: quando nulla uel frigidulo (ut poeticè dicam) digna equite coena censeretur, quæ marinis dapibus caruisset. Nos uero contra, nisi lege coacti pescibus uescimur, quum certis diebus uolucrem aut quadrupedem esitasse, piaculum sit, ita ut, si animi religione soluerentur, nunquam prosectoris pisces ipsos, sed capum,

pum, perdicem, ganeones pro Mulis, auratis, ac Lupis sectaturos appareat, atq; hos tantum fortasse, quum gula quotidianis expleta ferculis, noua sibi ad inuitandam famā diuerticula quæsuerit. Tantumq; abest, ut pisces cupidius affectemus, ut quadragenis illis Verni ieuniij diebus, neq; De orum metu, neque infamia permoti, aliquando ad uorandas carnes, detestanda cupiditate rapiamur. Quibus de causis effetum est, ut neglecta piscatione, vetera piscium nomina penitus exoleuerint. A nostris enim Vere tantum ipso, enixe, certatimq; pescantibus omnis generis pisces minimè capiuntur. Etenim pisces pro uarietate temporum, modò uagantur, modò latibula quærunt, in quibus se condant, neque illorum captura est nisi certis ferè temporibus.

Clupeæ ad prima statim Veris signa, quum ciconiæ aduentant, subire Tyberim solent, inclinâte Vere nusquam apparent. In Lario etiam lacu Pigus piscis ille clavis caligaribus insignis, ut Plinius refert, non alias unquam à me, hoc etiam curiosè querente, conspici potuit, quam Vergiliarum ortu, quibus maximè diebus Turdi gregatim ab alpibus in uineta deuolare consueuerunt. Sed id præsertim in caufsa est, cur sepius fallamur & difficillimè uera ea uocabula deprehendamus, quod alijs atque alijs nominibus diuersi litorum tractus (ut Plinianis uerbis utar) eosdem pisces appellant. Nec mirum, quum rem Romanam, ita uolentibus Fatis, Barbaræ nationes

affixerint, ipsaq; Europa externarum gentium repleta colonijs, iam pridem ueras literas, & antiquam dignitatem amiserit.

De Capidolio Cap. II.

Maximus inter pisces qui hæc litora attingat, Capidolius ab Romanis appellatur. Vnum ex his, paucis ante annis, uasta corporis magnitudine oculis ac dentibus truculentum, irata maria ingentibus propulsu[m] fluctibus humilia in uada detruserūt non longè à Grauiscis in ora Tuscorum. Inhaesit multa reciprocantis pelagi iactatione fatigatus arenæ, quam pondere suo impetuq; sulcauerat. Neq; inde sua oppressus mole circumagerē sese p[re]a inertia, aut euadere potuit, quū maria modò tantis inflata fluctibus, subsecuta trāquillitate, frustra eluctantē frequētibus prægrandis caudæ flexibus, fugamq; in altum multo gemitu molientem, quieto, uadosoq; in litore destituisserent. Ergo perpetuis ueluti circumuallatus aggeribus, crebro multoq; reflatu indignabundus & expirans circūfusis populis prædæ atq; spectaculo fuit, membratimq; securibus cæsus, & subditus prælis in lucernarum usus liquorem præbuit. Tanta erat belluæ uastitas, tantaq; eius dorsi altitudo, ut facile utrinque pariter equitatibus mutuum aspectum eriperet. Fuere miraculo ingentia ossa in templorum uestibulis suspensa, & in his præsertim oculorum receptacula, quæ orbem prægrandis dolij æquabant. Sed ea res mox in prodigium uersa est, sicuti tristi admodum euentu

uentu statim apparuit. Quum enim æstui soles fœda putrescentis belluæ uiscera feruoribus excitata sanie corrupissent (quanquam aggesta materia tēterrīm̄ odoris fastidio cremaretur) breui tamen adeò foetido noxiōq; uapore regionem suapte natura pestilentem infecit, ut ea inauditi spectaculi uoluptas multis incolarum funeribus eo autumno constiterit.

Non multis quoq; ante annis alia eiusdem generis bellua non longè ab Arni fluminis ostio, sequente austri flatibus tempestate, uadis illis est, quam morbo ac senio multa q; agitatione confectam similis accolatū concursus dissecuit, extractisq; ad spectaculum costis, spinaeq; spondylis, continuo concremauit, ne graui eo halitu adfectus insalubrior redderetur. Capidolum à Plinio Orcam uocatum esse crediderim, quam spectante populo Romano Claudiuſ Cæſar Ostiensi in portu, longo plagarum ordine conclusam, ueluti maximo in circo, uel ipsa naumachia, Prætoriana classe inuestus, circumfusoq; milite, expugnauit atq; confecit, nec minore quidem spectaculi gloria, quam antea serpentem ad Bagradam Attilius Regulus ad motis castris, et directis catapultis atq; balistis oppresserit. Orcæ cum Balenis continenter bella gerunt, et toto Oceano cruentissimis inter se prælijs dimicant, utræq; Gaditanum fretum aliquando ingrediuntur.

Est et in Oceano cetarij generis Rota, quam uidit Lusitana classis, dum extremum Aethiopie promontorium superaret: geminas dorso rotas gestare vide-

batur, ad earum similitudinem quæ frumentarias mo-
las impellente uento editioribus in locis circumducunt.
Extimuere tantæ belluæ congressum periti nautæ
qui modò ignoti maris immensos fluctus, certaq; pe-
ricula contempserant, satisq; uisum conuersis uelis
fugam capere, quām expectare belluam, terribili fra-
gore uasta, spumosaq; maria proscindentem, et su-
perbo fremitu ueluti conspectis hostibus prælium ci-
entem. Neq; eam terruere excussa nauibus tormenta
quorum boatibus ea maria resonabant, fugientesq;
proculdubio immanis bellua uastis mæandris adna-
tando fuisset consecuta, uentis ac uelis celeritate cedē-
tibus, nisi mirabunda substitisset, quippe quæ perpe-
tuam intententibus fugam satis gloria in festatione
uictoriā expressisse uideretur.

Conspicitur & Physiter piscis extra colūnas Her-
culeas, Flator ab Latinis appellatus, qui frequenti re-
flatu p̄æaltas undas euomere solet, ita ut procul na-
uigatorū uela ob spumantis aquæ cādorem appareat.
Ea belluæ superiore biennio quibusdam Cæsarianis
è Britannia in Hispaniam traiacentibus magnum ter-
rōrem incussere, quum Gallorum nauigia ea uelo-
rum specie è longinquo repræsentassent, qui tum ar-
dente bello, ea maria infestis clibibus obsidebant. Sed
iam Oceano suas belluas relinquamus, quum scru-
la mensarum potius, quām naturæ maris tam multa
miracula simus narraturi.

De

De Boue bellua & Canicula
Cap. III.

SED antequam ad eos pisces, qui conuiuijs infestruntur, proposito ordine ueniamus, Bos ille ingentis latiq; corporis, natantium hominum deuorator, minime erit prætereundus. Is admirabili calliditate in mari nostro grassatur, portusq; exulta ædificijs litora sæpius frequentat, inde occultus et quasi torpens simulata segnitia natantes adoritur. Benedictus Saulus Cardinalis sæpius referre solebat, se ad modum adolescentem cum alijs eius ætatis sodalibus natandi studio, non longè à portu in mare altius pro uectum, in huiusmodi belluam incidisse, quæ sedato ac maxime tranquillo in mari quieta et immobilis distinctè atq; perspicue uisebatur, cuius aspectu adeò expauerit, ut timore præpediente ab solita natādi peritia penè destitutus, ægrè se receperit: Aethiopem uero qui peregregius erat urinator, quiq; ipsis adolescentibus corpora eorum ac animos maris periculis paulatim insuefaciendo, natandi artē tradebat, subsidēti in insidijs belluae obuium celeri natatu prodijisse, siue ut pauentium mentes, eius monstri incursu consternatas, despecto periculo confirmaret, uel ut ipse ad referendū miraculum belluae effigiem propius intueretur: sed belluā præde intentā illū temere adnatantē immanni exceptū hiatu constictim deuorasse, neq; alia infeliciter pereūtis Aethiopis edita signa preter spumā cruentam, agitato in mari ebullientem, ita uel

prius multipli et peracuta dentium serie confixus,
quam deuoratus esse crederetur. Oppianus homiadā
bouem elegantissimè descripsit, cuius sententia à Lip
po pulcherrimis uersibus Latinè tralata est, quum cæ
teri authores de hoc nullam ferè mentionem fecissent.

Est et infesta natantibus ipsa Canicula, quæ morti
feris potius dentibus mordicus homines dilacerat,
quam deuoret, quum capite tantum sœua, castigatum
habeat uentrem, et in prælongam ac tenuem exeat
caudam, cuius astus, naturamq; multo simul metu,
multaq; audacia memorabilem, si referre conarer,
insulfissimè facerem, quum Plinius incōparabili ele
gantia breuitateq; uti miri eius ingenij mos fuit, suo
loco eam expresserit.

De Sturione Cap. IIII.

EX omnibus piscibus, qui lauitoribus apponun
tur mēsis, nullus est toto mari uel annibus ipso
Sturione procerior atq; sapidior. Siquidem ubiq; ter
rarum et maximum pretium et summam dignitatē
hac ætate semper obtinuit. Maria hunc gignunt, sed
eum flumina maximè nobilitant, pinguiscit enim dul
cium aquarum haustu, subagrestemq; illum saporem
exuit, qui præalto in mari cōcipitur. Magnos amnes
perquam libenter subit, propterea in Nilo, Tanai, et
Danubio, Padóque fluminibus maximè reperitur.

Caput eius rostratum est, et ad effigiem quadra
te pyramidis protensum. Os illi est sine maxillis, sine
dentibus

dentibus, diuersum penitus ab reliquorum pisciū forma, idq; sub mento in ipsa propè iuguli parte ad similiitudinem fistulæ harundineæ rotundum, semperq; patens, & chartilagineum & summè candidum, cuius hiatum in procerioribus hasta brachij crassitudine haud facile impleret. Ceterū totum caput dura potius & callosa chartilagine, quam certis ossibus cōstat, quod ex lento quodam & præpingui mucore cōcretum esse uidetur. Naribus autem omnino, quæ illi pertenues sunt supra rostrū, refrigeratur, quū branchijs omnino latis careat, & si quā hauriēdo recipit aquam, illam eodem prono ore statim regerit. Toto autem dorso crassiores quædam squamæ ossca duritie, certo numero ordineq; distinctæ, intercurrente spinæ acie ad elegantiam eminent, uti in magnificenteribus ualuis hodie uidemus, quas ferrei atq; inaurati clavi certa seria confixi decentissimè figurāt, ceteræ corporis partes cuticulari & scabro admodum operimento potius quam perpetuis squamis integuntur, idq; ad subuiridis atriq; coloris speciem.

Quo nomine autem ab antiquis Sturio fuerit appellatus, haud facile diuinauerim, quando grauissimi nostræ tempestatis scriptores uarijs sententijs inter se dissentiant, quæ quidem magno etiam interuallo à ueritate discrepant. Et has quidem sententias uanis in nixas coniecturis aliquanto facilius erit confutare, quam uerum certumq; nomen celebratissimi pisces in medium afferre. Satis tamē fuerit, curiosos de alienis erroribus admonuisse, ut aliud ipsi accommodatius

ac melius inuestigent, si nos fortasse minus proprium nomen inuenisse uidebimur. Raphael Volaterranus, qui laboriosissimum cunctis de rebus uolumen condidit, arbitratus est eum hodie Sturionē esse, qui apud Græcos Labrax, apud Latinos uero Lupus fuerit, cuius opinionem plerique Romane Academie proceres & ante alios Thomas Phaedrus & Portius Camillus omnibus conuiuijs probauerunt, his maximè adducti argumentis, quod Lupus Tyberinus longè omnium piscium apud Romanos esset laudatissimus, & is maximè qui cloacas Urbis intraret, atque inter duos pontes caperetur, qua una modò conditione Sturiones omnium iudicio summam saporis commendationem accipient, sicuti eos Horatius & Iuuenalis, itemque M. Varro & Plinius & Macrobius celebrant: referre etiam ad prisci nomiuis coniecturam, Sturiones hodie à nostris pescatoribus Lupos appellari, solereque eos capto eo pisce, quem retia trahunt, clariore uoce præ latitia, Lupi nomen ingeminare. Quæ coniecturæ multis rationibus mihi admodum fruolæ uidentur, quum id genus argumēti apud Dialecticos fallaciissimum sit: Lupi Tyberini sunt delicatissimi, sed Sturiones Tyberini sunt delicatissimi, igitur Sturiones sunt Lupi. In hoc enim non comparatur totum Luporum genus cum alijs piscibus, sed eorū qui in Typeri capiuntur, ab his, qui in alto degant mari, differentia exprimitur. Ridiculum enim esset etiam apud mediocriter intelligentes Parasitos Lacrimam, Spigolam, atque Lampetram in Typeri pariter captos,

captos, qui mox Latinè nominabuntur, uno prælato Sturione in secundis dignitatis gradibus collocare, quum Sturio non semper sit gratissimus, ut pote qui in medijs tantum solstitij feruoribus laudetur. Pogius doctioris Pogij filius in senectute non modò eruditus, sed usque ad iracundiam in conditura ferculorum morosus, & uehemens Parasitus, quum Sturionem apud antiquos Lupum fuisse & ipse crederet in pontificijs, quas maximè sectabatur, cænis, dicere solebat, ueteres insulsum habuisse palatum, quod tandem topere Lupum celebrassent: eum enim carnes habere cum præduras, tum multa glutinosioris succi exuberantia insuuaeis, quæ prius appetentes satient & expleant, quam delectent. Propterea non domini, sed familiæ potius mensis apponendum esse censebat uno tantum excepto capite, cuius elixi & leucophago conditi latebras & recessus omnes ipse furcula simul ac digitis audiissimè scrutabatur. Sed ne in repellendis eorum argumentis nimium immoremur, dicamus Lupum aliud esse piscem à Sturione, Spigolam uulgari nomine nuncupatum, quo probato, Sturionem illis sine nomine relinquemus. Spigola hodie apud Romanos est, qui in Venetia Varollus, Lupacius in Liguria, in Hetruria Arancus, & Lupus in Hispania uocatur. Romanus inter Tyberinos captus pontes, omnium consensu palmam obtinet: constat enim piscatorum testimonio, qui pluris illum quam in alto captum mari, laitorum obsonatoribus uendunt. Is admodum uorax subire

cloacas solet, & mediæ cryptas intrare Suburræ, ut
ait Iauenalis. Circa sterquilinia et eiecticias sordes mo-
ratur, obvia quæq; deuorat, nec piscibus ullis, uel cor-
ruptissimis escis parcit. Paucis ante mensibus quum
in fôro piscario ingens spigola exenteraretur, oblon-
gus serpens in uentre repertus est. Quibus de causis
in Tyberi mirū in modum pinguescit & adolefecit: nec
abnuerim etiam Sturiones subire amnem, & pinguo-
ribus aquis gaudere, eosq; tanto sapidiores esse quan-
to magis à maris litoribus recesserint. Sed haec ratio-
ne lupus & Sturio idem esse minimè probatur, quum
utraq; differentia ambobus a quæ conueniat: subire e-
nim amnem Tyberinum, & ea passione gaudere atq;
pinguescere, proprium potius spigolæ, quam Sturio
nisi esse uidetur, quoniam non comparamus Sturionem
in alto captum, cum eo quem in urbe expiscamur,
quum nūquam ferè Sturio uel certè rarissimè in præ-
alto mari capiatur, ut piscatorum testimonij clarè de-
prehendimus: at contra spigola & ex alto mari &
ex amne Tyberi quotidie hamis uel retibus extraha-
tur, ita ut Horatium id innuisse clarè admodum e-
xistimemus, quum dicit:

Vnde datum sentis, lupus hic Tyberinus an alto
Captus biet, pontésne inter iactatus, an amnis
Hostia sub Tusci? laudas insane trilibrem
Mulum, in singula quem minuas pulmēta necesse est,
Ducit te species uidco, quid pertinet ergo
Proceros odiſſe lupos? quia scilicet illis
Maiorem natura modum dedit, his breue pondus.

Ieiunus

ieiunus stomachus raro uulgaria temnit.

Patet igitur lupos capi et in alto, et inter pontes,
quod euidentissimum in spigolis hodie contingit.

Facit etiam ad coniecturam non contemnendam,
illud, Captus hiet. Quis enim unquam Sturionem ui-
dit hiantem? Qum os sub rostro habeat, et immobi-
le et angustum, quodq; nullo uel uertebræ uel ducti-
lis mandibulæ beneficio dilatari potest, in spigola au-
tem sit repandum et latum, uti semper in ipsis uide-
mus, soleantque ad elegantiam obsonatores malo
arancio lassatas illas hiantis oris maxillas adim-
plere.

Neq; illud obſtiterit quod dicere solebat Amterni
nus pertinax Grammaticus, qui perpetuas cum sylla-
bis lites exercuit, Horatium scilicet dixisse proceros
odisse lupos, ut significaret paruos maiorib. esse præ
stantiores, quod ad amuſim Sturionibus ipsis con-
gruere uideatur, quando lurcones et diligentissimi
quiq; ganeonum paruos Sturiones, quos Porcelletas
appellant, repudiatis maioribus consecutentur. Pluri-
mum enim à poetæ sensibus bonus ille Grammaticus
aberrabat: Nam Horatius proceros lupos cū seipſis
minoribus non comparauit, sed cum mulis trilibri-
bus, sicuti paulò post apertissime declarat, dicens ma-
iorem à natura modum lupis esse datum, qui mulis
parum crescentibus fit denegatus: uerū is tū egre-
giè, et magno quidem cum ioco, quum superbè con-
tenderet, à nobis coarguebatur: interrogatibus enim
quem nam antiquitus piscem fuisse spigolam putaret

quam adeo libenter ipse edere soleret, si Lupus Sturio diceretur, respondebat illam esse Squillam, ridendo quidem errore, ut in proprio capite de Squilla, quum de Iuuenalis uersibus agetur, diffusè narrabimus. Sed id me plurimum mouet, quod Spigola hodie in Hispania Lupus appelleatur, quæ una terrarum Latinæ linguam magna ex parte incorruptam conseruauit, ipsiq; Ligures proximum Latino eius piscis nomen pronuncient. Ceterum ad tollendam huius quæstionis ambiguitatem Aristotelis sententiam adducemus: Ait enim Lupum esse squamigerum, & quaternis pinnis innatare: quæ differentiæ ipsum Sturionem excludere uidentur, quum non squamis, sed cute potius aspera contegatur, nec quaternis pinnis ad natandi usum instruatur. Præterea Galenus in tertio de Alimentis: Lupum ait, subtiliorem generare sanguinem, & propterea cum perdicis carnibus quadam similitudine conuenire, quod nemo sanus medicus Sturioni attribuere audebit, quum crassum potius humorem adgeneret, & ualde lentum, quod uiscosum dicunt, ipsisq; aptius adultæ uitulæ carnibus, quam perdicum leuisimis pulpis æquiparetur. Cornelius quoque Celsus ad corroborandam Galeni autoritatem, Lupum & Mulum inter pisces leuioris esse alimenti apertissimè dicit, quod & nostra quoque experientia cotidie comprobatur. Porro ipse diuus Ambrosius in Hexahemero, teneritudinem in Lupo mirificè laudat, sicuti Plinius in eodem

mollis.

molliciem extollit, quum nec Sturionis præteneræ sint carnes, & Luporum longè tenerrimæ consensu omnium habeantur. Putauere etiam Plinium quum Lupos à candore lanarum Lanatos dictos afferat, de Sturione intelligere uoluisse, quod Sturionum carnes plurimum albicare uideantur quasi Lupi, uel argentearum squamarum candore, uel summo illo lacerarum carnium albo, ceteros omneis pisces non superent. Illud quoque Martialis: Laneus Euganci Lupus excipit ora Timaui, eorum opinouem aper- tè redarguit, quoniam Timauus flumen in finibus Aquileiensium, cuius ostia celebrata à Vergilio, ho- die magna ex parte extenuata, oblimataque, Sturio- nes non habet, qui tamen Varollis & Troctis abun- dat. Quod si dicatur Martialem pro Timauo Me- doacum, qui hodie Patauimorum Brenta est, accipere uoluisse, eadem ratione respondemus, quum Brenta manifestè, aut nullos, aut certè paucissimos, & qui- dem minutulos Sturiones ferat, ita ut Martialis cele- bratus Sturionem insulæ admodum ad Timauum recurrisse uideatur, quum in propinquo Padum ha- beret, & sua magnitudine insignem, & multa Stu- rionum copia longè clarissimum.

Ad certiorem quoq; opinionis nostræ fidem perti- nere uidetur, id quod à pescatoribus non sine miracu- lo de Spigolis hodie recitatur, quos ut hamo hæserint statim discurrere magno nixu, dilatareq; uulnera referunt, ut hamorum insidie excarnificato sponte gutture excidant, atq; eo modo in libertatem se uen-

dicare, id quod distinctè Plinius ipse Aristotelem fecit
tus, commemorat.

Ex aduerso autem constat Sturiones solis retibus capi
nūquam uero hamis, præsertim si cubito maiores fue
rint, eosq; piscatores referunt magno impetu plaga
rum sæpe maculas dilatare & abrumpere consuei
se, proptereaq; accidere, ut hamis nō capiantur, quo
niam Sturiones lambendo, sugendoq; potius, quam
uorando, inepto ad escam corripiendam ore, sine
controversia alantur. Cæterum id me plurimum ad
monet, ut lupum Sturionem esse non posse certissime
credam, quoniam & lupi omnium fermè scriptorum
testimonio & spigolæ hodie, hamorum lineas dætibus
serratis abrodere soleant, quod Sturiones ipsos, quū
dentibus manifestè careant, efficere posse nemo sanus
affirmauerit. Extat quoq; apud Columellam dictum
illud Philippi admodum luxuriosum, qui apud hospi
tem Cassino in oppido lupum sibi in cœna appositū
gustabundus expuit, addens, Peream, inquit, nisi pi
scem putaui, quasi uellet innuere, solos Tyberinos lu
pos piscis nomine dignos esse, cæteros autē lupos in
ter quisquilias potius quam inter pisces esse reponen
dos: ex quo ego planè coniicio, illū lupū Sturionē es
se minimè potuisse, quando eius tractus amnes qui
sunt in Cassinate agro & in Arpinatiū finibus, Sturio
nes nō ferāt. Quisnā aut̄ fuerit ille lupus M. Philippi
palato ingratus, docebimus, quum de tractis agetur.

Secunda opinio de nomine Sturionis Franciscum
Philelphum principem habuit, in qua etiam nunc
quosdam

quosdam è nostris Transpadanis exoletæ admodum eruditionis, esse uideo. Is ut erat inter imperitos audax, utpote qui rudi illa tempestate Græcarum literarum notitia clarus atq; insignis euaserat, Sturionem Latinè esse Attilum, pluribus per totam Italiam epistolis super ea re scriptis diuulgauit, indoctos appellans non sine uerborum contumelia, qui secus ac ipse crederet, de uero eius uocabuli sentire uoluissent. Sed tam abest, ut uerum nomen inuenierit, ut ipse dum alios inscitiæ bonarum literarum arguere contendit, in alium aliquanto grauiorem errorem pueriliter sit lapsus. Scribit enim Sturionem nullo modo Lupum esse, quoniam Lupus sine controuersia, is hodie sit pisces, qui ab omnibus Lucius appellatur, quoniam Lycos Græcae, Lupus sit, qui postmodum immutata litera in Lucium, de prauantibus Latinis abierit. Exprimitq; Philelphus effigiem illius Lucij oblongi pisces, extenti capit is & oris maximè denticulati, qui furuas per transuersum fascias habet, dorsum item atrum, & uentrem admodum candidum, quiq; amnibus ac lacubus totius Italiæ maximè sit familiaris, quasi properus senex nō animaduerterit Lupū quadrupedem lycum, pisces uero Labraca à suis Græcis appellari. Sed per Deos immortales, quæ nam insania fuerit, Lupos tantopere ab omnibus authoribus commendatos, dicere eosdem esse, qui uulgo Lucij uocantur, quum Lucij plebeia potius inter obsonia censantur, quam Romæ nobilium usurpentur mensis, ita ut nunquam, nisi in summa marinorum penuria

sicut aliquando accedit pescatione tempestatibus sublata, in mensam ueniant, et id tumetiam ad honestandum potius patinam, ut dicunt, quam ad coniuas edulio conciliandos. Dicebat Pogius Lucio, etiam ex Cimino lacu, et ei quidem prepingui nullam unquam inesse gratiam, nisi cum solus in maxima coniuarum inedia prandijs apponenteretur. Miror quoque tantae lectionis hominem apud Ausonium ea carmina minimè lectitasse, quibus Lucius ignobilis piscis alias à Lupo, apud Belgas et Britanos frequens nominatur, ut proprio capite de Lucio mox dicemus. Neque mirum esse debet, si Lucius apud antiquos parum celebratus esse uideatur, quum paucos preter unum Ausonium, authores curiosius etiam lector sit inuenturus, qui de lacuum et fluuiorum piscibus fecerint mentionem: quando Lupum inter marinos pisces, qui tamen flumina subeant, ab omnibus adnumerari, Lucium uero nunquam intrare maria, uno totius Europæ consensu manifestissime constet. Ceterum Philephus Sturionem antiquitus fuisse Attilum assertebat, unius Plinius authoritati innexus, qui in nono Naturalis histriorie, quum de Thynnorum magnitudine loqueretur, dicit: Sunt et in quibusdam amnibus haud minores, Silurus in Nilo, Eos in Rheno, Attilus in Padu inertia pinguescens, ad mille aliquando libras catenato captus hamo, nec nisi boum iugis extractus. Quibus ad ductus uerbis, Attilum non posse esse alium à Sturione putauit, quum Sturiones illos praegrandes, qui in Padu caperentur, piscium eius amnis longè ma-

gē maximos arbitraretur, quod manifestē falsissimū est. Nam Attilus is est, qui à Ferrariensibus Adelus seruato antiquiore uocabulo nuncupatur, piscis inquam ipso Sturione amplior, & effigie, sapore, pretio, & tota ferè natura ab eo dissimilis, atq; adeò diversus, ut in prouerbium Ferrariæ uenerit, quum das inter se res maximè distantes significare uolūt, eas sic differre, ut Sturionem ab Attilo dicant, uti nuper nobis etiam confirmauit Ferrariensium legatio, ab Alfonso Atestino ad Clementem Pontificem missa, cuius erant principes Casellius celeber iure consultus, & Antonius Costabilius grandæuus senex, usu rerum & uitæ splendore insignis. Tertia opinio Sturionem apud Plinium Torsionem fuisse affirmat, cuius præcipuum authorem Theodorum Gazam extitisse complures arbitrantur. Eam paucis ante annis acerrimè defendebat Longolius Gallus singularis doctrinæ iuuenis, & qui proculdubio summum Latinæ eloquentiæ fastigium fuisse adeptus, nisi mors immatura eum in medio optimorum studiorum cursu sustulisset. Adducebatur ea maximè ratione, quod Plinium uidebat Sturionis formam atque naturam in capite de Torsionibus expressissime, quum dicit: Delphinorum similitudinem habent, qui uocantur Torsiones, distant & tristitia quidem aspectus: ab est enim illa lasciuia, maximè tamen rostris canicularum maleficentia assimilati. Horum enim uerborū testimonio, Sturiones idem qui Torsiones esse uidebātur, atq; ea præsertim cōiectura, quod

quum minorem quam in Delphinis uideamus, cum aspectu ipso, tum natatu lasciviam pra se ferant, etiam fistulam habeant, uti in Delphinis conspicitur, quamquam diuerso modo a natura sit indita. Nam Delphini per suam expirant & refrigerantur fistulam: ea autem pro ore Sturiones utuntur, quum, uti supra diximus, & per nares & paruas branchias aerem pro uitalibus refrigerandis attrahant: nouitiumque hoc Sturionis nomen, antiquo Torsionis uocabulo primum alludere, ipse Longolius arbitraretur. Quibus adductus argumeutis Theodorus Gaza, ut erat in transferendis Græcorum sensibus, Plinianorum uerborum obseruator atque imitator diligenterissimus, apud Aristotelem in octauo de historia Animalium Phocænam, Torsionem uerterit, ueluti ab ipso Plinio uocabulum mutuatus. Cæterum si bona cum uenia bonis mortuis licet refragari, nos decebimus Theodorum Torsionem pro Sturione nequaquam accepisse uel si acceperit, plurimum errauisse: Plinium quoque per Torsionem ipsum, quem nunc querimus, Sturionem significare minime uoluuisse: Siquidem Gaza quum Aristotelem Latinè interpretaretur dicentem in octauo de historijs Animalium: In poto fera nulla est, praeter Delphinum & Phocænam, pro Phocena Torsionem dixit, quæ Phocenam sciebat ab Aristotele inter uiuiparos pisces esse connumeratū, quum Aristoteles alios piscium esse ouiparos, alios autem uiuiparos, id est que catulos parerent, dixisset. Nemo autem adeò imperitus est ut nesciat Sturiones esse ouiparos, ut ex cotidiano usu deprehendat.

deprehenditur, et ex salsamentis Cauarijs, quæ ex ouis Sturionum sine controuersia conficiuntur. Neq; enim credendum est, tantæ eruditionis ac diligentie hominem, uti fuit Theodorus, adeò pueriliter fuisse hallucinatum, præsertimq; cum hūc ipsum locum alter à Plinio fuisse cōuersum animaduerteret, qui pro Phocæna non Torsionem, sed Vitulum marinum substituerit, ut diligenter Hermolaus in Castigationibus annotauit.

Præterea apud Aristotelem Phocæna Sturio esse non potest, quum in sexto de natura Animalium, ubi eius effigiem exprimit, clarissimè dicat, Phocænas omnino carere branchijs, sed branchiarum loco fistulam habere, quod Sturionibus minimè accidit, quoniam præter fistulam oris, uti diximus, branchias manifestè habent, quamquam paruas & angustas, si illas tantæ molis pisci comparemus, ita ut Sturio nullo modo Phocæna esse possit. Subiungit quoq; Aristoteles Phocænam nasci in Ponto, quod de Sturione minimè dixisset, quando Sturiones omnibus ferè in maribus facilè reperiātur, magnamq; eorum copiam insigne fluuij alant, siue in mare nostrum, siue in ipsum Oceānum euoluantur. Quòd uero Plinius Torsionem Sturionem esse putauerit, minimè crediderim uel hoc uno arguento, quòd Sturionis & magnitudine et frequentia, et ipse deniq; pretio admodum celebrati pisces, ab ipso Plinio nullam præterquam hoc uno in loco, mentionem factam esse uideamus, quum uel minimos & in edulijs etiam prædamnatos pisces, nō mo-

dò in nono peculiari Aquatilium libro, sed in alijs obiter locis sæpius nominet atq; depingat. Vnde putandum est Plinij Torsiones, sicuti Aristoteles asserebat, in Ponto Euxino potissimum uersari, nec temere per alia maria, extra Helleponiti, Thracijue Bosphori angustias euagari. Porro Plinius, si uerba Aristotelis consideremus, pro Phocæna Torsionem intellexisse uidetur, qui Torsio eodem teste, maleficus est, quoniam Canicularum rostris assimiletur: & ipsa quoque Phocæna ab Aristotele ueluti maximè malefica feræ nomine nuncupatur. Sed Sturio quomodo maleficus esse posse, non uideo, quum dentibus omnino caret sic fortasse à natura formatus, quoniam piscibus non alatur: Ridiculum enim esse dicere, Sturionem in pisces grassari per ipsam tantum lasciuiam: Nam magni pisces alios persequuntur, ut interemptis ueluti proprio pabulo uescantur. Sed ut hanc inueratam de Torsione opinionem penitus conuellamus, paulò post alium à Torsione & quidem sæpius ab ipso Plinio celebratum piscem Sturionem esse monstrabimus. Quarta opinio Hermolai Barbari fuit, uiri nobilissimorum studiorum gloria insignis, qui rogatus sententiam in tanta eruditorum dissensione, per epistolam Paulo Cortesio respondit: Sturionem antiquitus Hyccam fuisse ex testimonio Athenæi hac coniectura adductus, quod Hycca porcum significet, Sturionem autem porcelletam, quum præsertim sit parvus, appellari à nostris magna eius nominis conformitate. Nihil enim melius hactenus inuenierat

Hermolaus,

Hermolaus, utpote qui ingeniosus & prudens inempias iam de Lupo, Attilo, ac Torsione opinones repudiatur. Potuit eum mouere Ambrosius, qui in Dominica passione dicit, Gutto siue Gulo Porcellum amat, ut comedat, quasi per Porcellum Ambrosius Hyccam expresserit: & in Hexahemero ait, Iudeos marinis Porcis uesci, quibus terrestribus non uescantur. Sed haec coniectura frigida admodum uidetur, quin alius sit in mari Porcus piscis, diuersus à Sturione, hodieque plures obesi pisces, & qui præpingue abdomen habent Porci à pescatoribus appellentur, sicuti Thynnum à Strabone & à Polybio, Porcum appellatum esse uidemus. Cæterum ipse Hermolaus in Corollario quod Dioscoridis interpretationibus appendit, Iulidas ait uocatos esse Porcos, qui tamen longè diuersissimi sint à Sturionibus: Syagrim quoque piscem appellari potuisse à nomine suis. Athenæus quoq; qui Hyccam authoritate Callimachi, sacrum ueluti ob saporis excellentiam appellari dicit, mentionem de alio pisce intulit, quem Hyn, id est, suem uel aprum nūcuparint. Alij etiam Græcorum Porcum marinum Psammatida uel Psammitin cognominatum putant, ut clarè appareat Hermolaum, Hyccam Sturionem esse, pro constanti in ea epistola affirmare minimè debuisse, præserium quum in Castigationibus Plinianis, & in ipso Corollario, de nomine Sturionis plurimum ambigere uideatur. Quem modò Tomum Thurianum posse esse dicat à Thurijs oppido Italæ in Brutiorum ora, ut ipse opinatur

dictum, alludente uocabuli similitudine, præsertim quum Athenæus asserat Tomum Thurianum in Italia delicatissimum esse obsonium, modò eum putet esse Galeotè uel Xiphiam Strabonis autoritate, nondò eum dictum fuisse affirmet Scyllam & Lamiam et Carchariam, ad extremum uero tot nominum diversitate perplexus fateatur, uel Sturionem antiquitus his appellationibus uocitatum esse, uel sic dictum à Thuriano Tomo delicatissimo obsonio, quod tanto per re à Græcis celebretur. Sed illud me præfertim mouet, quod nemo authorum, quos legerim, præter unū Athenæum de Hycca pariter & Tomo Thuriano fecerit mentionem, quando Sturio celebratissimus pisces, ut sæpius dixi, certo claroq; nomine fuerit appellandus. Verum hæc nostra inuenta, quæ ludendo ex cogitauimus, in bonam partem à lectoribus accipi uelim, atq; eo animi candore quo scripsimus à doctioribus perpendi. Non enim is sum, qui obtrectatione alienæ laudis eruditior uideri uelim, quum ulla in parte cum his, quos supra redargui, uel ingenio, uel eruditione minimè sim conferendus. Igitur in tanta eruditorum altercatione licebit & mihi propriam attulisse opinionem, ita tamen ut cum præfatione prius attestet, me tandem in ea sententia permansurum, donec aliud, quod magis arriserit, diligentiores inuenient. Dicamus igitur Sturionem ab antiquis Silurum fuisse appellationum, quem pro Glani Theodorus apud Aristotelem interpretatur. Sed de hoc, quum plures apud me certiores sint cōiecturæ, hoc uno tamen maxime

zimè argumento adducor, ut Sturionem opiner esse Silurum, quoniam mirum hercle uideatur, quòd hac ètate, quis nam piscium antiquitus Silurus fuerit, penitus ignoremus, qui adeò in mari ac fluuijs testimo- nio Aristotelis, Plinij, Aihenæi, & Ausonij sit celebra tus: ex aduerso autem de Sturionis antiquo nomine plurimum dubitemus, qui sit omnium ferè totius orbis fluuiorum incola longè notissimus. Neq; enim credendum est, ueteres adeò insulsi fuisse gustus, ut arbitremur eos Sturionem minimè cognouisse, aut Silurū ipsum ueluti aliquo naturæ defectu, tota eius generis extincta sobole, penitus euaniisse. Silurus, authore Plinio atq; Ausonio, fluuiatilis pariter ac marinus est & quidem prægrandis, sed præcipua magnitudine in Nilo & Gange, ueluti amnium maximis, cæterum carne prædulci, nullis ossibus uel spinis intersitis, rostro item, catidaq; Delphino simillimus, ita ut compellare eos libeat, qui propterea Torsionem Sturionem esse uolebant, quòd effigie ac rostro Delphinis assimilaretur. Id uero me etiam plurimum mouet, quòd in Nilo, Borysthene, atq; Danubio, uti Plinius de Siluris ait, etiam nunc frequentissimos Sturiones esse cognoscamus. Nam in omnibus Nili ostijs & superius propè Memphis Aegypti Sturionem expi- scantur. In Borysthene uero, qui hodie Neper est amnis, Phasiq; & in ipso Tanai apud Tanam emporiū tanta eorum est copia, ut cetariæ ibi institutæ sint officiæ, in quibus ea falsamenta ex Sturionum ouis saliti, quæ Cauaria dicimus, itemque ipsa schinalia ex

summo Sturionis spinali dorso, sale, fumoq; inueterata conficiantur. In Danubio autem adeò frequentes sunt et magni, ut ex eo minores etiam amnes subeant qui in ipsum influunt, sicuti Drauam, Sauum, et Tybiscum, et ut mirum non sit eos etiam Menim amnem subire, sicuti Plinius ait, propter Lisboum, in quo Siluri, ut in Danubio, innatantes equos deprimant. Menim autem cum Hermolao eum amnem esse putaue-
rim, qui alio nomine dicitur Oenus: is Sucuorum gen-
tem è Vindelicia ab Austris, qui Norici sunt, diuidit,
Danubioq; miscetur, ita ut ab Istro Istrionem piscem
hunc esse dictum putem, quo in amne sit insignis, ut
hodie uidemus et Athenaeo placet, qui Silurum Istra-
num siue Danubianum honoris atq; excellentiae caus-
sa ubiq; nominauit. Sed audiamus Ausonium de Silu-
ro in Mosella canentem, qui ignobiles etiam Tincas
minime preterijt:

Nunc pecus æquoreum celebrabere magne Silure
Quem uelut Actæo perductum tergora oliuo,
Anniculam Delphina reor, sic per freta magnum
Laberis, et longi uix corporis agmina soluis,
Aut breuibus defensa uadis, aut fluminis uluis,
Aut quum tranquillos moliris in amne meatus
Te uirides ripæ, te cœrula turba natantum,
Te liquidæ mirantur aquæ, diffunditur alueo
Aestus, et extremi procurrunt margine fluctus
Talis Atlantico quondam Balæna profundo.
Quid enim certius notari, exprimue potuit his uersi-
bus quam pro Sturione Silurus? Qui et magnus et flu-
uiatilis

uiatilis pariter ac marinus, et Delphino similis, ac i-
psō tergore uerum olei colorē referre uideatur. Con-
ueniunt profectò hæc omnia Sturioni, & quidem ad
amūsim, ita ut necesse sit eos qui id negauerint, & af-
ferre aliquem magnum piscem ex his fluminibus pro-
Siluro, qui sit à Sturione diuersus, & alium ostende-
re apud Ausonium, per quem Poeta Sturionē uolue-
rit demonstrare. Non enim credibile est, eum qui mi-
nimos quoq; fluuiatiles propria nomenclatura perse-
cutus est, ipsum Sturionē proculdubio uel sua magni-
tudine, uel dignitate annicularum Regē adeò somni-
culoſe præteriſſe. Illud quoq; opinioni nostræ aliqua
ex parte suffragatur, quod in Canariæ insulæ amni-
bus (ea ad Atlanticum uergit Oceanum) multi ac opti-
mi Sturiones piftatione capiantur, uti Hispani, Lusi-
taniq; referunt, qui dum nouas incogniti Orbis terras
inuicata ac admirabili nauigatione per immensum
Oceanum querunt, Fortunatis insulis aquationis gra-
tia quotidie applicant: Cuius Canariæ amnes ipſe
Plinius Siluris abundare commemorat. Neq; mirum
est, quum is piscis omnium magnorum amnium sit
familiaris, uti in Thamesi Britanniæ, alijsq; amnibus
qui in Oceanum erumpunt, manifestè conspicimus.
Hispania autem omnis Sturionem, Sulium appellat,
ita ut parum ea uox à Siluro qui item & Suliū dici-
tur, abesse uideatur: Quando, ut ante dictum est, una
terrarum Hispania ueterem Romanæ linguae sonum
atq; ipsa uocabula non sine rubore dediscentis Ita-
liae retinuerit. Quomodo autem Siluri in Sturiones

abierint, nuper docuit, et quidem, ut arbitror, feli-
cissimè inuenit Michael Sylvius apud Clementem Pô-
tificem Lusitaniae Regis legatus, qui uti est optimarū
literarum atq; omnis antiquitatis scientissimus, testa-
tur Sulios longè optimos, omnium confessione in A-
sturia reperiri, unde Asturiones dicti sint, ueluti ab re-
gione nobilissimos producente nouum cognomentū,
uetere repudiato nomine, retulisse uideantur. Diuus
quoq; Ambrosius opinioni huic nostræ astipulatur,
quum dicit: Silurus de aliorum pisculum uermibus ui-
uit. Sturiones namq; uti diximus, gradiusculos pisces
deuorare nequeunt, quum ore sub rostro à natura cō-
stituto, non facile nisi minutissimos corripiant, et pro-
pterea solis suctionibus nutriātur, ut etiam Albertus
Magnus asserit, apparetq; hodie in his euisceratis, in
quorum uentriculo, qui perangustus est, nunquā de-
uorati pisces reperiantur. Subdit tamen Ambrosius,
inutilis sēpe præda piscatium, ut uideatur in edulijs
Silurum minime commendare, sed ego, in syllabam
temere à librarijs additam putauerim, siquidem Silu-
rus apud Athenæum dicitur sapidissimus. Quū enim
Latum pescem Siculo in mari frequentem uellet lau-
dare à carnis candore suavitateq;, eum Danubiano
Siluro comparauit. Neq; illud Plinijs parum conueni-
re Sturioni autumauerim, quum dicit: Silurus car-
ne prædulci, nullis ossibus spinisue intersitis, quum
Sturionem habere ossa manifestè appareat. Existimo
enim Plinium intelligere uoluisse Silurum una tantū
perpetua, qua traiicitur, spina esse contentum, nul-
lasq;

tasq; subinde spinas (uti in alijs accidit) à spondylis oriri, quibus tota caro, corporisq; ambitus ueluti costis sepiatur, delicatæq; illæ pulpæ multo cùm fastidio tum periculo comedentium contineantur. Cæterum, uti ego arbitror, Sturiones non eo in pretio fuere antiquioribus, ut nostris tēporibus uidemus, siue quòd eius caro per se dura, et multo mucore pinguedinis repleta, celeriter sui desiderium primis mense congreßibus auferat, siue quòd per grauis ac molesta tenuioribus stomachis esse deprehendatur. Videtur et nonnullis Iuuenalem, uilem omnino piscem Silurum annotasse quum dixit: Vendere municipes fracta de merce Siluros: sed uēditorem potius uilem quam mercem ipsam, hoc est, Crispinum ab Aegypto, Iuuenalē innuisse crediderim, qui Siluros fractos, id est, membratim cæsos, uti hodie uidemus, aliquando in humiliore Fortuna uendarit. Quo in loco Iuuenalis, Georgius Merula oculatissimus Grammaticus, Siluros non esse multum absimiles à Sturionibus arbitratur, utpote qui iam animaduerterat illos qui Lupum, Attilumue, Torsionemq; et Hyccam, Sturionem dicarent, à ueritate plurimum errauisse. Quantum autem pertinet ad pisces naturam, dicimus eum tardè concoqui, et propterea ex eius excretionibus multam generari pituitam. Vitium eius carnis aliqua ex parte tolleretur, si in tabellas pollicis digitii crassitudine searetur, torrereturq; in craticula, et quidem ex præcepto Galeni, oleo, sale, acetoq; leni, atq; iterata aspergine inditis, sed qui palato potius quam stoma-

cho studere uidentur, elixum eum cum leucophago
passim comedunt. Is quū toto ferè capiatur anni cir-
cuitu, & estate tamen adulta lōgē probatissimus aestima-
tur. Siluri felle cū Attico melle permisso suffusos bou
oculos ueteres inungebant, ut Aetius affirmat, qui me
dicæ artis præcepta Græco sermone conscripsit. Sed
id potius ex eius humoris acredine, quam ab occultio-
re Siluri piscis proprietate prouenire putauerim,
quum etiam ex felle quadrupedum ac uolucrum, &
inter alias perdicum, & gris hominum oculis nota col-
lyria iniçere soleamus.

De Vmbrina Cap. V.

Secundum Siluros, Sciena è grādibus primam sa-
poris obtinet claritatem. Eam M. Varro & Co-
lumella Vmbram appellant, quam & Ennius quoq;
celebrauit, ut ex Apuleio deprehenditur dum ait: Me-
lanurum, Turdum, Merulamq;, Vmbramq; marinā.
Hæc tota latioribus squamis integitur, denticulata
est, & Aristotelis, Pliniijq; authoritate in capite lapi-
dem habere consuevit: agilis est & plurimum uorax.
Propterea Ausonius ait, Celer Vmbra natatu. Capitur
cum Siluris frequenter circa ostia fluuiorum & in
alto etiam, quod Siluris non contingit. Ipsa quoque
diebus Canicularib. pinguescit, pariq; ferè pretio cū
Siluris aestatis tēpore uenundatur: eam hodie Roma-
ni Vmbrinam uocant. Capita Vmbrarum, sicuti et Si-
lurorum Triumuiris rei Romanae conseruatoribus
dono dantur, qui pescatores inueterata quadā consue-
tudine

tudine eorum capitum tributi nomine uectigales fecerunt. Capiti enim summa ineſt gratia, authoritate etiam Archeſtrati, qui in parandis obſonijs, quod eo rum ingeniosiſſimus eſſet artifex, Dædalus à Græcis appellabatur. Is Vmbrini capitis nobilem quan- dam condituram, ut apud Athenæum uidere eſt, mul- tis carminibus expreſſit: propterea hodie etiam, quū pretio parari non poſſint, gulosi ea capita quam au- diſſimè conſectantur. Extat adhuc in ore quorundam facetorum ridenda fabula de T. Tamisio, qui Roma- nis aulicisq; ſalibus erat inſignis, ſed gulæ adeò pro- fitutæ, ut infamis haberetur. Is quum per ſeruum, qui in foro pifcario in eam curam intentus excubare solebat, ingentis Vmbræ caput Triumuiris delatum eſſe cognouiffet, in Capitolium protinus ascendit, ut simulato apud magistratum negotio, sermonēque de industria protracto, prandium captaret. Verū illud Triumuiri iam Riario Cardinali donandum de- creuerant: ita Tamisius quum limine curiae efferri in genti coronataque patina caput illud nobile conſpe- xiſſet, primo deceptus consilio, illud ſubſecutus eſt præmiſſo ſeruo, qui ueſtigijs deferentium ministro- rum inſiſteret. Nec multò poſt quum Riarianis edi- bus inſerretur, bene habet, ſalua res eſt, inquit Tam- sius, opiparè excipiēmur: erat enim in primis mensæ Riarianæ, quæ longè omnium ſemper lautiſſima fuit, familiaris. At Riarius, ut erat natura munificus, maxi- mū, inquit, hoc Triumuirale caput maximo debetur Cardinali, statimq; Federico Sæſeuérino proceritatis

admirandæ Cardinali transmittitur. Colligit extem-
plo togam Tamisius, Riarium intempestiuæ munificæ
tiæ incusans, in mulamq; resilit, & munus ad Sanseue-
rianam domum consequitur. Idem pari liberalitate
facit Federicus, caputq; ipsum splendidis exornatum
uerbis, aurataq; illatum patina Ghisio publicano di-
tißimo deferri iubet, quod ei multo ære alieno, graui
busq; usuris obstrictus erat. Volitat tertia iā spe aui-
dā frustratus gulā æstuans Tamisius, festinabundusq;
incalescētē iā die in Transtyberinos hortos quos ipse
Ghisius magnificentissimos extruebat, contēdit: ibi q;
fessus admodum & multo sudore madidus, quod gra-
uis sit abdominis, quarto à Fortuna decipitur: quip-
pe qui Ghisium caput illud recentibus floribus redimi-
tum adamato scorto, cui ab forma eruditisq; illece-
bris Imperiæ cognomen fuit, ut extemplo deferre-
tur, curantem reperit. Flectit itaq; indignabundus ha-
benas retro, nec tamē subiratus gulæ, que Herculeos
labores attulerat, & ad Imperiam iam multo sole Six-
timi pontis semitam exurente adequitat. Ad extremū
anhelantis gulæ ea uis atq; libido fuit, ut qui per to-
tam urbem fuerat raptatus, idem & togatus & se-
nex cum scorto admirante noui hominis aduentum,
nullo pudore discubuerit, sic ut mirari desinamus A-
pitium, qui, ut ait Athenæus, cum Linterni Astacos cā-
cros pescaretur, audissetq; longè maximos & nobi-
lißimos in litore Aphrico reperiri, eò propere sti-
mulante gula, insigni nauigio delatus est. Statimq;
prius quam in terram descenderet, occurrentibus ibi
piscatoribus

piscatoribus cum Astacis, quod famæ expectationiq; minimè respondissent, protinus conuersis uelis, nec salutata quidem Africa in Italiam ad grandiores Astacos sit reuersus. Cæterum eadem propè Vmbrinæ ac Siluro carnium conditio, utræq; enim, ut diximus, non mediocre imbecillioribus stomachis negotium fa cere consueuerunt.

De Thynno Cap. VI.

THynni multitudine sua omnibus litoribus sunt noti, gregatim uagantur, ob id in Euripis maxima eorum est captura. Irrumpunt Maio mense in mare nostrum ab Atlantico Oceano cogentibus Xyphijs, hoc est, Spathis piscibus, qui telo à rostris prominente instructi, eos toto mari persequuntur. Simplicissimi sunt pisciū, propterea uel manibus terribulamentis acti facile uadis atq; litoribus intruduntur: eo modo Gaditanus populus infinitam eorum multitudinem magno quæstu solenniqt; spectaculo rebus extrahit. Saturantur inde captorum recentibus pulpis circumfusæ gentes, reliqua illorum multitudo cetarijs infertur, saliturq; asseruati uero membratim cadis celebri mercimonio per omnem ferè Europam diffunduntur. Verum solo abdomen ualent, quæ pars à Romanis Tarentellum dicitur, quòd etiā Tarentino in sinu, ubi opima piscium omnium captura est, Thynni sale asseruentur: reliquæ corporis partes, utpote quæ pingui succo admodum careant, in ignobilis populi usum ueniunt, quæ Melandrya à Pli-

nio nuncupantur. Primus ab ipso statim ouo Thynnorum foetus Cordylla dicitur qui mox in Limarias euadit: ex Limarijs autem adolescentibus Pelamides fiunt, sic à luto dictæ, quas nunc etiam Palamias uocamus: quum uero Pelamides pedalem excessere magnitudinem, in Thynnos abeunt: porro ex Thynnis, ut Athenæo placet auctoritate Sostrati, quum in summum excreuerint, Orcyni infestū cæteris piscibus efficiuntur. Adeò enim Thynni augentur, ut Plinius testa monio, caudæ eorū latitudinis duorum cubitorū reperiantur, qui postea quindecim talētis pependerint. Sed huic opinioni aduersari uidetur Aristoteles, quū assueret Thynnos biennio uitam finire, idq; esse cōpertum uerisimili admodū ratione, quoniam certo anno cum piscatoribus Limariæ defecissent, Thynni etiam sequenti anno defecerunt, ueluti omnibus fermè captis Limarijs nullæ reliquæ superfuerint, quæ in Thynnos adolescere potuerint, ita ut credā Thynnos biennij ætate excedētes alijs nominibus appellari, ut Orcynus & Pompilus nauigiorū comes, quem de genere Thynnoriū esse Plinius arbitratur. Circa ortum Caniculae œstrū patiuntur, parua animata sub pinnis aculeū infigente, quod dolore incitati, nauigia plerūq; transuolant. Idē accedit Xiphij, quos modò nominauit. Capiuntur ijs circa Zephyriū quod extremū est Italiae promontoriū, Spartuentum à nautis hodie nūcum patum. Retulit Ioannes Marius Cataneus Nouariensis multarum literarum notitia insignis, qui Locrensi in litore

litore Xiphiorum pescationi intersuit, eos tanta esse
ingenij docilitate, ut Græcanicum sermonem, quo
ille Magnæ Greciæ tractus utitur, ab Italico distin-
guere uideatur, idq; admirandis argumētis deprehen-
di, quū Græcas uoces minimè reformident, ad Italica-
rū uero sonum repente diffugiant, quod complures
Brutij testati sunt. Ii in Oceano Indico, in tantā augen-
tur magnitudinem, ut ualidissimis rostris Lusitanarū
nauium latera ad sesquipalmum aliquando perfora-
rint. Xiphij bonitate & pretio Siluris fermè sunt
æquales, uerū hæc litora rarò adeūt, ueluti qui per
petuis maris æstibus, ut in fretu accedit Siculo, gaude-
re uideantur: propterea Xiphij forma, ut in alijs fiet
piscibus pictura non exprimetur, quod eum uidere
hactenus mihi non contigerit. Sed Thynnī pariter ac
Xiphij, quum œstrum patiuntur, ueluti noxijs dam-
nantur mensis. Cæterū Thynnī eximiae pingue-
scunt, adeò ut Porci iure ipso nuncupentur, cum etiā
ut Polybius tradit, in profundis litoribus, ut porci so-
lent, glandibus uescantur. Thynnī recēti pulpa iu-
cta uentre, ipsoq; pingui sumine, sicuti palato grati,
ita stomachis languidioribus, quibus nauſeā pariunt,
ualde inimici, circa uero dorsum & caudam contra-
ria ratione; quemadmodum ab nimia ariditate parū
delectant, ita superfluo nudati humore minus offici-
unt. Falconius Etruscus plebeius ganeo, sed eruditio-
ris gulæ quū in Hispania cetarijs præcesset, nouū ac sa-
pidissimū obsonij genus è Thynnorum uentre cōmen-
tus est, circumcisō abdomine umbilicos enucleando,

& sale, acetoq; & seniculo inclusos cadulis condien-
do, ita ut mox id cibarij genus pleriq; appeterent, ac
propter iucunditatem mirarentur, quem modò ut in-
utilem ex officinis euerrere consueissent. Sed in uni-
uersum saliti Thynni, sicuti uim alleuandi intermor-
tui gustus mirificam habent, ita multa bile aggenera-
ta, sanguinem incendere, iecinoraq; adurere consue-
uerunt. Recentes pulpæ rectissimè coquuntur in uino
Corsicano & oleo, pipere etiam cum cepis minuta-
tim cæsis supperaddito, quod genus condimenti Aze-
minum Ligures uocant. Pelamides autem multum
nutriunt & urinam cident, sed tardè coquuntur autho-
re Athenæo, qui tamē eas salitas stomachis cōserre te-
statur. At Thynnorū iecinoribus mira proprietas in-
esse traditur ad prohibēdam puerorum lanuginē, im-
probo quidem Mangonum inuento, qui quum mares
castrare dirum atq; crudele nimis ducerent, ipsa ta-
men uirilitatis initia retardare, ueluti proposita ple-
niore libidine, contendebant.

De Lechia Cap. VII.

EST & alijs generosus pisces magnitudine atq;
colore medius inter Thynnum & UMBRAM,
quem Rom. pariter & Ligures Lechiam appellant.
Eam aliqui Centrinam antiquitus fuisse arbitrantur,
quoniam pugnacissima sit, & atris solidioribusq; acis
leis, quamquam non omnino longis circa dorsum ar-
mata, ut Oppianus de Centrina expressit. At Le-
chia Corio integrum minimè squameo, sicuti in Thyn-
nis

nis uidemus, sed leui & splendido, quod argenteum est, & cœruleo colore perfusum, caudæ uero pinna crescentis Lunæ figuram efficit, concava illa rotunditate ad circini ductum effigiata. Eius etiam generis quæ latiorem habet uentrem, uulgo pescatores Lopidam & alium Lopida aliquanto minorem Stellam appellant. Ego Lechiam antiquitus fuisse Amiam putauerim, quam Plinius cum Thynnis exire Pontum asserit: nam tota specie maximè Thynnis cognata esse uidetur: & Oppianus audaces Amias appellat, quas comparat Thynnis, & inire prælia cum Delphinis dicit. Aristoteles quoq; Amias carniuoras esse, & serratos habere dentes, branchiasq; conctetas testatur, quæ branchiæ adeò patulæ mūhi minimè uidetur in Lechia, uti in alijs, ueluti Vmbris & Lupis & Coracinis conspicimus. Sed ut de hoc nihil certi proferam uerba Oppiani me mouent, qui dicit Amias hirudinum more, Delphinorum exugere sanguinem, quod Lechijs attribui iure non potest, quum & in tripedalem crescant magnitudinem, & per acutis dentibus, solidisq; aculeis sint instructæ, quibus armis non sugendo, sed pugnando per uulnera & cædem, de Delphino uictoriam consequantur. Verum hoc de minoribus fortasse Amijs dixisse Oppianum aliquis existimabit. Illud quoq; Aristotelis de Amijs parum Lechijs conuenire uidetur: Ait enim propterea Amias sic dictas, quod gregatim uagentur, Lechias autem solitarias sepius capi manifestum est, quod rarò accideret si turmatim uti Thynni, & pleriq; alijs pisces per

altum & litora deferrentur. Cæterum ut Amiam ho-
die Lechiā esse credamus, etiam id argumēto esse po-
test, quod Amiae et prætenera et gustui suauissima car-
ne à Græcis authoribus esse traduntur: nam, uti citat
Athenæus, et Epicharmi, qui de Sirenibus scripsit, ex
Archippi antiquissimi poetæ carmina extant, quibus
Amiae ab ipsa gratiore pinguedine magnopere com-
mendantur. Ipse quoq; Archestratus, qui uniuersam
terrā, cunctaq; maria peragrasse uisus est, ut gula de
litias, singula ubiq; edulia explorando, gustandoq; di-
ligēter exquireret, Amiā ueluti nobiliſſimum pīscem
in nuptijs Hebes celebrauit, docuitq; solenni præce-
pto eam felicissimè coqui, si conspersa origano, et in-
uoluta iunco, cucurbitæq; folijs ad prohibendū succi
delicatioris effluuiū mitioribus flāmis torceretur. Ma-
dō autē constat Lechiam laudatissimo sumine & sapo
re prepinguiū pulparū esse preciosam, cuius capita
Sturionū, Vmbrinarumq; capitibus Romæ omnium
iudicio præferuntur. Probatiſſima autem in Ligusti-
nis litoribus capitur. Ottobonus Fliscus genere ac
hospitallitate illustris, quum Genuæ essem, festiuo ma-
tronarum conuiuio tricubitalem nobis apposuit Le-
chiam, quæ non modò Romanorum sed & pelagio-
rum pīscium omnium laudes magno interuallo supe-
rauit, ita ut aliqui subtilioris gulæ homines pulparū
suauitate allecti semesa ex Lechijs obsonia in contu-
melia auium atq; quadrupedū, in alterū diem reponē-
sibi plerunq; præcipiant. Quo fit ut Lechiam procul
dubio suisse Amiam fateamur, quum nullum qui insi-
gni

gni sapore præstet, pescem sine certo Latino nomine simus relicturi, & nullus ab ipsa Lechia piscis hodie nobis occurrat, quem Amiæ nomine appellare audeamus. Neq; enim mihi persuaderi potest, ut eam in illo rum sententiam, qui Lechiam eum esse pescem credūt quem pro Sturione Hyccam putauit Hermolaus, co leui argumento, quòd Hycca præposito articulo, sicuti nunc Italiæ ueterem elocutionem amittentis mos est, in Lechiam abiisse uideatur. Porrò Icesius in libro de Materia, Amias ab optimo succo teneritudinē que commendauit, aitq; non multa cum difficultate in uentriculis secerni, sed non multum omnino præbere nutrimentum.

De Coruo Cap. VIII.

Coruum eundem esse & Coracinum Theodorus Gaza existimare uidetur, ueluti à Coruo Coruulus, siue Coracinus descendat: cui Hermolaus et Volaterranus refragantur, quoniam auctoritate Athenai Coracinus à uerbo Græco, quod genas oculos que frequenter mouere significat, nō autem à Coruo qui Græcè sit Corax dictū existimet. Ego aut secus ac Volaterranus putat, Coruū genere ipso à Coracino minime differre arbitror, ea maximè ratiōe, quòd de Coruo nullā ferè à probatis scriptoribus mentionē fieri cōstet: auctoritate uero omniū antiquorum Coracinus sit et latus piscis & subniger & squamosus, quae differentiae ei, quem nos hodie Coruum appellamus manifeste consentiunt: nam Coruus gibberosus est, &



proportione cæterorum squamosorum admodum latus uidetur, uti accidit Coracinis, quos Parmenio Rhodius, qui scripsit de re Coquinaria, ut allegat Athenæus, Platistaticos à latitudine corporis appellauit. Nigricantes quoq; in Coruis pinnas conspicimus quas Aristophanes in lib. de Palustribus, Coracinis attribuit. Sunt enim pelagijs & fluuiatiles Coracini. Verum hæc nostra flumina nullos aut certè rariissimos ferunt, in Nilo tamen, Plinio Martialeq; authoribus, & in amne Bethi ulterioris Hispaniæ reperiuntur: Gadibus uero & circa fretum Herculeum laudatissimi simul ac maximi, pares Niloticis capiuntur, quos Zeos, & item Fabros à colore atrae fuliginis appellabant. Coracinus ex his est piscibus, qui commodè atque feliciter saliuntur, sicuti Galenus in libro de Aliamentis refert. Eum salitum Eutidemus apud Athenæū qui de salsamētis scripsit, Sarpedam uocari affirmat, ita ut Persius idem intellexisse uideatur cum dicit: Sarpedamq; aduehe ponto.

Nos uero cum æstate frequentius quam hyeme, ut Plinius author est, eum capiamus, feruenti oleo ad mediam cocturam mergere, & extractum protinus sale acetoq; in sportulis myrti folijs certo ordine substratis reponere solemus, qua industria aduersus omnem caloris contumeliam per hebdomadas asseruatur. Coracinus & præsertim Niloticus prædulces habet carnes: quem uero proximis litoribus expiscamur, tripedalem ad summam non excedit magnitudinem, sed carne & aridiuscula, & ob id ab his qui gulae delitio-

sius

sus student, parum laudata. Athenæus elixo tostum meliorem esse testatur: nos uero contraria consuetudine, quum recentes & grandes nanciscimur, & neis excoquimus cacabis simplici in aqua, extractumq; ui rentibus petroselini folijs coronamus, sicuti etiam fit in Vmbrinis, quas & sapore & squamarum latitudine plurimum referunt. Neq; id inepta ratione: nam duriores eorum pulpæ omnem penitus saporis gratiam amitterent, nisi aliquo iuris lenocinio ab innata illa duritie mollirentur. Cæterum quanquam concoctu sunt difficiles: paralyticis tamen mirè conserunt, ut author est ille Plinius qui de Medicina librum conscripsit. In Coracini capite lapillus inuenitur, quem puerorum collo pro amuletis suspensum, regio morbo aduersari, ignobiles quidam authores trahiderunt.

De Spigola siue Lupo Cap. IX.

Lvpum antiquitus fuisse, quem Romani Spigolam, Varollum Veneti, Etrusci Araneum, Hispani Lupum, Ligures uero Lupacium appellant, in capite de Siluro diffusè monstrauimus. Solertiſſimus piscium habetur, idem & delicatiſſimus, præsertim ē Tyberi, & inter duos pontes, quod aquæ subiecti fluminis ab multis cloacarum effusionibus pinguiorem escam subeuntibus præbeant. Lupus hamo captus uulnera contempto dolore fortissimè laxat, & excusso hamo protinus refugit: inclusus uero retibus, imis

in uadis sulcum crebro motu caude reiectis harenis
 facit, atq; ita subterlabitur, ut Oppianus author est, et
 bodie pescatores, maioribus etiam miraculis additis,
 uno consensu fatentur. Proprieta ab ipsa uehemen-
 tia à Græcis Labrax appellatur. Parit bis in anno Lu-
 pus, ut Aristoteli placet. Summa inest saporis gratia
 hyeme captis & Ianuario præsertim mense: tūc enim
 & teneritudine, ut diuus ait Ambrosius, & mollitie,
 candoreque, ut Plinius asseuerat, maximè commen-
 dantur. Luporum aliqui sunt lanati uel lanei à cando-
 re, ut Plinio Martialisq; uidetur: aliqui uarij, ut Colu-
 mellæ placet, qui in piscinis, ait, includi posse Lupos
 sine macula, quos secernit ab his qui uarij sunt, ita ut
 proculdubio credam Varios maiores apud Ambro-
 sum esse de genere Luporum, quos & Troctas ap-
 pella. Troctam enim esse Lupini generis apparet, ut
 aspectu, mutuaq; naturæ collatione perspicitur, ut la-
 tius in capite proprio de Trocta differemus. Cæterum
 Luporum carnes in ratione ualetudinis à Galeno mi-
 rifice laudantur, quod subtiliorē generent sanguinem,
 & perdicis carnibus equiparētur. Athenæus autem
 Lupos ait boni esse succi, & non multi nutrimenti,
 quorum tamen superfluitates non facile secernātur:
 sed Cornelius Celsus Lupos sicuti & Mulos, leuioris
 esse alimenti testatus est.

De Cephalo Cap. X.

Mugiles Greco nomine Cephalos Romani uo-
 cant, qui in plura genera partiuntur. Aliqui
 enīm

enim à capitis amplitudine Capitones: aliqui à promis
nulis inferioribus labris Labeones, qui hæc cognomē
ta Romanis familijs indiderunt: alij item Cestres, alij
Bachi, alij demum Myxini & Chelones & Leuchisti
& Mucones appellantur. Capitones mēse Decembri
grauescere ait Aristoteles, qui id genus piscium & in
mari et in stagnis et in fluminibus gigni, ut uidemus,
asseuerat. In uniuersum Mugiles sunt uelocitate admirabili,
ut sagittæ arcu emissæ, quū lasciuiunt, uel retia
saltu trāsuolant, esse uideātur: è mari aliquādo amnes
et ex fluuijs ipsa maria ingrediūtur. Animal est mini-
mè maleficū, utpote quòd alga tantum ac herbis, atq;
bis quæ in profundo uado ac ripis sunt, quisquilijs
nutriatur: propterea cæteri pisces qui minimè in a-
lios grassari solet, Mugilē, ut sanctū ac optimū in ho-
nore habet & uenerātur. Probat eos Galenus, qui ma-
rinis fluctibus exercentur; eos uero, qui in stagnis &
fluminibus urbiū sordes & sterquilinia alluētibus, ma-
xime detestabiles asseuerat, quòd ex eo alimento ad-
modū foeculento uitiiū contrahāt. Dorionis quoq; au-
thoritate marini fluuialibus præponūtur: sed iij præ-
sertim sunt pessimi, qui sua sponte in stagnis atq; pa-
ludibus ex limo nasci dicuntur, ut sunt qui in Etruria
ex Prillino lacu apud Orbattellum ad mediterranea
deferuntur, ita ut & illos etiā uituperare liceat, quos
Padusæ atq; ipsi lutulenti Fossæ Clodiæ canales, uisco
re prætenero Ferrariensibus & Venetis copiosissi-
mè præbent. Icesius Græcus author Athenæo perquā
familiaris, idē et coquus et medicus, cephalos et gustus

gratos & laudabilis succi esse afferit. Galenus uero eos tardissime, & multo quidem uentriculi cum labore digeri, atque secerni praedicit, precipitque in eorum conditura debere addi herbam origanum, cuius uirtute facilior excursus ad uentrem inferiorem fieri uidetur: eos tamē salitos minus noxios esse testatus est. Nos uero Cephalos omnes plenius eos in coena comedentibus dolorem capitis, quem morbum medici recentiores Cephaleam dicunt, post paucas horas inducere saepe deprehendimus, maximē si ad lautiores coenas stomachi tenuiores accesserint.

De Aurata Cap. XI.

Veteres non modō Auratam piscem in honore habuerunt, sed & Sergij Romani patritij luxuriosa eius piscis aestimatione perpetuum familiæ cognomentum fecerūt: siquidem à mari, Auratarum, aliorumque pelagiorum piscium semina atque uiuaria in mediterraneos lacus deferebant, ut in obsequium popinarum tralata maria uiderentur, quæ preciosa edulia dulcioribus denegata undis, improbo opulentiorum studio, cotidianis coenis copiose suggererent: sic Auratas, Lupos & Murenas suburbanii lacus, Sabatinus & Ciminus, & multo remotiores Vulssinensis & Velinus aliquando procrearunt, quæ seminaria degenerante sobole, quum externi pisces parum feliciter alienis in sedibus prouenirent, paulatim interire. Ex Auratis quæ toto passim mari mira foecunditate progignuntur, Tarentinam antiquiores pre-tulerunt,

tulerunt, sed eam maximè, quæ illata Lucrinis stagnis concharum esu pinguesceret, ut ait Martialis illo in carmine :

Non omnis laudem pretiumq; Aurata meretur,
Sed cui solus erit Concha Lucrina cibus.

Nonnulli optimorum studiorum laude insignes existimant inter Auratas Scarum illum antiquis pretiosissimum pisces à piscatoribus uendi, qui dentes humauis similes, & ad ruminandas maris herbas plurimum idoneos habeat, maximeq; squamarum specie Auratis assimiletur: cæterum ego crediderim eum nō facile à nobis deprehendi errore uendentium, qui similitudine decepti, neq; animaduersa saporis nobilitate in foro piscario eum Auratis & Sargis commiscere consueuerint, consensu tamen pectorum Sapphirus pisces, sic à cyaneo eius gemmæ colore dictus inter Auratas longè sapidissimus existimatur, qui fortasse Scarus antiquis fuerit. Porrò Auratae & estate rarò, hyeme autem frequentissimè capiuntur, quæ tum laudatores existunt. Ipse inter cæteros pisces peculiari quadam dote singularem & saporis simul & salubritatis gratiam obtinent, authore Cornelio Celso, qui eas in ratione ægrorum alendorum leuioris nutrimenti existimauit. Rectè coquentur si ex præcepto Galeni, eas in craticula subditis mitioribus pruinis, oleo & sale, acetoq; consperseris.

De Dentice Cap. XII.

Synodontes pisces Latini Dentices uocat, proximos Auratis & Pagris: habent enim prominulos dentes, et sunt lati, subrubraq; uarietate conspici: appellatur et hic Synodus à Græcis, alio nomine Charax, id est, uallatus, uti est perpetua extantium dentium serie septus. Athenæus eum in fretis longè optimum esse ait; qui et salubrior est Galeno authore, quum in uniuersum meliores euadant, quos plurima iactatione, inquieta aestuosaq; maria fatigarint. Eum Actius Syncerus Neapolitanus huius ætatis poeta nobilissimus in Lusibus pistatorijs celebrauit, quum dicit:

Dat Rhombos Sinuessa, Dicarchi littora Pagros,
Herculeæ Mulum rupes, Synodontas Amalphis.

Synodum Latini ueteres pariter ac neoterici uulgò Dentice appellant, probantq; eum ex Illyrico Dalmatieq; litoribus, et præsertim ex Salona atq; Tragurio: quæ gentes concisum in frusta, et semicoctū multo croceo et perspicuo gelu condiunt, cadisq; inclidunt, ita ut toto fermè anno per omnē Italianam, et Romæ idem aduectius et recentissimus habeatur. Id genus autē obsonij medici magnopere detestantur, et ante alias Petrus Aponensis, qui rudi illa tempestate diuini Conciliatoris cognomentū in ea optimarū literarū strage promeruit. Is enim pisces semel coctos asseruatosq;, et præsertim uasorum conclusos operculis mortiferam qualitatem adquirere, mandentesq; certo

to plerunq; ueneno inficere, ratione atq; experimen
to deprehendisse affirmauit.

De Fragolino Cap. XIII.

Avratas sequuntur Pagri, siue Phagri, Fragoli
ni uulgò dicti, ex his qui assantur piscibus lō
gè probatissimi. Sunt enim & gustui gratiore, & sto
macho nequaquam molesti, utpote qui ratianobiliter
febricitantibus ipsis conceduntur. Nā præter id quod
de omnibus saxatilibus Auicēna intellexit, Pagri nul
lam uiscosi lentiq; humoris exuberantiam habet, qui
etiam ipso iure conceduntur: quoniam quum uniuers
um piscium genus frigidae atq; humidæ sit naturæ, hu
mida frigidaq; cibaria febricitantibus Hippocratis au
thoritate debentur: ut aliquando mirer quosdam scri
pulostiores medicos, quum febris adsit, totum prope
piscium genus perdamnare. Phagros Romani & ma
gna pars Tyrrheni litoris accolarum Fragolinos, Ve
neti Albores: ipsi uero Ligures, antiquo seruato no
mine Pagros appellant, quos, quum sesquipalmi ma
gnitudinem excesserint, in Dentices siue Synodontas
euadere communis piscatorum consensus existima
uit. Ii pisces à colore ipso (apparent enim rubro uino
madefacti) Erythrinis & lecinoribus piscibus assimili
latur, authore Pseusippo, ut ait Athenaeus. Cuius testi
monio manifestè reprobantur, qui Fragolinos Op
piano atq; Aristoteli Erythrinos esse putant, quos
Theodorus Gaza Latinè Rubeculas interpretatus est
quum ibi Athenaeus Phagros Erythrinis comparet.

qui sint genere diuersi, sed in ipso colore conueniant. Verum id me plurimum mouet, ut ab illorum opinione recedam, quod Aristoteles & Plinius Erythrimos uel Rubeculas grauidas & plenas ouis, toto anni tempore capi afferant, quum in eo genere mares non sint, quod Fragolinis minimè accidit, qui paſſim pluribus anni mensibus sine ullo ouorum uestigio comeduntur. Illud quoq; accesserit ad confirmandam opinionem: nam dum grato palato Fragolinorum capita exugimus, plerunq; tenuior lapillus dentibus importunus occurrit, sicuti Aristoteles & Plinius eorum capitibus inesse testantur. Videmus etiam eorum corda triquetrae figuræ similia, ut antiqui prodidere. Pagri ex sententia Icesij, Vere ipso, Archestrati autem, exortu Caniculae sunt prestantiores: nos autem hyeme eos longè sapidissimos experimur, sed ad summam saporis gratiam accersendam, ganeonum iudicio tres omnino conditiones requirere dicuntur, scilicet ut sint & recentes, & frixi, & frigidi, ita tamen ut Arancij mali succo ac modico pipere torpescentes eorum pulpe aliqua ex parte moliantur & excitentur.

De Salpa Cap. XIII.

SAlpa piscium pulcherrimus nomen retinet, atq; omnibus notus est: siquidē cum à ceruice in caudam per argentea latera, aurea, rubentesq; lineae certis distinctæ interuallis decentissimè depingunt. Vnde Græci antiquiores Mnaseæ Colophonio, quod poematurum edidisset, Salpæ cognomètum indiderint.

Frequens

Frequens est et procerus in Balearico mari, et praesertim ad Ebussum insulam a copiosissimis salinis celebratam. Appellatur ab aliquibus, ut Plinius auctor est, obscurus pescis, quod percoqui non possit, nisi ferula uerberetur. Solitarius est, paritque bis in anno litorum more. Natura astutus esse perhibetur, et longe omnium liquidissime audit: aestate melior est, et est in toto mari circa Mitylenem probatissimus. Ceterum ille Archestratus, qui in coquinaria a Gracis alter Theognis uel Hesiodus existimatus est, Salpam semper malum nobili carmine pronunciauit, ita ut mirum minime uideatur, si hodie quoque is pescis, quam tam operosè atque eleganter a natura depingitur, ab optimatum mensis ut insulsus et mendax sit repudiatus.

De Sargo Cap. XV.

IN hac maria Sargus non semper (quoniam sit notus) enauigat, qui Brundusij Ennius poetæ testimoniis longe optimus habetur, praesertim si pregrandis fuerit: iuventus quo Romæ habemus, Auratam magnitudine uix excedunt, quam etiam latitudine, atque argenteis squamis referunt. Sargus Autumno et Vere parit, ut ait Aristoteles; is alios minime conutatur ueluti superbus. Nullam inesse gratiam litoralibus, ait Plinius, quod mirum uidetur, quum is maxime circa litora capiatur, ut in libro de historijs Animalium Aelianus latissime differuit, ubi Sargos ait caprarum esse amatores, eosque propterea facile capi ad earum um-

bram, quam in extremis litorum marginibus, & scopolis collocatae aduersus solares radios in aequora proieciant, & extendant, atque ea specie, amore preferuidi facile allicitantur. Optimus est Sargus occidente Oryonis sydere: tum enim uites foliorum honore spliantur. Archestratus in Popinalibus delitijs mihi sapientius allegandus, Sargum siccæ carnis esse, ac ob id assatum cum & calidum, caseo acetoque conditum probat, sicuti uno edicto omnes siccioris pulpæ pisces comedendos præcipit, secus ac in pinguibus & teneris sit necesse, qui solo sale atque oleo inditis, in craticula sapidissime percoquuntur.

De Capone Cap. XVI.

Capo litoribus nostris familiaris, Venetis autem ignotus, caput habet ualde magnum, & illud quidem enorme, quadratum, & nullis uestitum pulpis. Oculi in eo sunt admodum rigentes, exteta super cilia, os languidum, minuti dentes, sub mento autem oblongæ ac rubentes pinnae ad impexæ barbae similitudinem, cætero autem corporis trunco rotundus est, et teres, decrescitque in caudâ æqualiter extenuatus quoque in postremam desinat caudæ pinnam. Porro uentre habet ualde candidum, sed puniceo colore Mularum similitudine uariebat, dorsum autem flavescente potius quam rubescere uidetur: solidis quoque & al bicantibus constat pulpis, sed qui tamen aliquanto salubrior sit, que sapidior, eruditioribus præsertim Gnatlonibus, qui illum ueluti ariduscum aspernantur. Repertiuntur & alij Capones, qui bifurcata habent rostra,

stra, & dorsum osseis squamis armatum, quos in genere Caponum piscatores ipsi mares esse testatur. Ego autem aliud genus esse crediderim. Cæterum hæc est uera & expressa Caponis efficies, quæ dum pisciū antiquiora uocabula queritarem, mihi haud temere de singulis dubitati, nō mediocre negotium fecit, quā modò illum à magnitudine capitis de genere Capitonum alludente recenti nomine esse putarem, modò Orphum ab oculorum aspectu & rubro colore arbitrarer, modò Erythrinus siue Rubecula ob eundem puniceum colorem esse uideretur. Nulla enim ex recenti gentium appellatione antiqui nominis coniectura adferebatur, ut pro certo possem aliquid eruditorum auribus dignum affirmare, quum Romani eum Caponem, Organum Ligures, Galli uero Roscetum, quod eorum lingua rubetum sonat, appellant. Sed Capitones de genere Mugilum, uanamq; subinde eius nominis coniecturam esse deprehendimus, sicuti existimare uidetur Volaterranus, qui imprudenter Caponem putauit esse Labeonem. Orphum uero maiorem esse pisces, & unica etiam traieclum spina, quod in cæteris rariissime accidit, & deniq; tardissime eum mori, si etiam cultro medius diuidatur, auctoritate Aeliani, Athenæi et Oppiani clare constat. Erythrinum quoq; esse non posse eadē ratione apparet, qua opinionem de Pagro refellimus: quoniam is toto anno grauidus, ouisque plenissimus capiatur; Capones autem magna ex parte uentre uacuo reperiantur. Sed nos eum proculdubio de Mulorum

genere esse putamus, parati mutare sentetiam, si acutiores meliorem attulerint. Siquidem Mulum expressissimè refert et capitis effigie et ipso colore puniceo qui nullis alijs in piscibus, excepto Capone et Mulo, ea claritate conspicitur. Aliqui enim barbam habent, qui Barbatii et Barbatuli a multis, et praesertim a Ciceroni dicuntur. Quod autem duo sint Mularum genera apud Athenaeum planè perspicitur: anteponit enim Barbatum Mulum imberbi Mulo, sicuti Sophron poeta iudicabat. Plinius quoq; id Muli genus, quod est diuersum ab his qui gemina barba capillari insigniuntur Alutarium appellavit, quod Barbatorum comparatione uiliissimum erat. Volaterranus in hoc decipi uisus est, quoniam Mulos barbatos eos esse, quos uulgaris Barbos uocat, arbitratur, Barbos scilicet uiuaces illos, et ab ouorum malitia ualde noxiros, quum Barbatus sit marinus, hic uero Barbus sit fluualis. Ab Ausonio enim Barbus uiuax celebratur: qui etiam eo argumento, quod tardè moriatur, de genere Mularum Barbatorum esse non potest, quoniam Muli, teste Plinio, sicuti et nos saepius uidimus, quum primum extracti retibus fuerint, protinus expirent, contra uero Barbi uenales in lacubus ligneis, ut in Ticinensi foro uidere est, diutissimè uiuant. An autem Alutarius is sit qui Capo nuncupatur, in medio relinquemus. Nec etiam absurdum foret, sit pro Capone Citharus acciperetur. Natura enim qualitateq; pulparum, ut Galenus innuit, Citharum a Capone non multum differre deprehendimus.

De

De Laccia Cap. XVII.

Laccia piscis Romanæ Academæ doctissimos quosq; diu torsit, quum in Urbe longè sapidissimus haberetur, nec facile reperirent quoniam Latino uocabulo foret appellandus, adeò ut ipse Pomponius Lætus Grammaticorum eius ætatis princeps, & Pla tina idem ab ingenij monumentis & diligens historicus, & cocus industrius, temere Lupum esse credide rint duplici quidem errore, quando & quid Laccia antiquitus fuerit, & qui sit hodie Lupus Tyberinus, penitus ignorasse uideantur. Is piscis subtilissimis con tactus est squamis, & argenteo fulgore conspicuus, pulparum uero mollicie, saporeq; admodum delicatus: uerum adeò frequentibus ac molestis spinulis præ teneræ eius carnes impediuntur, ut in conuiuijs illarum tædio atq; periculo summae suavitatis gratiam amittant. Subeunt Lacciae Tyberim amnem ad prima veris signa, sed tum strigose & ab quadam marinæ salsuginis ariditate parum amabiles, quæ mox paucorum dierum mora Tyberinis in undis mirifice pingue scunt, raro cubitalem superant magnitudinem, et incipiente statim æstate in maria reuertuntur, sic ut reliquo tempore rariissime appareant. Præter ipsum Tyberim, Arnus, & Umbro in Etruria, in Campania uero Lyris & Vulturnus laudatissimas præbent: in Pado quoq; reperiuntur haud ignobiles, in Gallie ue ro, Hispaniæq; amnibus longè maximæ, sed quas sapientiores parasiti Tyberinis minimè esse comparā-

das existimant. Hispani Saualos, Alosas Galli & Campani, Etrusci autem & Veneti ueterem seruato nomine Clupeas appellant: apud Aristotelem uero, Strabonē, Aelianum, Oppianum, & Athenaeum, Thrissas legere est, quam uocem Alosam interpretantur Theodorus Gaza & Gregorius Tiphernas, ita ut idem esse & Thrissam & Alosam, & Clupeā, quam modō Romanī Lacciam appellant, manifeste appareat, quonia Ausonij poētē Alosa, quum dicit: Stridentesq; focis obsonia plcbis Alosas, Romanæ Lacciae, uti Galli referunt, omnino simillima sit, & Clupeæ Venetæ atq; Etruscæ, idem esse cum Laccijs censeantur. Verbanus lacus, qui hodie Maior cognomine nuncupatur, item & ipse Larius Acones pisces ferunt, effigie ac sapore Laccijs persimiles, uerum magnitudine inferiores, ut pote qui ad summum, pedalem mensurā nō excedant. Vere quoq; sunt graciles natura à Laccijs plurimum diuersa, Autumno autem quam optimi. Neq; illud obfliterit quod à plerisq; dicitur, Clupeam eandem & Lacciam esse non posse, quando Clupea tantæ (ut uidemus si Laccia sit) nobilitatis piscis ab antiquis authoribus Latinis parum celebratus esse uideatur: nā unus mihi pro omnibus Ennius poeta amplissimè satisfacit quum dicit:

Omnibus Clupea præstat, Mustela marina,
Mures sunt Aeni, aspra ostrea plurima Abydi,
Mus Mitylenæ est.

Celebrat etiam alios pisces, sicuti uidere est in his carminibus quos Apuleius in Apologeticō citauit. Id uero ac-

rò accidisse crediderim, quoniam Clupeæ toto fermè anno delitescant, tantumq; per angusto illo adolescen-
tis Veris tempore, quo solum insigni sapore præsent,
ueluti in ostentationem sui, amnes subeundo capian-
tur, ita, ut acutè & perurbanè dixerit Hieronymus
Vida, idem summus & religiosissimus poeta, quum
in conuiuio de Polyporum, Luporumq; prudentia
differeretur, neminem Clupea pisce prudentiorem
sibi uideri, quoniam non alias, nisi quum obesus es-
set, appareret, & quidem opportuniſſimo tempore
quando Vere ipso, per sacras leges sublatis carnium
obſonijs, ipsi pisces in ſummo honore à Christianis
habeantur. Cæterū Lacciæ uberrimè nutriunt, ſed
glutinosioris alimenti excrementa in ſtomachis non
facilè atteruntur, propterea ab iſpis exhalationibus
intempeſtiuam ſomnolentiam inducere, & ſitim auge-
re existimantur, præſertim ſi appetentibus ad explen-
da, uel mediocris etiam gulæ deſideria, minimè defue-
rint: quod paucis, uel certè iſpis tantum ē ſummo or-
dine nobilibus, ob eius pifcis graue pretium, rari-
ta-
temq; contingit.

De Trigla Cap. XVIII.

LAtini ueteres Triglam à Græcis appellatā, Mu-
lum uocauère, à colore Muleorum calciamēto-
rum, quæ languidum ruborem illum, uti in Persici &
Cyclamini herbæ inuersis folijs cōſpicimus, repræſen-
tat, ut, referente Plimio, Fenestella existimauit. Trigla
uerò nomen ob id à Græcis fuisse inditum, quod

Dianæ Hecatæ dicaretur, quæ sit triformis, unde Ver
gilius dixerit, Tria uirginis ora Dianæ. Ea uero de
caussa Dianæ sacrificari testatur Athenæus, quoniam
Triglæ lepores marinos hominibus mortiferos, uti
uenatici canes uenatricis Deæ auspicijs persequatur.
Eam Romani hodie, quum iam uetus Latinum nomē
exoleuerit, Græco uocabulo Triglam appellant. Fuit
is antiquorum prodigo luxu adeo' insignis ex pre-
tiosus, ut saepius argenti puri pondere à priualis e-
tiam Quiritibus emeretur, quum pedis longitudinem
superaret. Galenus ut erat acerrimus Romanæ luxu-
riæ castigator, unius eius piscis estimatione plerumq;
miratus est eorum gulam, qui tantulum pescem tanti
emerent: cui eruditus Ganeones subtilissimè responde-
bant, proceriores propterea queri, quod in maiori-
bus & maiora capita et ampliora iecinora, ad condē
da uaria pulmenta inueniretur, ut ex Horatiano car-
mine, quum dicit: Mulum in singula quæ minuas pul-
menta necesse est: & ex Plinij uerbis, qui Alecem ex
iecinoribus Mularum confici affirmat, manifestè de-
prehenditur. Trigla ter in anno parit, nec amplius,
quoniam ter foetis uermiculus innascatur, qui genita-
lia semina protinus abrodat. Triglæ admodum sunt
uoraces, ita ut humanis etiam cadaueribus uescantur
sicuti in hanc sententiam expressit Oppianus, quum
dicit: Trigla uorat foedas sordes, & mergit in aluum
Omnes illuies ponti. Probantnr Muli qui Barbati
sunt duplice crine à mento defluente: altera species i-
gnobilis, Alutariū uocatur: in Thasi insule litoribus
optimā

optimi & maximi euadūt: apud nos hyeme & subur
bano in mari capti maximè laudantur. Ligusticis e-
nim & Venetis, itemq; Neapolitanis, non ea saporis
gratia, quanquam saepe multo grandiores in conui-
uia ueniant. Galenus ait Triglæ carnem neq; pinguē,
neq; lentam aut uiscosam esse, sed duram atq; friabile,
propterea gratam gustui, & digestione facilem, & in
genere alimenti naturæ hominum congruentē & ma-
ximè accommodatam: sed eam Plinius neruis inutilē
existimauit. Rectè atq; salubriter in craticula coqui-
tur, que longè sapidior erit, si petrosclini subfrixa
folia, atq; instillatus cum oleo Arancinus succus acces-
serint. Apitius nepotum ille maximus gurges in Ga-
ro, quod ex salitorum Scombrorum muria liquamen
erat, uiuos Mulos, ut sapidores euaderent, enecauit.
Triglam si in uino suffocetur, idq; à uiro protinus e-
bibatur, impediendæ Veneris potestatem habere A-
thenæus, authoritate Therpsiclis affirmauit, qui &
mulieres quoque, si illud itidem potauerint, minime
posse concipere, testatus est.

De Sauro, Trachuro, & Sombro Cap. XIX.

SAURUS antiquum nomē adhuc retinet, nec pedis
magnitudinem excedit, minores fricturæ nomi-
ne ueniunt. Sunt enim multa piscium genera, quæ ob-
paruitatem in sartagine frixoria feruēti oleo coquū-
tur, sicut Triglæ, Bocæ, Sombri, Trachuri, Pagri, &
Auratae, & propterea uno nomine frictura uulgaris

ter appellantur. Sauros Galenus à carnium mediocri-
tate laudauit, quòd mediæ sint inter duras & mollio-
res. Athenæus quoq; eos sapidiissimos esse ait, si exem-
ptis branchijs, caseo, sale, atq; origano condiantur.
Trachina & ipsa etiam in fricturæ numerum refer-
tur, quam Trachurum, ut Oppiano uidetur, esse puta-
mus, uel, ut Athenæo placet, Trachidam eo argumen-
to, quòd infestam & propè letalem spinam in ceruici
bus habeat, et binas item alias, et quidē acutissimas ab
auribus prominētes. Hic pīscis oblongus eī, ac tenuis
& falcatus in uentrem, cuius latera lineæ frequentes
& oblique uergentes ad cāeruleum colorem pulcher
rimè describunt. Scombrum uero nostri Lacertum
appellant, qui à Venetis antiquo nomine nūcupatur.
Cornelius quoq; Celsus eum pro Lacerto accipere ui-
detur, ex quo salsamentum fieri ait: interpres etiam
Galeni antiquior & ineptior, Saurum Lacertum
appellauit. Sombri & oblongi & exules sunt, &
sulphureo colore cōspicui, præsertim quum in aquis
uagantur, Vere pingueſcunt, quo tempore Venetijs
inter delicatiora obſonia reputantur. Romæ autem
ab innata quadam ſiccitate ſunt ignobiles. Icesius mi-
nores Sombros maioribus anteponit, quos bono ſuc-
co nutrire uentres autumat, ſed qui tamen difficultis ſe-
cretionis habeantur.

De

De Asello & Merula
Cap. XX.

Asellum proprio nomine Ligures, Romani uero Scarmum & Merluzum appellant: capite est admodum lato, pressoq; ut in Gobijs uidemus, ore autem maximè denticulato ac patulo, cætero corpore est oblongior, squamæ sunt admodum minutæ, et uer gentes ad cinereum colorē, sicuti in Asellis quadrupe dibus conspicimus. M.enim Varro Merulam, Turdū, Umbramq;, & Asellum à colore quem referant, ait appellari. Aselli dum æstui soles feruescunt, ardoris impatientia latitant, sicuti Glaucus & Aurata, nec quoties pariant, inueniri potuit, ut ait Aristoteles. Eorum genera sunt duo, maiores Banchi, qui in bipedalem magnitudinem augentur, & minores quod Callarias uocant. Plinius eos in capite lapillum gerere, & delicatos esse commemorat. Galenus uero cum saxatilibus æqualem habere carnē attestatur. Sunt et Turdi subuiridi colore & frequentibus guttis, ut in uolucribus uidemus, variegati atque insigne, itemque Merulae, Cocyges à Græcis appellatae, que ab medio quodam colore inter atrum atque subfuluum, Merulis auibus assimilantur. Sed in aquatilium genere, non eam habent saporis nobilitatem quam Turdis & Merulis auibus ueteres attribuere. Siquidem & Turdi admodum insulsi sunt, & Merulae, ut Atheneus ait, difficillimè concoquuntur, in quarum conditura Archestratus ille poeta parasitus, cum

caseo, maloque granato, et sale atque oleo Silphium
admisit, quod (ut Hermolao placet) Laserpitij ge-
nus est: sed quomodo is succus concretus et odoratus
in conditura piscium conuenire posset, alij uiderint.
Sunt et Phycides Tincarum uiridium colorem at-
que effigiem referentes (Fici uulgò nuncupantur)
qui procerum patinas raro implet, quum insipidis-
simi sint.

De Boca Cap. XXI.

Dorsum picturatum habet Boca, piscis notus
omnibus fermè litoribus, atq; uno tantum no-
mine nuncupatus: dictus est à uoce, propterea quod
sacer sit Mercurio eloquentiae Deo, sicuti Citharus
Apollini, Diana Trigla, Libero patri Cittulus, Vene-
ri Apua, et ipsi Neptuno Pompilus nauigiorum co-
mes. Aristophanes autem Byzantius, ut Athenæo pla-
cat, Boca potius Boopam appellari debuisse asserit:
quoniam is piscis prægrandes habeat oculos, sicuti et
Silurum potius Sciurum à crebro motu caudæ nun-
cuparit. Ceterum Boca fœcundissime sunt, et grega-
tim capiuntur, solentq; eas pescatores in oleo acetoq;
semicoctas cum myrto plurima in canistris asseruare
qua postmodum in remotissimas à mari Italiae regio-
nes mercimonij caufa deferuntur.

De Gobijs Cap. XXII.

Gobio uel Gobius Venetijs frequens, et pin-
gui teneritudine delicatus, rariissime Romæ
conspicitur: pro squamis uariam cutem habet et ual-
de

de lubricam. Candicantes nigris, Plinio authore, præferuntur, uirides autem sunt pessimi, semipedalem longitudinem non excedunt, circalitora parere solent, ut Aristotelii placet, & uado so potius in mari ac aestuarijs quam in alto, uel ubi fluctus scopulis alliduntur, quanquam & eius generis maiores sint ex saxatili gente, quos ex Caulinas & Cothonas, ut Hermolao uidetur, Siculi vocauere. Icesius Gobios multi esse succi & facilis digestionis asserit, sed qui et exiguum simul & malum præbeant nutrimentum. Galenus autem dicit Gobiones circa arenosa litora & saxosa promontoria esse, & gustui gratos, & in prima & secunda digestione facile secerni: contra uero qui ostijs fluuiorum & stagnis caperentur, ualde detestabiles. Sunt etiam fluuiales Gobij ex Verbanio præsertim & Lario lacubus, qui insignes habentur, ipsis iecinoribus palato gratissimis, eos & Strincios & Botetrisias Insubres appellant. In Etruria quoq; in Marina præsertim amniculo, qui ex Apennini iugis apud Pratum oppidum in Arnum euoluitur, locis sunt pisiculi delicatores, Gobionibus admodū similes, qui cum effigiem illam mirè exprimant, etiam in tantu la carne eundem saporem habent.

De Scorpæna Cap. XXIII.

Scorpionem & Scorpænam Aristoteles diuersos facere uidetur: idem & putauit Atheneus qui citat Aristotelem: unde Hermolaus quoq; ipse in Corolario nihil pro certo affirmarit. Ceterum Scorpæna

fermè omnes uernaculo nomine nuncupamus pīscem
subrūsum, uariumq; & multis armatum aculeis, cute
autem minimè squamea, sed Gobionis similitudine lu-
brica, qui, ut ait Ambrosius, uenenato aculeo sit trucu-
lentus. Eorum unum genus pelagium est, alterū palu-
stre, illi rufescunt, ij uero nigricant, qui et minus pro-
bantur: pariūt bis in anno. In uniuersum Icesij autho-
ritate uentrē leniunt, facile secernuntur, & quū mul-
to abundant succo, multum etiam alimenti præbent.
Epicharmus in nuptijs Hebes, Scorpænam ait esse soli-
tarium, & marina uesci alga: minores qui semipedal-
lem longitudinem non excedunt, maioribus antepo-
nuntur iudicio Archestrati, qui fuit obsoniorum stru-
ctor longè subtilissimus.

De Perca, & Melanuro Cap. XXIII.

Percas pelagias Romæ rarò uidemus: assimilan-
tur hæ Mænis ipsis, que hodie Menulæ dicun-
tur: nam subfuruas habent zonas, quibus ipsæ toto
corpo squamosæ & argenteæ distinguuntur, in dor-
so impares eminēt aculei tenui inter se membrana cō-
iuncti. Propterea Athenæus Percam ait spinis esse co-
ronatam, & insigni uarietate conspicuā. Pulchræ qui-
dem sunt, gratæq; gustui, & languetibus salubres. Pli-
nius inter saxatiles eas cōnumerat, et ex ijs qui hyeme
capiantur. Dux & magister Percarum est Melanu-
rus, qui alio nomine Oculata dicitur à magnitudine
oculi, ut Theodorus interpretatur: uarius est, & fre-
quen-

quentibus guttis conspersus, nō absimilis Auratæ. Venerum natura, ut Aeliano placet, piscium et timidiſſimus idem et cautiſſimus: nam ex ipſa maris tranquilliitate píscatorum aduentum præcognoscit, mergitq; ſe profundissimo mari: ſi uero in ſummas aquas fuerit enatandum, agit circa scopulos, et mira sagacitate in ſpumis latitat, quas in fractiſcopulis fluctus continuè excitant. Cornelius Celsus Oculatam in genere alimenti maximè probauit. Numenius uero Melanuros uim obſtruēdarum uenarum habere, et multo Sargis ſapore et ſucco inferiores eſſe teſtatur, ita ut Melanurus alius ab Oculata eſſe uideatur, ſicuti ſenſiſſe Pliniū putamus, qui Oculatam Soleis atq; Paſſerib⁹ admiſciuit, et in eodem uersu utriuſq; mentionem ſeparatim facit, quod et diligētiſſimus Hermolaus animaduertit, quum in hoc píſce aut Pliniū aut Theodorū errauiffe arbitraretur. Id uero Gazam mouere potuit, quoniam Aristoteles, quum de Scaro mentionē faceret, ſemper Melanurum illi coniunxit, idemq; ſenſiſſe Celsus uideretur: nam Scarum ſemper cum Oculata nominauit, quaſi quum Melanurum dictionem Græcam reformidaret, Oculatam pro Melanuro ſubstituerit, qui píſcis à Latinis, uti hodie Venetijs et alibi Ochialis propter oculorum magnitudinem nuncupatur, non autē is à nigricie caudæ, ſicuti Græci appellabant, Nigricauda uel Atricilla uocetur: ſed Melanurus, qui Neapoli frequens eſt, Romæ raro conſpicitur, ſic ut nemini mirum eſſe debeat, ſi ciuſ ueram effigiem iuſtituto picturæ opere minimè reſe-

remus. Ceterum Percae, ut ait Aristoteles, in fluijs & lacubus etiam uersantur. Iiq; hodie in Gallia summam obtinent dignitatem alendis febricitantibus appellantq; eos Galli antiquo nomine Percas, quos celebrauit Ausonius Gallus, quem dixit in Mosella:

Nec te delicias mensarum Perca silebo,
Amnigenas inter pisces dignande marinis,
Solus puniceis facilis contendere Mulis.

In Italia autem laudatissimi sunt è Lario lacu, quos Novocomenses ipsi Percecos appellant. Eos fama est suis se aduectios & inquilinos, tralatis scilicet seminibus è lacu Eupyli, qui Lambrum emitit amnem, ut meminit Benedictus Iouius frater in Larianis lusibus ad Minitium Caluum:

Eupyli exigua sum Percecos ortus in unda,
Meq; peregrinum Larius inde tulit.

Sed Eupyli multo minores, quam Larius Percecos producit, quoniam magna ex parte uel influentium aquarum defectu, uel occultiore aliquo hiatu terrae haustus multis ante annis exaruit, abiitq; in tres minores lacus, aquis in depresso loca subsidentibus, qui à Licino foro ueteri oppido, quod et ipsum interiit, plebis Licini Lacus hodie nuncupantur. In Lario Percae ad pedalem crescunt magnitudinem, croceas pinnas habet, & maturercentibus praesertim uis ab ipso pingui & præteneris interaneis magno pere commendantur. Medici ferè omnes Gallie Cisalpinæ Percas & griseis robustioribus apponere non dubitant, praesertim si crudarum uiuarum succo, quem agrestam

agrestam uocant, diligentissimè condiantur. Diocles quoque medicus in libro de Salubribus, ut Athenæo placet, Percam è saxatilibus qui moliores habeant carnes, ut sunt Turdi, Merulæ, Gobij, & Phycides, plurimum laudauit.

De Rhombo & Passere Ca. XXV.

Hactenus de squamosis piscibus, nunc de planis agemus, qui spinas habent, & de his quæ ab Aristotele Selache, quod spinis careant, & à Plinio cartilaginata appellantur. In his principatu obtinet Rhombus, sic dictus fortasse ab instrumento Thes salico magico, quod Rhombum, id est, rotundum sit: est enim hic piscis longè latissimus, & ouali figura rotundior, quæ forma in instruendis aciebus Rhobi nomine à scriptoribus rei militaris appellatur, unde Marti Quanuis lata gerat patella Rhombum Rhombus latior est tamen patella.

Psittæ nomine uocarunt, ita ut Psitta genus ad Rhombum, Passerem & Soleam esse uideatur. Aristoteles namq; Rhombi nusquam meminit. Sed Passeres, sic hodie nuncupati à Romanis, magnitudine saporeq; & figura etiam oblongiore à Rhombis differunt, in eo quoq; dissimiles, quoniam dexter sit resupinus Rhombis: lævius autem, Passeribus & Soleis. Ceterum Rhombus inter planos obtinet principatum, quem nobilis quidam aulæ procerum circa popinales delicias ingeniosissimus aquatilem Phasianum appellare solebat, non absurdâ quidem comparatione,

sicuti & Soleas Externis, Lampetas Coturnicibus,
 Lupos altilibus Capis, Sturiones uero Pauonibus ad-
 equauit, ut ex Coquinarijs cōmentarijs, quae eius coei
 nomine circūferuntur, licet intueri. Capitur Rhom-
 bus toto anno, & circa pinguiorem arenam & are-
 nulas, extremasq; litorū margines natat transuersus,
 cōuoluitq; se certis flexibus strabonum more, ut situs
 oculorum uitium emendet, suaq; potius latitudine,
 quam pinnarum adminiculo fretus cursum dirigit, o-
 mnium profecto & temporum & locorum piscis, i-
 dēq; & delicatus & salubris, hyeme tamē quam aesta-
 te, & in Italia Rauennæ, quam alibi multo laudatior.
 Rhomborum pulpæ sunt candidæ, & presso quodam
 humore succulentæ, que affatim & salubriter aliunt,
 modò in prima concoctione, que celebratur in stoma-
 cho, superfluæ earum partes perfectissimè secernan-
 tur. Galenus in alendis conualecentibus Rhombos in
 iure simplici cum modico sale, porris & anetho in-
 tritis percoquebat. Sanis autem, & his qui sensum ap-
 petentis stomachi deiectum habuissent, tostos in erate
 acetoq; conspersos, uel frixos cum garo ac uino ap-
 ponere confucuit.

De Solea Cap. XXVI.

Sequitur Solea, Lingulaca à M. Varrone nuncu-
 spata, ab Athenæo autem Buglossus, quod boui-
 næ linguae effigiem imitetur, hodie in lauitoribus con-
 uiuijs, in summa etiam cæterorum piscium copia, ma-
 gnā obtinet claritatem. Probatur hyeme & frixa A-
 rancij

rancij mali succo, pipereq; conspersa. Maxima in Belgicis Oceanii litoribus reperitur, nostrates pedalem longitudinem raro superant. Sole & maleficos pisces defugiunt, eaq; solum frequentat loca, in quae belluae minime accedunt, ita ut argumento sint maleficos non esse, ubi ipsae, ueluti solutae metu uagentur. Sole a leuisimum ad generat nutrimentum in stomacho, facile concoquitur, & in secundis uenarum & iecinoris digestionibus nulla fermè noxiarum superfluitatum excrementa relinquit.

De Citula, siue sancti Petri pisce Cap. XXVII.

Piscem è genere planorum, similitudine Istricis ipsa dorsi acie aculeatum, capite exteto, ore latissimo, cuius maxillæ ex perspicua membrana constare uidentur, Romani Citulam & sancti Petri piscem, uti & Veneti, Ligures autem Zaphirum appellant. Sunt in eius utroq; latere gemini orbes, qui bina imprimentium digitorum uestigia esse uidentur. Sapore pretio, & effigie, si caput abscideris, ipsi Rhombo persimilis. Quo autem nomine Latini ueteres, Graeciq; illum appellarint pro constanti affirmare non ausim. Quibusdam uidetur esse Chalcis de genere Rhomboru apud Columellam. Putauit ego illum esse Acanthiam, qui sit de genere Galeorum apud Athenæum, sic dictus, quod spinosus sit: & certè si Galei prolem ore suscipiunt, ut eam ab inuidentium piscium iniuria tuerantur, hic pisces ante omnes, os habet aptissi-

mum, ut ea pietatis in filios officia cōmodissimē prae-
stentur. Acanthiæ certè Oppiano è genere Galeorum
sunt & aculeati, sed is fortasse est qui à nobis Colum-
bus piscis appellatur, in simæ plebis obsonium, qui ob-
tōgus est, & cartilaginatus, spinamq; habet in dorso.
Aliquando quoq; dubitaui, an esset Citharus, quem sae-
pius Galenus cum Rhombo nominauit, asserēs Rhom-
bos sapidiores & meliores esse Citharis, ut manife-
stè in mensa utriusque collatione deprehendimus.
Inuenio tamen apud Athenæum piscem, Citulum di-
cari Libero patri, sicuti Citharum Apollini, Triglam
Hecati, Apuam Veneri, qui, si nominis coniecturam
sequemur, profectò Citula Romanus antiquorū Græ-
corum Citulus esse poterit.

De Torpedine Cap. XXVIII.

Torpedo effigie, potestateque admirabilis, sic
dicitur, quoniam capta in retibus, priusquam
attingatur, piscatorum manus stupefaciat: propte-
rea Veneti eam Sgramsum, quod est, torpescens mē-
bri affectus, appellant, Romani autem modò Battipotam,
modò Foterisiam, frequentius uero Oculatellam dicunt, quod in eius dorso quinque ocellos sub
nigros ipsa natura depinxerit. Subrufa est pro-
na parte, supina autem candida. Auerroes, cœ-
terique philosophi, Torpedinem ea qualitate manus
adficere, qua ferrum à magnete lapide pertrahatur,
existimarunt. At Galenus Torpedinem inter pisces,
quibus uescimur, in tertio de Alimentis nominauit,

qua-

DE PISCIBVS ROM. 149
quanquam ea hodie à plebe, e gentiissimisq; homini-
bus tantum comedatur.

De Raia & alijs Cap. XXIX.

Svnt etiam è planis Raie & Squatinae: ex item
compositi ex utrisq; Rhinobates siue Squatrainæ
que foedæ sunt aspectu, atque esu admodum iniucun-
dæ, quum inter sordidæ plebis atq; pastorum obso-
nia censeantur. Raiarum fel auribus sanandis aptif-
simum est. Squatinarum autem scabrum tegumen-
tum, ad poliendum ebur propter asperitatem ab ar-
tificibus expetitur. Ex eo cultellorum & falcatorum
ensium uaginas Turcæ, Barbariq; maritimi admodū
pulchras conficere solent, quas Sagrinas appellant.
Est etiam huius generis Pastinaca, idem & Turtur
& Trigon, quæ à mortifero aculeo letalis ab Op-
piano dicitur, quo Ulysses ictus à filio perierit, hodie
Bruccus dicta. Hæc simul & Raia & supra citati pi-
spes è Mustelino sunt genere, prolem tamen ore (ut
alijs solent eius speciei) suscipere nequeunt propter
caudarum asperitatem.

De Congro Cap. XXX.

Post planos pisces oblongi & lubrici citabun-
tur, & ante alios Conger subalbus & teres, qui
ingentis anguillæ speciem præ se fert. Hūc Icesius ait
omnibus gregalibus piscibus duriorem, & ob rari-
tatem carnium tenuissimè nutrire, neque laudabilem
præbere succum, eum tamen stomacho minimè esse

molestem aut incommodum. Idq; Galenus affirmat, qui dicit Congros parum afferre nutrimenti, cæterum facilissimè eorū carnes digeri atq; secerni, ita ut mirer Albertum Magnum, quū dicit Congros nativa quadam proprietate lepram morbum generare. Cōgros in immensam crescere magnitudinem apud Sicyonem Peloponnesiam Eudoxus tradit, ita ut currum longitudine superent. Porrò Archestratus in lib. de Legibus uentris, Congros in Italia longè optimos iudicavit, quod nūhi nequaquam uerisimile uidetur. Quando neq; hodie aulæ principes, neq; ipsi cupediourae Congru magnificiant, soliq; Hispāni Romanæ urbis inquilini, eum exoticis quibusdam pultarijs incoctū, in summo honore habere uideantur.

De Muræna Cap. XXXI.

Muræna toto mari sunt frequentes, sed in Sicilio longè maximæ atq; optimæ: eas Columella Flutas appellauit, quod summis in aquis fluitet, unde accidat, ut in nimis solis ardoribus exusta cute se mergere nequeant, amissaq; flexuosi motus agilitate capiantur. Sunt maculosæ, et in collo aliquot stellas ad formam Septentrionis habere dicuntur, quæ statim morientibus euaneant. Mira in ijs sagacitas: nam ut se captas sensere, hamum audiissimè deuorant, dentibusq; lineam protinus abrodunt & effugiunt. Veteres Romanos à uiuacitate potius quam à saporis præcellentia Murænas estimasse crediderim, quoniam magna eorum copia in cotidianos usus, uiuarijs inclusa

inclusa diutissimè poterat asseruari, cæteris piscibus,
aut tædio carceris, aut uitio piscinarum facile pere-
untibus. Constat enim C. Hircium ex uiuarijs epulo
triumphali, dictatori Cæsari sex milia Murænarum
mutuò appendisse. Mansuescunt, & de manu hominis
escam accipiunt. Crassus ille, cognomento diues, Mu-
rænam altilem adamauit, adeò ut Fato functam ali-
quando luxerit, & tumulo indiderit. Extat quoq; il-
lud falsissimū Crassi dictum, quum L. Domitio admo-
dum ridenti, atq; admiranti, quòd mortuam defleret
Murænam, respōdit. Mirum quidem esse quòd extin-
ctum pisces lachrymis prosequeretur, sed multo qui-
dem admirabilius, quòd ipsæ tres à se elatas uxores
non lugeret. Extulerat enim tres uxores Domitius,
quas quidē ueneno, ut dotibus potiretur, sustulisse di-
cebatur. Aliquæ etiam foeminæ in delitijs Murænas
habuerūt, ut Antonia Drusi, quæ unispectatae māsue
tudinis gēmatas inaures addidit. Vescuntur humanis
carnibus Murænae, idq; Vedijs Pollionis crudelitate
uerum esse apparuit, qui damnatos seruos in uiuariū
demergebat, ut illi non extemplo sed paulatim in mi-
nutissimas discepti partes, Murænarum morsibus ab-
sumerentur. Ferunt Murænas in cauda uitalem spiri-
tū habere, propterea illas aliquāto celerius interimi,
si in extrema caudæ parte potius quam in capite fusi
bus uerberentur. Sanga Romanus poeta lepidus,
quū Pyrgorū in litore piscaremur, docuit Murænas
ab antiquis excoſſari, Plauti authoritate, ut eorū car-
nes nullis impeditæ spinis gratioreſ redderentur,

ingentemque ille Murænam binis bacillis utraque manu comprehensis medium astringendo detergendoque, recte & festiuè admodum exossauit. Serpentis cum Murænis coire, quas sibilo è profundis in litus euocent, D. Ambrosius & complures antiquorū tradunt, cui opinioni Athenæus refragatur authoritate Andreae, qui de his quæ falso creduntur, librum edidit. Muræna toto anno pariunt, estq; de genere earum Murus robustior & grādior, & unicolor, Larici ligno colore persimilis, ut Aristoteli uidetur, quem Myrinum Plinius appellat. Inuenitur & Muræna fluialis multo minor, quæ unam tantum habet spinam, & Gallarias, authoritate Dorionis, ab Athenæo nuncupatur, ita ut arbitrer hanc minorem Murænam intelligere uoluisse Athenæum pro ea, quæ à nobis Lampetra uocitetur, sed de hoc mox diffusè differemus. Murænarum carnes non minus nutriunt quam Anguillarum atque Congrorum, ut Icesius asserit. Verum ab duricie quadam innata, & extenaci humore laboriosissimè digeruntur, sed à lactibus eximijs summam commendationem accipiunt, quibus Heliogabalum Cæsarem insana prodigalitate, quum in mediterraneis esset, aulam omnem ac rusticos pauisse Lampridius in Historijs affirmauit.

De

De Acu Cap. XXXII.

EST & Acus de Longorum genere, quæ à Græcis Raphis & Belone dicitur: rostrum habet gruis uel ciconiæ similitudine, colore uero argenteum, spinam autem, ut Albertus Magnus annotauit, uiridis coloris. Hic piscis sero parit, & per æstatem tantum, utero dehidente tempore partus, secus ac cæteris accidat piscibus, qui ipso uulue foramine pariunt, ut Aristoteles existimauit. Humidum, bonumq; succum eius carnes præbent, sed tardiusculè cæterorum comparatione concoquuntur.

De Anguilla Cap. XXXIII.

Anguillas, quod anguibus assimilentur M. Varro dictas existimauit. Nascuntur ex limo, algarumque putredine imis in lacubus & fluuijs nullo coitu, nullaque foetura, ut ait Aristoteles. Viuacissimæ sunt: quoniam branchias habent per angustas, unde etiam fit, ut turbidas aquas difficillimè tolerent. Reperiuntur & in mari Anguillæ secundis amnibus deuenctæ secus ac alijs contingat piscibus, qui è mari subire amnes, allecti aquarum dulcedime consueverunt: & eæ quidem multo sapidiores uidentur, quam ipsæ prognatae nutritæq; in amnibus, ueluti quæ uiscosum, lentumque illum habitum penitus exuant, sal sarum aquarum egregio temperamento. Necq; tamen credendum est, in alto ac profundo mari dulcior rem deesse humorem, quo maximè pisces foueantur:

Nam ut ait Aristoteles, in profundis uadis aquarum dulcium uenae perennes existunt, & in ipsa marinariū aquarum mole portio certa dulcioris humoris reperitur, quum maris aqua, neq; simplex sit, neq; ut aliqui uoluerunt, purum elementum: argumēto sunt uasa cerea è nauigijs in altū demissa, quæ paucarū horarum spatio dulci aqua per meatus subtilissimos recepta, manifestissimè replentur, ut Democritus ante Aristotelem, & utroq; posterior Theophrastus, experientia deprehenderunt. Ceterum Anguille in mari rarissimè, frequēter uero in omnibus fermè fluuijs ac lacubus Italiæ capiuntur. Sed ingentes & sapidissimas alit Vulsinensis lacus, quarum incredibilem multitudinē capi uedimus in excipulis ad egressum Martæ amnis fabricatis, cum Alexander Farnesius Cardinalis Leonem Pontificem in eam amoeniss. regionem ab Urbe uenandi studio secedentem regali magnificezia suscepisset. Anguillas omni ex loco, omniq; tēpore, et præsertim circa solstium, medici detestantur. Stomachis enim & renibus sunt inimicæ, sed præcipuum sentiunt nocumentum ex earum obsonijs, qui arenulas mingere consueuerunt, quoniā illæ Anguillari glutino in calculos cogi & astringi uideantur. Podagra quoq; laborantibus manifestè officiunt: nec ullis morbis medentur, sic ut iniquè fecisse natura uideatur, quæ tam suauem refutandis expuendisq; piscibus saporem indiderit. Ceterum Anguillas minimè noxias, sed quæ propter exilitatem commodè ueribus torri non possint, gignit Serius Cremonensis

agri

agri fluiolus, qui in Abduā excurrit: Vidae poetæ pateras possessiones interluit.

De Lampetra Cap. XXXIII.

Sivebeunt Arnum & Tyberim Lampetrae, atq; in ijs præsertim amnibus ad generosum habitum adulescunt. Anguillis uel paruis potius Murænis assiliantur: sunt enim lubricæ & nigricantes, tendente tamen earum parte prona ad cœruleum colorem, utroq; autem guttulis latere foraminulentæ, si quidem septenis paribus fistulis mirabili ordine à natura fabricatis acceptam aquam emittunt, quum branchiis omnino careant, nec cubitalem excedere magnitudinem soleant. Omnibus autem Galliæ Cisalpinæ riuulis, ipsisq; præsertim Ticini atque Adduæ emissariis multæ reperiuntur pretiosæ admodum, quanquam minimi digiti crassitudinem rarij. superent. Sed Romanis præcipua nobilitas à magnitudine atq; sapore adeò, ut denis sæpe aureis singulæ ueniant, ipso præsertim Vere quo maximè probantur: Neq; enim dum ieiunamus & frugi esse debemus, luxuria castigatur. Retulit Platina in Culinariis suis duorum Cardinallium luxu, superbiaq; certatium obsecnatores centum aliquando argenteorum nummūm uni Lampetrae pretium fecisse, quum in foro piscario ambitiosius contendendo eum piscem pertinaci atq; insana profusione ueluti ad hastam licitarentur. Lampetram neoterici quasi à lambendis petris dictam putant, quam Græcis Galeum, Latinis uero Mustelam fuisse

arbitramur. Eam Ennius poeta pretiosissimis equalem facit, & Plinius bonitate Scaro proximam esse testatur, & Ambrosius gustu suaucm uocat.

Porrò Galeorum plura sunt genera, ut apud Aristotelem, Athenæum, Oppianumq; ac ipsum præsertim Galenum licet intueri: dicitur enim piscis Mustela, è Galeis siue ex Mustelino genere, ut Theodorus Gaza passim interpretatur, prolem ore suscipere & rursus emittere, ut illam à piscium maleficorum iniuria tueatur. Cæterum Galenus in tertio libro de Alimentis Philotinum deprehendit, qui Galeum in ordine duras habentium carnes collocabat, quum Galaxias sit is piscis è genere Galeorum, quem Latini Mustelam appellant, Piscis (inquit) & mollis & apud Romanos gloriosus. Neque enim ille uetus pariter ac inceptus Galeni interpres unquam pro Galeo Mustelam interpretatus est: quod profectò Theodorus fecisset, qui semper nominibus Græcis, pro uirili, Latina uocabula reddere confueuit. Icesius pariter in lib. de Materia, è genere Galeorum meliores & molliores Asterias appellauit, ita ut fortasse putandum sit eum pro Asteria Lampetram innuere uoluisse, quòd Lam petra quasi à maculis, quanquam obscurioribus stellata sit, & mollis & delicata. Inuenio quoq; nō nullos authores, qui paruam Murēnam pro Lampetra intelligant, ut ait Athenæus authoritate Dorionis, apud quē fluialis Murēna, que marina sit, multo mi nor, Gallaria nuncupatur, quoniam unam tantum ha beat spinam. Potest quoque accidere, ut idem sit

Gallaria

Gallaria Athenæi, & glorioſus Galaxius Galeni, unius literæ commutatione: neque mirum eſſe debet, quum utriusq; authoris Græci codices corruptissimū habeantur. Albertus quoq; Magnus Lampetram Murænam paruam appellauit, ~~quod est in aliis~~, minimè tamen hoc ſomniaffe putandus eſt, quum ex ueterum potius commentarijs laboriosissimè excerptis, quām à multo nobilioris ingenij acumine, tot tantaq; uolumina condiderit. Id uero me plurimum mouet, ut Galeum pretiosum apud Græcos, noſtratem hanc Lampetram non eſſe existimem: quoniam is Galeus, qui Rhodi longè omnium delicatissimus eſt, ab Archeſtrato in eo libro, quo uitam quærit Sardanapali, dicitur eſſe Accipenser, qui Plinio authore, rarus inuentu eſt, & squamis ad os uersis conspicuus. Verū ipſi Græci infinita quadam nomīnum congerie Accipenserem appellant, ut qui modò Ellopem, modò Callionymum, modò Anthiam & pulchrum, & Callichthyn, quem etiam ministri cum tibijs coronati conuiuijs inferrent, eum uocare confuerint. Sed ut arbitrer Lampetram antiquitus fuiffe Muſtelam, Plinius apertissimè ſuadet, quum dicit in lacu Rhætiæ Brigantino Muſtelam eſſe mariæ emulam. Nanq; is hodie lacus Hydrius eſt in Tridentinorum finibus, qui proculdubio antiquitus fuit Brigantinus. Is emittit amnem Clisium, in quo Lampetræ reperiuntur. Sebinus quoq; Brixianorum lacus Brigantino proximus, qui hodie Hisseius dicitur, & Ollium amnem emittit, ut plures eius accolæ mihi

affirmarunt, aliquando Lampetas Etruscis ac Rom.
specie, saporeq; simillimas præbuit. Neg; propte-
rea dixit Plinius marinæ æmulam, quia captam mari
intelligere uelit, marinæ enim sunt, quæ in Arno ac
Tyberi capiuntur. Distant siquidē longo interuallo
pulparū bonitate ab his quas in alto mari expiscari
aliquando solemus, quum subaridae agrestesq; sint, ita
ut exprimere Plinius uoluerit Mustelas, quæ nunquā
mare attigerint, sapore commendandas dulcibus in
aquis reperiri. Neg; enim Plinium Lampetas par-
uas (quas Lampetroccias uocamus) marinis cōpara-
re uoluisse credendum est: nam si de paruis intellectis
set, ad Brigantinū ignobilem lacū, et ipsis abstrusū in
alpibus minimè fuisse recurrentum, quum uti supra
diximus, tota Gallia Cisalpina in omnibus fluuiolis
ac riuis copiosissimè reperiantur. Vnde uero Lampetra
antiqui Mustelam appellant, incertum est. Ve-
rū ego piscem illum à longitudine candoreq; uētris
et à tergoris superioris subluteo colore (uti in qua-
drupedibus Mustelis uidemus) dictum esse putauerim.
Fuere aliqui eruditiores nostræ tempestatis, qui Lam-
petram apud Plinium Lumbricum fuisse crederent,
quum in IX. dicat: Duæ omnino sunt pinnæ lōgis pi-
scibus, ut Lumbricis et Anguillis et Congris, quum
et Lampetrae sint longæ, et Lūbricis terrestribus cer-
to confinio assimilentur. Verū locum ibi depraua-
tum esse ostēdit Alcyonius uir doctus, quū Plinius ea
dem uerba ab Aristotele mutuatus esse manifestè de-
prehendatur. Verba autem Aristotelis, hæc sunt ex li-
bro

bro primo de Nat. Anim. Quae autem in genere na-
 tantiū pedibus carēt, hæc aut pinnis natant, ut pisces:
 quorum alij quaternas, binas scilicet parte prona &
 binas supina habent, ut Aurata, ut Lupus: Alij binas
 tantum, qui longi leuesq; sunt, ut Anguillæ & Cōgri:
 aut nullas omnino habet, ut Muræna, sed ita mari u-
 tūtur, ut terra serpentes, modoq; simili repunt in hu-
 more. Theodorus autem uertit leuibus loco lubricis,
 quandoquidem in mendo sam Plini lectionem incidit
 nec satis animaduertit, quo pacto castigare eam opor-
 teret, ut librariorum uitio lubricis dictionem in Lum-
 bricis addito, m, litera abiisse omnino credendum sit.
 Porro Hermolaus in Castigationibus Plinianis nihil
 de Lumbricis differuit, in Corollario autem apud
 Dioscoridem, quū Mustelam nominaret, quis nam is
 piscis apud neotericos esset, cautissimè subticuit, ut po-
 te qui de eo pisce nihil certi adhuc se cōperisse memi-
 nerat. Quod si hæc nonnullis qui in explorata ueri-
 tate morosi sunt, minime satisfecerint, operæ pretium
 erit, eos Lumbrici nomen pro pisce apud aliquē idoneū authorem reperire, quod certè nunquā (nisi fal-
 limur) uel accuratissimæ lectione poterit inueniri. At
 si Lumbricus erit piscis, qui Lāpetra dicitur, testimo-
 nio alicuius fortasse authoris ab inferis reuocati: quis
 demū contrà piscis erit ipsa Mustela ab antiquis tāto
 pere celebrata? quum nullus ferè sit piscis palato gra-
 tiissimus, cui suum nomen, idemq; antiquū non redi-
 derimus? Lampetræ igitur suauissimæ sunt, Martio ta-
 men Apriliq; mensibus tantum: nam incipiente aestate

durescit neruus interior, qui illis pro spina est. Cæterum delicatiore quodam condimento multo maiore, quam ab ipsis pulpis, nobilitatem accipiunt. Necare enim eam in Cretico uino solēt, eiq; myristica nuce os claudere, et foramina illa totidem caryophyllis adimplere, in teganoq; conuolutam in spiras additis auellenis tritis, medulla panis, oleo, uino Cretico, aromatibusq; ad temperatores prunas certis momētis sedulo excoquere: Quo condimento Leo X. in minore Fortuna, loci caussa, ut conuiuium exhilararet, Marianum cucullatum, salsum et ridiculum hominē, memorabili impostura decepit. Namq; funem instar Læpetræ incoctū, multoq; illo iurulento immersum grādi in patina apposuit, ut notam omnibus eius edacitatem, gulamq; eluderet, qui iam magna pultrij parte absunta Pseudolampetram aggressus, diu, multumq; cum ea maxillis ac dentibus inhärente collutatus, cachinnum cunctis tollentibus facetissimè respondit: Utinam sic mihi sepius illudatis: nam in hoc condimento non modò funes, sed et ipsas catenas, quibus insani uobis similes uinciuntur, et cum uoluptate quidem absumerem.

Cæterum Lampetrarum pulpis nullam uim noxiā inesse putandum est, quando et duricie et lento pinqui prorsus expoliatae sint, quibus maximè conditionibus pisces stomachis incommodi esse consueverunt. Dicere autem eas ab occultiore potestate nervis aduersari, impudentis uel scrupulosioris ingenij esse putamus.

De

De Trocta Cap. XXXV.

QVID Trocta Romanis antiquitus fuerit, haud facile adfirmauerim, quando unus tantum e Latinis Ambrosius, solus ex omnibus Græcis authoribus Aelianus Troctam nominarint, & id quidem admirandum est, quum omnium qui dulcibus in aquis generentur, hic piscis longè nobilissimus & equali cunctarum gentium iudicio censeatur. Quam ob rem in hoc præsertim pisce condonandam mihi ab eruditis ueniam existimo, si ingenuè me nondum eius uocabulum à ueteribus usurpatum reperiisse, minimè inficiabor. Sed Trocta de Luporū genere fuisse apud antiquos crediderim, uti Moderatus Columella curiosos atque oculatos lectores admonere uidetur, quum Lupos sine macula piscinis includi posse asseueret, aliosq; esse Lupos dicat, qui uarij appellantur, ita ut Lupo rum alij sint sine macula, id est, marini, qui et amnes subeant, alij Varij, hoc est, fluuiatiles, qui dulcibus in aquis generentur, unde & Troctam ab ali quibus inglorijs authoribus Varium maiorem appellari uidemus: certè Trocta admodum uaria est, nigri gantibus maculis totum dorsum speciosè pingenti bus. Spigolæ uero unicolores potius atque argenteæ esse uidentur, quanquam & ipse ueluti ad retinem dam Lupini generis appellationem, sub atris punctis sed minoribus & languidioribus, quam in Troctis videamus, notatae sint. Neq; enim arbitrandum est Columellam per Lupos traductos in Cimimum & Sabæ-

timū lacus, uel Troctas uel Lucios intelligere uoluisse
 superuacaneum enim fuisset Troctas indidisse, quarū
 maximam copiam suburbani amnes omni tempore
 suggererent, ut ex Reatinis, Sublaqueanisq; et ex i-
 pso Tyburtino Aniene quotidie uidemus. Præterea
 neq; Romanæ luxuriæ neq; admirabilioris magnificē
 tiæ fuisset, alios quām pelagos pisces illis in lacubus
 disseminasse: de marinis enim Columella loquebatur
 et quidē nobilissimis, ut de Auratis et Murænis simul
 cū Lupis ipsis clare testatus est, quos tamē omnes defi-
 ciente paulatim eorum sobole, quū diu naturæ repu-
 gnare nequierint, penitus interiisse manifestè uide-
 mus. Improbumq; illud factū et dictum luxuriosum
 Philippi apud Cassinatē hospitem certissimam facit
 conjecturā, Lupum illum, quem ut insulissimi sapo-
 ris expuerat, et probro subinde fuerat persecutus, fuis-
 se Troctam, quū in illis amnibus Cassinatum, Sorano-
 rum et Arpinatum Troctæ plurimæ capiātur, quas
 Spigolis Tyberinis pinguioribus minime cōparandas
 Philippus esse iudicabat. Plinius quoq; aliquos Lu-
 pos à candore lanatos appellari dicit, et illud quidem
 proprie et eruditènam Lupos, id est, Troctas in uni-
 uersum, secundū carnes rubescere, Spigolas autem pe-
 lagias pariter ac Tyberinas insigni candore albicare
 clariss. constat. Cæterū Troctā non facile in Tyberi
 reperies, sicuti nec ipsam Spigolam alijs in amnibus
 Vrbi propinquis. Cur autem solus Aelianus Troctam
 ampliore elogio celebrarit, propterea id accidisse pu-
 tauerim, quod ille fuerit Prænestinus, apud quos Tro-
 ctæ

Et pluri mæ subiectis in annibus capiantur. Quæ etiam ratione D. Ambrosum Antislitem Mediolanum ueluti Larianis Troctis assuctum, uulgato etiam tum eius piscis nomini inseruire uoluisse credendum est. Sed Aelianus Trocta è genere marinorū facit, quæ cum Delphinis pugnare soleat, sic ut id nomē nostra ti Trocta parum conuenire uideatur: eā dicit continuos habere dentes, & eos quidē incisorios, captāq; hamo nō retrocedere, sed continuè sequi, ut eo de glauco, inferiusq; demissō, lineā abrodat, propterea à piscatoribus hamos ansæ lögioris fuisse excogitatos: salatrixq; ab eo Trocta appellatur, quod et nos hodie uidemus: nam eas aduersus amnes, uel è præruptissimis etiā cautibus decidentes incredibili impetu subire compertum est: ab Nare enim fluuiio in Velinū lacum, qui hodie Pedelucus est, stupenda uelocitate, uolucrum modo ascendere creduntur, qui lacus ab altissimo motis uertice certis primò coarctatus angustijs, & mox tota aquarum mole precipitatus, nec subiectis quidem cautibus madefactis, ueluti è cælo in ipsū profluuentem Narem effunditur. Nos quoq; Troctas maiores audiuimus in Larij ripis lasciuo excursu extremas harenæ margines aliquando ad iusti passus longitudinem prosulcasse. Trocta longè omnium maximæ centum aliquando librarum pondo Lario in lacu progignuntur, & quidem omni alio, uel marino etiam pisce sapidiores, præsertim si Maio mense & in Bresciane torrentis ostio capiantur: mortue paucissim horis summam illam saporis gratiam amittunt,

quoniam ob pinguem illam teneritudinem quam o-
cysime computrescunt. Coquuntur concise in tabel-
las in lebetibus lapide ijs torno fabricatis, simplici in
aqua, multo sale indito, aliaq; subinde accersita con-
dimenta penitus aspernantur. Musco enim quodam
pruinæ simili paulò post sponte emissso, rubentes pul-
pe protinus efflorescūt, ita ut quum refrixerint mul-
to gratiiores esse uideantur. Morus tamen nobilis pa-
rasitus, qui plurima eruditioraq; in obsonijs pulmen
ta commentus est, Troctam cubitalem in præpinguis
capi iure coquendam esse censebat, sicuti & Phasia-
num adulturn, quem mediocriter in eodem capi iure
elixare, ac demum ad auertendam ariditatem, que
torrendo conciperetur omenti hœdini reticulo mul-
tis caryophyllorum clavis confixo inuolutum ad mi-
tiorem prunarum uaporem in ueru percoquere con-
sueuit. Soleo ego plerunq; mirari quosdam, qui ut
sapientiores uideātur, Benacinum Carpionem, Pada-
num Silurum, & è mari plures pisces Larianis Tro-
ctis uel anteponere uel exæquare solēt, & itē Soranæ
Troctæ in eo genere principatum attribuāt, quū ma-
ximè fallantur. Neq; enim obsoniorū adeò imperitus
esse possum, ut temere de hac re iudicare sim existi-
mandus, quum ex supero inferoque mari, cunctisq;
propè totius Italæ lacubus ac fluminibus nobilissi-
mos pisces lautis saepe conuiuijs gustauerim, & certa
comparatione contulerim: sed fortasse euenit, ut ho-
mines ea maximè probent esculenta, quibus à pueri-
tia insueuerint, uti nobili accidit Florentino, qui quā
in

in coena Leonis Pontificis pelagijs pisces uario discubentium iudicio certatim atq; impensè laudarentur, Extollatis, ut lubet, inquit, conuiuæ marinos pisces, ego certè Thrasymeniam Tincam conditam leucophago, his uestris Triglis, Spigolis & Rhombis prætulero: quod dictum ut insulsum, omnibus prærisu lachrymas excusbit, & in prouerbium paulò post receptum, authori, qui antea ignotus erat, maximam attulit claritatem. Assueuerat enim ille Tincæ pisci, qui à Florentinis mediterraneis hominibus, sacri præser-tim ieunij tempore, in summo honore habetur.

Troctæ pinguiores, ut sunt Larianæ, multo succo replere corpora, genitalemq; humorem copiosè suggerere dicuntur, uti Auicenna de omnibus prope piscibus, si recentes & calidi comedantur, uno edicto pronunciauit: ægris tamen euidentissimè nocent, utpote quæ tardè, laborioseq; in stomachis atterātur et secernantur. At fluuiales, quæ aduerso torrentium impetu fatigantur, atque occurrentibus in æqualium uadrum petris illisæ castigatoriæ sumina & aridiusculas carnes ostendunt, medici blandiores ægris apponere commendareq; non dubitant. Quas etiam in paralyticorum cibarijs magnopere laudauit ille Plinius qui elegantem librum de Morbis atq; remedij conscripsit. Fuit is proculdubio Plinio Naturalis historiæ scriptore, & Plinio Cecilio posterior, uocatusq; est Plinius Valerianus medicus, cuius marmoreum sepulchrum Comi, ubi Pliniorum familia floruit in templo D. Probini, aquæ sacre labello suppositum, &

De Tinca Cap. XXXVI.

Tincæ nomen habet nouitium & recens esse uidetur, quando eius piscis prisci authores, uno excepto Auson. nusquam meminerint. Est tamen celebratus apud Ciceronē quidā facetus orator Placentinus, cognomine Tinca, qui fortasse ab eo pisce sit cognominatus: quemadmodū Florentie Larctius Medeas senior, uti erat perurbanus, cuidā celebris familie cuius se domi Tincam ingentē exquisita arte coctā falso iactanti, Tinca cognomē, quod illi postea fuit æternū, indiderit. Ego uero palustres hos pisces nullo in pretio apud antiquos fuisse putauerim, et propterea nullis literarum monumentis fuisse celebratos: meq; plurimū mouet Ausonius, qui Tincas & Lucios ignobilissimis piscibus adnumeravit: neq; eum uetera uocabula subditis nouitijs nominibus supprimere credē dum est, quum cæteri omnes pisces ab eo ueteri nomine celebrentur. Sed Tinca quanquā plebeius sit piscis (sicuti tota fermè Italia cōspicimus, & Ausonijs quoq; testimonio notū est, quum dicit: Virides uulgi solatia Tincas) aliquādo tamen in lautorū mēsas uenit, & ex his Romæ præsertim Marsicana è Fucino lacu, qui nūc Celanus dicitur. Fucinianæ labrū inferius tritū habent, quod eius generis inditiū est, quippe quæ plurimū saxoso eius in lacus uado uolutentur. Fert et laudatissimas parvus ille lacus quartodecimo ab Urbe lapide apud Bacanā syluam, quā Antonino Pio notam

Itinera-

Itinerario esse uidemus, quibus non modò plebeij, sed splendidi etiam optimates s̄epius uestcantur. Nobilis ille inter aulæ proceres lōgè omniū ætatis nostræ p̄pinalis lautitiæ studiosissimus, qui ducēta mīlia aureo rū nummūm, in uentrem se cōdidisse aliquando gloriatus est, Tincas Bacanianas Autumno captas, allio, laridoq; contritis, additisq; odoratis oleribus et multo aromate, in teganiis ad uaporem tepidioris furni feliçissimè percoquebat. Fert et Tincas, quanquā minores, sapore tamen minimè contēnendo sanctæ Praxedis lacus, in Latij, Sabinorumq; finibus, qui Regillus antiquitus fuit, illa nobili deuictis Samnitibus pugna celebratus: sed eæ cum Rais et Squatinis, ceterisq; uilissimis piscibus apud Pantheon ignobili foro infimis hominibus uenundantur. Platina in Culinarijs suis fœdè lapsus est, quum Tincas antiquitus Mænas fuisse existimauit, quæ sine controuersia iij sunt pisces, qui Mænulæ uel Giruli à Venetis appellantur, pisces inquam, noti et Ciceronis auhoritate uilissimi.

Ceterū medici Tincis omnibus uim quandam inesse ad progignendam febrem existimant, quoniā maximè in coenosis degat, et putrescentis limi sordibus uestcantur. Verum eas scissas per dorſi longitudinem, pedumq; et manuum plantis applicatas ardētis febris feruoribus plurimum aduersari quidam putarunt ex secta Iudeorum: qui quanquam sordidè admodū, et ridentibus alijs talia experientur, aliquando tamen ipsis æstuantibus exoptata blandimenta feliciter attulisse comperti sunt.

De Lucio Cap. XXXVII.

Lvcius nusquam mari, ubiq; autem stagnis ac lacubus cum Tinca frequentissime reperitur, qua una ratione, qui eum antiquitus Lupum fuisse existimat, manifeste conuincuntur. Ausonius quoque Lucium nominat cum Tinca, quem tamen ab olido nidore ingratum mensis esse testatur: propterea non facile dijudicauerim, an is sit qui Lucius ab Italib; & Gallis uero Broscettus dicitur, quoniam is inter gratos secundae classis ipsorum fluvialium, in Gallia Belgica censetur. Venditant eum omni tempore uiuum, innatantemq; ligneis uiuarijs Britanni, uentre tremq; illis ultro cultris aperiunt ad ostentandam eorum pinguedinem, quæ plagis exprimitur, ut emptiores aspectu suminis allicantur, neq; refutati propterea commoriuntur: coeunt enim protinus patentia uulnera Tincarum contactu, quod earum tenaci illuie, ueluti glutinoso medicamine solidentur.

Thrasymenus lacus eius generis longè maximos atq; optimos nutrit: Bicubitalem enim aliquando excessè re magnitudinem: post Thrasymenos è Cimino, qui hodie Rusillonii lacus dicitur (fuit is uicus antiquitus rus Syllanum) laudatores Romæ habentur: nā quos præbet Bracciani lacus, qui olim Sabatinus fuit, et sapore & magnitudine sunt inferiores. Effigiem Lucij, quum de Lupo ageretur, adamassim expressimus ita ut posteri, quem ego pescem Lucium nominarum minime sunt dubitaturi. Hic pescis admodum salubris omnium

omnium medicorum iudicio putatur. Cæterum ab insula quadam pulparum siccitate nullam unquam in optimatum mensis laudem uel commendationem adeptus est, ita ut ij nostrates Lucij cum Gallicis dignitate minimè sint comparandi, ex te, tuosque conuiuas lautissime Ludouice aliquando deceperint, quum obsonatores Galli incomperto adhuc agresti illorum sapore dum emerent, sola proceritatis specie ducentur: non enim maximi semper optimi: Nam in omni genere piscium media ætas, quæ nondum summam magnitudinem impleuit, Cornelij Celsi auctoritate commendatur. Cæterum Luciorum mandibulæ tostæ, in pulueremque redactæ, si aurei pondere cum uino sumantur, in uestica ex renibus calculos frangere consueuerunt.

De Rayna siue Barbaro Cap. XXXVIII.

Alunt singuli Italie lacus suos pisces, qui ceteris eius generis anteferantur: Nam sicut in arboribus, ceterisq; animalibus uidemus, sic ex in ipsis aquatilibus contingit, ut aliæ atq; aliæ aquæ diuersis piscibus occultiore quadam proprietate, uel à terreno, uel à passione, uel ab ipso demum cælo prorsus accersita, non solum ad maiorem corporis amplitudinem, sed etiam ad ipsam saporis felicitatem plurimus conferre uideantur. Probare enim fucus è Liguria sollemus, Etrusca persica, Vesuianas uuas, à Clodia foſsa, Padiq; ostijs melopepones, Appulas amygdalas,

Campana malagranata, Picentes oliuas, è Romano
 agro poma Apia, è Sabino pyra Mustea, Tarētinæ iu-
 glandes, castaneas è Clauenna Rhæticis proxima al-
 pibus, Nursina rapa, & ex Umbria expedita Romæ
 terræ tubera: ex animantibus item boues Insubres, iu-
 uencias Romanas, Tuscos apros, uitulas Surentinas,
 boëdos Umbros, arietes Pistorienses, gallinas Pataui-
 nas, & columbas Interamnenses à magnitudine sapo-
 req; plurimū commendamus. Larius igitur lacus ob-
 longitudinem à Vergilio maximus nūcupatus, pisces
 longè omniū maximos gignit, Troctas centum ali-
 quando librarum pondere & Burbaros ducētarum:
 sed Burbari illi ingentes uideri potius liquidis ac per-
 spicuis in undis quām capi retibus possunt, quū ea im-
 potentii impetu plerunq; dilacerent: subeunt solstitiij
 diebus umbrerosos specus, in rupibus Licinianis, quæ
 sunt in aduersa Larij ripa cōtra Insulam, Euripumq;
 illum gēmeum à Cæcilio Plinio celebratum. Eos in-
 dustrius quidam sacerdos sagittis arcubalista emīssis,
 quum in profundo quiescentes, fuscinis atq; tridenti-
 bus attingi non possent, uulnerare conabatur: neq; ta-
 men sagitte longo alligatæ funiculo, nisi auersis offi-
 ciebant, quum illa squamarum serie thoracati, earū
 ictus facile repellent. Sunt & in Mātuano lacu, qui
 restagnante Mincio amne late diffunditur, Burbari
 pisces sapore longè optimi: nā Lariani sola magnitu-
 dine sunt insignes: rarò ij bipedalem excedere magni-
 tudinem solent, lati sunt, & ingentium subauratarū
 squamarum specie, rotundaq; item labro auri colorē
 ref-

referente, pinnisq; pariter subcroceis longè pulcher-
rimi. Eos Veneti Raynas, ipsi uero Ticinenses, Placen-
tiniq; & cæteri Padi accolæ Carpenas appellant. Hu-
midiores carnes, sed tamen innoxias habent, quod nō
tenaci sed aquo potius humore abundant. Lingua
autem maximè ualere dicuntur: nam & sapore præ-
stat, & uim habet augendæ Veneris, sicuti in Tinca-
rum & Anatum linguis experimur.

De Polypo, Sepia, & Lolligine Cap. XXXIX.

PReter squamosos pisces, & lubricos, & planos
est etiam mollium genus, sic dictum, quoniā ad
tactum molle sentiatur, ut sunt Polypi, Lollinges, &
Sepiae. Constat Polypus corpore admodum paruo, &
in medio ad emittendam aquam, fistulato, quod pluri-
bus brachijs & crinib. instruitur, quibus, uti est omni-
um ferme pisciū solertiſsimus, obvia queq; cōprehen-
dit, ligat, inuoluit, atq; flagellat, et ipsis deniq; ostreis
siliceo tegumento egregiè munitis insidias molitur.
Sunt enim ei cirri multiplices, plurima in extremis
prætenturis acceptabula, itemq; frequentes pediculi,
manusque plicatiles, quibus admiranda facinora
dum uenatur, edere consuevit: hiantibus siquidem
conchis lapillum imponit, ut illis se se ocludendi fa-
cultatem eripiat. Leonem, qui ualidam Murænam
chelarum forcipibus necat, cirris inuoluit, comple-
xumque sugendo paulatim interimit. Repit quoque
frequenter in terram, oleas ascendit, & in ædificia ali-

quando transgreditur. Refert Plinius Polypum insignis audaciæ ac magnitudinis in cetarijs Hispaniæ irrepsisse noctu ad lacus ligneos, salsamentaq; exedere & populari consueuisse: ad extremum præfectis fures obseruantibus, latratu canum deprehensum, expugnatumq; totius familie cōcursu, atq; ægrè telis ac tridentibus fuisse confectū; cuius cadauer ad insignis pugnæ memoriam Trebius Niger proconsuli L. Lucullo transmiserit. Polypus ultra bimatum non uiuit, quem expirare in Venere aliqui prodiderunt. Caput eorum cartilagine constat, quæ celeriter durescit, immaturamq; illis senectam adferre solet. Carnes Polyporum Galeni atq; Athenæi authoritate duræ sunt & difficillimæ digestionis. Si uero concoquantur, nō omnino malum, aut exiguum præbent alimentum. Salsugine autem sua Veneris pruritum excitant, & mürificè languidis atq; defessis auxiliantur. Afferuntur Venetias ex Illyrici Dalmatiæq; ora sale inucterati, quorum acceptabula & extremitates cirrurum à senibus ad parandam sobolem expetuntur. Alexis poeta in Pamphila, ut citat Athenæus, quum incitamenta Veneris percenseret, Bulbum & Polypū ante alia celebrauit. Plinius quoq; ille, qui de Medicis librum conscripsit, ut alibi diximus, Polypos cardiacis conferre arbitratus est. Sepia autem & Loligo in hoc differunt, quod Sepia latior, Loligo longior est, hæc rubrum, illa nigrum in timore liquorem emittit. Inest Loligini, quæ hodie Calamarium dicitur, gladiolus perspicuus & crystallo persimilis. Sepia

pia autem corpulentiam quādam habet inter spinā
 & os medium naturae fungosæ atq; friabilis. Vtrique
 sicuti & in Polypo, sunt barbæ, crines, & accepta-
 bula, sed aliquanto breuiora, quibus escam corripi-
 unt: corporum uero aluei aliquāto capaciōres quām
 in Polypis, quod natura prolixioribus postea capilla
 mētis in Polypo compensauit. Sepia, ut ait Athenaeus
 in lib. de Medicina piscium, elixa uentri confert, suc-
 cus eius subtilem reddit sanguinem & mouet crisim
 per hemorrhoidas. Oua autem eius authore Plinio
 urinam cident, renūmīq; pituitas detrahunt. In uniuersum
 uero mollium genus difficillimè in stomachis con-
 coquitur, si autem coquatur, plenius nutrimentum
 præbet. Qua ratione, ut ait Athenaeus, Venerem ex-
 citare dicuntur: nam in concoctionibus primis, quū
 maximè laboratur, uentum plurimum generari ne-
 cessē est, quo maximè uirilia inflentur, & Venus ipsa
 uel in senibus quanquam languidula, reuiuiscat.

Nobis uero manifestè compertum est, quæcunq; ob-
 sonia ex mollibus piscibus confiantur, in stoma-
 chis studiosorum, aut ociosorum & gerrimè coqui-
 multaq; subinde incommoda corporibus adferri, quo
 niam primæ digestionis uitia in hepatis, ac uenarum
 secretionibus rectè corrigi non possunt, neq; sanguis
 ad idoneam puritatē elaborari, qua maximè de cau-
 sa, Clementi Pontifici Max. ex huiusmodi mollibus
 obsonia appetenti, in mensa palam totum corum ge-
 nus səpiissimè sim detestatus.

De Locusta Cap. XL.

Mollibus piscibus Crustacei succedunt, inter quos Locusta primā obtinet dignitatē, eam Aristotelī Carabū esse Theodorus existimauit. Oppianus autē pro Carabo Leonē intelligit, qui Theodoro sit Cammarus: nam ubi praeliū Carabi cum Murēna multis uersibus elegantissimè describit, Carabus denticulato forcipe instructus exprimitur, quo Murēna collum corripiat. Ceterū sine cōtrouersia Locusta est Carabus, quanquā, ut ait Hermolaus, hæc nomina cōfundantur: pedibus siquidē eius forcipes desunt, ut ait Aristoteles. Praeterea Locusta corpore rubenti, aculeato & aspero esse constat, ut ex Suetonio etiam appareat, qui Tiberiū ait, apud Capreas piscatori faciem Locusta perficari iuſſisse, quod ille à tergo insulae per deuia atq; aspera, ut Locusta dudum captā offerret, ad se improuisus erepſiſſet. Contra uerò Cammarus, qui Leo apud Pliniū est, uti etiam nunc uulgarī appellatione nuncupamus, & forcipes habet promanibus, & corpore leui atq; cærulo, multisq; subnigris maculis splendet, ut Arist. pulcherrimè depinxit, et nos quotidie uidemus, quem etiā Astacū appellauit Oppianus. Nos uerò Cammaros appellamus eos qui dulcibus in aquis reperiuntur, ad paruorum Leonum effigiem, qui dum coquuntur, protinus rubeſcunt. Eorum maxima habetur copia in Gallia Cisalpina, que est frequentibus amniculis irrigua. Sunt & Maiæ grandiores, rotundiore uentre, gressu in terra ſegnes

segnes, in aquis autem uelociſſimae, Veneti Grancueu
las uocant, quarum rotūdioribus testis ſpecula inclu-
dere ad elegantiā ſolent. Sunt et Paguri, Granciporri
hodie nuncupati. Itē Squillæ ſine chelis, quas Oppia-
nus cæteriq; omnes Græci Carides appellant: eas mi-
rum in modum commendauit Apilius in Coquinario
opere, Romani hodie Cammerugias & Pernocias uo-
cant. Sunt qui arbitrentur Squillas eſſe id Cancrorum
genus, quod Gibbum Aristoteles appellauit, uidentur
enim Squillæ admodum Gibbæ. Quid autem ſit Squil-
la Iuuinali illo in carmine:

Aſpice quām longo diſtendat pectore lancem,
Quæ fertur domino Squilla: Ego putauerim illū Cru-
ſtaceorū nomina cōſudiffe, uoluiffeq; intelligere pro
Squilla Locustam aut Leonē, qui dominis apponi cō-
ſueuerint: per Cammaros autē illos ſcilicet paruos de-
ſignaffe, quōd Locustarū ingentiū collatione, ueluti
minutuli, ignobilioribus cōuiuis apponereſetur. In uni-
uersum Crustacea ab ouis cōmendationa ſunt, pingue
ſcereq; ſolēt plenilunijs: authore autem Galeno totū
Crustatorū genus ob carnium duriciē diffiſillimē cō-
coquitur, ſalſumq; humorem adgenerat, ſed aliquāto
mitiorem iſpis Testaceis, de quibus mox agemus. Can-
cri autem & Cancelli, qui caudam non habent, latoq;
corpore & ualde rotundo conſtat, quiq; colore rufe-
ſeunt, & appensi lineis apud facellum Hadriani pōtis
uenundantur, hecticis & lenta febre laborantibus
mirè conueniūt, quoniam humidum, leueq; & ualde
refrigerans alimētum præbent, præſertim ſi uti præ-

cipit Galenus) in aqua prædecocti magna ex parte
salsuginem innatam exuerint. Hunc Cancrum, qui
Græcè est Carcinus, si in patella uratur uiuus, sub ca-
nis syderis ortum, quum Sol in leonem Zodiaci tran-
sit, à rabido cane commorsis mirificè auxiliari Ae-
schirion Galeni præceptor affirmauit. Pelops autem
Medicus Galeno etiam familiaris id à qualitate mate-
riæ ipsius Cancri, non autem à peculiari eius naturæ
proprietate prouenire testatur, cuius opinionem
nemo ferè secutus est. Sed Dioscorides intellexit
de fluuialibus Cancris, quos cum uite alba concre-
matos admista gentiana, rabie affectis prosperè sem-
per exhibuit.

De Ostreis & alijs testaceis

Cap. XLI.

E Testaceorum genere Romæ in pretio haben-
tur Ostrea, Pectunculi, & Tellinæ. Ostrea
mittit Corsica, sed raro & sepe olida, quoniam ad-
uersis tempestatibus impedita nauigatione, uel pre-
donibus Mauris intercluso mari, non facile ad Vrbē
perueniunt. Ea uero quæ à Pisauri litore paucis ante
annis afferebantur, extincta ueluti earum progenie
penitus abierunt. Ostrea, quum Romana res magni-
tudinis atq; luxuriæ fastigium teneret, à Brundusio
in Lucrinum lacum transportabantur, que ueluti ea
peregrinatione gaudētes, adoptataeq; dulcibus aquis
mirificè pinguecebant. Fuereq; Ostrea adeò in ho-
nore ipsis gule proceribus, ut in remotissimas à mari
regiones

regiones ligneis lacubus apportarentur. Refert Atheneus Apitium nobilem parasitum, qui Superioris nomine appellari promeruit, uasis summa industria fabricatis ad Traianum in mediterraneis Mesopotamiae contra Parthos bellum gerentē recentissima Ostrea detulisse. Ea maximē probātur, quæ magnarū nauium carinis adhærent, & ab urinatoribus de manu colliguntur. In uniuersum Ostrea, ut ait Galenus salsum humorem aggenerant, & præsertim si crudæ comedantur, propterea tentiginem in salacib⁹ plurimū adaugent: aluum quoq; ea mouere Plinius Med. asserit, qui et eorum testas ambustas dissentericis prodesse, frixam uero eorum carnem à ueneno comedit leporis marini liberare testatur. Plini⁹ autem Naturæ lis historiæ scriptoris autoritate, stomachū reficiunt fastidijs medentur, molliunt leniter aluum, tenasco-nicos iuuant, & Veneris pruritum salsugine sua uehementer incitat, coctaq; in testis distillationibus prōsunt. Affinem Ostreis Pectines siue Pectunculi, quos hodie Conchulas dicimus, naturam atq; saporem habent. Sunt striatæ et subrubra carne, & in Tarentino sinu laudatissimæ, & grandiores quæ auriti Pectines Latime appellantur. unde Horatius dixit: Pectinibus patulis iactat se molle Tarentum. Sequuntur paruae illæ Conchulae à ueteribus Latimis Mytili, à Romanis autem hodie Græco nomine Tellinæ nuncupatae, quæ belliorum locum obtinent, sunt enim gratæ gustui, uerù arenulis scatent, & propterea calculofis officiunt. Cinerem earū casum pilorum in palpebris

prohibere Oribaius affirmat. Sunt et alia Concha-
rum genera prope infinita, ut Purpuræ, Buccinæ, Ais-
res, Digitæ, Vngues, Patellæ, Cochlearæ, quæ consultò
præterimus, quoniā suburbano in mari rarissimè ca-
piantur. Est et Echinus non ingratus principum
mensis spinoso castaneæ tegumento assimilatus, cuius
generis est Echinometra multo maior, in alto tantum
mari progenitus, quem Aristoteles urinæ distillationi
bus efficacissimè mederi testatus est. Venit et inter mē-
sarum delicias Vertibula siue Vrtica, callus quidam
ad magnitudinem iuglandis, cuius durities, ut ait Ari-
stoteles, media est inter testam et corium, colore sub
pallido et rubenti: ea frequenter in Pyrgorum lito-
re ad Centumcellas reperitur, quam sicuti palato iu-
cundissimam, ita et stomachis minimè in salubrem
esse coniçimus.

De Salsamentis Cap. XLII.

Superest ut de Salsamētis pauca attingamus, quæ
adeò in honore apud Græcos fuerunt, ut Athe-
nienses Chereptrili, qui Salsamenta ueneditabat, filios
in gratiam patris ciuitate donarint. Romani quoque
huic rei plurimum studuerunt, ut ex Plinio licet con-
iectari. Garū ante alia in pretio fuit liquamē ex sali-
torū Scombrorum muria confectū, quod in uarios cu-
line usus ueniebat; conficiebatur optimum in Africā
quod sociorum quoq; appellatum est, sed id hodie pe-
nitus exoleuit. Maxima nunc gratia est Cephalorum
ouis, quæ genunis folliculis circumcisâ parte suminis
recen-

recentibus Cephalis eximuntur, quæ Græco nomine
paſſim Oa Taricha, id est, ſalita nuncupantur. Secundum
dum Oa Taricha eminet Cauarium quod ex Sturio-
nū ouis in Ponto conficitur, ita ut ſalita in maſſam in
gentē cogantur, & cadiſ includantur, cruda ea come-
diñus, uel in panis crufulis ad prunas iſtulatis: mod̄o
eo enim igne Salsamenta in uniuersum indigent, a iſo
thoritate Athenæi, qui, quū de celeriter factis loqui-
mur, in prouerbium ceſſe ait, Citius quam Salsamē
ta coquātur, ſicuti de Asparagis Latini uſurparunt.
Cauaria Iulio secundo Pont. Max. mirifice placue-
runt, quod deiectum ei ciboruſ gustum ſepiuſ alleuaſ-
ſent, et ſiti, uiniſq; pariter, ut in ſenibus accidit, mira-
lenocinari uiderentur. Sunt etiam in ſumma cōmen-
datione ex iſpis Sturionū pulpis Spinalia, ſic uulgō
nuncupata, quæ laricinis lignis affimilantur. Laudat
& Moronē, ignoti nobis pifcis prædura frusta, ual-
deq; rubētia, quæ Meotidis paludis accolæ mercimo-
niū cauſſa transmittunt. Ea prius exedi commode non
poſſunt, niſi aquæ calidæ perfuſione moliantur. Sar-
dæ, quæ Plinio, Theodoroq; ſunt Trichiæ, itemq; quæ
uocantur uulgō Aleces aliquanto Sardis miuores, in
magno iuſu alendis familijs exiſtunt. Sunt iij digitales
pifciculi, qui longè optimi in Liguria ſaliuntur: eas ali-
qui Apuas eſſe uoluerunt, quæ authoritate omniū fe-
rē antiquorū ex limo fiunt, & in magna copia apud
Pyreum Athenarum portum capiuntur. Ex Cim-
bricis quoque litoribus Aringhæ, pedales pifces, in
cratibus, ſale ac ſumo inueterati, nobis afferuntur,

quibus Hermolaus cū eas citaret propriū nomen nō
indidit, utpote qui Alecis uocabulum ab illis gentibus
usurpatum non probabat. Adducuntur quoq; ex fini
bus Gothiæ atq; Noruegiæ cubitales Merlucciæ, adeò
duræ & extentæ, ut fustibus assimilentur, quas in de-
litijs Germanorū, qui Vrbem incolunt, esse uidemus.
Sed Thynnus præcipue fora omnia & tabernæ salsa-
mentariorū replentur, de quibus late in proprio ca-
pite differuimus. Salmones etiā Gallia Belgica quot-
annis mittit, sed in plebis usum, quum saliti pristinam
nobilitatem amittant. Cæterū ex salitis palmā, om-
nium confessione ætate nostra obtinet Carpiones ex
Benaco lacu, qui subfrixi modicè saliuntur. Referunt
ij Troctarū saporē, atq; ipsam corporis speciem: nā
& pulpæ eorum rufescunt, & argentea tergora ua-
rijs punctis depinguntur. Sed que in Troctis nigra
sunt, in Carpionibus rubra cōspicimus, ita ut is pīscis
qui Ausonio Salar uocatus est, proculdnbio esse ui-
deatur, quū in Mosella dicit: Purpureisq; Salar stella-
tus tergora guttis. Nullibi quām in Benaco ex omni
Italia Carpiones gignuntur: propterea faciūm esse
crediderim, ut antiqui qui de pīscibus scripserunt, ue-
luti de ignoto pīsce potius quām de ignobili nullā fe-
cerint mentionē. Porrò omnis generis salamēta san-
guinem inflāmant, bilem augent, & strangurijs ob-
sunt: his uerò qui multa insulsa pituita repletū habēt
stomachū, siccando, detrahendoq; auxiliantur: immo-
deratè uerò his utentes, uel etiā senes ipsos uehemen-
ter ad Venerē incitare, pleriq; anthones tradiderūt.

FINIS.

INDEX AVT POTIVS

NOMENCLATURA PI-

scium qui in hoc opere con-
timentur.

A

- Acanthiæ 148
 Acones pisces in Verba
 no & Lario 134
 Accipenser pisces rega-
 lis 80. 157
 Acus pisces 153
 Adrianus Pontifex hebe-
 tis ingenij & gustus 81
 Aelianus Prænestinus fu-
 it 162
 Aeliani opinio de Tro-
 cta 163
 Aethiops egregius vri-
 nator voratur 87
 Alberti Magni error de
 Congro 150
 Amiæ natura 117
 Amiternini Grammati-
 ci error 93
 Amygdalæ Apulæ 169
 Anguillæ vnde dictæ &
 vnde nascantur 153
 ingétes & optimæ 154
 in mari reperiūtur 153
 quibus noceant 154
 Apia poma Romana 170
 Apitiij cognomen & fa-
 ctum 177
 gula & historia 111
 Apri Thusci 170

- Apuia Veneri sacer pi-
 scis 140
 Aquas dulces mari non
 deesse 153
 Araneus pisces 91
 Archestratigula 118
 Arietes Pistorienses 170
 Aringhæ 179
 Aristotelis de Lupo sen-
 tentia 94
 Asellus 139
 Aselli pictura 139
 Asteria 156
 Attilus Ferrariæ Adelus
 99
 in pado mille libra-
 rum 98
 Attilum Sturionē puta-
 uit Philephus 98
 Aues nouæ 80
 Aurata honoratus pi-
 scis 124
 Auratæ ubi optimæ 124
 & quando 125
- B
- Banchi 139
 Bocapiscis Mercurio se-
 cer 140
 Boce fœcūdissimæ 140
 Bos bellua marina ho-
 minum vorator calli

I N D E X.

dus, homicida	87.88	ex Sturionum ouis
Boues Insubres	170	confici
Botetrisæ	141	100
Brentæ amnis Sturiones		apud Tanam vendi
non fert	95	105
Burbarus ducentaruni		Chalcis
librar. in Lario	170	147
Burbari Mantuani	170	Citharus
		132
		Apollini sacer
		140
		Cittulus Libero sacer
		140. 148
		Citula siue Zaphirum
		147
Cæsarū gulæ petulan-		Citulæ pietas
tia	82	148
Callariæ	139	Clupeæ quando Tybe-
Cammarus apud nos	74	rim subeant.
Canicula homini infe-		83
sta	88	Columbæ Interamnen-
Capidoliū maximus pi-		fes
scis captus in Graui-		170
scis & in Arni ostijs	84	Conger 149. a quibus
Capidolium & Orca Pli-		magnis
nio idem	85	150
Capidolij magnitudo	84	Congri magnitudo
Capo de Mularum ge-		150
nere	132	Congri ad quid valeant
Caponis varia nominali	13	175. 176
pictura	1301	Coracini carnes
Caponiū duo genera	130	120
Carpiones Benaciani	180	Coracini lapilli virt.
Carpenarum lingua	171	121
Carabus siue Leo, siue		Cordylla
Cammarus	174	114
Carcharia	104	Coruus ubi inueniat
Cardinalis aliquis ducē-		120
ta millia aureorum		Coruū Coracinū esse
in ventrē condidit	167	119
Cardinalium luxus	155	Cothonæ
Cartilaginea	145	141
Castaneæ Clauennæ	170	Crassi dictum falsissimū
Cauiarium salsa men-		in Domitium
tum	179	151
		Culinæ
		141
		D
Denticis nomina		126
		E
Echinus	178	(178)
Echinometra cui profit		
Eupylus lacus		144
Erythrinij		128
		F
Falconij Etruisci ganeo-		
nisars		145

Florentini nobilis insul		Neptuno peti	81
sè dictum	165	Ioctij	141
Fragolinisue Pagri	127	Iouij modestia	104
quando optimi	128	Iudæi medici ad febrim	
Fragolinorum corda	128	remediū ex Tinca	167
nomina	127	Iudæos marinis porcis	
		vesci	103
G		Juglades Tarentinæ	179
Galaxias qui	156	Iuuencæ Romanæ	170
Galenus Romanæ luxu-		L	
riæ castigator	136	Labrax piscis idem & Lu-	
Galeni de Lupo senten-		pus	90
tiæ	94	Laccia quo nomine a-	
Galeum	155	pud antiquos	133
Galeorum genera	156	Lacciæ varia nomina &	
Galeotes	104	pictura	133
Gallaria	156	vbi inueniantur	133
Gallinæ Patauinæ	170	Lacciarum captura	133
Garum	178	Lamia	104
Glaucus	139	Lampetra & eius figura	
Gobius 140. qui malus &		& vnde dicta	155
qui bonus	141	Lampetram antiquitus	
Granceuolæ	175	Mustelam	157
H		centum aureis Romæ	
Hœdi Vmbri	170	venditam	155 (157)
Heliogabali prodigali-		Murænæ appellatæ	156.
tas	152	Lampetrae vbi reperian-	
Hermolaus Barbarus stu-		tur	155-157
diorū gloria insignis	102	quādo suauissime	159
Hermolai error de Stu-		quomodo paradæ	160
rione	102	Larium lacum maximos	
perplexitas	103. 104	gignere pisces	170
Hieronymi Vidæ acutæ		Lechia antiquitus ut di-	
dictūde Clupea	135	cta	116. 117
Historia de Boue mari-		vbi optima	118
no & Ethiope	87	Lechiæ pictura	116
Hyccapiscis	102	caput optimum	118
I		Lechiæ Amiam esse	118
Icesius coquus	123	Limariæ	114
Instrumenta artium etiâ			

I N D E X

L ocusta	174	M	
L oligo	172	Malo granata Campa	-
L ogolius Torsionē Stu		na	170
rionem putauit	99	Menæ & Menulæ	142
L opida	117	Marianus cucullatus lur	
Lucullus cerasum in Cā		codeceptus	160
paniam portat	80	Melanurus Perçarū dux	
Lucius Ciminus , Trasy		142	
menuſ	168	Melopepones Fosſe Clo	
falubris	169	diæ	169
Britānus pinguis	168	Menis fluuius	106
nunquam mari inue-		Merulæ quæ & cocyges	
nitur	168	139	
Lucij descriptio	97	Merluccia plebeius pi-	
mádibula remedium		scis	81
ad calculos	169	Merluccix Germanorū	
Gallici optimi	169	delitiaæ	180
Lucium nunquam intra		Merluzum	139
re maria	98	Morus Parasitus nobi-	
Lucios non esse Lupos		lis	164
	97	Mugiles Græcè Cepha-	
L umbricum Lampetrā		li	122
fuisse, error	158	qui optimi	123
Lupacius piscis	91	Mugilum natura	123
Lupus piscis apud anti-		nomina	ibid,
quosquishodie 91. 121		Mulorū duo genera	132
Lupus Græcè labrax	122	Murus piscis	152
Lupus Romanus vbi		Muræna fluialis	152
optimus	91. 121. &	Muræna pictura & saga	
quando	122	citas	150
Lupi piscis varia nomi-		Vitalē spiritum vbi ha-	
na & carnes	91. 94	bēat	151
Lupum piscem alium à		Mureñę cur Romanis in	
Sturione	91	recio	150
Lupi Lanati	162	vbi optimæ & quomo-	
Luporum piscium duo		do capiantur	150
genera	122, 161	Mureñas mäſuescere	151
carnes optimę	122	humanas carnes vorare	151

	I	N	D	E	X.
Mus		134		Petrus Aponensis Con-	
Mustela		134		ciliator	126
	N			Philephi error de Stu-	
Nigricauda		143		rione	96. 97
	O			Philippi luxuriosum di-	
Oa Taricha salsamen-				ctum	162
tum		179		Phisiter, siue Flator pi-	
Oculata	142.	piscis cau-		scis	86
tissimus		143		Phycides	140
Ochialis		143		Phocenam in Ponto na-	
Oliuæ Picentes		170		sci	101
Orcæ & Balenæ conti-				viuiparam esse	100
nenter hostes		85		branchijs carere	101
Orcyni		114		Porcus marinus quot no-	
Orphus		131		minib. appelletur	103
Optatus Tyberij Cæsa-				Pigus piscis in Lario	83
ris libertus		80		Pisces peregrinari	80
Ostrea salsum humoré				Pisces multi cur defece-	
generant		177		rint	80
vnde Romanis in ho-				Pisces vitare retia & a-	
nore		176		stus	86
quibus prosint		178		Pisces qui Fricturæ no-	
	P			mine veniunt	137
Padus Sturione pisce				Pisces noui	80
clarissimus		95		Pisces aliæ ignobiles no-	
Pagrorum bonitas		127		bilitatē obtinuisse	80
Paguri siue Grancipori-				Piscium & auium simili-	
ri		175		tudo	146
Parmenius Rhodius de				Platinæ error in Culि-	
re coquinaria scripsit				narijs	133. 167
120				Plinius Valerianus me-	
Pastinaca		149		dicus	165
Pectines, siue Pectuncu-				Porcelettæ, parui Stu-	
li		177		riones	93
Pelamides & quibus pro-				Pogij parasiti error	91
sint		114. 116		Pogij de Lucio senten-	
Perca salubris	142.	144		tia	98
Perceci		144		Pompilus Neptuno sa-	
Persica Etrusca		169		cer	140

I N D E X.

nauigiorum comes	14	Salsamentorum prouerbium	179	(151)
Pomponij Læti de Lac-		Sanga Romanus poeta		
cia error	133	Sapphirus piscis	125	
Polypus piscium soler-		Sardæ salsamentum	179	
tissimus	171	Sargus quomodo con-		
Polypi mirabile facinus		diatur	130	
172		vbi & quando optimus,		
Polypum Veneri con-		& quando pariat	129. 130	
ferre	172	Sargos caprarum ama-		
Pstta	145	tores	129	
Pyra Mustea	170	Saurus à Galeno laudatus	138	
R		Scarus piscis nobilis in		
Raia	149	Græcia	80. 125	
Raiarum fel auribus pro-		Scarmus	139	
desie	149	Schinalia ex Sturioni-		
Rapa Nursina	170	bus confici	105	
Rainæ & Carpenæ	171	Sciæna, siue Vimbrinæ		
Regillus lacus	167	Scombrus siue Lacer-		
Rhombus vnde dictus &		tus	138	
aquatilis phasianus	145	Scorpaena 141. venenato		
Rhombi captura & na-		aculeo	142	
tura	146	Scylla	104	
salubritas	146	Serpentes cum Murænis		
Romani lurcones	82	coire	152	
Rota cetarij genus	85	Silurus vbi maximè in-		
S		ueniatur	105	
Sepia 172. quid confe-		Siluri felad quid valeat		
rat	173	110		
Sepiæ & Loliginis diffe-		Solea, siue Ligulaca vel		
rentia	173	Bugloflus	146	
Salmones saliti	180	Soleæ captura, magnitu-		
Salpa astutus piscis	129	do & bonitas	147	
semper malus	129	Spartiuentum promon-		
Salpæ cognomen	128	torium	114	
Salsamenta omnia quid		Spigola & Lupus idem		
prosint & obsint	180	92. 94		
apud Athenienses in		Spigo-		
honore	178			
apud Romanos	178			

I N D	E X.
Spigola apud Romanos 91.162	folis retib. capi & cuę non hamo capiantur 96
hami impatiens 95.96	
Spinalia falsamenta 179	Syllanum rus 168
Squatina 149	Synodum Déticem esse vbi optimus 126
Squatraiae 149	T
Squillæ siue Carides 175	Tarentellum 113
Stella 117	Theodori Gaze errorde
Strincij 141	Sturione 100
Sturio, marinus piscis 88	Tellinæ 177
cur amnes subeat 88	Testaceum genus 176
quando gratissimus 91	Testaceorū nomina 178
sapidissimus & ma- gnus 88	Tiberij Cæsaris factum de Locusta 174
quando optimus 110	Thynni quando dicantur 114
pisces non vorat 108	quando dānentur 115
dentibus caret & cur 89.102	simplicissimi 113
vbi maximè capiat 88	Thynnorum que pars stomachis inimica 115
Sturionis nomen apud antiquos 89	iecinoris mira proprie- tas 116
natura & vitia 109	coctio 116
descriptio 89.106	pars melior 113
Sturionem antiquis Si- lurum fuisse 104. con- iecturæ 109	multitudo vbi maxi- ma & vnde 113
Porcelettam esse 102	Thynnos œstrum pati 114
ouiparam esse 100	augeri iuxta Plinium 114
ab Attilo differre 99	biennio vitā finire 114
non esse Spigolam 92. 93	porco s'dici præ pin- guedine 103.115
Sulium Hispanis dici 107	Timauus amnis Varollis & Troctis abundās 95
Sturiones vnde dicti & qua conjectura 108	T. Tamisi gula prostitu- ta, & histor. ridicula 111
in Canarijs insulis 107	Tinca Placen. orator 166
in Danubio max. 106	

I	N	D	E	X.
Tinea	nomen	nouiti-	petu	163
um	166	Tubera ex Vmbria	170	
plebeius	piscis	166	Turdi pisces	139
Trasymena	165	Turtur	149	
Bacana	166		V	
Fuciniana	166	Varollus	piscis	91
Tinca, Florentini cuius-	dam cognomen	166	Vedij Pollionis crude-	
Tomus Thurianus	104	litas	151	
Torpedo curita	dicta &		Velinus lacus	163
eius varia nomina	148		Vertibulum siue Vrtica	
Torsio maleficus	102		178	
Torsiones vbi inuenian-	tur		Vitulæ Surentinæ	170
Trachina	138		Vmbrinæ figura & vbi	
Trigla Græcè Latinè cur			capiatur	110
Mulus	135		Vmbrinarum capita Ro-	
apud Romanos pre-			mæ	110
ciosa	136		Volaterrani error de Ca-	
vorax	136.	cur gustui	pone	131. 132
grata	137		Volaterrani error de stu-	
cur Dianæ dicata	136.		rione	90
140			Vuæ Vesuvianæ	169
Triglæ coctio	137		X	
Trigō letalis qui & Bruc-			Xiphia	104
cus	149		Xiphij vbi capiantur	114
Trocta quid Romanis			qui & spathæ	113
antiquitus	161		Xiphios bonitate & pre-	
Trocta Larianæ cētum			ocio Siluris æquales	115
librarum pondo	163.		quando damnétur	115
165			dociles, in immensum	
Troctas aduerso amne			augeri	115
subire incredibili im-			Z	
			Zephyrium promonto-	
			rium	114

R I N I S.

E R R A T A I N L I B E L L O
de Piscibus.

**mírarentur 80. 1.
íntendentibus. 86. 14.
vídeamus 100. 1.
exiles 138. 18.**

BASILEAE
PER HENRICVM PETRI
ET PETRVM PERNAM
M. D. LXI.



UNED

